

2
IO. DIETERICI WINCKLERI
S. THEOLOG. DOCT. ECCLES. HILDES-
SVPERINT. CONSIST. ASSESS.
PRIM. ET GYMN. EPHORI


**HYPOMNEMATA
PHILOLOGICA
ET CRITICA**

IN DIVERSA
SCRIPTURAE SACRAE
TAM VETERIS QVAM NOVI
TESTAMENTI
LOCA.

ACCEDIT
MANTISSA GEMINA
SIMILIS ARGVMENTI
DISSERTATIONES
EXHIBENS.

HAMBVRGI
SVMTIBVS CHRISTIANI-WILH. BRANDT.
MDCCXLV.





BIGAE THEOLOGORVM

DE
ORBE ERVDITO ECCLESIAQVE LVTHE-
RANA IN GENERE PARITER AC SAXO-
NICA IN SPECIE MERITISSIMORVM

VIRIS

*SVMME VENERANDIS AMPLISSIMIS
EXCELLENTISSIMISQVE*

DOMINO

CAROLO GOTTLOB
HOFMANNO

SACRARVM LITERARVM DOCTORI
EARVNDEMQUE IN ACAD. WITTEB. PROF.
PVBL. ORDIN. CONSIST. SACRI ASSESSORI
AD D. MARIAE PAST. ET TOTIVS CIRCVLI
ELECTORALIS SVPERINTENDENTI
GENERALI GRAVISSIMO

VT ET

DOMINO

ROMANO TELLERO

SANCTAE THEOLOGIAE DOCTORI
EIVSDEMQUE IN ACADEMIA LIPSIENSI
PROFESSORI PVBLICO ORDINARIO ET
AD D. PETRI PASTORI
FACVNDISSIMO

FAVTOIBVS ET AMICIS

NVLLO NON HONORIS CVLTV
PROSEQVENDIS


OPVSCVLVM HOC
STVDIVM SVVM GRATVMQVE
ANIMVM

PRO FAVORE ET BENEVOLENTIA
COPIOSE SIBI IAM PER MVLTOS ANNOS PROBATA
TESTATVRVS

OFFERT
PROSPEROS CONATVVM GRAVISSIMORVM
VTRIVSQVE ACADEMIAE FLORI
ET ECCLESIAE BONO DICATORVM
SVCCESSVS

SALVTIS TVTAM INTEGRAMQVE
CONSERVATIONEM
VT ET FAVSTA QVAEVIS RELIQUA
EX ANIMO PRECATVS

IO. DIETERICVS WINCKLERVS.



Lectori Candido

S.



Iſto tandem Tibi, be-
 neuole Lector, *hy-*
pomnemata mea *phi-*
lologica et critica in diuerſa Scri-
pturae ſacrae utriusque foederis
loca, quae quo minus in conſpe-
 ctum Tuum citius prodierint,
 varia ſe impedimenta obtulerunt.

Et diutius forte eorum euulgationem retardasset muneris, quam elapso anno obtingere mihi voluit diuina prouidentia, mutatio, nisi ante, quam ista mihi innotesceret, cum viro honestissimo, qui excudendi operis in se suscepit sumtus, de illis prelo subiiciendis conuenissem. Quantum ergo mihi pro praesentis muneris ratione licuit, vacuas ab ordinariis eius negotiis horas dicaui reuidendis hisce meletematibus, vltimam, vti loqui amant, limam sibi postulantibus.

Verfantur illa circa varia sacri
codicis loca, ex philologia sacra
acque

aeque ac profana illustranda. Quo quidem negotio quam feliciter fuerim defunctus, Tuum esto, Lector humanissime, iudicium. Non prorsus tamen displicitura Tibi fore, videntur aliquatenus spondere beneuola variorum virorum doctissimorum, circa edenda ista tam publice * quam priuatim me monentium, iudicia ac desideria. Nec ipsae minus polliceri sibi amicam diiudicationem poterunt res in illis pertractatae. Cum enim diuina quaedam eloquia eorundemque

)(4

fen-

* Vid. *fortgesetzte Sammlung von alten und neuen theologischen Sachen*, anno MDCCXLI. pag. 627. et *Dänischer Correspondent*, anno MDCCXLIII. num. LX.

sensum genuinum vel explicare vberius vel cordate vindicare studuerim, scopum huncce ante oculos sic habui, vt alienum a me esse omne id voluerim, quod vel in illorum auctoritatem diuinam iniurium, vel in aliorum interpretum labores iniquum saluari posset. Nimia tamen exegetarum nonnullorum temeritas quando detegenda atque refutanda fuit, nec filii timidus, nec immoderatum immodestumque censorem egi; illius probe memor, quod inquirere in aliorum sententias cuilibet quidem liberum sit in re publica literaria, at debita aliis ipsorumque meritis ceteris haud negligenda obseruantia humanitas-

tasque. Veterum autem recentiorumque eruditorum simul coniunxi et in subsidium vocavi curas, laudabili ab illis conatu facrae hermeneuticae dicatas, gratus, vbi aequitatis id leges postulabant, concelebrans eorum laudes. Quas posteriores inter inprimis numerandum praestantissimum immortalis illius Hamburgensium theologi ac philologi, cito nimis decedentis omnibusque inde bonis desideratissimi, IOANNIS CHRISTOPHORI WOLFFII, notum fatis *curarum philologicarum et criticarum* opus, auro certe carius. Cuius licet viri summi, prius, quam supplementa illius dare ipse in publicum potuerit

rit, rebus mortalibus erepti, memoriam non, nisi lugens, recolat eruditus orbis: habet tamen, de quo laetetur, idem, addendi posteriores huic operi (quod commune non praeter rationem dixeris exegetarum oraculum) curas, negotium omnium ex voto dum in se suscepit celebratissimus Viri beati Frater, per propria iam in literas elegantiores graecasque praecipue et naturalem philosophiam merita satis clarus, meus in Hamburgensi quondam munere Collega coniunctissimus, IOANNES CHRISTIANVS WOLFIVS; cui ut ad feliciter absoluendum opus id exoptatissimum, aliaque pariter luci

ci publicae exponenda Fratris summi *κειμελιαι*, (epistolas inprimis diui L V T H E R I noua selectissimarum animaduersionum luce collustratas, commerciumque eius literarium, varios variaae eruditionis thesauros recludens) valetudinem satis firmam viresque sufficientes clementer largiatur summum Numen, ex animo voueo.

Duplex, quae opusculi huius latus claudit, mantissa geminas exhibet dissertationes meas, in academiis olim publice ventilatas. Prior, *de Luca euangelista medico* agens, in academia Lipsiensi anno huius seculi XXXVI. habi-

habita a me fuit. Eam, cum inciperet desiderari, variique hinc inde a me ipsam efflagitarent, recudi aliquot accessionibus auctiorem hic eo facilius passus sum, quoniam cum opere ipso eiusdem est argumenti. Posterior, *de philosophiae Platonico-Pythagorae fraudibus seu placitis erroneis, a Paulo atque Petro improbatis ac vitari iussis*, inscripta, et in academia vicinia Rintelensi superiori anno pro obtinendis summis in theologia honoribus, suadente id praesentis mei muneris conditione, eruditorum disquisitioni publice exposita, locum sibi eo magis ad calcem libri vindicat, cum in
illa

illa pertractatum argumentum hypomnematibus his destinatum ante a me iam fuerit. Appendicis vero loco illis iungere eam eo minus dubitavi, quod tum Rintelii tum aliis in locis illam pariter desiderari perceperim, sufficientem licet tunc excudi exemplorum numerum curauerim.

Vnum reliquum est, de quo praeceteris monendus es, Lector beneuole, momentum. Quod enim ad externam attinet opellae huius faciem; quin probatura Tibi sese illa sit, dubitare me non finit chartae typorumque nitor, talis fane, qualis Lectori cuilibet non potest non pla-

placere. Doleo autem quam maxime, obuia legenti se offerre tot errata typographica, quae, dum Hamburgi prelo opus exercuit, absente me omnino tolli aut vitari vix potuisse videntur. Solet namque libros, quibus a mendis typographicis purgandis adesse ipsi auctores nequeunt, manere triste illud fatum, ut numquam ferme sint ab illis liberi, sensusque ipse haud raro reddatur iis siue falsus, siue difficilis. Et licet meis his hypomnematibus fortunae id contigerit, ut corrigendi plagulas sub prelo sudantes negotium in se suscepit iuuenis quidam ornatissimus,
Gym-

Gymnafii Hamburgensis ciuis nobiliffimus, meusque olim auditor dilectiffimus: factum tamen eft, vt varia oculos eius effugerint, quae corrigenda utique fuiffent; a me proinde quoad maximam partem fingulari indice fub finem libri indicata. Prouti autem iuueni huic praefantiffimo pro non denegato auxilio fuo gratias decentes ago habeoque, ita a Lectoris humanitate, quod vitio nec mihi neque ipfi fit verfurus id, certo promitto mihi certius; fperans, fore, vt ad erratorum indicem haud grauatim is recurrat, ficubi offendiculo fit hinc inde ipfi vitiofa lectio futura. Vale, amice,
Le-

Lector, et praeter mea haec me-
letemata aliorum pariter docto-
rum virorum cogitata, ex ma-
nuscriptis, quas possideo, sche-
dis data occasione Tecum com-
municata, serena fronte excipe.
Dabam Hildesiae, mense Mar-
tio, anno reparatae salutis
MDCCXLV.





I.

GENES. IV. I.

Circa nomen Caini eiusdemque derivationem nota est absfona IO. PETRI ERICI, Profefloris quondam Pataui-
ni, fententia, qui, vti in genere, ita et in deriuando hocce nomine ineptas prorfus hypothefes defendere non dubitauit. Edidit is Patavii anno fuperioris feculi LXXXVI. in forma octuplicata, *renatum e myfterio principium philologicum*, quo vocum, fignorum et punctorum, tum et literarum maxime ac numerorum originem, nec non nouum variarum rerum fpecimen etymologicum, vti ipfe in titulo profitetur, propalare conatus eft, prodromum autem hoc opus efle voluit alius maioris *de omnium vocabulorum Europaeorum originibus* a fe euulgandi operis. Iudicarunt ftatim, cum ad eorum oculos perueniret iftud, eruditi, grammaticas quidem regulas figurasque ad vnguem tenuiffe, fed haud feliciter fatis applicaffe, et in linguarum populorumque hiftoria verfatum parum fuiiffe auctorem. Summa libri legitur
(Winckleri Hypomn.) A excerpta

excerpta in *actis eruditorum latinis anni MDCLXXXVI. pag. 327. seqq.* Vix vero ullum expertus est somniis suis fauentem ERICVS, praeter doctissimum alias et orientalis literaturae peritum satis, at ad fouenda paradoxa ferme natum Helmstadiensem philologum, HERMANNVM VON DER HARDT, qui in *historia sua regni Babylonici per Cyrum euerfi*, Helmstadii anno MDCCXXVI. in forma octopartita plagulis paucioribus, vt solent eius schedia, euulgata, *pag. 11. seqq.* graecum pariter sermonem pro idiomate primi hominis venditare et ex illo hebraicum deriuare voluit, pro eo vero, ac merebatur, refutatus fuit a celeberrimo academiae Halensis theologo, CHRISTIANO BENEDICTO MICHAELIS, tum in *dissertatione de origine linguae hebraeae non graeca*, Halae anno MDCCXXVII. habita, tum in *commentatione apologetica, qua origo linguae hebraeae ex graeca conuellitur, et γυναικὸς pentateuchi, nominatim Geneseos, vindicatur*, eodem anno ibidem in 8. edita. Vberior de hac controuersia et scriptis, circa illam euulgatis, notitia habetur in *der fortgesetzten Sammlung*, anno MDCCXXVIII. *pag. 450. seqq.* Ad ERICI circa Caini nomen quod attinet absurdam deriuationem, illud *pag. 107.* ab *ακεαυος*, quod leguminis genus est, deducit, rationemque addit, quoniam primitias frugum Cainus obtulerit. Quis vero non videt,
nomen

nomen hoc non tunc, cum sacrificaret, accepisse Cainum, sed impositum illi in ipsa stativitate fuisse, quemadmodum nostro loco disertis verbis docetur ratioque denominationis aperte additur? Quae igitur est temeritas, vocem, cuius origo hebraea in scriptura sacra traditur, ex graeca lingua derivare longiusque repetere velle! Sed satis hoc ipso, quod tuli supra, iudicium confirmatur. Confirmatur et aliis, quas nec raras, neque saniores attulit, *Ψευδοερμηνείαις*. Eandem enim mereri eum notam, quilibet sane sanus profitebitur, quando v. g. pag. 104. Mosen dici putat *απο του μοσχου*, a vitulo, quasi, ob tubercula, in fronte eius nascentium vitulis cornuum instar prominentia, dictus ita fuerit, hincque occasionem vitulum, absente Mose, erigendi Aaron captauerit; cum nomen istud ab educatione ex aquis manifeste deriuent sacrae pandectae, idque hebraeum esse, dudum euicerint 10. DRVSIVS *ad voces noui testamenti*, pag. 120. SALGLASSIVS in *philologia sacra*, lib. IV. tract. III. p. m. 1295. SAM. BOCHARTVS in *phaleg*, lib. I. cap. XV. AVG. PFEIFFERVS in *dubiis vexatis*, centur. I. loc. LXXXIII. pag. 213. seq. aliique. Vt taceam, PETRVM DAN. HVETIVM ex opposito contendere, dictionem graecam *μοσχος* a Mosis nomine esse desumptam, in *demonstratione euangelica*, propof. IV. cap. III. p. m. 83. b. Neque est,

quod *pag.* 105. excipiat ERICVS; vnam vocem multis obnoxiam esse deductionibus. Non enim de pluralitate, sed de veritate originis radicisque quaeritur. Et quis foret, si cuilibet pro lubitu formare vocum deductiones liceret, ineptiarum finis? Quas etiam prodit ERICVS, dum ibidem Mexicani idoli *Vizli Puzli* nomen ex latino *vituli patuli* corruptum putat, quasi vero Americam etiam suae subiecerint potestati Romani, aut cum latina congruat Americanorum lingua, nec potius, uti communi consensu fatentur eruditi, ab omnibus cogniti olim orbis linguis sit iudicanda diuersissima. Neque firmo fundamento nititur truncandi ac mutandi graecas voces artificium, quod in derivandis vocabulis latinis tantopere ERICO placet; v. g. *pag.* 116. *tabes* a καταφθιω, *tabula* a καταβολη, *pag.* 122. *titulus* ab αντιτολη, *pag.* 129. *pelagus* ab απηλεγης etc. Nimis enim longe petitae sunt dicendae eiusmodi originationes, periculumque subest, ne, concessa tali voces in initio, medio et fine truncandi libertate, quodlibet ex quolibet deducatur, modo levis quaedam allusio et quarundam literarum conuenientia appareat. Multo sane prudentius agere illos, docuerunt eruditi, qui linguas Europaeas ex communi linguae Iapheticae, siue Scythicae, principio deducunt, veramque sequuntur literarum et significationis analogiam.

giam. Cui quidem sententiae ponderis multum accedit ex ipsa Graecorum confessione, cum primis PLATONIS, qui in *Cratylō*, Graecos a barbaris multa accepisse vocabula, fatetur, nec rationem impositionis in graeca quaerendam esse lingua statuit. Quales autem hi barbari sint, vel ex ipsis a PLATONE allegatis vocabulis liquet, quorum praecipuum *πυρ* est, quo Phryges etiam uti obseruat; qui cum non minus, ac Germani, Iapheticæ, siue Scythicæ, fuerint originis, facile, nomen *Fyr* siue *Feuer* in animo Platonem habuisse, colligitur. Plura hanc in rem ex Graecis philosophis testimonia adduxit CLEMENS Alexandrinus *lib. I. Stromatum*, addiditque vnus e septem Graeciae philosophis, ANACHARSIDIS, effatum: *εἰ δὲ τις τὴν φωνὴν διαβάλλει τὴν βαρβαρὸν, ἐμοὶ δὲ, φησὶν ὁ Ἀναχάρσις, πάντες Ἕλληνες σκυδιζοῦσι.*

Apparet ergo satis ex iis, quae commemoravi, quid de nimia illa iudicandum sit audacia ERICI, tantam linguae graecae auctoritatem tribuentis, quantam ne ipsi quidem Graeci sapientes isti adscripserunt. Et risum temperare vix poterit, qui hariolationes illas paulo saltem perlustrauerit, quae in ipsius *humanae linguae genesi, part. I. tom. I.* qui Venetiis anno MDCXCVII. in forma quadripartita lucem adspexit, deprehenduntur obviae. Sonos v. g. ab Adamo, Eva eorumque liberis emissos non aliter, ac

si praesens ipse fuisset omniaque oculis et auribus percepisset, describit. Primum Adami admirabundi reliquaque animalia conuocantis sonum facit Ω; minime, quod cum perfecta loquela creatus is fuerit statimque cunctis animalibus nomina imposuerit, animaduertens. Euam porro, ex costa sua formatam, odore primum percepisse Adamum, et cum illo apud ARISTOPHANEM carnes suillas olfaciente u u exclamasse, ridicule fingit. Quae foret, quaeso, haec si vera esset ERICI narratio, accusanda diui Mosis negligentia, omnia ista nos celantis mysteria? At vero maiori, imo optimo, iure ERICVM negligentiae arguimus turpissimae, qui Adami, Euam primum conspicientis, verba a Mose consignata tradere obliuioni non erubuit; ex quibus facile, non naso, sed oculis primum Euam percepisse Adamum, cognoscere potuisset. De vestitu primi hominis haud saniora profert, et germanicum *Veste*, *Vestung* a latino *vestis* deducit, eodem sensu, quo Graeci ματια πολεως vocant muros et moenia, unde Heimat apud Germanos adhuc hodie cuiusuis appellatur natale solum. Nulla in his vocibus significationis reperitur analogia. Annon melius longe est, ex primitiuo adiectiuo *fest* sed *vest* deducere substantiuum *Feste* et *Festung*, et ab adiectiuo *heim* substantiuum *Heimath*? At pergit ERICVS et duplicem Adami prolem in medium

dium affert plorantem, quarum altera cum illo apud AESCHYLUM prae dolore exclamauerit *ε ε ε*, altera iunior *ι ι ι*, id quod protoplastis ansam dederit, primam personam ω, secundam υ, tertiam ε vel ι tunc temporis pronominaliter appellandi. Vocat quidem haec ERICVS postulata sua prima, quae ad DIODORI Siculi de origine linguarum commenta illustranda faciant; iis autem, qui ex sacris literis didicerunt, (quod ne ipse quidem ERICVS diffitetur) statim ab initio creationis sermones miscuisse Adamum atque Euam, mera videbuntur esse somnia. Quare merito narrans illa NIC. KOEPPEN in dissertatione *de confusione linguarum*, Gryphiswaldiae anno MDCCVII. ventilata, in verba haec erumpit pag. 3. *Ha! ha! he! spectatum admissi risum teneatis amici. Amplectatur haec, cui difficiles placent nugae. Ego sane non crediderim, Adamum et Euam per integrum fere annum nihil aliud, quam illud ω et υ ingeminasse; deinceps vero ploratu cum infantibus certasse, illudque ε ε ε ε crebro usurpasse, hoc minus crediderim, quam cum iis equitasse in arundine longa. Cum longo tempore protoplastos nullum aliud verbum protulisse putat, homines sociales magis mutos facit, quam pisces. Et in quam longum tempus Adamum animalium nomenclationem distulisse putat? Id vero plane tolerari nequit, quod differentiam infantilis soni τ ου*

et et τοῦ ἰ ἰ tanti facit, ut ad eam Psaltem respexisse putet verbis: ex ore paruulorum et lactantium fundasti, Deus, fortitudinem propter inimicos tuos. Psalm. VIII. 9. Quos quaeso inimicos infantes misero ploratu illud et et ἰ ἰ concinentes terruerunt aut propulsarunt? Quae e diuerso illo sono eximia ad Deum O. M. gloria redundat? Vana omnia et profana!

Piget reliqua persequi, cum praesertim eius circa nomen Caini adhibita *Ψευδεγμνεία* occasionem mihi obiter tangendi ceteras commemoratas suppeditauerit. Vnicum tamen subiungam adhuc ex cap. XVI. specimen, ex quo, quam infelix etymologus ERICVS sit dicendus, colligere aperte licet. *Renatus*, inquit, *scilicet Christianus ab Italis corrupte (ut fit in nominibus huiusmodi) dictus est RINALDO, ab Hispanis RENANDO, a Gallis RENARDO, vnde Germanorum REINHOLD et REINHARD, imo corruptius adhuc ARNOLD, ORLANDO et ROLAND.* Quot verba hic, tot ferme vitia occurrunt. *Renati* nomen est latinum, quod Galli *René* efferunt. REINHOLD nomen Germanicum, ex *rein* et *hold* compositum, idque Itali *Rinaldo*, Hispani *Renando* efferunt. Nec *Reinhardt* minus germanicum est, ex *rein* et *hart*, Gallis *Renard*. Ab his omnibus differunt reliqua tria, *Arnold*, *Orland* et *Roland*, quae germanicam pariter originem sapiunt. Videan-

deantur de posteriori hoc commemorato Ericiano opere *acta eruditorum latina*, anni *MDCXCVIII. pag. 30. seqq.* Nonnulla etiam contra prius monent GEORGIUS PASCHIVS in *inuentis nou- antiquis*, cap. II. §. XXXI. et AVGVSTINVS GRISCHOW in *introductione in philologiam generalem*, cap. III. §. XXXV. pag. 62. seq. Qui vero pro eo, ac debebant, hebraeam linguam matrem et antiquissimam linguarum omnium esse pronuntiarunt, indicantur a summe venerabili Saxonum theologo VALENTINO ERNESTO LOESCHERO *lib. I. de causis linguae hebraeae*, cap. II. §. VII. pag. 13. qui et ipse tum hoc, tum sequentibus capitibus de isto argumento pro more suo, id est, erudite agit, et pseudo-criticorum quorundam, aliis linguis antiquitatis huius laudem vindicare conantium, somnia refellit, inprimis vero cap. XV. vestigia prouidæ diuinæ circa hebraeam linguam curae vestigia tam pie quam solide exponit.

II.

1. REG. XIV. 24.

Varie interpretantur priora huius commatis verba interpretes. *Vulgata* hunc in modum vertit: *erant etiam effoeminati in terra; quem eundem sensum Tigurini quoque*

que illis tribuunt, vertentes: *erant etiam catamiti in terra*. PAGNINVS: *erant scorta mascula in terra*, qualis nempe et diuus Paulus indigitat Rom. I. 27. Nec abludunt IUNIVS et LVTHERVVS, quorum posterior vertit: *es waren auch Hurer im Lande*. Respexisse quoque ad scorta IONATHAN videtur reddens: נפקת ברה. Expendit hunc locum iam dudum beatus WOLFGANGVS FRANZIVS in tractatu *de interpretatione scripturarum sacrarum*, orac. L. et collatis aliis scripturae effatis, in quibus scortorum masculorum secundum plerorumque translationem mentio fit, illa inter recensita complura alia idola, a ludaeis tunc temporis culta, collocari ostendit, ideoque certi generis idola, at turpissima, vbi mentula suspensa honorata fuerit, intelligenda esse putat. Qualia quidem impura sacra gentilibus fuisse recepta, abunde satis auctorum veterum testimonia probant. Originem Aegyptiis eruditi tribuunt, et confirmari illud etiam ex DIODORO *Siculo* potest, qui Isidem Aegyptiorum reginam auctorem tam horrendi cultus nominat. Postquam enim *lib. I. bibliothecae historicae*, cap. XXI. XXII. XXIII. prolixius de Osiride, Aegyptiorum olim rege, egerat, eundem cap. XXI. narrat iuste regnantem in Aegypto a Typhone fratre, homine violento atque impio, trucidatum esse, qui, in XXVI. frustra dilaniato interfecti

cor-

corpore, singulis facinoris fociis vnum tribuerit, quo omnes ita piaculo neceretur sibi-que in regni defensione et custodia firmos haberet adiutores, Isidem vero, sororem et coniugem Osiridis, auxiliante filio Horo, vindictam caedis persecutam, supplicium de Typhone ipsiusque complicibus sumsisse et Aegypti regnum obtinuisse. Hoc feliciter consecuto, porro DIODORVS refert, quomodo mariti sui frustra collegerit singulaque diuersis sacerdotibus tumultanda ac diuino honore afficienda Isis tradiderit, *cap. XXII.* his verbis, ex versione RHODOMANNI: *membra igitur Osiridis reperta hunc in modum sepultura cobonestata dicunt, virilia autem a Typhone in fluuium abiecta esse, quia sociorum nemo haec recipere vellet, quae tamen ab Iside nihilominus diuino honore sunt affecta. Nam in templis effigiem horum adornatam coli praecepit, et initiatam ceremoniis sacrificiisque deo (idolo) isti peragendis, ut honoratissima esset plurimaque veneratione digna, effecit. Idcirco et Graeci, postquam sacrorum Bacchicorum ritus et solemnitates ab Aegyptiis acceperunt, membrum id in mysteriis, initiationibus et sacrificiis Dei huius Phalli nomine honorant.* Haec ibi DIODORVS SIGVLVS, quae repetit IO. LVDOVICVS VIVES ad *lib. II. AVGVSTINI de ciuitate Dei, cap. XIV.* idque initium cultus Priapi, quem Phallum et Ithyphallum Graeci vocauerint, fuisse

fuisse dicit. Conf. IO. BAPTISTA CASALIVS *de profanis et sacris veteribus ritibus, part. II. cap. XII. seq.* Hicce autem cultus, Priapo destinatus, num inter Iudaeos obtinuerit, video alios dubitare. Affirmatiuam cum FRANZIO sententiam tuetur GEORG. MYLIVS in *explicatione augustanae confessionis, pag. 213. b.* eundemque cultum 2 Paral. XV. 16. pariter indicari putat, in quo cum ipso consentiunt IO. CONR. DIETERICVS in *antiquitatibus biblicis, ad h. l.* IOANNES SELDENVS in *syntagmate de diis Syris, lib. I. cap. IV.* et PETRVS IURIEU dans *l'histoire critique des dogm. et des cult. bon. et mauv. part. IV. chap. II. sq. p. 551. sqq.* HIERONYMVS sequentes. Contradicunt vero alii, inter quos et IO. CHRISTIANVS BRVDER in dissertatione *de Maacha a regia amota, Lipsiae sub reu. IO. CHRISTIANI HEBENSTREITII praesidio anno MDCCXXIV. habita, §. XVII.* licet ipse celeberr. praeses in epistola isti dissertationi adiecta contrariam sequi videatur sententiam. Rectius ergo contra FRANZIVM, nostro in loco non idola talia turpissima intelligenda esse, docuisse videtur b. AVGVSTVS PFEIFFERVS in *dubis vexatis, centur. II. loc. XCIX. pag. 438.* vti et ad mentem supra iam commemorati SANTIS PAGNINI *scorta mascula hic CAMPEGIVS VITRINGA lib. I. observationum sacrarum, cap. V. pag. 47.* per

קְרִשִׁים intelligit. Vid. 10. SPENCERVS de legibus Hebraeorum ritualibus, lib. II. cap. XXIII. Apud Romanos autem pariter ac Graecos illa erant frequentissima; vti docemur a IAC. GODOFREDO in notis ad tom. III. codicis Theodosiani, pag. 59. IOSVA ARNDIO in miscellaneis, pag. 96. CLAVDIO SALMASIO in libro de foenore Trapezitico, pag. 140. WILH. MOMMA in commentario in epist. ad Romanos, pag. 335. IO. MICH. DILHERRO tom. I. disputat. acad. pag. 240. PETRO ACRODIO in pandectas lib. VIII. tit. II. pag. 1069. CORNEL. ADAMI in observationibus theol. philolog. pag. 714. CONRADO RITTERSHVSIO ad fabulas Phaedri lib. III. fab. XX. et GVIL. SALDENO in otiiis theologicis, lib. I. exerc. VII. pag. 136. Primum auctorem flagitii huius detestandi, masculae veneris, Laium quendam fuisse scriptores statuunt; vid. AELIANVS lib. XIII. var. hist. cap. V. et SCHEFFERI pariter ac KVHNII ad hunc locum notas; Orpheum alii. vid. b. IO. ALB. FABRICII bibliotheca graeca lib. I. pag. 135. Nec ipsos sapientes, v. g. Platonem atque Socratem, immunes ab hoc crimine fuisse, constat. Vid. LVDOVICVS CRESOLLIVS in theatro veterum rhetorum, oratorum et declamatorum, lib. V. cap. VIII. pag. 490. seq. GERH. IO. VOSSIUS de origine et progressu idololatriae, lib. I. pag. 25. Omni tamen conatu Socratem defendit IO.

CLE-

CLERICVS in *sykris philologicis*, pag. 191.
 DIOGENEM VERO LAERTIVM *lib. VI. §. XLV.*
 si consulamus, eum improbasse illud, exinde patet. Conf. AEGIDIUS MENAGIVS in
notis ad istum DIOGENIS LAERTII locum
 pag. 250.

III.

MATTH. XXIV. 14.

Quae legitur hic, vox *οικουμένη κατ' ἐλ-
 λειψιν* dicitur, et subaudiri debet no-
 men substantivum *γῆς*, vel contracte *γῆ*,
 non simpliciter et vniuersa, sed quatenus ab
 hominibus incolitur ac habitatur. Primam
 hanc et propriam esse illius significationem,
 ipsa eiusdem origo declarat. Est namque
 participium foemininum passivum verbi *οι-
 κέω*, *habito* vel *in domo habito*, vnde forma-
 tur *οικεομενος*, *οικεομενη*, contracte *οικουμενος*,
οικουμενη, *habitatus*, *habitata*. Solet non-
 numquam, quando posterius, foemininum
 nempe, occurrit, expresse addi *γῆ*, e. g.
 apud STRABONEM *lib. I. geogr. pag. I. τὴν
 οικουμένην γῆν*. Opponitur autem terrae *ἐρη-
 μῶς* apud ARRIANVM *lib. VI. de rebus Alexan-
 dri magni, pag. 378.* et DIODORVM Sicu-
 lum *lib. XIX. pag. 689.* vbi *οικουμενη*, *ἐρημος*
 et *αενυδρῶς* (qualia aqua prorsus destituta de-
 ferta in Arabia dantur pleraque) a se inui-
 cem

cem distinguuntur. Notandum vero, quod, quoniam scriptores, voce hac vtentes, diuersis temporibus vixerunt, quibus vel plus vel minus cognita ac habitata terra aliqua fuit, ex istius seculi, quod viuendo attigerunt, loquendi more eam vsurpauerint, ideoque ex conditione ista aestimanda quoque vox haec seu interpretanda sit. Sic enim e. g. STRABO *loc. cit. pag. 60.* per οἰκουμένην quid intelligat, explicans, dicit illam esse, *quam habitamus et nouimus.* Similiter ARISTOTELES *lib. II. meteor. cap. VII. pag. 780.* οἰκουμένην, scribit, *vocamus, quantum nos scimus.* Suspiciabantur nimirum veteres, multa adhuc esse eademque maxima regna, a magna quidem hominum copia habitata, ipsis vero incognita, nec adire licita. Quare POLYBIVS *lib. VIII. historiarum* τῆς οἰκουμένης commemorat πάντα τὰ γνωριζόμενα, et *lib. XV. καὶ τῶν ἀλλῶν*, scribit, *οἰκουμένης γνωριζόμενης.* ARISTOTELES pariter *lib. VII. politicorum, cap. VII.* sibi inuicem opponit ciuitates Atheniensium atque οἰκουμένην, addens; *quae* (scilicet οἰκουμένη) *habitata est.* POLYBIVS *lib. III. pag. 264.* ὅλην γῆν, *totam terram*, et οἰκουμένην κατ' ἡμᾶς, *quae habitata, secundum nos, est*, siue, *quantum nos scimus*, eadem sibi ratione opponit; vti et STRABO *l. c. pag. 7.* primo loco ὅλην γῆν, *uniuersam terram*, nominat, et deinde subicit: *ἧς μέρος οἰκουμένη, cuius pars est habitata,*

tata, alteram vero terrae partem τὴν ἀεικε-
 τεύ, *non habitatam*, dicit. Conf. et ARIS-
 TOTELES *lib. II. meteor. cap. V. pag. 775.*
 Absolute pro toto globo siue vniuerso
 corpore terrae accipitur haec vox apud LV-
 CIANVM in dialogo, qui *Alcyon* siue *de*
transformatione inscribitur, *tom. I. operum,*
pag. 144. et ARISTOTELEM (si quidem il-
 le verus auctor) in *libro de mundo, cap. III.*
fin. vbi Graecos οἰκουμένην vocare vniuer-
 sam φύσιν καὶ θείαν, naturam atque situm
 tam terrae, quam maris, refert.

Mirum proinde non est, quod variam
 aeque significationem siue interpretationem
 vox haec admittat, in sacris noui foederis
 tabulis quando legitur. Ad nostrum qui-
 dem locum quod attinet, notat ad illum
 summus quondam, nec sine veneratione pia
 vlli post fata etiam cogitandus, IO. CHRIS-
 TOPH. WOLFIUS in *curis suis ad h. l.* de
 imperio Romano voluisse accipere οἰκουμέ-
 νην vocem IOSEPHVM MEDE *pag. 705. ope-*
rum, latiore vero illi significationem vin-
 dicari in *vesperis Groninganis, pag. 238. seq.*
 et ab HERMANNO WITSIO in *miscellaneis*
sacris, tom. II. pag. 405. et 438. Et videtur
 vtique ab horum parte stare veritas, nec va-
 ticinium Seruatoris de praedicatione euan-
 gelii aliter explicandum esse, quam quod omni
 genti, priusquam a Romanis destrueretur vrbs
 Hiero-

Hierosolyma et Iudaeorum regnum, annuntiandum illud, et in vniuersa *οικουμένη* seu terrarum orbe, quatenus is incolitur et habitatur ab hominibus, *εις μαρτυριον πασι τοις εθνεσι* praedicandum, praedixerit Seruator. Confirmat istam explicationem locus vere parallelus Marc. XIII. 10. vbi, *εις παντα εθνη* praedicari oportere euangelium, eadem ratione ait. Confirmat et, sua iam aetate impletum esse hocce vaticinium asserens, diuus Paulus apostolus Rom. X. 18. Ibi enim, quando, ex auditu esse fidem, auditum vero ex diuino verbo, docuerat, obiectioni obuiam it, qua inter omnes gentes dispersi Iudaei excipere forte poterant, sibi non omnibus euangelii factam esse annunciationem, indeque fidem quoque se in Seruatorem mundi habere minus posse. Testatur proinde, in omnem terram eiusdemque fines seu terminos habitatos verbum et ipsius sonum exiisse; quod inculcat etiam alibi, e. gr. Col. I. 23. Corroborant autem idem suo quoque testimonio patres, qui apostolorum aeuo exstiterere proximi. Dilerte IUSTINVS martyr, in *dialogo cum Tryphone, Iudaeo*, pag. 270. ne vnum quidem dari in terrarum orbe mortalium, siue barbarorum, siue Graecorum, genus, scribit, vbi Christus cognitus non sit. Expressis verbis IRENAEVS, *lib. I. contra haereses, cap. II.* ecclesiam per vniuersum orbem vsque ad fines terrae *semina-*

(Winckleri Hypomn.) B

minatam ab apostolis eorumque discipulis esse, docet, et, fidem illam accepisse, addit: *cap. etiam III.* multas nominat remotissimas barbaras gentes, quae religionem Christianam acceperint. * Nec dissentiunt HIERONYMVS, *comment. ad Matth. XXIV.* vbi, haud putare se, scribit, vllam remansisse gentem, quae ignoret Christi nomen; ac TERTULLIANVS in *libro aduersus Iudaeos, cap. VII.* qui ibidem omnes ferme gentes, quibus annunciatum euangelium sit, enumerat, easdemque abditas multas ac nobis prorsus incognitas gentes et prouincias. Verba TERTULLIANI allegant ABR. CALOVIVS in *bibliis illustratis, ad Psalm. XIX. pag. 971. a.* FRID. BALDVINVS in *comment. ad Rom. X. quaest. VI.* et IACOBVS WELLERVS in *annotat. ad eundem locum.* Displicet quidem veritas haec, patrum allegatorum aliorumque testimoniis clarissimis probata, et reformatae ecclesiae doctoribus quamplurimis, vniuersalem Dei gratiam negantibus, et romanae ecclesiae addictis quibusdam, qui, assertum hoc cum experientia hodierna conciliari minus posse, autumant. conf. BENED. PEIRERII *disputationes in episto-*

* Notandum hic est, verba IRENAEI graeca, prouti apud EPIPHANIVM *haeref. XXXI.* quae est Valentinianorum, *num. XXX. seq. pag. 201. seq.* editionis PETAVII leguntur, aliter paulo sonare. At sensus tamen idem est.

epistolam ad Romanos, disp. IV. Censent nimirum isti, Americam pariter, ac plurima alia regna orientalia incognita adhuc fuisse apostolorum tempore, hincque synecdochice exponere Pauli verba iubent. Sed opus non est, hanc ut figuram in subsidium vocemus. Legantur, quae hanc in rem contra SPANHEMIVM, acerrimum doctrinae de vniuersali gratia aduersarium, pro more suo, id est, solidissime in medium affert b. IO. CONR. DANNHAVERVS, in *hodomoria spiritus Caluiniani, part. II. phantasm. IX. pag. 1842.* Cui addi meretur celeberrimus academiae Tubingensis theologus, CHRISTOPH. MATTHAEVS PFAFFIVS, in *vindiciis quorundam noui testamenti dictorum de gratiae diuinae vniuersalitate*, Tubingae, anno MDCCXXVI. euulgatis, *pag. 35. sqq.* Eleganter etiam de eo: num toti orbi annunciatum iam dum euangelium sit? disserit ERASMVS FRANCISCI, in *der letzten Rechenschaft aller Menschen, meditat. XXXIII. pag. 626. seqq.* Cognitam vero tunc temporis Americam fuisse, aperte satis demonstrarunt viri doctissimi. Quare, ad istius terrae incolas pariter, apostolorum tempore, penetrasse euangelium siue eius praedicationem, eo fortius haud pauci euicerunt. Praeter ceteros tam docte, quam perspicue, id probauit IO. RYMETSCHIVS in *schediafmate historico-theologico de con-*

iecluris ultimi temporis, Francofurti ad Moenum, anno superioris seculi LXXXI. in forma octuplicata edito, *sect. II.* * Interim solent

- * Doctissimus ille ac geographiae peritissimus SAMUEL BOCHARTVS, *part. II. geographiae suae sacrae*, quam *Canaan* inscripsit, *lib. I. cap. XXXVIII.* et si ipse veterum hac de re testimonia clarissima adducat, ipse tamen subdubitat, num iam veteribus cognita haec regio fuerit. Rationem dubitandi reddit hanc, quod visu ac notitia pyxidis nauticae destituti veteres fuerint, cuius sine ope tantam vastissimi maris intercapedinem, quae est Europam inter ac Americam, itemque inter Asiam et Americam, nec non inter hanc et Africam, superare eos vix potuisse, credit. Verum enimvero solida satis ac sufficiens ista non videtur esse negandi asserti nostri ratio. Ab ignorance namque modi, illuc quo transierint veteres, ad negationem rei, vel facti, non foret tuta atque decens conclusio. Et eandem sane ob causam, quam BOCHARTVS adducit, dubitandum nobis foret: num homines in America fuerint? modus quia ignoratur, quo eo homines transierint, num per continentem terram, quae reperta hactenus nulla est, an vero per mare illud vastissimum. Vndenam ergo immanis ista hominum copia,* ab Hispanis in America repertorum? A defectu autem pyxidis nauticae petium argumentum non, nisi quatenus ordinariae et tanta facilitate, ac nostris fit temporibus, susceptae navigationes solae (quod qui affirmabit?) dicendae essent peragi posse, valebit. Nonne enim, licet singulari, ordinario tamen modo a Deo potuerunt ad praedicandum euangelium eo mitti apostoli? Et testatur clare de Carthaginensibus, loco a BOCHARTO allegato, ARISTOTELES, istos tempestatis vi venisse illuc. Quem pariter ille citat, DIODORVS Siculus *lib. V. histor.* consuli etiam

solent distinguere interpretes inter ipsam apostolorum praedicationem, et inter praedica-

iam meretur. Videtur tamen studio forte BOCHAR-
TVS omisisse alia adhuc clariora in scriptoribus vete-
ribus obuia testimonia, quae ignorare quidem ille vir
eruditissimus non potuit. Videantur proinde AELI-
ANVS *lib. III. var. hist. cap. XVIII.* PLATO
in dialogo, qui *Timaeus* audit; et in altero, qui *Cri-
tia* inscribitur: SENECA, poeta, in tragoedia, *Me-
dea* nuncupata; SENECA, rhetor, in *suaforia I.*
pag. 1. E recentioribus scriptoribus euolui poterunt
GEO. HORNIVS *de originibus Americanis*; IO. DE
LERI, ecclesiae reformatae doctor seculi XVI. in *hi-
storia nauigationis suae in Brasiliam* susceptae, anno
MDXCIV. euulgata; MATTH. MERIANVS in *den*
West-Indianischen Geschichten; LYDOVICVS GVTZ-
MANNVS *de rebus, a societate Iesu in India gestis*;
IO. GOROTIVS BECANVS, in *originibus Antwer-
pianis, lib. III.* ADRIANVS TURNEBVS *lib. XX.*
aduersariorum, cap. XI. IACOBVS PAMELIUS, in
notis ad Tertulliani apologeticum; ERASMVVS SCHMI-
DIUS, in oratione *de America*, quae PINDARO cum
ipsius commentario, Wittebergae anno MDCXVI.
in 4. edito, subiuncta legitur; PHIL. NICOLAI
tom. II. operum, pag. 25. seqq. et supra laudatus
FRANCISCI in *dem historischen Rauchfass, part.*
III. pag. 978. seqq. Clare Americam describit ipse
HOMERVS, in *odyss. u. v. 22. seqq.* quem Homeri
locum, cum aliorum diuersis explicationibus, exposuit
STRABO, in *geographia sua, lib. I.* Pyxidem autem
nauticam notam et vsitatam veteribus fuisse, at noti-
tiam vsunque eius mox periisse, probare conati sunt
NIC. FULLERVS in *miscellaneis sacris, lib. IV.*
cap. XIX. et HENR. SALMVTH in *commentario*
in Guidonis Pancirolli de rebus deperditis ac recens
inuentis tractatum, ad tit. XI. Quod si vero conce-
datur

dicationis eorum famam. *Vbi, inquit AMBROSIVS, praedicantis hominis defuit praesentia,*

datur etiam, notam haud fuisse veteribus pyxidem nauticam, inde tamen, ordinarie Americam naui petere veteres haud potuisse, nondum sequitur. Multa namque exstant illustrium navigationum exempla apud veteres, absque pyxide nautica quae peractae sunt. Quid de Salomonis regis in Ophir directis navigationibus dicendum? Per quam Ophir quando Peruviam nonnulli intelligunt, hoc forte commode ita non asseritur, quam si Indiam illa indigitatam esse dicamus orientalem, et Ceilan insulam in specie, oïum Tabrobane dictam, ad quam per mare rubrum iter fecerunt. Confirmat posteriorem sententiam et ipsius itineris, quod ita susceptum longissimum sane atque difficillimum fuit, ratio, et rerum, quas accepit inde Salomon, descriptio. Quare pedibus in hanc sententiam cunt IO. BAPTISTA CASALIVS, in doctissimo suo *de profanis et sacris veteribus ritibus* opere, *part. I. cap. VI. pag. 17.* et CAMPEGIVS VITRINGA, in *geographia sacra*, quae editioni *observationum eius sacrarum* Ienenfi anno MDCCXXIII. in 4. primum ex manuscripto cruta, fuit adiecta, *pag. 794.* Navigavit porro ex Hispania circa totam Africam ad Arabicum vsque sinum Hanno, Carthaginiensium Dux, referente PLINIO in *historia naturali, lib. V. cap. I.* Quod licet, eandem ob rationem, quoniam nauticam haud pyxidem habuerit, incredibile videtur esse BOCHARTO *loc. cit.*, negare tamen contra disertum PLINII testimonium non licebit, nisi ornem velimus dubiam reddere fidem historicam. conf. et HENRICVS SALMVTH *loc. cit. ad tit. I. pag. 27.* Contrarium, et simile tamen, iter fecit, ab Arabico sinu, siue mari rubro, incipiens, Eudoxus, totam qui Africam circumnavigavit, et in Hispaniam venit, teste STRABONE in *Geographia, lib. II.* Itinera ergo eius-

sentia, sonus tamen famaue peruenit, sicut peruenerat factarum in Aegypto virtutum opinio. Quam distinctionem approbant etiam ABR. CALOVIVS *loc. cit.* alique.

Quaeritur proinde, num locum habeat in Matthaei nostri euangelistae éffato, cap. XXIV. 13. synecdochica vocis *οικουμένη* interpretatio? quam calculo suo probare varios commemoravi. Et negari quidem nequit, apud profanos aequè, ac sacros scriptores accipi interdum istam ita; prouti hoc pro substrata materia est diiudicandum. Sic Demosthenes, cum merita sua in patriam, Atheniensium rempublicam, praedicaret, labores suos legationesque, quas pro republica obierit, enumerans; DINARCHVS in oratione contra illum habita, pag. 94. verum esse, ait, quod *απασιν οικουμένην* peragrauerit Demosthenes, vt multa mala, infórtunia ac clades patriae suae conciliaret. Manifesta

B 4

hic

eiusmodi difficiliora si absque pyxide nautica (si quidem, illam ipsis fuisse incognitam, concederemus) potuerunt veteres transigere, nonne idem de navigatione in Americam suscepta affirmari poterit aut debet? Vnde, si fatendum quod res est, non videntur mihi HERM. WITSII argumenta, in *miscellaneis sacris, tom. II. exerc. XIV.* allata, fortiora illis esse, quae antecedenti *exerc. XIII.* proposuerat; nec, quae contra affirmantes praedicationem euangelii, ab apostolis Americanis factam, vrgere voluit vir iste doctus, omni exceptione maiora, si vel ea considerare quis velit, quae, licet breuioribus, hac de re disseruimus.

hic deprehenditur in voce *οικουμένη* hyperbole. Nam per vniuersum terrarum orbem profectus minus erat Demosthenes, sed magnam saltem illius partem peragrauerat. Eodem ferme modo *ARRIANVS* loquitur *lib. II. διατρίβων in Epictetum, cap. XVI. pag. 182.* quando, *την οικουμένην*, et *cap. XXIV. pag. 327.* *ολην την οικουμένην* peragraffe Herculem, scribit, vti et *cap. I. pag. 239.* homines ad Apollinis oraculum Delphicum conuenire *εκ της οικουμένης*, scribit, quod tamen multae gentes, Indi, Germani etc. ignorabant prorsus. . Tribuitur ita quoque apud *AELIANVM lib. III. var. hist. cap. XXXIX.* Alexandro magno *αρχη της οικουμένης*, orbis totius, id est, maximae orbis partis, *imperium*. Et Hannibalem *APPIANVS de bellis Hispanicis, pag. 433.* statuiffe narrat, quod, devictis Romanis, *τη οικουμένη* imperaturi sint Carthaginienfes. Quorsum et *PLATONIS* pertinet loquendi mos, quando *epist. IV. ad Dionem*, Syracusanorum regem, omnes homines *εκ απασης οικουμένης* respicere, scribit, quam hyperbolen ipse statim explicat, addendo: *ut ita dixerim*. Prae ceteris notabilis *LUCIANI* locus est, in *dialogo de Macrobiis, tom. II. operum, pag. 782. et 784.* vbi de vnius saltem Numae Pompilii imperio loquitur, et tertiae personae pronomen *εαυτου* addit, eum regnasse *την οικουμένην εαυτου*, scribens. Sed
non

non videtur in euangelistae Matthaei, circa quem iam occupamur, loco admittenda esse synecdochica talis vocis οἰκουμένη explicatio, prouti docetur in *vesperis Groningani*, pag. 238. sq. Conferatur et ANTONIVS BYNAEVS de *Christo crucifixo*, pag. 168. seq. versionis Germanicae.

IV.

LVC. II. I.

Quam proxime antecedentibus exemplis probavi apud scriptores occurrere, synecdochica vocis οἰκουμένη acceptio hoc loco praefenda illi est, quam Matth. XXIV. 14. statuendam esse monui, latiori eius vocabuli explicationi; vti et in sequentibus Scripturae sacrae locis, de quibus postea dicendum erit. Hunc enim diui Lucae locum qui paulo saltem accuratius introsperit, statim de imperio Romano sermonem esse, deprehendet, vti istum loquendi morem explicarunt scriptores bene multi, a b. WOLFIO in *curis*, ad b. l. allegati. Mirandum proinde non sine ratione, existisse, qui hic vocem οἰκουμένην in latiori suo sensu accipiendam esse voluerint, imperatores Romanos vniuerso terrarum orbi, si non de facto, de iure tamen, imperasse, autumantes. Statuerunt id e. gr. HENRICVS de Sufa, siue

Segusia, Cardinalis *Ostiensis*, seculo XIII. celebris, et BARTOLVS, magni nominis sequenti XIV. seculo ICTus, adeo, vt secus sentientes haereseos notare hic, ille vero mortaliter peccare, iudicauerit. Fundamentum sententiae suae ex corpore Iuris Iustiniანი defumserunt, quoniam in illo orbis dominus saepius vocatur Romanus imperator. Ad quam quod attinet appellationem, obseruandum, legi istam etiam apud alios ex scriptoribus antiquis. Notum est dictum TITI PETRONII ARBITRI:

Orbem iam totum victor Romanus habebat.

Et DIONYSIVS Halicarnasseus *lib. I. antiquitatum Romanarum, cap. III. Romanorum*, inquit, *ciuitas imperat per cunctas terrae plagas, quae quidem inaccessae non sunt, sed habitantur ab hominibus.* Quam DIONYSII Halicarnassei leuitatem castigasse se, quidem scribit ISAACVS CASAVBONVS in *notis ad Polybium, pag. 91.* vbinam vero factum hoc ab eo sit, nondum mihi, licet multum in conquirendo isto loco laboranti, innotuit. Eandem factum prodit etiam DIODORVS Siculus in *bibliotheca historica, lib. I. pag. 3.* scribens, *excellentiam urbis Romae se extendere potentia vsque ad terminos habitati orbis.* Conf. pluribus de hoc veterum scriptorum circa totius orbis dominium, imperatori suo tribuendum, iactantia HERM. CONRINGIVS, in singulari *de imperatore Romano-*

mano-Germanico Helmstadii anno MDCXLI. euulgata dissertatione, §. V. *seq.* IO. LIMNAEVS in *iure publico imperii Romano-Germanici*, lib. II. cap. VIII. aliique scriptores in beati nostri WOLFI curis, ad h. l. allegati. Interim numquam maius fuisse latiusque sese extendisse imperium Romanum, quam primo post Seruatorem natum seculo, ex historia constat. conf. IVSTVS LIPSIVS lib. I. de *urbis Romanae admirandis*, siue de *magnitudine Romana*, cap. III. ONVPHRIVS PANVINIVS in *commentariis reipublicae Romanae*, lib. III. et IO. MICH. DILHERRVS in *dissertationibus academicis*, tom. I. pag. 435. qui varia veterum loca in medium producit. Eandem proinde ob rationem, quod totius se orbis dominos iactauerint Romani, putat FRIDERICVS SPANHEMIVS in *dubis suis euangelicis*, part. II. dub. III. voluisse Spiritum sanctum in hoc Lucae loco, de quo iam agimus, quando *πασαν την οικουμενην* commemorat, carpere istam Romanorum superbiam; imo coniicit, Augustum forte imperatorem in literis illis, quibus de censu illo certiores subditos suos fecerat, vsum eiusmodi verbis esse, quibus in totum terrarum orbem dominium sibi vindicauerit. Securior vero est IO. MALDONATI coniectura, in *commentar. in quatuor euangelistas*, ad h. l. haec Augusto in dictis literis verba tribuentis: *Iubemus, ut vniversus describa-*

tur orbis. conf. MICH. WALTHERI *harmonia euangelica, ad b. l.* Per hyperbolen vel synecdochen, Graecis etiam alias vſitatam, alii illa explicant interpretes; e. gr. THEOD. BEZA in *annotationibus in nouum testamentum, ad b. l.* IO. CALVINVS in *harmonia euangelistarum, pag. 31.* IO. PISCATOR in *comment. in omnes nou. testam. libros, ad b. l.* SAL. GLASSIUS in *philologia sacra, lib. V. tract. I. cap. XVI. p. m. 1923. seq.* Alii ellipsin* hic vocis *Romanus* statuunt, vt sensus sit: *totus orbis*, ſcilicet *Romanus*; v. g. HVG. GROTIUS in *annotat. in nou. test. ad b. l.* et FRID. SPANHEMIUS *loc. cit.* Addatur *versio Syriaca*, de qua vid. LVDOVICI DE DIEV *animaduersiones in totum nouum testamentum, ad b. l.* vbi interpretationes iſtas, quas dederunt IMMANVEL TREMELLIUS et GVIDO FABRICIUS BODERIANUS, corrigit. Eundem in modum etiam in verſione ſua *Arabs* interpres. Nec incommoda haec explicatio (niſi, quod mauult b. WOLFIUS, *loc. cit. pag. 576.* cum adductis variis ſcriptoribus, per τὴν οἰκουμένην *Iudaea* tantum, non orbis Romanus totus, vti volunt alii a WOLFIO ibidem citati, intelligi debeat) cum occurrat apud alios pariter ſcriptores eiusmodi limitatio, ab imperatoribus Romanis

* Poſſet hic quoque ellipſis ita ſtatuī, vt vox ταύτου omiſſa fuiſſe dicatur; prouti, cum in modum locutum LUCIANVM eſſe, docui.

nis ipsis adhibita. Sic nimirum Aurelianus in data ad Coenobiam, Palmyrenorum reginam, epistola, apud FLAVIUM VOPISCUM obuia pag. 862. editionis scriptorum historiae Augustae minorum Lugdunensis anni MDCLXI. vocat se *imperatorem Romani orbis*. Sic ipse quoque Iustinianus imperator in *cod. tit. de raptu virginum*, scribit: *per diversas nostri orbis regiones*. Occurrit et similis limitatio apud APVLEIUM lib. XI. *metamorph.* pag. 465. quando scribit: *quaeque sub imperio mundi nostratis reguntur*; itemque in *floridis*, pag. 344. de Alexandro magno ubi loquitur: *edixit vniuerso orbi suo*. Inde in SVIDAE *lexico*, voc. ἀπογεῶφη, ubi descriptio huius Augusti census ex scriptore quodam anonymo suppeditatur, Augustus in omnem subditorum suorum terram misisse dicitur censores. Conferatur et AVGVSTINVS lib. V. *de ciuitate Dei*, cap. XXV. Nec inane forte pro interpretatione hac peti posset ipsis ex scriptoribus graecis praesidium, quippe quibus οἰκουμένη pro ea saepius terra accipitur, quam occuparunt ac inhabitauerunt ipsi illi, qui ista voce vsi sunt. POLYBIUS ita lib. IV. pag. 425. dicit οἰκουμένην κατ' ἡμᾶς, *terram secundam nos siue nostram*, id est, *quam nos inhabitamus*; qui tamen deinde pag. 426. sq. τὴν κατ' ἡμᾶς οἰκουμένην commemorat in respectu ad alia loca, quae habitata quidem fuerint, at longe

a terra sua remota; imo alio adhuc sensu *lib. III. pag. 264. et pag. 291.* istam phrasin ita adhibet, vt ad notitiam referat, quam de terra, quod habitata sit, habeat, hoc modo: *terra, quae, quantum scimus, habitata est.* Eo minus ergo opus est, vt, cum AMBROSIO *comment. in euangelium secundum Lucam, ad h. l.* allegorice euangelistae diui verba accipiamus, quasi Christi Seruatoris regnum adumbratum per *την οικουμένην* fuerit, quoniam vniuersale sit totius terrarum orbis regnum. Nec video, cur cum FLACIO, in *glossa super hunc locum*, hebraismum hic statuere opus sit; quae ipsius sententia nec illis se probauit, qui Iudaeam a Luca intelligi censent.

V.

IEREM. XVII. 9.

Notauit iam IO. SAVBERTVS in *operibus suis posthumis, pag. 91.* haud accurate satis a diuo nostro LUTHERO in versione germanica (omissa prorsus notabili particula *מכל*) redditum fuisse *το πρ* per *trotzig*; rectiusque *supplantatitium, fraudulentum* istud verti. Monent et alii commentatores, simile hic deprehendi, desumptum vel ab inaequali via, in qua labi quis facile potest, vel ab homine, calcaneo supposito pes-
sum

sum alterum dante. Conf. praeter ceteros b. THOMAS ITTIGIVS, in *der schriftmaessigen Erklaerung des Propheten Ieremiae*, Part. II. pag. 843. Tendunt eodem, quae circa vocem hancce pariter animaduertit summus quondam sui temporis philologus IOBVS LVDOLFVS, literis ad doctissimum tunc academiae Giesiensis theologum, IO. HENR. MAIVM, patrem, die XIX. Maii anno MDCCII. datis, huic scribens, se tum ex collato loco Iesa. XL. 4. tum ex Aethiopica Arabicaque *cliui* significatione probe considerata, prae Lutheri versione, hic non adaequata, praeferendam esse putare, quae huc probe quadrat, significationem *cliui*, ut sensus euadat: *cor hominis cliuosum*, id est, inaequale, non plenum, sed dolosum est. Respondit ad istas LVDOLFI literas eiusdem anni mensisque die XXIV. laudatus MAIVS hunc in modum, quae ut ex manuscripto cum beneuolo lectore communice, ingratum ipsi minus fore confido: *Ad locum Ierem. XVII. 9. quod attinet, dicam bona Tua cum pace, Vir illustris, meam sententiam. Veram genuinamque verbi דָּפַע significationem haud obscure patere existimo ex Genes. XXVII. 36. et Ierem. IX. 4. ubi est supplantare, defraudare; quam verbi notionem in Aethiopica quoque lingua receptam esse constat. Quod cum in Supplemento ad Lexicon Cocceii, pag. 94. obseruassem ante tempus ali-*
quod,

quod, nunc magis me confirmat in ea opinione, quod in noua editione lexici Tui Aethiopici, pag. 449. legi, Genes. III. 15. hoc ipsum verbum de insidiosa serpentis obseruatione adhiberi. Nec aliter apud Chaldaicum et Samaritanum occurrit. Hinc aptissime omnino, ut mihi videtur, כַּפַּר reddetur fraudulentum, insidiosum, siue dolosum est cor supra modum. Cluofum superbiam tantum exprimit et eleuationem cordis; at fraudulentum latius patet, et bene quadrat ad sequentia textus verba: et quis cognoscere satis illud potest? Sic quoque Anglica translatio. Sed hoc omne Tuo, Vir illustris, iudicio submitto. Responsum LUDOLFI in ipsius ad MAIVM, Calendis Iunii eiusdem anni exaratis, literis hoc est: Quod ad locum Ierem. XVII. 9. attinet, Tuae sententiae facile assentior, nam ego ipse cluofum oppositum plano ac recto ex noto Iesae loco censui. Cor autem, quod non planum et rectum est, iure meritoque dolosum, vel fraudulentum censetur.

VI.

ACTOR. XIII. 13.

Locutio hic obuia, qui circa Paulum erant, morem quendam in memoriam nobis reuocat veteribus, tam Romanis quam Graecis, receptum, ex quo variae explicari possunt

sunt in noui foederis tabulis aequae, ac profanis scriptoribus occurrentes locutiones. Eodem namque prorsus modo LIVIVS *lib. I. cap. XII.* eorum mentionem facit, qui circa Tarquinium fuerint. Ita vero, quando circa alterum fuisse quidam perhibentur, indigitantur vel amici, vel clientes, vel serui, vel stipatores. Saepius sic solent locutione hac designari satellites; e. g. apud SVETONIUM in *vita Caligulae, cap. XLIII.* Maxime tamen adhibetur illa ad denotandos amicos, clientes, et illos, qui vel honoris ergo et captandae beneuolentiae causa, vel testandi amoris pietatisque suae gratia, viros illustriores comitari solebant. Hoc sensu consiliarii et amici Antigonis commemorantur a CORNELIO NEPOTE, in *Eumene, cap. X.* Vti et PLINIUS in *panegyrico, cap. LXXXIII.* de Traiani amicis: *longe adhuc maius est, quod, cum ipse sis optimus, omnes circa te fecisti tui similes.* Ortum autem illud inde traxit, quod, qui honoratiores paulo vel illustriores atque opulentiores erant, magna stipati clientum aliorumque inferioris conditionis hominum turba, prodire in publicum solebant. Quare de Didone VIRGILIUS *Aeneid. I. 500.* scribit:

Regina ad templum forma pulcherrima
Dido

Incessit, magna iuuenum stipante caterua.

(Winckleri Hypomn.)

C.

De

De senatoribus quoque Romanis passim legimus, quod in comitatu suo aliquot haberint millenos homines; uti de Tiberio Graccho, cum in publicum prodiret, AVULVS GELLIVS testatur *lib. II. noct. Attic. cap. XIII.* Similiter Marius, homo novus, cum per res bene gestas inclaruisset, eum consulatum ambientem opifices agrestesque omnes, quorum res et opes ac spes in manibus ipsius sitae erant, frequentabant. vid. SALLVSTIVS *de bello Iugurthino, cap. LXXIII.* Quinimo deducunt hinc nonnulli vocabulum *scurra*, quod illos primum homines denotavit, qui secuti opulentiores fuerint; odiosum vero deinde euasit, dum erant inter illos, qui facetiis suis oblectare, quos comitabantur, studebant. vid. FESTVS. Solebant etiam, qui minores aetate erant, viros aetate prouectiores, siue in illustri constitutos dignitate, quos colebant, persequi, eosdemque et in forum deducere, et domum rursus deducere. vid. VALERIVS MAXIMVS *lib. II. dictorum factorumque memorabilium, cap. I.* Eleganter hoc et breuiter, uti solet, TACITVS affert *lib. III. annalium, cap. XXXIII.* quando scribit: *duorum egressus coluntur.* Dissuadet scilicet ibi quidam, ne vna cum maritis, qui proconsules erant, in prouincias abirent vxores. Hic inter alias rationes addit: *duorum egressus coluntur*, id est, habet suam acque comitum cateruam

teruam mulier, ac proconsul ipse, quem egressurum expectabant multi eum comitaturi. Extremis tandem temporibus, praeter amicos hosce atque clientes, feruorum quoque, qui eos deducerent, multitudinem adhibebant; ut adeo incertum saepius sit, num, quando comitum sit mentio, ingenui, an serui sint intelligendi? licet praecipue de ingenuis illa phrasis sit accipienda. Ita enim

IVVENALIS *sat. I. v. 45.*

Quid referam, quanta siccum iecur ar-
deat ira,

Cum populum gregibus comitum premit
hic spoliator

Pupilli prostantis.

Neque aliter res se apud Graecos habuit. Viri namque inter illos pariter ac feminae Athenis, Corinthi aliisque in ciuitatibus, ubi frugale minus obtinebat vitae genus, cum ingenti turba in publicum prodibant, imo ipsae adeo meretrices. vid. TERENCE in *heaut. act. III. scen. I. v. 42.* et in *andria act. I. sc. I. v. 96.* Quod et ex historia Megabyzi, siue sacerdotis Dianae Ephesinae, apud AELIANVM *lib. II. variarum histor. cap. II.* patet. Hic namque cum in pictoris officina quadam de prostantibus ibi picturis imperitijs iudicaret, ideoque a pueris adstantibus derideretur, pictor, ipsum, si tacuisset, suspecturos illos fuisse, ait, ob cul-

tum siue vestitum suum, et ob comitantem ipsum famulatum. Frequens ergo apud Graecos quoque locutio ista: *οι περι* siue *αμφι σε*, ita vt, quando de Platone siue eius assēclis loquantur, dixerint: *οι αμφι Πλατωνα*. Sic AELIANVS *lib. II. cap. XIII. των αμφι τον Αυτον* mentionem facit, qui Socratem accusati fuerint. Conf. et APPIANVS *de bello ciuili, lib. III. p. 531.* HESIODVS in *Ass. v. 178.* pluraque hac de re exempla, diligenter congesta a beato. GEORGIO RAPHELIO, in *annotationibus in nouum testamentum ex Polybio et Arriano; pag. 341.* ex quibus, quonam fine vel affectu diuo Paulo apostolo adhaeserint hi comites, ab euangelista Luca commemorati, satis patet; probandi nimirum ipsi et honoris et amoris gratia.

VII.

IOANN. III. 13.

Phrasis: *filius hominis, qui est in coelo*, variis ansam dedit disputationibus de omnipraesentia Seruatoris circa creaturas, quoad humanam naturam etiam in statu exinanitionis, a Patribus, LVTHERO, aliisque inde asserta. vid. THEOD. THVMII *synopsis controuersiarum, pag. 374. seqq.* Conferantur, quae de Socinianorum circa locum huncce

huncce strophis, breuibus monui in notis ad beati genitoris mei *Partem III. der ueberschwaenglichen Gnade Gottes*, pag. 41. Id saltem iam commemorare iuuat, mentem sanctissimi Seruatoris, si quidem recte illa eruatur, hic non fuisse, vt ostenderet, se in coelo inpraesentiarum esse, adeoque creaturis omnibus praesentem, sed potius, vt personam suam describeret, se nimirum non hominem tantum esse et de coelo descendisse, sed et Deum, qui in coelo sit, (descriptio namque hoc Dei est, Psalm. CXV. 3.) adeoque potentem ad referandum aditum in coelum. Proprie proinde non spectare eo locus hic videtur, vt, probare disertis verbis inde humanae suae naturae omnipraesentiam voluisse, sit dicendus optimus Seruator; licet per consequentiam illa omnino inde sequatur. Diserte illud negat beatus IO. AFFELMANNVS *tom. I. operum*, pag. 170. et pag. 134. *to esse in coelo simpliciter per to esse in gloria coelesti et maiestate diuina* exponit, vti ob personalem vnionem Dominus de coelo 1. Cor. XV. 47. dicitur Seruator. Idem itaque hoc: *qui est in coelo*, significat, ac: *qui est verus Deus*; quemadmodum de Deitate Christi haec verba etiam accipit beatus IO. CONRADVS DANHAEVRVS in *hodosophia*, *phaenom. VIII.* pag. 697. et 760. Non ideo ad secundum communicationis idiomatum genus, sed ad primum

spectat ista propositio, vti a DANHAVERO citato loco, pag. 649. eo refertur; quia vti illa propositio: *Christus homo est aeternus*, b. IO. ADAMO SCHERZERO in *systemate theologiae*, pag. 200. non est idiomatica, sed personalis, ita et haec propositio: *Filius hominis est in coelo*, loco personalis propositionis minime stare videtur, et idem est, ac: *Filius hominis est Deus maiestaticus*.

VIII.

I. TIMOTH. IV. 2.

Verbum καω, vro, tempora sua, excepto imperfecto et aoristo secundo, mutatur ab antiquo ac inusitato καω, vro, quod ex hebraea radice כוה, vssit. Descendunt ab isto vocabula καυμα, calor nimius, aestus, et καυτη ac καυτηριον, vtrumque instrumentum notans, quo inuri stigmata solebant; quam ipsam vstionem significat etiam verbum καυτηριαζω, a diuo Paulo apostolo hoc nostro loco vsurpatum. In aliam quidem sententiam, circa deriuandam vocem latinam *cauterium*, pedibus it ISIDORVS Hispanensis in *originibus suis siue etymologiis*, ex *caueo* et vro illam deriuans, quoniam caute vrere debeant medici atque chirurgi, membra per phlegmonem vel gangraenam infecta amputantes, et post resectionem per cau-

cauterium eadem, quo occallescant et dure-
 rescant magis, sanguisque sistatur, vrentes;
 sed ignoravit graecam linguam ISIDORVS.
 Quare magis audiendi GERH. IO. VOSSIVS
 in *etymologico latinae linguae*, et MATTHIAS
 MARTINIVS in *lexico philologico*, a graeco
 illud deducetes.

Inurebantur tales notae et stigmata, vt
 paucis saltem pro scopo meo haec tangam
 ab aliis vberius declarata, olim ob flagitia
 feruis. Qua de re quando audimus PLA-
 TONEM *lib. IX. de legibus*, pag. 923. inuri
 illos propter commissum sacrilegium in
 fronte vel manu voluit, inurendamque ipsis
 esse statuit *συμφοραν*, quae vox communiter
 calamitatem ac infortunium notat; quemli-
 bet itidem casum ac euentum tristem. No-
 tam ergo commissi criminis, seu, quod idem
 est, casum feruis flagitiosis, qui ista ratione
 accidebat, inurendum illis esse PLATO vult,
 nempe nomen culpae suae. conf. GUIDO
 PANCIROLLVS in *thesauro variarum lectio-
 num*, *lib. II. cap. CCXLI.* idem, quod scili-
 cet nomen commissi criminis, nimirum pri-
 ma eius litera - (e. g. furi litera F) iniusta
 fuerit, aperte docens. Sic calumniatoribus
 per legem Remmiam (Memmiam alii le-
 gunt) litera K inurebatur, CICERONE teste
 in *oratione pro Roscio Amerino*. conf. et VA-
 LERIVS Maximus *lib. VI. cap. VIII.* Nec
 C. 4 nobis

nobis quidem ignotum hodiernum id poenae genus est, quo fures praesertim affici solent, iniusta dorso eorum patibuli, vel alia figura. Vnde sunt, qui apud PLAUTUM furem dici putant, *hominem trium literarum*, quoniam tres hae literae F. V. R. iniustae illis fuerint. Cum, vero in fronte olim inurerentur notae huiusmodi maleficis, Constantinus imperator, Magni cognomine notus, illud abolevit, in manibus potius aut brachiis, vel alia corporis parte fieri id iubens, eo, quod ad coelestis pulchritudinis formam sit formata facies, teste PANCIROLO *loc. cit.* Legitur haec imperatoris lex in Codice Theodosiano, *lib. IX. tit. XI. de poenis.* Caium Caligulam, imperatorem Romanum, varios ordinis honesti viros, stigmatibus valde deformatos, ad metalla fodienda damnassee, SVETONIUS in *vita eius, cap. XXVII.* refert. Inurebantur vero stigmata plerumque iis apud Romanos, qui ad metalla damabantur, quo ab aliis scilicet internoscerentur. Graecis notati ita homines dicebantur *στιγματιαι*, quam vocem CICERO latine retinuit *lib. II. de officiis, cap. VII.* vti et DIO Cassius *lib. XCVII.* eiusmodi hominem *στιγματικον* vocat *stigmaticum*. Sed et *literati* dicebantur, i. e. literis iniusti, referentibus LUDOVICO COELIO RHODIGINO *lib. VIII. antiquarum lectionum, cap. XXXI.* GUIDONE PANCIROLO *loc. cit.* FRIDERICO

RICO TAVBMANNO in *commentario in Plauti Asinariam*, pag. 390. IVSTO LIPSIO *lib. II. electorum*, cap. XV. *Frontes literatas commemorant APVLEIVS lib. IX. de asino aureo*, p. 222. et AVLVS GELLIUS *lib. XV. noctium Atticarum*, cap. IX. Vulgo etiam *homines inscripti* dicebantur, vti legimus apud PLINIVM in *historia naturali*, *lib. XVIII. cap. III.* Quare *inscriptiones frontis* commemorat SENECA *de ira*, *libro III.* Conf. idem *lib. IV. de beneficiis*, cap. XXXVII. Interdum vero apud veteres integras adeo voces inustas corpori fuisse, legimus, quemadmodum Philippus, Macedoniæ rex, Alexandri magni genitor, militi cuidam erga hospitem ingrato, integras has voces inuri iussit: *hospes ingratus*. vid. ZONARAS *lib. III. annalium*, TAVBMANNVS item et LIPSIVS *locis allegatis*.

Quo turpius ergo habebatur, tali modo si quis inurebatur, eo forte mirum magis nobis videbitur, barbaris quibusdam gentibus contrarium prorsus placuisse, corpusque notis variis inustum fuisse nobilitatis signum. Narrant illud HERODOTVS *lib. V. cap. VI.* et SEXTVS Empiricus *lib. III.* nec non IACOBVS GOTHOFREDVS in *notis marginalibus ad Ciceronis lib. II. de officiis*, ac RHODIGINVS *loc. cit.* Cuius rei originem EVSTATHIVS *ad librum ultimum Odyssææ*, pag.

1960. hanc tradit: fuisse uxores Thraciorum quasdam, ob commissa scelera puniendas, stigmatibus inultas, quae probri hanc ac contumeliae notam ut auerterent, totum corpus notis istiusmodi inusserint, unde nata dein consuetudo fuerit, ut pro eleganti aut nobili homine haberetur, cuius corpus istiusmodi punctis et stigmatibus notatum esset.

Non tamen poenae loco semper et ubique, sed discriminis etiam ergo, recepta veteribus fuit eiusmodi iniustio. Sic namque milites tirones stigmate inurebantur, ab aliis quo dignoscerentur, nec aufugere vel subducere se conarentur. Inprimebatur his principis seu imperatoris, cuius sub auspicio stipendia faciebant, nomen, vel integrum, vel prima eius litera, uti e. g. Zeno imperator nomen suum aquariis iniuri iussit. Primis temporibus vel in fronte, vel in manibus accipiebant tales notas novitii isti milites; at post latam supra memoratam Constantini Magni legem, brachia tantum vel manus inurebantur. Conf. de hac iniustione militum tironum AETIVS, *Amydenus* cognominatus, medicus quinto saeculo clarus, in opere suo, quod latina ciuitate IANVS CORNARIUS donauit, *medicina e veteribus contracta* inscripto, lib. VIII. cap. XII. FLAVIVS VEGETIVS, Renatus, *de re militari*,

tari, lib. I. cap. VIII. et lib. II. cap. V. MARTINIVS in lexico philologico, voc. stigma. Vnde lucem lucrantur loca Scripturae Apocal. XIV. 9. XX. 4. vbi mentio eorum fit, qui non accepèrint characterem bestiae in fronte sua, nec in manibus. Quam in rem pluribus conferri poterunt auctores, a beato IO. CHRISTOPHORO WOLFIO allegati, in curis philologicis et criticis, ad Gal. VI. 17. et Apoc. XIII. 16.

Hunc interim ad ritum, paucis a me explicatum, sunt, qui referunt Paulinam phrasin, nostro hoc prioris ad Timotheum datae epistolae loco obuiam, et impostores illos, de quibus sermo est apostolo, falsas comminiscèntes doctrinas, ac per easdem circumuenientes alios, hosque a vera fide et religione auertentes, tanquam seruos nequam atque fugitiuos, Christum Dominum deferentes, illiusque beneficia spernentes, ideo poenae loco cauterio notari dicunt in conscientia, a qua malitiae impietatisque arguantur et spiritualis infamiae commonefiant. *Vulgatus* interpres num ita senserit, vertens: *cauteriatam habentium conscientiam*, nescio, cum et haec versio explicari de ea interpretatione queat, cuius statim mentionem faciam. DESIDERIVS ERASMVVS aperte istam suam fecit sententiam, vertitque: *cauterio notatam habentium conscientiam*,

tiam, quem secuti, praeter LUTHERVM diuum, etiam alii quam plures sunt, e. g. *Vinarienses*, SAL. GLASSIVS in *philologia sacra*, lib. V. tract. I. cap. X. p. m. 1691. VICTORINVS STRIGELIVS in *hypomnematibus in omnes libros noui testamenti*, tom. II. pag. 238. HVGGO item GROTIVS et HENRICVS BVLINGERVS ad h. l. DANIEL HEINSIVS in *exercitationibus sacris*, pag. 517. IO. CHRISTOPH. WOLFIVS loc. cit. vol. III. pag. 458. seq. et, quos ille citat, alii.

Verum enimvero non conuenire textui videtur illa explicatio, istique praeferenda alia, quam pariter vocis καυτηριου et καυτηριαζειν non tam permittit, quam praecipit eligere significatio. Generalius scilicet *cauterium* vocabulum est, omne id, quod urit, denotans. PLINIUS in *historia naturali*, lib. XXII. cap. XXIII. succo laferis siue laferpitii, quod *Meister-Wurtz* Germani appellant, vim vrendi tribuit. Et vocantur succi siue spiritus illi, quos corrosiuos lapides vulgo dicimus, auferendaeque carni pūtridae adhibent chirurgi, cauteria. GALENVS ferum illud candens, quo amburitur, vt occalleat, abscissum membrum, cauterium nominat, idque describit, tanquam calamus aeneum, in fundo perforatum, per quem demittatur ferrum ignitum, vt sic vrat istam partem, vbi facta fuerat resectio, quo occallescat

lescat illa et stupe scat siue indurescat omni-
 que sensu priuetur. vid. LVDOVICVS COE-
 LIVS RHODIGINVS, ex medico Arabico
 id referens, *loc. cit. pag. 389.* nec non HEIN-
 SIVS in *exercitationibus sacris ad h. l. pag. 560.*
 Et haec ad medicorum atque chirurgorum
 cauteria alluisse Paulum apostolum, haud
 inepta, imo commoda magis, multorum est
 sententia, licet ipsi, circa moris huius expli-
 cationem et applicationem, nondum inter se
 consentiant. Nonnulli namque καυτηρια-
 ζειν idem esse volunt, ac *cauterio ressecare,*
amputare; hisque audiunt κεκαυτηριασμενοι,
 nullam qui habent reliquam conscientiam.
 Aliis verbum καυτηριαζειν nihil aliud signi-
 ficat, quam *cauterio amburere;* et horum ex
 sententia οι κεκαυτηριασμενοι habent quidem
 conscientiam, at talem, quae per adustio-
 nem stupida facta sit, callosa atque sensu ca-
 rens. Ad priorem interpretum classem re-
 ferendus THEODORVS BEZA in *comment.*
ad h. l. HEINSIVS *loc. cit.* IVNIVS ac TRE-
 MELLIVS, non solum verba apostoli ver-
 tentes: *quorum conscientia cauterio ressecta*
est, sed in nota ita explicantes: *quorum ita*
obduruit conscientia, vt callum obduxerit, de-
inde cancrum illam dicit inuasisse, postremo
iam esse cauterio amputatam; itemque BE-
 NEDICTVS ARETIVS *comment. in epistolas*
Apostolorum, ad h. l. IO. HENR. ALSTEDI-
 VS in *paratitlis;* IO. PISCATOR in *analysisi*
sua,

sua, siue *comment. in nou. test. pag. 651.* et MARTINIVS in *lexico philologico*, voc. *cauterium*; qui posterior pro stabilienda interpretatione sua HESYCHIVM allegat, quasi *κεκαυτηριασμενον* ille dicat, qui non habeat conscientiam. Sed male, nec fideliter HESYCHIVM allegat MARTINIVS. Non enim, qui non habeant conscientiam, sed qui non sanam habeant conscientiam, illi, uti et SVIDAE, dicuntur *οι κεκαυτηριασμενοι*. Praeferenda vero ex duabus hisce commemoratis explicationibus posterior videtur, eorum scilicet, qui cauteriatis conscientiam aliquam tribuunt, sed callosam stupidamque, crimina sua et peccata haud sentientem amplius; qua ratione apostoli verba interpretantur THEODORETUS *comment. in epistolas Paulinas, ad h. l.* ABRAHAMVS SCVL'TETVS, et, qui eum allegat, EDVARDVS LEIGH in *critica sacra noui testamenti, pag. 172. b.* nec non IOSEPHVS MEDVS, medicus Anglus, in *diatribis ad varia Scripturae loca, ad h. l.* RHODIGINVS item *loc. cit. pag. 389.* alii-que. Causa, cur fundatam istam magis esse credam, haec est, quod scopo diui apostoli textuique sacro respondere eam potius persuasum habeam. Hic namque, cum in verbis locum nostrum antecedentibus defecti-
nem Antichristi, siue pontificis Romani, cum suis aedecis, describat, nostro comma-
te 2. hypocritas hos esse affirmat, praeferen-
tes

tes quidem prae se pietatis et coelestis veritatis speciem, at sub illa mendacia reuera (in sequentibus verbis commemorata ab Apostolo) propinantes, contra ipsam vero conscientiam talia docentes, cum falsitatis conuicti atque refutati satis sint ab ecclesiae nostrae doctoribus, expressa scripturae loca, ipsos synodorum canones et veterum ecclesiae patrum doctrinas illis opponentibus, at callosam eiusmodi habeant conscientiam, ut sensu quasi maneant carentes et mendacia sua deserere praeferre nolint. Non ergo nullam prorsus conscientiam habere illi dici possunt, sed eiusdem saltem amittere sensum, licet morsus illius prorsus tamen restringere non valeant. Vid. IO. FRANCISCI BVDDEI *institutiones theologiae moralis, part. I. cap. I. sect. III. §. XV.* Recte scribit b. CHRISTIANVS STOCKIVS in *clauae linguae sanctae noui testamenti, p. m. 525.* *Conscientia cauteriati sunt homines, quorum animi callo malitiae ita sunt obducti, ut in rebus pessimis nullos stimulos, nullas punctiones sentiant, quia contra conscientiam agere sueti sunt. Sicut enim cauterio in quadam corporis parte sensus doloris adimitur, ita consuetudine peccandi contingere potest, ut conscientiae reclamantis morsus aliquis non amplius curet et sentiat.*

Satis ergo commode dicto modo explicari posse videtur mens diui Pauli apostoli,

¶

vt adeo, quod fecerunt MATTHIAS FLACIUS, Illyricus, in *glossa ad h.l. et FRIDERICVS BALDVINVS comment. ad h.l. το επεχειν* eligere hic non opus habeamus. Nec iis accederem, qui, licet similitudinem chirurgici instrumenti retineant, per illud tamen simpliciter laesionem factam intelligunt, hoc sensu, vt conscientia per hypocrisin et doctrinam falsam laesa ita, corrupta ac deprauata dicatur, quemadmodum cutis humana aut corium quoduis, cauterio adustum atque denotatum, corrumpitur et vitiatur. Videantur, ita sentientes, AMBROSIVS in *h.l.* et REMIGIVS, monachus Antisiodorensis, seculi noni scriptor, in *commentario in omnes XIV. S. Pauli epistolas*, (ab aliis REMIGIO Rhemensi tribui solito) *ad h.l.* nec non ABRAH. SCVLTTETVS in *obseru. in epist. ad Timotheum, ad h.l.*

IX.

IVDITH. XVI. 31.

De libri huius veritate variae sunt virorum eruditorum sententiae, aliis in dubium eam vocantibus, aliis vero eandem vindicantibus. Consulantur, qui ab vtraque parte allata argumenta commemorarunt, dumuiro quondam celeberrimi, PETRVS DANIEL HVETIVS in *demonstratione euangelica,*

lica, *propof. IV. cap. XIV. p. m. 218. feqq. edit. Lipf.* et IO. ALB. FABRICIVS in *prolegomenis in librum Iudith*, vna cum ceteris in alios libros apocryphos prolegomenis, Lipsiae anno MDCXCI. in forma octopartita editis, *pag. 94. feqq.* Inter argumenta, quibus totum hunc librum commentitium meramque parabolam effe, GROTIUS, FABRICIVS alique demonftrarunt, defumptum aliquod etiam effe ex vltimo capitis decimi fexti et totius libri commate, quo feftiuitas annua ob Iudithae victoriam commemoratur. Illius namque cum nemo ex hebraeis fcriptoribus fecerit mentionem, nec vlla eius reperitur apud Iudaeos memoria, merito hoc etiam contra libri ipfius *γνησιωτητα* vrgetur. Nec enim PHILONI aut ANNIO Viterbiensi, id narrantibus, fidem habendam effe, monet FABRICIVS *loc. cit. pag. 121. feq.* Placuit interim contrarium HVE- TIO, qui contra GROTIUM, argumento fupra dicto vtentem, *loc. cit. p. m. 221. a.* differe: vbi inter alia haec leguntur eius verba: *Quamuis autem nulla nunc feftiuitatis, ex facto Iudith institutae, occurrat in Ebraeorum libris memoria, tempore potuit abrogari, vt fit.* Non fatis fecit vero haec HVE- TII coniectura celeberrimo quondam, et insignibus in literaturam orientalem meritis confpicio, Iureconfulto ac Confiliario Gothano, IO-
(Winckleri Hypomn.) D ANNI

ANNI FRIDERICO BREITHAVPTO, * quippe qui, literis ad HVETIVM datis, dis-
sensum suum testatus huic fuit. Optarem,
vt ad manus essent hae BREITHAVPTI li-
terae, lectori ob oculos ponendae. Quod
dum integrum mihi non est, communicabo
cum ipso tamen epistolam HVETII respon-
soriam, quam Idibus Martii anno MDCC.
Lutetiae Parisiorum dedit ad BREITHAVP-
TVM, ipsiusque obiectionibus respondit, et
quae in *demonstratione* sua *euangelica*, con-
tra GROTIUM monuerat, vberius illustrat.
Typis enim cum, quantum memini, exscri-
pta ea nondum sit, ingratum minus erit be-
neuolo Lectori, eam hocce loco legere ex
MSto appositam. Ita vero ille:

Clarissi-

* Vitam huius IO. FRID. BRITHAVPTI, vna cum
decenti meritorum eius in literaturam orientalem com-
memoratione, exhibuit IOACH. IVSTVS BREIT-
HAVPTVS, Halensis olim academiae theologus, in
memoria Caplatoniana, oder Lebens-Beschreibung
zweener Breithaupten, welche im andern Decennio
des jetzigen Seculi zu ibrer Ruhe gelangenet sind, anno
MDCCXXV. a CHRISTIANO POLYCARPO
LEPORINO in forma octuplicata edita, pag. 1.
seqq.

Clarissimo Doctissimoque Viro,
IO. FRIDER. BREITHAVPTIO.

S. P. D.

PETRVS DANIEL HVETIVS,
Episcopus Abrincensis.

Quo tempore literas Tuas ad me attulit honestus et eruditus iuuenis, molestissimis negotiis eram implicitus, ex quibus ne nunc quidem totus emerfi. Sed tamen cum eum accepissem reditum ad Vos parare, nolui committere, ut iustissimum respondendi defererem officium, et humanitatem, qua prouocatus sum abs Te, illiberali silentio prosequerer. Praesertim cum ex epistola Tua et dubitatione illic proposita eruditionem Tuam et insignem hebraicarum literarum peritiam agnouerim: cui si fauere fructumque ex ea capere renue-ro, me mei obliuisci, pristinumque animum exuere, necesse sit. Iam ad rem quod pertinet, haec carpis verba Demonstrationis* meae euangelicae: Quamuis nulla nunc festiuitatis, ex facto Iudith institutae, occurrat in Ebraeorum libris memoria, tempore potuit abrogari, ut saepe fit; docesque mentionem fieri Iudithae, Holophernis atque etiam Achioris in libro precum Iudaicarum, Amstelodami edito. Attendi vero velim abs Te, me dispu-

D 2

tare

* Loco supra citato obuia.

taſſe hoc loco aduerſus GROTIUM, qui fidem detrabit libro Iudith, negatque, ullam feſtiuitatis huius exſtare memoriam apud Iudaeos, ſed feſti tantum encaeniorum ſive luminum. Ego vero id volui reſponſione mea, atque id ipſa ſonant verba, etiamſi nulla nunc occurreret in libris Iudaeorum feſtiuitatis huius memoria, potuiſſe eam tempore abrogari; ac proinde petitum inde argumentum GROTII nullum eſſe. Aliud autem eſt fateri, nullam occurrere in libris Iudaeorum feſtiuitatis huius memoriam; aliud, reſpondere, etiamſi res ita ſe habeat, vt contendit GROTIUS, nihilo meliorem ipſius cauſam fore. Neque tamen exiſtumes, reprehendendum in eo putare me GROTIUM, quod negauerit, feſti huius Iudithaei notitiam haberi inter Iudaeos; nam fidem ſecutus eſt graeci interpretis, qui poſtremum hoc comma vltimi capitis non agnoſcit: et verba illa, quae affers ex libro precum Iudaeicarum, minime repugnant verbis GROTII: iis enim commemorantur Iuditha, Holophernes et Achior; at nulla illic feſtiuitatis ex Iudithae facta inſtitutae mentio. Intenderam praeterea digitum ad fontes, vnde opinionem hanc hauſit GROTIUS, carmen nempe Iudaei poetae, quem laudat R. DAVID GANZ; ex quo intelliges, non aliud feſtum ſignificari a latino interprete libri Iudithae, quam feſtum encaeniorum. Inde igitur clariffime colligitur, quod colligit GROTIUS, neque DAVI-

DEM

DEM GANZIVM, neque Iudaeum illum poetam nouisse festiuitatem illam Iudithaeam; quam nouissent sane, si vlla in gente sua exstisset. Notandum quoque lemma, carmini huic Iudaico, quod laudas, praefixum, יוצר לשבת וחנוכה. Num festum a Iuda Machabaeo institutum, quod vulgo dicebatur חנוכה הנרות, vna erat ex quatuor חנוכות Iudaicis, et חנוכה dicebatur κατ' ἐξέχην, non item Iudithaeum festum, in quo nulla fuit vel templi, vel arae dedicatio: fuit autem in aliis festis, quae חנוכות dictae sunt. Est penes me liber antiquus Iudaicarum precum, calamo in membranis eleganter descriptus, in quo neque carmen illud exstat, neque carminis lemma. Nec mouebit Te, opinor, IEDIDAEI Alexandrini auctoritas, futilis et inepti et Ψευδονυμου scriptoris; qui libri Iudithae lucubrationem et Iudithaei festi institutionem tribuit Iosuae, Pontifici Maximo Iudaeorum. Nam subdititium esse huius IEDIDAEI libellum de temporibus, et recentius ac latine primum scriptum, et hebraice a R. AZARIA redditum, nosti; et quae isticarrantur de annua festi huius celebratione, petita esse ex latina libri Iudith interpretatione. Egregijs lucubrationibus Tuis in R. SALOMONEM IARCHI et in IOSEPH. GORIONIDEM* libe-

* De IOSEPHO hoc GORIONIDE, variisque eius editionibus, et eruditorum circa illum curis, vid. 10.

liberalem aliquem et diligentem contingere editorem, valde optem; neque in eo quaerendo parcerem operae meae, si eius apud nos nanciscendi spes affulgeret aliqua. Verum studia bonarum literarum adeo obsoleuerunt in his locis, ut ne in latinis quidem scriptionibus, nedum in graecis ebraicisque, publicandis vllas omnino impensas facere velint librarii nostrates; imo ne in vernaculis quidem, quae eruditionem sapiant. Nihil melior est conditio literarum in Hollandia. Quamobrem auctor Tibi sum, ut ad Anglos Te conuertas, vel ad eos certe Germanos, quibus in pari causa usus est Wagenfeilius: iam interpretationibus Tuis adiungenda simul ebraica, perinde ut ab eo factum est, censeo. Quod si rem promouere commendatione mea possim, tuaque praeclara adiuuare studia, scito, me nullis omnino officiis defuturum. Vale.

Iisdem,

CHRISTOPH. WOLFII *bibliotheca hebraica*, vol. I. pag. 508. seqq. vol. III. pag. 387. seqq. et vol. IV. pag. 849. qui et de SAL. IARCHI, siue RASCHI, vol. I pag. 1057. seqq. vol. II. pag. 1042. seqq. et vol IV. pag. 986. seq. agit. De BREITHAVPTII vero circa utramque scriptorem hunc Iudaeum adhibita cura et industria vid. supra allegata *memoria Caplatoniana*, pag. 12. seqq. et WOLFIVS vol I. pag. 518 seq. et pag. 1064. Scilicet Gothae edita est anno MDCCVII. in forma quadripartita versio IOSEPHI GORIONIDIS, a BREITHAVPTO adornata, SALOMONIS IARCHI vero commentarius, ab eodem latine versus et notis illustratus, ibidem eademque forma, annis MDCCXIII. et MDCCXIV.

lisdem, quibus hic HVETIVS, armis pugnat, quoad festum in memoriam victoriae Iudith institutum, et commate nostro commemoratum, BERNHARDVS MONTFAVCONIVS in libro gallico, *la verité de l'histoire de Iudith* inscripto, et Parisiis anno MDCXC. in 12. edito, *part. III. pag. 296. seqq.* Conferri pluribus de festo hoc, et praesenti illud indicante loco, poterit IOANNES SELDENVS *lib. III. de synedriis veterum Ebraeorum, cap. XIII. §. X. seq.* ubi, in versionibus recentioribus e graeco factis, e. g. Anglicana, episcopali dicta, et quae secuta est sub Iacobo rege, nec non in Gallica, Belgica aliisque plane deesse comma hoc ultimum, commemorat. Ex recentioribus, historiam Iudithae in genere labefactantibus et euertentibus, nominandus adhuc est IO. FRIDERICVS SCHROEERVS in *imperio Babylonis et Nini, ex monumentis antiquis illustrato*, quod Francofurti et Lipsiae anno MDCCXXVI. in 8. edidit, *sect. IV.*

X.

2. SAM. XIV. 26.

Legimus hic, ducentorum habuisse siclorum pondus quotannis tonsos capillos Absalomi. In bibliis regius centum tantum

memorantur ficii; vti et habet PAVLINVS *epist. IV. ad Seuerum*. Vera vero rectaque illa est lectio. Sed qui fieri id potuit, (quaereret aliquis) tanti vt ponderis illi fuerint? Ducenti namque ficii centum faciunt vncias, quantum vix esse videtur pondus totius capitis humani. Alii propterea, quos nominant LYRA ac TOSTATVS, non de proprie dicto capillorum pondere, sed de illorum potius pretio esse hic sermonem voluerunt, addentes, quod comas flauas adeo formosasque Absalomus habuerit, vt magno impendio a puellis Hierosolymitanis fuerint coemtae. Non probatur hoc aliis, turpe regis filio tale statuentes lucrum, pretiumque iniustum iudicantes; ac probabile minus, muliebribus etiam ornamentis ineptam comam hancce. Quorum autem rationes sufficientes esse, negat THOMAS HVRTADVS, Toletanus, in *resolutionibus de vnico martyrio, digress. V. sect. XII. pag. 403. tum* quoniam comam istam tonsam non regis filius, sed tonsos vel camerarius, pro suis habens ornamenta principis relicta, vendiderit; *tum* quia, propter personae dignitatem comaeque pulchritudinem, maximi istam foeminae aestimauerint ad flosculos ex capillis regiis sibi faciendos, quibus caput suum ornarent, magis forte ista vanitate, quam gemmis lapidibusque pretiosis, delectatae. Non ergo, physicum hoc loco pondus indicatum esse, suspi-

suspiciatur, sed morale potius, quod ex hominum aestimatione accipitur, prouti gemmae pariter margaritae dicantur centum ponderare argenti uncias, non istius gravitatis, vix quatuor saepe drachmas excedentis, sed aestimationis, ex albedine, rotunditate etc. desumptae, ratione. Addit etiam, apud Latinos aequae, ac hoc loco, *ponderare* passim pro *aestimari* sumi, et pro *valore*, quo res aestimatur. Quamvis autem vero hic videatur proxime accedere, illam tamen sententiam meam facere dubitarem. Videtur namque res hic potius narrari, tanquam nova atque rara, comaque Absalomi densa fuisse et gravis, cuius ille senserit quidem molestum nimis, nisi tonderetur, pondus, minus tamen ita senserit, quam si pondus aliquod extrinsecum ipsius impositum fuisset capiti; quandoquidem capillus hic naturalis eodem modo sese habuit ad corpus, uti naturale corpus ipsum per se quidem grave est, cuius tamen pondus adeo non sentit homo. Vid. SAMVELIS BOCHARTI *epistola ad* MICH. FAVKELIVM, quae legitur ipsius in *Geographia*, pag. 883. Notari autem hic potest FLAVII IOSEPHI temeritas, qui *lib. VII. antiquitatum Iudaicarum, cap. VIII.* tantam fuisse scribit Absalomi comam, ut vix octo dierum spatio potuerit tonderi; quo de momento in textu biblico neque vola reperitur, nec vestigium.

XI.

GENES. VI. 15.

Per cubitum hic commemoratum ORIGENES, iudaeorum extraditione, ait, Moſen diuini intelligere geometricum, quam opinionem probat AVGVSTINVS lib. AV. de ciuitate Dei, cap. XXVII. ſcribens: *ſi cogitemus, quod Origenes non ineleganter adſtruxit, Moſen ſcilicet, hominem Dei eruditum, ſicut ſcriptum eſt, omni ſapientia Aegyptiorum, qui geometricam dilexerunt, geometrica cubita ſignificare potuiſſe, ubi vnum, quantum ſex noſtra, valere aſſeuerant, quis non videat, quantum rerum capere potuit illa magnitudo?* Sed improbat id GEORGIVS HORNIVS in notis ſuis ad Sulpitii Seueri hiftoriae ſacrae lib. I. cap. III. ubi mentionem eius faciens addit: *quam et ego probarem, niſi ſcirem, Moſen vbique ſe accommodare ad captum vulgi. Quocirca non eſt credibile, eum locutum eſſe de cubitu geometrico, cuius meſura eruditis tantum nota erat. Neque cauſa eſt, cur eo confugiamus, cum ſimpliciter numerus horum cubitorum, vt a Moſe poſitus eſt, ſufficiat ad omnes animantium ſpecies capiendas, et eorum in annum alimoniam.* Laudat porro IO. BVTEONEM, celebrem ſeculi decimi ſexti mathematicum, omnium qui exactiſſime de arca iſta commentatus fuerit in
eru-

eruditissimo de eadem ad FRANCISCUM TURNONEM, cardinalem, scripto libro. Conf. et MATTHAEI HOSTI *inquisitio in fabricam Noae*. Gentilibus vero historiam diluuii et arcae Noachicae incognitam haud fuisse, ostendit FLAVIUS IOSEPHVS in *antiquitatibus Iudaicis, lib. I. cap. III.* eam in rem BEROSVM, Chaldaicum, HIERONYMVM, Aegyptium, MNASEAM et NICOLAVM, Damascenum, laudans. Praeter quos tamen eiusdem etiam meminerunt ALEXANDER, cognomine *Polyhistor*, MELON et EVPOLEMVS, teste EVSEBIO. Vnde merito miramur, AVGVSTINVM loco supra citato, *lib. XVIII. cap. VIII.* scribere, quod *diluuium illud maximum gentium nec graeca nec latina nouerit historia.*

XII.

GENES. VII. 16.

Quando hic clausisse Deum post Noachum arcam legimus, in mentem venit, superiora dum scribimus, nomen, quod arcae SVLPITIUS SEVERVS loco modo indicato tribuit, *claustrum* illam nuncupans, quoniam nimirum clausa vndique et a Deo ipso denique occlusa fuerit. Factum vero hoc ideo fuisse, censet CHRYSOSTOMVS *homil. XXV. in Genesim*, ne aquarum saeuitiam ac tot hominum

minum brutorumque interitum videns Noachus nimium contristaretur.

XIII.

DEUTER. XXVIII. 66.

Ceteras inter comminationes, quibus Iudaeis immorigeris futuris variae, eademque grauiissimae, infligendae praedicuntur plagae, de *vita* eorum dicitur, quod sit futura *suspensa* ipsis *e regione* etc. Vetusissimus patrum, IRENAEVS *lib. IV. cap. XXIII.* de Christo crucifixo locum huncce accipit, ac si praediceretur isto, fore, vt cruci ille affixus fide suscipiatur, prouti verba eius sonant: *significans, quoniam, quod ab initio condidit et fecit eos, verbum, et in nouissimis temporibus redimens nos ac viuificans, ostenditur pendens in ligno, et non credent ei; ait enim: et erit vita tua pendens ante oculos.* IRENAEVM sequitur TERTULLIANVS libro *contra Iudaeos, cap. XI.* qui et de suo verba: *in ligno addit, per oscitantiam autem ex Exodo citat verba ista: sicut Moses, scribens, ante nuntiabat in Exodo dicens: eiciemini de terra, quam introibitis, et non erit stabilitas vestigio pedis tui, et dabit tibi Deus cor pauidum et tabescentem animam, et erit vita tua pendens in ligno ante oculos tuos, et non credes vitae tuae: itaque quia impleta est*

est prophetia per aduentum eius, id est, per natiuitatem, quam supra nominauimus, et per passionem, quam euidenter ediximus, propterea et Daniel signari prophetiam et visionem dicebat. etc. Plures veterum pro hac sententia allegat CHRISTOPHORVS PELARGVS, eamque ipse pro viribus tueri conatur in *commentario in Deuteronom. ad b.l.* Inter recentiores eandem amplexus est doctissimus GEORG. LVDOV. OEDERVS, huic loco, in *syntagmate obseruationum sacrarum*, singularem obseruationem, quae ordine quinta est, dicans, et ad Christum illum pariter applicare studens. Solum vero CYPRIANVM in *testimoniis aduersus Iudaeos, lib. II. cap. XX.* huic interpretationi fauentem adducit, nullos autem nactum fuisse eum suffragatores ait §. I. et II. per quos si recentiores intelligit interpretes, habet secum me consentientem; de patribus enim contrarium ex iis, quae adduxi, patet. Vnanimi potius consensu de Christo interpretatos esse hocce vaticinium veteris ecclesiae doctores, notat CHRISTOPHORVS STARCKIUS in *synopsi bibliothecae exegeticae in vetus testamentum, tom. I. pag. 1155.* Quod vero ad rem attinet, reuera cohaerentiam textus ex oculis dimisisse illi videntur, cum alium sane requirat horum sensum, quicquid etiam se macerent PELARGVS et OEDERVS. Mera proponuntur in antecedentibus temporalia
suppli-

supplicia ac dirae calamitatesque immorigeris, proponuntur et in sequentibus; nec conciliari, immediate quae nostra excipiunt, verba cum iis apte possunt. Putat quidem, optime interpretationi suae consuli ex ipsa huius contextus consideratione, OEDERVS. Diserte enim §. V. *Ceterum id, ait, disquirendum: an conueniat contextui? Negabunt alii; ego vero, aio, conuenire pulcherrime. Haecenus Moses varia suppliciorum genera enarrauerat, quibus afficiendi forent Iudaei. Iam non putandum est, haerere Moysen tantum in corporalibus malis externisque recensendis. Reliquum erat malorum omnium maximum et atrocissimum, stupenda mentis coecitas, quod Messiam, Dei filium vnigenitum, Dominum gloriae, in crucem agerent etc. Qualis haec cohaerentia? Commate 65, de pauido cordis habitu, quo puniturus esset Iudaeos, inter gentes varias dissipatos, Deus, sermo fuit. In nostris versus 66. verbis de summa agendi in crucem Seruatorem malitia OEDERVS loqui diuum Moysen iubet. Statim vero in sequentibus ad inquietam mentem et de vita desperantem animum reuertitur, malaque temporalia illos tunc manitura describere pergit. Hic ego nullam, quod pace viri doctissimi dixerim, video, nisi quae coacta sit ac vixdum demonstranda, verborum connexionem, si ad ipsius mentem verba Moysis accipere quis velit. Nec sane de pau-*

pauore ac terrore, hodie post seruatorem a se cruci affixum, quo sit perculsa incredula Iudaeorum posteritas, intelligi commodè verba, quae nostris proxima sunt, possunt, vti reuerendus OEDERVS §. VII. existimat. Annum dispersi inter gentes Iudaei interfecerunt mundi sospitatorem? Minime. Naturalis contra ac facillima fuit connexio, si de temporali vita eiusdemque periculo, metum talem, qualis deinde commemoratur, merito producente, verba, de quibus sermo mihi est, accipiamus hunc in modum: *erit vita tua suspensa tibi, ut nescias, quid agas, quid sequaris, quid fugias, et haec cura semper e regione tui erit, nunquam non ob oculos tibi versabitur.* Phrasis vero hic obuia aliis pariter in locis eodem sensu usurpata deprehenditur. Conf. Ios. X. 26. Hof. XI. 7. Num. XXIII. 19.

XIV.

GENES. XLV. 22. LVC. XX. 46.

ANnotat ad posteriorem locum in *curis* suis beatus WOLFIVS ex GATAKERO, quod aliis vestibus domi, aliis in publico vti veteres soliti fuerint. In mentem haec legenti venerunt, quae de Lycurgo tradit XENOPHON in libro *de institutione reipublicae Lacedaemoniorum, cap. II. §. IV.* eum scilicet,

cet, cum in mutandis vestibus luxuriae mirum in modum indulserint ceteri Graeci, Lacedaemonios per totum annum vni vestimento assuescere iussisse, rationemque huius instituti addidisse hanc, quo eo ipso ad ferendum aestum atque frigus redderentur eo magis apti. Traditur idem a latinis pariter scriptoribus; sed ita, ut interpretatione ex antiquitatibus petita indigeant. Sic enim IUSTINVS *lib. III. cap. III.* de Lycurgo scribit: *iuuenibus non amplius una veste vti anno permisit, nec quemquam cultius, quam alterum progredi.* Sensus verborum horum eo redit, quod annum duodecimum egressos iuvenes vnica tantum veste vti, et pallium saltem, sine interiori tunica, habere voluerit Lycurgus, ita ut eodem vestimento tam hiberno, quam aestiuo, tempore inceserint induti. Praeter XENOPHONTEM iam citatum docet idem PLUTARCHVS quoque in *vita Lycurgi*, sic de eo scribens: *vbi attigerunt annum duodecimum, iam sine tunica agebant, vnum accipiebant quotannis pallium.* Aetatem tamen prouectam assecutos iuuenes tunicam, praeter pallium, accepisse, ex antiquitate constat, licet senes etiam aliquando, qui iam indurati erant, solo pallio, hiberno quoque tempore, vti fuisse legantur, prouti de Agesilao referunt PLUTARCHVS in *apophthegmatibus Laconicis*, et AELIANVS *lib. VII. var. hist. cap. XIII.*

Quis

Quis vero legis huius scopus fuerit, a Ly-
 curgo intentus, facile apparet. Obicem
 scilicet luxuriae ponere hoc ipso voluit Ly-
 curgus, dum, ut supra dicto loco IVSTI-
 NVS tradit, ne quis cultius altero progre-
 diatur, constituit. Idem namque sicut erat
 victus illorum hominum, regionum aequae
 puerorum, ac infimae fortis hominum libe-
 rorum, ita vestitus pariter idem prorsus;
 quemadmodum id docet ARISTOTELES
lib. IV. polit. cap. IX. ubi rex eodem usus ve-
 stimenti genere fuisse narratur, quam pau-
 perimus quisque. Mentio autem quando
 hic fit pauperum, respectu ceterorum Grae-
 corum, ita loquitur ARISTOTELES, non
 Lacedaemoniorum, quippe qui diuitiis,
 nullum apud eos usum habentibus, prorsus
 non gaudebant, teste XENOPHONTE *cit.*
loc. Hinc THUCYDIDES *lib. I. init.* Lacedaemonios primum inter Graecos lege san-
 xisse, ait, ut modico et aequali inter omnes
 vestitu vestirentur homines. Et de Dioge-
 ne AELIANVS *lib. IX. cap. XXXIV.* narrat,
 quod, cum publicis in ludis Rhodios adole-
 scentes laute viderit vestitos, fastum eorum
 publice culpauerit, iisdem vero in ludis
 adolescentes videns Lacedaemoniorum, vul-
 garibus ingredienti sordidisque vestibus,
 dixerit: *videte alium fastum*, duritiem
 suam ostentare volunt. Quis vero non
 vtile hoc maxime fuisse reipublicae profite-
 tur?

(Winckleri Hypomn.)

E

tur?

tur? quippe cuius in eo praecipue consistit utilitas, aequalitas ut conferretur, quod vero fieri felicius non potest, quam si diuitiarum tollitur abusus, leges vero obseruantur fideliter. Quare, AELIANO teste *lib. XIV. cap. VII.* ephori, praecipuus Graecos inter magistratus, vestimenta ciuium et iuuenum quotannis ut inspicerent, positum in more fuit, et attendere maximopere illi debuerunt, num decore omnia, id est, secundum leges, confecta essent, an vero superfluous quis ornatus deprehenderetur. Ceteroquin corpora eneruabant, uti XENOPHON loquitur, Graecorum reliqui, vestes saepius mutando. Quae quidem vestium mutationes hoc loco absolute sunt accipiendae, respectu diuersi anni temporis, ita ut alia veste usi aestate, alii hyeme fuerint. Interim ornatus tamen causa mutare maxime solebant vestimenta veteres. Alba namque gestabant Romani pariter ac Graeci, quae, si fordimenti quid contraxerant, fulloni tradebantur purganda additaque creta dealbanda, et priori splendori restituenda. Liquet hoc ex Epaminondae facto apud AELIANVM *lib. V. cap. V.* ea qui paupertate vivebat, ut vno tantum pallio gauderet, et, si dandum illud fulloniam in officinam erat, domi manere cogeatur, quoniam aliud non interea temporis ipsi pallium induere liceret. conf. de fullonum apud Romanos usu

10. MICH. DILHERRVS in dissertatione *de usu scriptorum secularium et antiquitatis*, Altorfii anno MDCXXXV. publice ventilata, et in *tomo I.* ipsius *dissertationum philologicarum*, Norimbergae anno MDCLII. in 4. coniunctarum edit, recusa. Causa vero haec est, cur saepius ita legamus in scriptoribus, vestes commemorari mutatorias. Si e. gr. occurrunt apud HOMERVM *Odyss.* 9. 249. *ματία ἐφημοίβα*, quae HESYCHIVS docet eiusmodi fuisse vestimenta, quae ob multitudinem mutari fuerint solita. Idem mos nec orientalibus antiquissimis temporibus ignotus fuit. Vnde in priori, ad quem haec scribo, loco Gen. XLV. 22. Iosephus dicitur binas singulis fratribus dedisse vestium mutationes, Beniamino vero quinque. Et Romanos inter iste aequae mos inualuit; prouti FLAVIVS VOPISCVS in *vita Probi*, cap. V. triplices ipsi, cum bene res gessisset, dono fuisse datas iussu imperatoris vestes, narrat. Imo tanta erat in his vestimentis veterum luxuria, vt aliquot centena, imo millena domi haberent; quemadmodum de Lucullo, quod roganti cuidam ducenta vestimenta dederit, memini, me legere relatum. Salse inde MARTIALIS *lib. IV. epigr. XLVI.* luxuriosum quendam sic alloquitur:

atque vnā vestire tribum tua candida possunt.

et lib. V. epigr. LXXXI.

*Vndecies vna surrexti, Zoile, coena,
et mutata tibi est synthesis vndecies.*

Referendum ad hunc morem quoque est, quod commemoratur apud SVETONIUM in vita Tiberii, cap. LVIII., capitale fuisse sub Tiberio, circa Augusti simulacrum vestimenta mutasse. Et referri eo sorte posset, quod in praecepto Seruatoris Matth. X. 10. de duabus vestibus, a discipulis iter facientibus non secum portandis, legimus, nisi ea potius reddenda eius esset ratio, quam inculcaui in *disquisitionibus meis philologicis*, pag. 86. Haud tamen tollere altera alteram videtur.

Maxime autem, quod obiter obseruo, veteres mutabant vestes in re laeta, in facris, itemque honoris habendi causa. In re laeta quod morem hunc seruauerint, ex PLAVTO patet *Casim. IV. sc. VIII. v. 20.* sponsus ubi incedit candidatus, uti et ex LIVIO lib. XLV. cap. XX. ubi Rhodii legati, post victoriam de Perseo deportatam Romanorum, gratulatum missi Romam in candida primum apparuerunt veste, deinde vero, reiecti a senatu, eo quod decenter minus se in bello isto gesserant, sordidam sumserunt vestem. Honoris gratia idem factum fuisse, vel exinde constat, quod, qui con-

consulatum petebant, missis ceteris, quibus utebantur, vestibus, candidis semper prodire solerent, populo honoris deferendi causa; vnde *candidatorum* nomen fortiti hi fuerunt. De mutatione vestium in sacris vsitata consuli possunt SVETONIVS in *vita Augusti*, cap. XCVIII. atque POLYAENVS *lib. I. strategem. cap. XXVII. ex. II.* Ex quo explicandum, quod de Iacobo legitur Gen. XXXV. 2. cum Bethalem, vt Deo sacra ibi faceret, profecturum inter alia suos vestes mutare iussisse; item quae habentur Exod. XIX. 10. 14. vbi lauare vestes suas iubebantur Israelitae, cum descensurum de monte Sinai esset supremum Numen. Quod sane mandatum Israelitis ideo datum esse videtur, quoniam, cum in deserto essent, mutare vestes minus potuerint, cuius mutationis loco lauare vestes eos oportebat, ita quo ad Deum rite accedere possent.

XV.

SIRAC. VII. 36. 37.

Non iam, quae de sepultura dici ad hunc locum possent, commemorabo, nec, quam varia ratione circa mortuorum corpora vel humanda, vel cremanda vsae variae gentes fuerint. Euoluat, cui volupe est, vberius ea de re erudiri, veterum de

luctu, funeribus, exequiis, conseruando-
rum cadauerum ratione et monumentis se-
pulchralibus scriptores, diligenter atque ac-
curate recensitos a beato IOAN. ALBERTO
FABRICIO in *bibliographia antiquaria*, cap.
XXIII. quibus addi poterunt LEONHAR-
DVS HOFMANNVS in dissertatione *de sin-
gulari Hebraeorum cura sepeliendi mortuos*,
Ienae anno MDCCXXVI. habita, CARO-
LVS POSSIETH in euulgata *de sepultura
Hebraeorum* dissertatione, Vpsaliae anno
MDCCXXVI. 8. IO. GEORG. ALTMAN-
NVS in disquisitione philologico- critica *de
consuetudine Iudaeorum, defunctos cantu tibi-
cinum deponentium*, in Tempe Heluetico
tom. II. pag. 509. seqq. obuia; IO. GEORG.
ABICHTIVS in dissertatione *de ritibus se-
pulchralibus, christianam fidem indicantibus*,
Wittebergae anno MDCCXXXVI. ven-
tilata; et IO. NICOLAI, antiquitatum olim
in academia Tubingensi professor, in *libello
de luctu Christianorum, seu de ritibus ad se-
pulturam pertinentibus*, quem ex bibliotheca
sua primum edidit SIGEBERTVS HA-
VERCAMPIVS, Lugduni-Batauorum anno
MDCCXXXIX. 8. nec non IO. FRID.
SAVRMANNVS in tractatu *de iure circa se-
pulchra*, Bremae qui anno MDCCXXXVII.
4. lucem vidit. Paucis saltem hic de vete-
rum gentilium in mortuos pietate ac reli-
gione dicam, iis respondente officiis, qualia
postu-

postulat in loco nostro Siracides. Et plura quidem de ista occurrunt in historicorum voluminibus testimonia. Iusta, quae subit PLINIVM *lib. VI. epist. X.* indignatio, cum, decimo ab obitu Virginii Rufi anno magni huius viri reliquias neglectosque cineres sine titulo, sine nomine conspiceret iacere, eiusdem religionis testis est. Non autem sati erat, defunctorum in honorem ut insignes pyramides, magnifica mausolea et nobiliores obeliscos exstruerent, utque in memoriam eorum scenicos rite celebrarent ludos, verum promerita etiam elogiorum recensione eandem ad posteros transmittere allaborabant, amplissimisque praemiis viros summas ad decantandas illorum laudes inuitabant, uti Artemisia cum primis id fecisse dicitur apud GELLIVM *lib. XII. noctium Atticarum, cap. XVIII.* Conf. IVSTI CHRISTOPH. BOEHMERI *dissertatio de laudationibus funebribus, siue parentalibus*, Helmstadii anno MDCCV. et *de orationibus parentalibus*, ibidem anno MDCCVIII. euulgata commentatio, ac GEORG. LVDOVICI GOLDNERI *de antiquo parentandi ritu* programma, Gerae anno MDCCXXI. editum. Quin et, coronas e floribus plexas mortuis impositas fuisse, tradunt XENOPHON *lib. VI. de expeditione Cyri*, et LVCIANVS in dialogo *de luctu*. vid. CAROLVS PAISCHALIVS in libro *de coronis*. Tumulos

praeterea floribus conspersos, indicant SOPHOCLES in *electra*, PLUTARCHVS in *Numa*, SVETONIUS in *Nerone*, cap. LIII. Frondes enim et flores ad sepulchra ferebant, ac in funere eosdem spargebant. vid. CONR. SAM. SCHVRTZFLEISCHII *de ritu spargendi flores* dissertatio, Wittebergae anno MDCXCI. habita. Plura qui de his et specialiora cupit, adeat IO. SEBAST. MITTERNACHTII dissertationem *de honoribus, quos antiqui defunctis habuerunt*, quae inter ipsius historicas dissertationes, Numburgi anno MDCLXVI. in forma octuplicata editas, nona est, pag. 131. seqq. *De officio erga defunctos, secundum legem naturae*, singulari dissertatione, Tubingae anno huius seculi primo publicae disquisitioni exposita, egit B. ANDREAS ADAMVS HOCHSTETTERVS. *De superstizioso autem mortuorum apud Chineses cultu* duae legi merentur erudite concinnatae dissertationes, altera IO. FRANCISCI BVDDEI, Halae eodem anno habita, et in ipsius *analectis historiae philosophicae*, pag. 261. seqq. recusa; altera GOTTL. FRID. SELIGMANNI, Lipsiae anno MDCCIII. ventilata, ibidemque in eius *exercitationibus academicis*, pag. 1147. seqq. recusa.

XVI.

MATTH. V. 39.

Vocem *ραπισ*, vnde descendit *ραπισω*, per *ραβδος*, et *ραπιζειν*, per *ραβδω πληξαι* interpretantur HESYCHIVS et SVIDAS, citati a CHRISTIANO STOCKIO in *clauē linguae sanctae nou. test. pag. 874*. Iam vero *ραβδος* est *virga, bacillus*; vnde *ραβδουχοι* *lictores*, qui fasces praeferabant summis apud Romanos magistratibus. Deriuat adeo a *ραβδος* vocem hanc EUSTATHIVS ad *Homeri Iliad. μ. p. 906*. Significat etiam *crepidam* *ραπισ*, ideoque apud poetas primum est Mercurii epitheton *χευσοραπισ*. Sed dubium est, ita num vocetur hic ethnicorum deus ab aureis crepidis, an a virga aurea? Dici enim vtrumque potest. *Ραπισω* interim notat percussione, tali peractam instrumento. Et vsurpatur illud quidem vel absolute et simpliciter, vel addito nomine; prouti v. g. apud PLVTARCHVM in *parallel. graec. tom. II. operum, pag. 293*. additur *υποδηματα*. Quando autem absolute ponitur, plerumque *virgis caedere* significat. vid. POLLVX *lib. IV. onomast. cap. vlt.* SVIDAS in hac voce; EDVARDVS LEIGH in *critica sacra*, VOC. *ραπισω*; et IO. CASP. SVICERVS in *thesauro ecclesiastico, tom. II. f. m. 900. seq.* Eadem ratione vertunt quo-

que per *bacillis caedere* το ραπιζειν in noui foederis locis, vbi illud occurrit, praeter nostrum locum, Matth. XXVI. 67. Marc. XIV. 65. Io. XVIII. 22. XIX. 4. THEOD. BEZA, IO. PISCATOR et ERASMVS SCHMIDIVS; et Marc. XIV. 65. ραπισματα *bacillorum ictus* reddit BEZA, quem, quoad nostrum in primis Matthaei locum, refutat PETRVS FABER *lib. I. agonist. cap. XIX.* Et de eo sane apertum satis est, per *alapas infligere* interpretandum το ραπιζειν esse, quoniam expressa ibi fit maxillarum mentio. In ceteris vero pariter, quod eodem sensu sit accipienda haec vox, affirmari nullus dubitauerim. Conf. b. IO. CHRISTOPH. WOLFIVS in *curis philologicis et criticis, vol. I. pag. 387. et 964.* Attendendus vero circa illam sunt linguae graecae pariter, ac ceterarum vsus atque consuetudo. Dantur scilicet variae transferendi voces, a speciali ad generalem et communem significationem, rationes. Notat v. g. μεταλλαω et μεταλλευω ex prima impositione *metalla in terrae visceribus scrutari*; sed de cuiusvis tamen rei scrutatione, quocunque tandem modo illud fiat, vsurpatur. Sic verbum στεργω ex prima significatione illum designat amorem, inter parentes liberosque qui deprehenditur; sed cuiusvis tamen rei pariter amorem quoque indicat. Est ergo eadem vocis ραπιζειν ratio, quod ex prima scilicet impositione percussio-

cussionem, virgis vel crepidis peractam, significet, deinde vero ad quamlibet translatum fuerit percussionem, quocumque demum modo, vel a quocumque etiam subiecto illa peragatur. Prouti vero in genere obseruant graecae linguae periti, non, a genere si ad speciem vocabulum transfertur, sed, ad genus quando a specie transferuntur vocabula,* *emphasin* tribuendam esse vocibus: sic de *ραπιζειν* idem quoque valet, cuius scilicet specialis significatio, *virgis caedere*, transfertur quoque quamuis ad percussionem. Dabimus eius rei exempla aliquot extantiora. Apud HERODOTVM v. g. *lib. VII. pag. 397.* *ραπιζειν* est *flagellis et loris caedere*, quod ex materiae subiectae clarum est significatione. 3 Esdr. IV. 30. de manibus vsurpatur *ραπιζειν*; additur namque *τη αριστερα*. Hof. XI. 5. dicitur *ραπιζειν επι την σιαγωνα*, vti et Iesa. L. 6. dari leguntur *ραπισματα εις σιαγonas*. PLVTARCHVS in *parallel. Rom. pag. 267.* *παιειν επι κορης* et *ραπιζειν* tanquam synonyma coniungit, quorum illud phrasis Attica est, hoc in dialecto dicitur.

* Sic *μεταλλα* speciem notat, nempe metallorum intimis in terrae visceribus inuestigationem, quae sane non nisi molestissima esse agnoscitur. Iam si ad alias res transfertur haec vox, simul et eius vis ac *emphasis* ad illos pariter transfertur, et, magna cum molestia coniunctam esse rerum talium scrutationem, indigitatur.

dicatur communi. Multae inde phrasēs in sacris noui foederis tabulis leguntur, numquam quae occurrunt apud scriptores Atticōs; vbi de POLYBIO quoque, quem communi dialecto scripsisse sua constat, idem iudicandum. LUCIANVS *tom. II. operum, pag. 274. 277.* το τυπλω et παπιζω permutat; in specie vero apud eundem de alapis inflictis aliquoties vsurpatur το παπιζειν, e. g. *tom. IV. in dialogis meretriciis.* Simile quid obseruatur etiam in noui testamenti libris sacris. Quando enim Matthaeus euangelista capite nostro V. comm. 39. verbo παπιζειν vtitur, idem Seruatoris mandatum allegans Lucas cap. VI. 29. vocabulum τυπλειν vsurpat. Quod quidem ex iure quoque Romano illustrari potest. Notum est de Romanis, illos alapa inflicta solitos fuisse seruos dimittere. vid. *l. penult. et vlt. C. de emanc. lib. n. LXXXI. Claudianus de IV. conf. Honor.* EDMUNDVS MERILLIVS in *notis nomico-philologicis in passionem Iesu Christi, pag. 15.* THOMAS MARESCHALLVS in *obseruationibus in euangeliorum versiones perantiquas duas, Gothicam scilicet et Anglo-Saxonicam, pag. 437.* Quod hic alapa dicitur Romano iure, a Graecorum id iureconsultis παπισμα vocatur; hoc vero non Attice, sed communi dialecto alapam significat. conf. DANIEL HEINSIVS in *aristarcho sacro, pag. 940.* SEB. PFOCHENIVS
de

de *stilo noui testamenti*, §. XC. PETRVS FABER *lib. I. agonist. cap. XIX.* et IACOBVS CUIACIUS *lib. V. obseruationum et emendationum, cap. XIII.* Quicquid ergo in contrarium differat THEODORVS BEZA, το ραπισειν, quando in noui testamenti locis occurrit, *alagam infligere*, το ραπισμα vero *alagam* significat. Adde HVGONEM GROTIUM et LVDOVICVM DE DIEU *ad Matth. XXVI. 67.* Conatur quidem hoc ex loco assertum suum confirmare Beza, vrgens, quod ibidem a τω κολαφισειν distinguatur το ραπισειν; et decepit hoc quoque eruditissimos viros. Sed obseruanda contra hos est distinctio *colaphos* inter atque *alapas*. Ille scilicet pugno, manu haec explicata siue palma affligitur. Vid. praeter SVIDAM iam citatum, THEOPHYLACTVS *in Matth. XXVI. 67.* GERH. IO. VOSSIUS *in harmonia euangel. passionis, lib. II. cap. II. pag. 196.* Alia ratione *calaphum* ab *alapa* distinguere iubet CONSALVVS DVANTES *in annotationibus ad S. Brigittae reuelationes*, a se anno superioris seculi sexto editas, *lib. I. cap. X.* illo dum collum percuti, *alapa* maxillam putat, testem citans LVDOLPHVM* *Saxonem in vita Christi, part. II. cap. LX.* Sed obscuro-

* Aliis is LEVTHOLFVS, vel corruptius LANDVLFVS audit. Vid. de hoc b. IO. ALB. FABRICII *bibliotheca latina mediae et infimae aetatis*, vol. IV. pag. 847. seq.

obscuro vixit hicce testis seculo, quo iam de graecae aequae ac latinae linguae proprietate haud constabat. Distinguunt etiam utramque vocem CAIVS VETTIVS AQUILINVS IUVENCVS, poeta ex quarto seculo christianus, in *historia euangelica* rhythrice descripta, nec non CAELIVS SEDVLIVS, quinti seculi scriptor et presbyter, in *carmine paschali*; quorum ille:

Tunc sanctam Christi faciem sputa improba complent,

Et palmae in malis, colaphique in vertice crebri

Insultant.

hic vero:

*non denique passim
Vel colaphis pulsare caput, vel caedere
palmis.*

XVII.

GENES. XXXVI. 24.

Quid per הַיִּמִּים hic intelligatur, quos ANA in deserto inuenisse dicitur, cum fratris sui asinos pasceret, varie determinare interpretes conati sunt, aliis *maria*, *aquas calidas* aliis, aliis *gigantes* subintelligentibus, quos recenset IOAN. SAVBERTVS in *triga diffi-*

difficiliorum scripturae sacrae locorum, Helm-
 stadii anno MDCLXXI. ventilata, et recusa
 in *palaestra theologico-philologica*, pag. 291.
seqq. LXX. interpretes, ut et AQUILA et
 SYMMACHVS obscuritate vocis videntur
 esse territi ipsamque ideo retinuisse vocem
 hebraeam. In hoc tamen discrepant, quod
 in singulari illi vertunt τοῦ Ιαμεῖν, hi vero
 in plurali τοὺς Ιαμεῖν. Multa et varia etiam
 ipsos inter Hebraeos de hoc loco disputa-
 tum fuisse, HIERONYMVS testatur in *quae-
 stionibus hebraicis in Genesin*, plerosque ta-
 men putare, addit, quod equarum greges ab
 asinis in deserto Ana hic, a Mose commemo-
 ratus, primus fecerit ascendi, ut mulorum
 inde noua contra naturam animalia nasce-
 rentur. conf. R. SALOMON IONATHAN
 in *paraphrasi et Bereschit Rabba sect. LXXXII.*
 Ex recentioribus inprimis huic explicationi
 contradicit SAMVEL BOCHARIVS in *hie-
 rozoico*, part. I. lib. II. cap. XXI. cuius argu-
 menta recenset CHRISTIANVS STOCKIVS
 in *clauē linguae sanctae veteris testamenti*,
 voc. יָמִים. Ipsi vero non accedit, sed cum
 IO. CHRISTOPHORO WAGENSEILIO *ad*
Sota cap. I. §. XXIX. num. VIII. pag. 217.
 et, quem hic sequitur, ABEN ESRA, potius
 herbarum aliquam, nunc parum cognitam,
 speciem innui censet, quia minimis obnoxia
 sit haec interpretatio difficultatibus. BO-
 CHARTVM aequē ac WAGENSEILIVM re-
 futauit

futauit. AVGVSTVS PFEIFFERVS in *dubiis vexatis, centur. I. loc. LXV.* Iis, qui, de aquis calidis sermonem hoc loco esse, autumant, ex recentioribus addi possunt FORTVNATVS SCACCHVS in *myrotheciis tribus sacrorum elaeochrismatum*, quod opus non indoctum altera vice Amstelodami anno MDCCI. fol. excusum fuit, *cap. XXVII.* et 10. SIMONIS, Gymnasii Halensis rector, in *arcano formarum nominum hebraeae linguae*, pag. 390. Quod ad rem attinet, obscuritati huic, cum vox ימים, teste SCHINDLERO in *lexico polyglotto*, alibi non occurrat, nec in hebraea, nec in vicinis linguis, affundi lux non potest, neque certa asserri illius interpretatio. Videntur tamen ii vero simillimam eligere, qui *mulos* denotari et a Mose indicari existimant, per admissionem siue asini ad equam, siue equi ad asinam (vtrouque scilicet modo mulum gigni, PLINIVS testatur *lib. VIII. historiae naturalis, cap. XLIV.*) progenitos. Narrat enim tanquam rem mirandam et insolitam Moses hoc. Stagnum autem vel aquas calidas inueniri, adeo non est inusitatum. BOCHARTO, nomen פרים alias in sacris literis et apud ceteros scriptores hebraeos mulis tribui solitum vrgenti, bene opponit citato loco PFEIFFERVS, quod duo dari queant vnius rei in vna lingua synonyma. Potuit namque nomen istud ימים, tanquam peregrinum,

grinum, animalibus hisce ab Horiis, quorum e prosapia Ana descendit, imponi Quod vero asinorum mentio hic non deprehendatur, studio forte a Mose factum est, ne modum, quo fuerint geniti muli, foedum scilicet, statim lector animaduertat. Praecipuos, quinam huic sententiae faueant, enumerat PFEIFFERVS *loc. cit. pag. 168.* quibus ex recentioribus celeberrimus Wittebergensis academiae theologus, CHRISTOPH. HENR. ZEIBICHIVS in *bibliis exegeticis*, ad h. l. addi poterit. Ab ipso Ana tamen e generis equini et asinini consociatione, *ἐκ προαιρέσεως* dataque opera primum, ceu a causa morali, productos non fuisse mulos hos, putat laudatus PFEIFFERVS *l. c.* et SEBASTIANVS SCHMIDIVS in *commentario in Genesin*, pag. 581. sed ex illis *αὐτομάτως* congressis progenitos, ab Ana vero obseruatos esse, censent. Cui sententiae nec vocabuli ΝΥΔ repugnat significatio, quippe quod, vt exemplis CHRISTIANVS STOCKIVS in citata sua *clauē vet. testam.* pag. 617. probat, in genere *inuenire* notat, siue simpliciter, siue modificate et certa ratione, siue res, quae inuenitur, antea exstiterit, siue minus.

XVIII.

GENES. VI. 2.

Vetus est, sed longe erronea, tam Iudaeorum, quam Christianorum, secutorum illos, quam plurimorum imprimis primitivae ecclesiae doctorum opinio, e coelo delapsos angelos cum feminis rem habuisse. Ex hebraeis amplexi hanc sententiam sunt FLAVIUS IOSEPHVS atque PHILO; ex Graecis IUSTINVS, TATIANVS, PROCLUS, ATHENAGORAS; ex latinis TERTULLIANVS, CYPRIANVS, LACTANTIUSQUE. IOSEPHI verba haec in *antiquitatibus Iudaicis, lib. I. cap. III. multi angeli Dei cum mulieribus congressi progeniem procrearunt insolentem et fiducia roboris omne ius et fas contemnentem*. Sequitur cum etiam AMBROSIVS in libro *de Noa et arca, cap. IV*. Prolixè eam autem sententiam refutarunt AVGVSTINVS *lib. XV. de ciuitate Dei, cap. XXIII.* et THEODORETVS *quaest. XLVII. in Genesin*. Haeresin adeo pronunciauit esse PHILASTRIVS *de haeresibus, cap. CVIII.* si, angelos miscuisse se cum feminis ante diluuium, et inde natos gigantes esse, quis asserat. Decepisse autem tale quid statuentes male sana huius loci interpretationem, quilibet videt; circa quem tamen explicandum meliores interpretes ita versantur, vt
per

per *filios Dei Sethi*, per *filios hominum Caini* posteros intelligant. Prius, scribit CHRYSOSTOMVS *homil. XXII. in Genesin*, docuimus vos, morem esse scripturae, ut homines *filios Dei* vocet. Et quia isti a Setho originem trahabant, et ab eius filio, qui appellatus est Enos: - - ab illo postea nati vocati sunt filii Dei in diuinis scripturis, propterea, quod eo usque parentum virtutem imitati sunt. Filios autem Cain, et qui ex eo nati, et qui ante Seth geniti fuerunt, filios hominum vocat. Gigantes vero tam ante, quam post diluuium, ex generis nostri eiusdemque naturae parentibus progenitos fuisse, ibidem confirmant testimoniis suis antiqui patres. Vnde AVGVSTINVS *loc. cit.* Verum hoc, inquit, mouet quosdam, quod ex illis, qui dicti sunt angeli Dei, et ex mulieribus, quas amauerunt, non quasi homines generis nostri, sed gigantes legimus esse natos: quasi vero corpora hominum modum nostrum longe excedentia, quod etiam supra commemoravi, non etiam nostris temporibus nata sint. Nonne ante paucos annos, cum Romanae urbis, quod a Gothis factum est, appropinquaret excidium, Romae fuit femina cum suo patre et sua matre, quae corpore quodammodo giganteo longe ceteris praeemineret? Ad quam visendam mirabilis fiebat usque quaque concursus. Et hoc erat maxime admirationi, quod ambo parentes eius, nec saltem tam longi homines

erant, quam longissimos videre consueuimus. Potuerunt ergo gigantes nasci, et prius, quam filii Dei, qui et angeli Dei dicti sunt, filiabus hominum, hoc est, secundum hominem uiuentium, miscerentur: filii scilicet Seth filiabus Cain. Idem in quaestionibus super Genes. IIF. sequentem in modum: de gigantibus, id est, nimium grandibus atque fortibus, puto non esse mirandum, quod ex hominibus nasci potuerint: quia et post diluuium quidam tales fuisse reperiuntur, non solum virorum, sed etiam feminarum. De gigantibus interim eorumque reliquiis, ac de eiusmodi hominibus, qui prodigiosis viribus ad gigantum naturam accedere videntur, singularis exstat liber IO. DE CASSANIO, Monstroliensis, anno MDLXXXVII. IO. GOROPIO BECANO oppositus. Habemus et de *Nephilim*, gigantibus vulgo dictis, exercitationem elenchticam THOMAE BANGII, quae IACOBO BOVLDVCO est opposita. Interim conferri hic poterunt, quae de gigantibus eorundemque ossibus disseruerunt HERM. CONRINGIVS de *habitus corporum Germanicorum causis*; CASP. BARTHIVS ad *Claudianum*, pag. 204. et lib. XLVIII. *aduersariorum*, cap. XV. IO. IACOBVS HERMANVS in *centuria illustrium quaestionum*, decad. I. *quaest. VI.* MATTHAEVS HOSTVS, professor Francofurtanus, in *inquisitione in historiam Davidis et Goliathi*; cap. II. *seqq.*

ATHA-

ATHANASIVS KIRCHERVVS in *mundo suo subterraneo*, lib. VIII. *sect. II. cap. IV.* HENRICVS KORNMANNVS de *miraculis viuorum*; SIMON MAIOLVS, Vultuariensis quondam episcopus, *tom. I. dierum canicularium, colloqu. II.* IOANNES PINCIERIVS, medicus Marpurgensis, in *otio Marpurgensi*, lib. IV. *cap. XVIII.* IO. ISAACIVS PONTANVS, medicus et historiographus Danus, in *additamento ad rerum Danicarum historiae lib. I.* et STEPH. IO. STEPHANIVS, historiographus et professor Soranus, in *praefatione ad Saxonem Grammaticum.*

XIX.

APOCAL. IX. 2.

Vocabulum *αβυσσος* saepius praetereunt cum SVIDA, qui vñtatum quidem illud esse perhibent, significatum vero eius haud determinant, Lexicographi. Adhibuerunt illud interim scriptores Graeci passim, v. g. HERODOTVS lib. III. *histor. pag. 170.* ARRIANVS in *historia Indica, pag. 520.* alii-que. Dicitur etiam Graecis *πελαγος*, *pelagus*, mare profundum, item *χασμα*, *hiatus*. Adiectiuum autem nomen est, compositum ex *αλφα* priuatiuo et *βυδος*, *fundum*, *profundum*; pro quo HERODOTVS adhibuit *βυσσος*, quod Ionibus receptum est. Sunt,

qui a verbo *βυω, tego, obstruo, impleo*, deducunt, το αλφα vero non priuatiue, sed cumlatiue accipiunt, vt multitudinem inferat; quemadmodum in voce αζυλος, quae non designat *ligno carens*, sed *ligno abundans*. Αβυσσον inde eadem ratione dici volunt, quasi *valde coopertum*. Sed nimis est coacta haecce deriuatio. Quare rectius αβυδος vel βυσσος illud deriuari, ostendi, significans *fundo carens, immensam profunditatem habens*. Licet autem adiectiuum sit, substantiue tamen vsurpatur saepius, et a LXX. interpretibus Genes. I. 2. pro hebræo תהום adhibetur, quod *mare* communiter significat, in specie tamen illam aquam, quae primo hexaemeri die a Deo creata terram, velut indumentum, cooperiebat. De mari vero adhibetur ista vox, quoniam profundius illo χασμα in mundo hocce non reperitur. Metaphorice. deinde omne id αβυσσος quoque dicitur, quicquid vel inuestigari, ob nimiam profunditatem, vel exhauriri, ob maximam copiam atque abundantiam, nequit. Ita LVCIANVS tom. III. opusculum, pag. 148. de rebus ac negotiis difficilioribus et arduis loquens, πραγματα αβυσσου vocat, quod inexplicabilia quasi illa sint, si iis se quis immisceat, captumque eius longe superent. Cum qua loquendi ratione David ferme conuenit, Psalm. XXXVI. 7. iudicia diuina רבה תהום, *abyssum magnam*, vocans,

vocans, eo quod illa occulta nobis, profunda ac peruestiganda siue explicanda minus sint. THEODORETUS Deum *αβυσσον αγαθων*, *abyssum bonitatis*, nominat, quoniam immensa atque inexhausta prorsus bonitas ipsius sit. Et congruit cum hac denominatione illa quoque, quam sanctissimo nostro Seruatori idem THEODORETUS tribuit, *αβυσσον φιλανθρωπιας* cum vocans, quod ipsius pariter erga mortaliū, infausto lapsu infelicissimorum, genus amor, abyssi instar fundo carentis et plane inexhausti, sit. Nec emphasi caret CHRYSOSTOMI scripturae sacrae tributa denominatio, quando *αβυσσον ζητηματων*, propter abstrusissima in illa expressa mysteria, quaestionibus ansam quae dant quamplurimis, eam salutat. vid. quae pluribus hanc in rem disserit IO. CASP. SVICERVS in *thesauro ecclesiastico*, tom. I. pag. 10. seqq.

Satis inde clare patet, non ob physicam quandam localitatem, quasi sit in ima orbis parte aut terrae centro constitutum, sed ob conditionem et statum suum, secundum quem abiectissimum, horribilem maxime et abominandum, ac profundum adeo, ut in aeternum emergere exinde nequeant damnati, hoc nomine in sacro codice venire spirituum hominumque damnatorum in futuro aevo *πεν*, seu locum. Et quadrat optime

ad denotandum terribilem hunc statum ista vox, quoniam nimirum solent vel aspectu solo horribiles esse terroremque incutere voragines immensae ac profundae. Falsa vero est BELLARMINI traditio, quando *lib. IV. de Christo, et lib. II. de purgatorio*, in ima orbis parte, circa centrum terrae, collocat infernum, quem olim pariter *locum subterraneum* iam appellauit AVGVSTINVS. Quod et de CALVINO, BEZA, IVNIO, BVLLINGERO, aliisque illius ecclesiae doctoribus, iudicandum, qui infernum pariter, pro loco quodam physico profundo ac subterraneo, habent. Maior vero adhuc est CORNELII A LAPIDE amentia, quando in *commentario ad Matth. VII.* dimetiri infernum adeo non dubitauit, quaquauerfum longitudinem, latitudinem ac profunditatem MDC. stadia seu CC. miliaria Italica * cum capere contendens. Idem ferme cum illo sentit IO. HENR. ALSTEDIVS in *summa quaestionum de conscientia*. Nos iis, quae scriptura sacra tradit, nitentes solum, nec vltra illam sapientes, de existentia inferni, quo in aeternum reseruentur perennibusque cruciatibus puniendi aliquando post

* Quodsi iam XXX. stadia quatuor miliaria Italica, haec vero vnum Germanicum efficiunt, quinquaginta miliaria Germanica capere dicenda esset, ex illius mente, inferni longitudo, latitudo ac profunditas. Quae, bone deus, somnia!

post seculi consummationem sint et spiritus et homines damnati, certi sumus; ille vero ubi sit, et quomodo comparatus, determinare nec possumus, nec gerimus quoque; CHRYSOSTOMI secuti exemplum, qui interrogatus quondam: ubi sit infernus? se ignorare illud, professus est; quæ-
 rere, non: ubi sit? sed: quo euitetur modo? iubens, in *ultima in epistolam ad Romanos homilia*. Quod vero locus siue *πρυ* certum et reale sit, extra dubitationis utique aleam est positum. Dicitur namque *τοπος βασανου*. Luc. XVI. 28. Et licet Pontificii aequè ac Calviniani, quando, in scriptura infernum certo definiri ipsique imam terrae partem designari, contendunt, phrasinurgent, qua *descendere* in infernum impii dicuntur, et quando *abyssus* ille vocatur, quasi sit immensa profunditas et aliquod maxime imum; praesertimque locum Pauli urgent Ephes. IV. 9. ubi de Servatoris ad inferos descensu, prouti de isto illud effatum cum nostratibus plerisque rectè intelligunt, loquens apostolus hunc per inferiores terrae partes describit; reuera tamen praesidii inde lucrantur nihil. Quis enim hanc locutionem metaphoricam et tropicam esse non videt? aequè minus accipiendam proprie, ac quando manus, pedes, oculi tribuuntur Deo. Ratio vero, cur tali utatur in describendo inferno metaphora apostolus, facile

F 5 patet.

patet. Quoniam scilicet, infra nos quae dantur, contempta, horrida et ingrata nobis sunt; ita statum damnatorum similem seu longe miserum depingere quasi locutione ista voluit et ad captum nostrum se accommodare Spiritus sanctus. Eadem nempe ratione dicitur Deus habitare in excelsis, ad significandam eminentem, qua ille gaudet, praestantiam; quoniam eximia, grata, iucunda ac praestantissima habentur nobis, quae sunt supra nos, e. g. sidera, stellae, coeli. Num interim hoc *πov* damnatorum locus sit creatus, an vero increatus? determinare minus audet IO. GERHARDVS in *locis theologicis, loc. de inferno*; quae tamen quaestio nulla videtur laborare difficultate. Reale namque aliquid esse illud *πov*, certum est. Tunc vero vel creatum esse debet, vel increatum. Iam praeter Deum cum increatum dici nihil queat, infernum dici necessario creatum oportet. Accedit, quod paratus a Deo dicatur ignis infernalis. Matth. XXV. 41. Quando vero, ante omnes creaturas ceteras creatum a Deo illud esse, Calviniani volunt, absonum sane id est assertum, poenam ante culpam statuens. Nos tam circa tempus creati inferni, quam circa locum, * vbi sit, determinare, silente scriptura,

* De hac quaestione late deducta legi, praeter ceteros, potest ERASMVS FRANCISCI in *dem unselbahren Web der Ewigkeit*, pag. 579. seqq.

ptura, nihil posse, cum sanioribus putamus. Differre autem το πcv damnatum a τω πcv beatorum, et extra hoc esse illud, aperte docemur Apocal. XXII. 15. vbi *foras esse* dicuntur impii damnati, nec non Io. XII. 31. vbi *foras eiciendus* esse dicitur in mundi iudicio huius mundi princeps.

XX.

PSALM. XXXII. 9.

Difficillimus hic locus est, et constructione fere carens, tot particulis iuuandus, quo sensu commodo gaudeat. Ad verbum ita verti deberet: *Ne sis tanquam equus et mulus absque intelligentia, in freno et lupato ערי ad constringendum.* ARIAS MONTANVS in versione interlineari reddit: *in freno et lupato maxillam eius ad constringendum epistomio*; construens ערי cum voce לבלום, quia cum מתג construere non poterat. Videbatur enim plane inuersio totius rei esse, si quis diceret: *in freno et lupato maxilla eius*, cum frenum potius in maxilla sit, non maxilla in freno. Quid sibi velit ARIVS MONTANVS, quilibet quidem videt, at constructionem desiderat. Vbi enim, quod supplet in freno et lupato, verbum? Vbi alibi accusatiuus verbum praecedat? Genuina significatio vocis ערי est *ornamentum, ornatus*,

ornatus, vid. Exod. XXXIII. 4. quam retinuit etiam *Chaldaeus* interpres, qui vertit: *in camo et freno ornatus eorum* (est vel consistit) *ad constringendum quoque*. *Syrus* quid pro quo reddidit, vertens: *quos freno domant a pueritia eorum*. *Graeci*: *in freno et camo maxillas eorum*, quam versionem *Aethiops* sequitur. *Arabs*, ne quid omisisse videatur, et ora et maxillas coniunxit: *Et non trahuntur frenis, quae in oribus eorum*. *Sic reprime maxillas* (illorum) *qui non accedunt ad te*. Procul autem abeunt haec omnia a textu. Quare simplicissima et ad literam proxime accedens videtur salutanda expositio Chaldaica, ita sensum exprimens: *Ne sitis sicut equus et mulus, cui non (est) intellectus*. *Lupatum et frenum est ornamentum eius, quo constringitur, ne appropinquent ad te*. R. KIMCHI עריו et Psalm. CIII. 5. occurrens עריו reddit per *os*, quia frenum, item saturatio conuenire ori putat. Sed aduerfatur hoc Chaldaeo interpreti, nec cum locis parallelis conciliatur. IO. BVXTORFVS in *Lexico* quidem reddidit per *os*; in *Concordantiis* autem retinuit significationem *ornamenti*.

XXI.

EXOD. IX. 15. 16.

Interpretatus locum hunc ita est SANTES PAGNINVS: *nunc enim missurus sum manum meam, et percutiam te et populum tuum peste, et succideris e terra; et profecto ob id constitui te, vt ostenderem tibi potentiam meam, vt qui narret nomen meum in vniuersa terra.* Sicut hic in futuro vertit: *missurus sum manum meam, percutiam, succideris;* ita similem in modum LXX. interpretes, Vulgata, Tigurini et LVTHERVS. Rectius vero reddidit versio Iunio-Tremelliana verba ista in praeterito: *modo extendi manum meam, percussissem etiam te* (vti haecenus pecus tuorum percussi, coll. comm. 3.) *et populum tuum peste illa, sic fuisses succisus de terra. Veruntamen propterea feci, vt restares, vt ostendam in te virtutem meam etc.* Probatur vel ideo maxime haec interpretatio, quoniam bina occurrunt in hebraeo textu verba, *extendere* nimirum et *percutere*, quorum alterum in praeterito positum compareret, alterum vero in formatione futuri legitur, cuius tamen posterioris significatio in praeterito est capienda, cum, pro praeterito quandoque futurum poni, constet, vt exemplis docuit SALOM. GLASSIVS in *philologia sacra*, lib. III. tract. III. can. XLIX.

p. m.

p. m. 894. seq. Confirmat etiam interpretationem hanc ipsa historia. Cum enim pe-
 ftis, in numerum quintae plagae redactae, sub
 initium capitis statim fiat mentio, exinde
 de illa, tanquam de re praeterita, Moſen
 hic loqui, probatur. Et verbis ergo, et rei
 ipſi accommodatiſſima eſſe deprehenditur
 verſio Iunio-Tremelliana. Quod porro
 PAGNINVS reddidit: *ob id constitui te*, LV-
 THERVS: *darum habe ich dich erwecket*, IV-
 NIVS iterum, licet Calvinianis ſacris addi-
 ctus, tranſtulit: *feci, ut reſtares*, prouti iam
 olim LXX. interpretes reddiderunt *διετη-
 γηθης, conſervatus es*. Commode tamen,
 quae in hebraeo textu legitur, vox העמרתיך
 reddi poteſt ſimpliciter: *feci te ſtare*, aut
erexi te ſcil. manu mea aduerſus ingruentes
 plagas. Vnde diuus etiam Paulus apoſto-
 lus locum hunc Rom. IX. 17. citans, graeca
 voce ἐξήγειρα *erexi* vitur, quam poſtea
excitavi BEZA vertit, PAREVS autem *com-
 ment. ad iſtum locum* peſſime per irritare
peruicaciam alicuius interpretari auſus eſt,
 contra quam explicationem vide differen-
 tem ABRAHAMVM. CALOVIVM in *bibliis
 illuſtratis* ad dictum locum. Cum IUNIO
 eandem amplectuntur interpretationem ex
 reſormatae eccleſiae doctores PISCATOR,
 CAROLVS LE CENE in *ſpecimine nouae ver-
 ſionis Gallicae*, Hagae anno MDCCV. in
 forma octuplicata gallico idiomate euulgato,
 ali-

aliique, quos pariter ac ex Pontificiis et no-
stratibus nonnullos nominat praestantissimus
quondam noster WOLFIVS in *curis philolo-
gicis et criticis*, vol. II. pag. 190. seq.

XXII.

MATTH. II. 13.

Quemadmodum vberima est Graecorum
lingua, vocabulis redundans, ita sin-
gula etiam appellare nominibus distinctis
ipsis datur, eiusmodi quamvis non semper
obseruetur distinctio. Liceat huius rei in
exemplum varias considerare voces, quibus
varias puerorum aetates distinguere Graeci
amant. Commemorat eas EVSTATHIVS
ad Homeri Iliad. 9. pag. 727. notans 1) re-
cens natum infantem dici *βρεφος*, 2) illum,
quamdiu ab vberibus matris aut nutricis
pendeat, *παιδιον* salutari, 3) eundem, fari
quando atque ambulare incipit, *παιδαριον*
vocari, 4) antequam scholas frequentet,
παιδισκον, et 5) cum iam scholas adeat di-
scereque incipiat, *παιδα* dici. Quamquam
autem ita distinguantur a Graecis aetatis pu-
erilis interualla, permutantur tamen saepius
illa secum inuicem, vt v. g. *παιδιον* idem,
quod *βρεφος*, designet, nempe infantem re-
cens natum. Sic namque *οι LXX.* Moſen
recens natum *το παιδιον* dicunt, *Exod.* II. 8.
Eodem

Eodem modo nostro hoc loco, ad quem de ista differentia dicendi nata mihi est occasio, Seruator noster recens natus etiam *παιδιον* vocatur. Lucas cap. XVIII. 16. vocat eos *παιδια*, quos comm. 15. *τα βρεφη* vocauerat. Deprehenduntur eadem deinde apud profanos pariter scriptores. LVCIANVS e. gr. in dialogo, qui *Alcion* inscribitur, *tom. I. operum, pag. 145.* primo vocat *τα βρεφη πεμπταια*, infantes quinque dierum, et *δεκαταια*, decem dierum, quos tamen mox *παιδια* salutatur; prouti et DIODORVS Siculus *lib. II. bibliothecae suae, pag. 65.* commemorat *παιδιον ενιαυσιαιον*, puerum anniculum. Imo ARISTOTELES *lib. VII. ethicorum, cap. V.* embryones adeo, seu infantes in vtero materno latentes, *παιδια* dicit. Conf. etiam APOLLODORVS *lib. III. bibliothecae, pag. 247.* et DIODORVS Siculus *loc. cit. lib. V. pag. 233.* De voce *βρεφη* conf. GODOFR. VOIGTII tractatus *de fide infantum baptizatorum*, Wittebergae anno superioris seculi LXVI. in 8. editus, *sect. III. cap. I. §. III. pag. 59. seq.*

XXIII.

MATTH. XVIII. 6.

Græcum vocabulum *ποντος*, vti latinum *pontus*, proprie et generaliter omnem
pela-

pelagum designat; in specie vero et *κατ' ἑξοχὴν* Euxinum in Thracia, mare prope Constantinopolin, vocarunt ita Graeci, non ac si mare illud esset maximum ideoque hoc nomine tanquam singulari praerogativa appellari mereretur, sed quoniam mare hoc maius ignorabant Graeci. Ipse STRABO *lib. I. geograph. pag. 19.* et EVSTATHIUS in *Homerum* passim eam retinent vocis *ποντος* distinctionem ac determinationem. Is vero se opponit SVIDAS in *lexico*, *voc. ποντος*, significationem eius plane inuertens, et in genere illum pontum, siue mare Euxinum, specialiter vero omne mare denotare obseruans; cuius tamen auctoritas STRABONIS fide maior non est.

Descendunt inde verba *ποντιζω*, *καταποντιζω* et *καταποντω*, in mare demergo, submergo, de quavis re quae dici solent. De naui namque, quae demergitur, vsurpantur Matth. XIV. 30. Apud HERODOTVM *lib. IV. cap. 154.* ferri candentis massa dicitur *καταποντιζεσθαι*. Inprimis vero supplicii iis quoddam genus indigitatur, quo in profundum maris apud Graecos, Romanos aliasque gentes demergi fontes solebant. Sic illius SOPHOCLES in *electra*, *vers. 509.* meminit; qua eadem poena Etearchum quoque, Cretensium regem, filiam suam impudicitiae suspectam, et Cambysem, Persarum

farum regem, fratrem sibi insidias struentem, affecisse, ex historia constat. vid. HERODOTVS *lib. III. cap. XXX.* Saepius etiam a DIODORO Siculo ista commemoratur. Pro clementi autem hoc supplicium habuisse POLYBIUS videtur *lib. II. histor. pag. 203.* quando *non aliud grauius, scribit: supplicium perpeffus, quam quod demersus est in mare.* Syros etiam, christianos martyres subire illud, iussisse, EVSEBIUS *lib. VIII. hist. eccles. cap. III. et XII.* testatur. Romanis frequens erat, quo prae ceteris puniebantur parricidae; licet CICERO in *oratione pro Roscio Amerino*, calumniatores quoque, criminis eius conuictos, affectos illo esse, tradat. Auxit vero id deinde Pompeius, qui in culeum mitti hoc supplicio afficiendos, et canem, gallum, simiam viperamque * simul in eundem insui iussit; unde
lex

* Vipera cur addita fuerit Pompeii iussu, rationem hanc nonnulli addunt, quoniam signum sit ingrati erga parentes animi. Dicunt namque, masculum viperam cum femella sua coire ita, ut in os femellae masculus caput suum inferat, illam vero prae nimia, quam ex coitu sentiat, voluptate huic caput amputare, quam ingratitudinem catelli deinde viperini viscerantur. matri suae viscera radentes atque corpus perforantes. Sed mera haec est fabula, cuius forte primus videtur auctor fuisse HERODOTVS *lib. III. cap. CIX.* quam deinde reliqui, ab HERODOTO decepti, huius auctoritate nisi, iterum tradiderunt, v. g. NICANDER,

lex ista Pompeia dicta fuit. vid. GUIDO PANCIROLLVS in *thesauro variarum lectionum*,

DER, poeta Graecus, in *theriacis*, vers. 130. AELIANVS in *historia animalium*, lib. I. cap. XXIV. CLAUDIVS GALENVS in *libro de theriaca ad Pisonem*, cap. IX. et PLINIUS in *historia naturali*, lib. X. cap. LXII. Cautiores tamen alii sunt, non pro vero, sed tanquam aliorum sententiam id narrantes, e. g. APVLEIVS in *apologia*, pag. 327. qui addit: *ut audio* etc. PRUDENTIVS *poemate I. vers. 588*. BASILIUS, cognomine magnus, in *hexaemero*, homil. IX. EPIPHANIVS *haeres. XXVI*. PLVTARCHVS *tom. II. operum*, pag. 508. ISIDORVS *lib. XII. cap. IV*. CHRYSOSTOMVS in *Matth. III. homil. XI*. et in *Matth. XVII. homil. LVIII*. THEOPHYLACTVS in *Matth. III*. ATHANASIUS *tom. II. operum*, pag. 397. ISIDORVS PELUSIOTA *lib. I. epist. CV*. et LVDOVICVS COELIVS RHODIGINVS *lib. VI. lectionum antiquariorum*, cap. XIII. Quae enim de modo coeundi huius animalis tradit ista fabula, experientiae aduersantur anatomicae, cum ad vterum nullus prorsus per os sit aditus. In partu vero quando asseritur, quod vterum corpusque matris catuli perforent, satis iam hoc refutatum fuit ab APOLLONIO, de quo vid. PHILOSTRATVS in *vita Apollonii*, lib. II. cap. VII. seq. nec non a IO. PIERIO, Valeriano, in *hieroglyphicis*, lib. XIV. GERH. IO VOSSIO *lib. IV. de origine et progressu idololatriae*, cap. LII. GEORGIO AGRICOLA *de animalibus subterraneis*, pag. 496, et IO. SPERLINGIO in *institutionibus physicis*, lib. VIII. cap. VIII. quaeft. I. Vt fabulam, traditionem istam exponit SAMUEL BOCHARTVS in *hierozoico*, part. II. lib. III. cap. I. pag. 363 seq. Partum viperarum difficilem quidem esse, superstitie tamen matre, statuit EDVARDVS LEIGH in *critica sua sa-*

num, *lib. II. cap. CCXXXVI.* PETRVS FABER in *semestribus, lib. II. cap. VII.* IOAN. MICH. DILHERRVS in *dissertationibus academicis, tom. I. pag. 705.* MARCVS ZVERIVS BOXHORNIVS in *quaestionibus Romanis, qu aest. XXXVI.* BENEDICTVS CARPZOVIVS in *practica rerum criminalium, part. I. qu aest. VIII. §. IX.* ceterique scriptores, quos de hoc supplicii genere allegauit b. 10. CHRISTOPH. WOLFIVS in *curis philologicis et criticis, vol. I. pag. 272.*

At vero de Hebraeis, num illis quoque cognitum illud fuerit? inter eruditos quaeritur.

era, part. II. p. m. 137. b. Sunt, qui ARISTOTELEM in *historia naturali, lib. V. cap. ult.* antiam errori isti praebuisse volunt; sed accurate satis haud explicantur ab illis verba ARISTOTELIS. Rectius loco supra citato occasionem illi dedisse HERODOTVS putatur, ab Aegyptiis procul dubio deceptus, qui, uxorem marito inuidam ac ingratam itemque parricidam depicturi, per viperam id fecerunt. vid. HORAPOLLO, siue, vt scribunt alii, HORVS, *lib. II. de hieroglyphicis Aegyptiorum, cap. LIX. seq.* Qui fabulosam hanc de partu viperac sententiam pro vera venditant, Romanorum, quos in culeum cum parricida ob supra dictam rationem immittere viperam solitos fuisse conueneram, obicere auctoritatem solent. Sed respondit huic iam obiectioni VOSSIVS *loc. cit.* rei familiaris ac militaris magis, quam naturalis scientiae, gnaros illos fuisse, obseruans. Vnde OVIDIVS *lib. III. fastorum, vers. 103. seq.*

*Qui bene pugnabat, Romanam nouerat artem;
Mittere qui poterat pila, disertus erat.*

ritur. Metninit quidem in nostro diui Matthaei loco eius sanctissimus Seruator, sed nulla fit illius in Iudaeorum tam veterum, quam recentiorum scriptis mentio. Quatuor tantum nuperantur in libro *Sanhedrin, cap. VII.* capitalia supplicia: lapidatio, viuorum combustio, decollatio et strangulatio, siue suspensio. HIERONYMVS *ad h. l.* scribit: *Secundum ritum prouinciae loquitur (Seruator) quia maior criminum ista apud veteres Iudaeos poena fuit, vt in profundum maris ligato saxo iacerentur.* Cum quo consentiunt ERASMVS et DAN. TOSSANVS in *comment. ad h. l.* nec non CHRISTOPHORVS PELARGVS in *quaestionibus et responsionibus ad Matthaeum, pag. 184.* Rectius vero sentiunt IO. MICH. DILHERRVS *loc. cit.* IO. DRVSIVS in *praeteritis, ad h. l.* et HUGO GROTIUS in *notis ad h. l.* tanti fidem HIERONYMI minus habentes.

Distinguit inter modum supplicii ISAACVS CASAVBONVS in *notis suis ad h. l.* aliumque vult fuisse illum apud Hebraeos, alium apud Graecos. Illos saxum collo fontis alligasse, hos in plumbeum vas coniecisse eum contendit. In quo eum sequuntur ERASMVS SCHMIDIVS in *annotat. ad h. l.* et DANIEL FESSELIVS in *aduersariis sacris, tom. II. lib. VI. cap. V. pag. 68.* Ad probandam hanc distinctionem suam ex

ATHENAEI *lib. XIV.* adducit locum CASAVBONVS, vbi in vas plumbeum iniectus quis et demersus ita fuisse dicitur. Sed aduersatur ipsi, quod nec res, nec rei modus in vilo scriptorum Iudaicorum reperitur, imo alii quoque praeter Iudaeos populi morem hunc alligandi collis demergendorum pondera seruauerint. Posterius v. g. testatur *Scholias* ARISTOPHANIS in comoediam, quae *equites* inscribitur, vbi Graecos etiam demergendorum collis alligasse pondera tradit. Legantur verba eius apud GROTIUM *loc. cit.* *Eis Φορμους* positos illos fuisse, PLUTARCHVS in *oraculo Pythico* scribit; imo fassis infutos eosdem fuisse, ipse narrat. ATHENAEVS *lib. X.* conf. CASAVBONVS in *notis ad Suetonii lib. II. pag. 96.* Quare vana esse cognoscitur haec illius inter rem et rei modum allata distinctio.

Liberius quid fingere, quam tacere prorsus, maluit IO. LIGHTFOOTVS, Seruatorum hic ad submersionem in mari mortuo, quae absque pondere appenso fieri non poterat, alluisse contendens in *horis suis hebraicis et talmudicis, ad h. l.* Constat namque, mare hoc ob innatans bitumen cortice quasi vestitum ita fuisse, vt viuum demergi in eo nihil posset, sed quod iniiceretur non, nisi onere lapidum grauatum, mergeretur. LIGHTFOOT adstipulatur doctissimus ali-

as academiae iuliae professor, HERMANNVS VON DER HARDT, qui in *exegeſi difficiliorum quatuor euangelistarum*, MS. ad noſtrum locum ſcribit: *Submerſio refertur pro more conſueto ad vicinum mare mortuum, in quod proiici dicebantur res abolendae.* Verum nusquam in antiquitatis Iudaicae ſcriptoribus, hoc modo ſubmerſum ſontem quendam in mari mortuo fuiſſe, traditur.

LIGHTFOOTVS quidem, non proprie hic, ac ſi reuera quis in mare iſtud iniici ſolitus fuerit, ſed metaphorice locutum Seruatorem eſſe contendit, ita, vt indicare is voluerit, reiiciendum talem hominem et eliminandum ex omni hominum conſortio eſſe; adeoque phraſiologia iſta Iudaeis recepta notatam fuiſſe abiectionem totalem, odium ſummum ac execrationem, qua quis deuouebatur, putat. Sed et contrariatur huic eiusdem limitationi ipſe Seruatoris ſermo, qui non indicare voluit, fatius eſſe, vt execrabilis et omnibus odio quis ſit, quam vt ex paruulis quendam offendat; potius hoc ſcopi loco habuit, docere, quod exquisitiſſimas duriffimasque poenas (quarum e numero ſubmerſio in aquam) perferre praefter, quam vel vni ex eiusmodi paruulis eſſe offendiculo.

Licet ergo in publicis atque ordinariis Iudaeorum iudiciis non fuerit uſitatum id

supplicii genus, idcirco tamen prorsus ignoratum huic genti fuisse non videtur affirmandum. Poterat scilicet ex vicinarum gentium, a quibus passos illud Iudaeos fuisse, 2. Maccab. XII. 4. legitur, usu notum ipsis esse. Distingui autem debere inter publica ordinariaque iudicia, quae a magistratu et personis, publica auctoritate ad punienda scelera constitutis, infligebantur, et inter extraordinaria supplicia, a concitata plebe huic vel isti inflicta, nemo ibit inficias. Exemplum posterioris generis ipse praebere potest sanctissimus Servator, cum furiosa Iudaeorum plebs de saxo praecipitem ipsum dare conaretur. Luc. IV. 29. Quod si vero prorsus etiam ignotum fuisset, ex verbis tamen Servatoris facile intelligi res tota poterat, quam indicare animus ipsi erat.

XXIV.

2. TIMOTH. II. 22.

Quando fugere hic *τας νεωτερικας επιθυμιας* a Paulo Timotheus iubetur, vox *νεωτερικος* a plerisque interpretibus, tam veteribus, quam recentioribus, exponitur *iuuenilis*; quae et interpretatio reperitur in glossariis et vulgatis lexicis. Accipitur ita quoque vox haec ab auctore *constitutionum apostolicarum* II. 11. *Νεωτερος*, a quo *νεωτερικος*

εικος descendit, vti constat, comparatiuus *του νεος, nouus, iuuenis*, est, saepius vero citra habitum ad comparatiuum respectum absolute notat, vtramque vocabuli *neos* significationem retinens, et *nouum* et *iuuenem*; vti Athenienses e. g. communiter alloqui se inuicem solebant: *τι νεωτερον*; *quid noui*? Iam quaeritur: num vtrumque significatum retineat etiam *νεωτερικος*? Glossaria si consulamus, illa aetatis tantum ac iuuentutis significationem isti tribuunt, vt iuuenilis dicatur, qui paucos adhuc annos attigit viuendo, et seni opponatur. conf. CONR. GESNERI *lexicon graecum*, in hac voce. Quae in nostro Pauli loco a *Syro, Arabe et Aethiope* illa vox exponitur per *iuuenilis*; a *Vulgato* per *desideria iuuenilia*; a BEZA per *cupiditates iuueniles*, prouti et CHRYSOSTOMVS, THEODORETVS, THEOPHYLACTVS, OECUMENIVS ac recentiores plerique, per *cupiditates ac desideria iuuenilia* vertunt. vid. IO. ANDR. BOSII *habita in b.l. Ienae anno MDCLXXIII. disputatio*, quam recusam ob oculos habeo ad calcem *introductionis eius in notitiam scriptorum ecclesiasticorum, pag. 428. seqq. cap. I.* De eo tamen inter se minus interpretes conueniunt, quid per has iuueniles cupiditates designetur ab apostolo. In excessu quidem peccarunt, *πασαν επιθυμιαν ατερον* prohiberi hic putantes. Quod ex graecis v. gr. fecerunt

runt CHRYSOSTOMVS, et, qui eum sequi plerumque solent, THEOPHYLACTVS atque OECUMENIVS *ad h. l.* ex latinis AMBROSIVS, vel (quem illius commentarii, qui sub AMBROSII nomine in omnes epistolas Paulinas circumfertur, rectius auctorem nominant) HILARIUS *in h. l.* Nec enim opus fuisset, vt vocem *νεωτερινας* addidisset apostolus, si de omnibus prauis cupiditatibus ac desiderijs fuisset ipsi sermo. In defectu contra peccare putandi sunt, qui tantum de gloriola seu vano gloriae studio, quale solet esse iuuenibus propria, exponunt, c. gr. THEODORETVS et CORNELIVS A LAPIDE *in h. l.* vid. IOAN. CASP. SVICERI *thesaurus ecclesiasticus, tom. I. pag. 1167.* Vnde inter has sententias media ita optime via eligitur, vt intelligantur vitiosa desideria omnia ac affectus cupiditatesque siue vitia, quae deprehendi in aetate iuuenili solent, varia sane ac plurima, curiositas nimirum, aemulatio, superbia, ambitio, iactantia, iracundia, rixandi studium, impatientia, temeritas, vanae gloriolae et quaestionum inutilium studium, eruditionis singularis opinio, et quae sunt his similia. Confirmatur haec interpretatio tum ex vsu graece loquentium; tum ex iis inprimis, quae in contextu verborum vitiis his nominatis opponuntur, virtutibus. Licet autem, quod supra monui, glossaria voci *νεωτερινας* signi-

significatum *iuuenilis* tantum tribuere soleant, BOSIVS tamen *loc. cit. cap. V. §. II. et IV.* IOSEPHI adducit et GELLII loca, quorum ille *αὐταδεια νεωτεριαν*, *arrogantiam iuuenilem* commemorat, hic *versum Virgilii νεωτεριος*, id est, *iuuenili quadam audacia et temeritate prolatum* esse pronuntiat. Quorum ex auctorum usu patet, *iuuenilis* esse significatum, *τω νεωτεριος* vindicandum, praesertim ubi de vitiis sermo, uti in duobus istis auctorum citatorum locis. Suadet vero hanc interpretationem ipse etiam verborum Pauli contextus. Commendat is in verbis immediate sequentibus *Timotheo* fidem, charitatem, pacem, utque detractet stultas inutilesque quaestiones, cum monet, eo quod, illos gignere saltem lites, probe sciat; iubet eum esse mansuetum erga omnes etc. v. 22. 23. 24. Iam his virtutibus quae sunt opposita vitia necessario praecipere vitanda *Timotheo* apostolus debet, ex ipsa textus *συναφεια*. vid. BOSIVS *loc. cit. cap. VII.* et, qui *νεαζευτας επιθυμιας* vocat, auctor *Clementinorum* apud COTELERIVM *I. Apostol.* Minus recte ergo a SALMASIO, WANDALINO et SCHLICHTINGIO vrgeri significationem, qua *novarum rerum cupiditates* vetitae hoc loco dicuntur, euictum dedit in ista sua exercitatione doctissimus BOSIVS. Conf. *eiusd. epist. ad Thomam Reinesium*, pag. 272. et huius ad illum *epist.* pag.

pag. 275. *seq.* Illis vero, qui in IGNATII ad Magnesium data *epistola* putant episcopi vnius supra presbyteros eminentiam vocari νεωτεριστην ταξιν, a BOSIO pariter notatis, addi etiam debet LVDOVICVS CAPELLVS in *thesibus de episcopi et presbyteri discrimine*, pag. 607. ΝΕΩΤΕΡΙΣΤΙΚΗΝ a verbo ΝΕΩΤΕΡΙΖΕΙΝ dicendum esse monet IO. PEARSONVS in praefatione, *vindiciis suis epistolarum S. Ignatii*, anno MDCLXXII. editis, praemissa.

XXV.

GENES. XIX. 26.

Fabulis iam olim annumerarunt hoc impii quidam, quibus vero ora obturavit PHILO *libro de profugis*. R. ABEN ESRA, ignea pluuia, sulphure et falsugine mixta, accensam mulierem, et sic in salem mutatam obriguisse, putat. Sed, magno conatu magnas egisse cum nugas, recte iudicarunt viri docti. Opinantur alii, salis statuum appellari, non, quod re vera ex sale concreuerit, sed quod similitudinem salis habuerit, adeoque metaphoricè ita dici volunt propter incorruptibilitatem et perpetuitatem. Hinc IO. BODINVS *lib. V. de republica, cap. VI. pag. 962. Hebraei, scribit, firmissimas societates appellant foedera salis, id est, sempiterna; quia nihil eorum, quae concreta sunt ex elementis,*
sale

sale incorruptius est: ut eodem sensu sacrae literae statuum salis appellant, non, quae ex sale concreuerit, ut quidam valde insulsi putant, sed quae sempiterna sit futura. Ipse quoque Megalander noster LUTHERVS eo inclinatur in *comment. in Genesin, ad h. l.* addens, non diu tamen eam persistisse, verum cum vrbe Zoar a tonitru contritam euanuisse. Rectius sapiunt, qui, vere in salis statuum, lapidem vel cumulum columnae formam prae se ferentem, singulari Dei nutu, mirabili modo fuisse transmutatam, dicunt. Mutationis huius modum ignoramus: quamquam AVGVSTINVS in *libro de mirabilibus scripturae* autumat, Deum, quicquid saluginis in corpore fuerit, lacrimas scilicet, sudorem, phlegma, sputumque in totam eius substantiam traduxisse, idque hoc pacto adeo infecisse, ut in salem penitus transformatum sit. Ridiculi sunt inter alias conuersionis huius causas istam etiam proferentes Iudaei, quod modicum salis Lotho ad hospites in domum receptos comiter tractandos negauerit. Strepitu pluuiae sulphureae pereuntiumque clamore perterritam retrospexisse, alii putant; vti timoris vehementiae alii tribuunt, ne ipsa quoque incendio corripereetur, nonnulli curiositati. Plures causas coaceruat CLAVDIVS MARIVS VICTOR, Massiliensis, *lib. III. in Genesin:*

Quin

- *Quin etiam Loth, heu miserabilis vxor,
 Seu tanto stupefacta metu, seu stulta cu-
 pido,
 Illa fuit, vetitum contra consurgere pactum,
 Feminis innata animis, quae denique cun-
 que
 Causa fuit: Sodomam inspectans se pone
 ruentem
 Confestim poenas violata lege subiuit,
 In statuam conuersa salis, spoliataque luce
 Sic animam infelix cum corpore perdidit
 omni,
 Vt nullum exstaret forma remanente ca-
 dauër.*

Nobis et diuini praecepti violatio, et prae-
 posterum terrenorum desiderium in causa
 fuisse videtur, ob quam graue ita supplicium
 subire iussa illa fuerit. Conf. Luc. XVII. 32.

FLAVII IOSEPHI tempore adhuc super-
 fuisse illam statuam, ex ipsius *antiquitatibus*
Iudaicis, lib. I. cap. XII. patet, vbi: *Lothi*
vxor inter abeundum, scribit, subinde ad vr-
bem respiciens, et curiosius cladem hanc con-
tra mandatum Dei spectans, in statuam salis
est versa. Dictum est mihi iam de illa: nam
 exstat hodie: Targum Hierosolymitanum
 hanc in rem, PAVLO FAGIO interprete,
 sic: *Eo quod vxor Lothi fuit de filiis filiorum*
populi Sodomae, respexit post se, et videret,
quid-

*quidnam futurum esset cum domo patris sui:
atque ita factum est, ut facta sit columna sa-
lis, duratura usque ad tempus resurrectionis,
quo mortui reuiuiscunt. IRENAEVS lib. IV.
cap. V. de statua hac tradit, quod, quantum
a viatoribus curiosis transeuntibus decutia-
tur, tantum breui succrescat. Confirmat
idem etiam TERTULLIANVS libro de So-
doma, cap. III.*

*In fragilem mutata salem stetit ipsa sepul-
chrum*

*Ipsaque imago sibi formam sine corpore
seruans.*

*Durat adhuc etenim nuda statione sub ae-
thram,*

Nec pluuiis dilapsa, sita, nec diruta ventis.

*Quin etiam si quis mutilauerit aduena
formam,*

Protinus ex sese suggesta vulnera complet.

*Cui et PRUDENTIUS concinit in hamar-
tigenia :*

Liquitur illa quidem falsis sudoribus vda :

Sed nulla ex fluido plenae dispendia formae

*Sentit deliquio ; quantumque armenta sa-
porum*

*Attenuant saxum, tantum lambentibus hu-
mor*

*Sufficit, attritamque cutem per damna re-
format ;*

nec

nec non BENIAMIN Tudelenſis in itinera-
rio, vbi: *Ex monte, inquit, oliuarum Sodo-
miticum mare conſpicitur: a mari vero illo
ad cumulum ſalis, in quem Loti vxor con-
uerſa eſt, duae leucae ſunt: Conſtat enim
adhuc cumulus ille, qui a gregibus aliquando
lambendo imminuitur, denuq̃ ad priſtinam cre-
ſcit molem.* Conf. et SEDVLIVS, cuius
verba leguntur in IO. BAPT. OTTII ſpici-
legio, ſiue excerptis ex Flauio Iosepho ad noui
teſtamenti illuſtrationem, pag. 169. aliaque
patrum loca, obuia in PAVLI COLOMESII
obſervationibus ſacris, pag. 108. Aliorum,
idem qui fuerunt teſtati, meminit IO. IAC.
SCHVDTVS in compendio hiſtoriae Iudaicae,
pag. 323. Fabuloſis vero, hiſtoriae huic
addi ſolitis, narrationibus recte id anume-
rat HERMANNVS WITSIVS in *miſcellaneis
ſacris, tom. II. pag. 195. ſeq.* conſentientes
hac in re plures ſanioris naſi habens. Quod
enim ad IOSEPHI praecipue, teſtis maxima
forte fide inter ceteros adductos digni, te-
ſtimonium attinet, illius quidem auctoritas
tanti eſt OTTIO iam commemorato *loc. cit.*
vt ferme, ipſo aſſeuerante iſtius ſtatuae du-
rationem, pro vera habeat narrationem
hanc. Ita namque ille: *Vero ſimile non eſt,
quod ſtudio decipere voluerit, (IOSEPHVS
ſcilicet) ab omnibus enim mendacii coargui
potuiſſet, cui bono tam longam ſtatuae dura-
tionem excogitaſſet?* Rectius tamen, IOSE-
PHO,

PHO, tacente hanc rem diui Mosis historia, fidem habendam esse, negat reuerendus CHRISTOPH. WOLLIVS in dissertatione erudita *de singulari facto ac fato uxoris Lothi*, Lipsiae anno MDCCXXX. habita, §. XVII. addens: *si verbum ἰστορεῖν* (quod legitur in citato IOSEPHI loco, et de quo dubii haerent interpretes, num hic *historiam contexe- re*, an vero *oculis suis videre* significet? cum vterque illi competat significatus) videre hoc loco significat, potuit is quidem aliquod vidisse monumentum, quod eiusmodi columnam referret, et quod hominum traditione pro ista statua venditabatur, sed inde nondum conficitur, fuisse hanc statuam reuera eandem, in quam Lothi commutata fuit coniux. Nolumus igitur miracula temere augere. Nam in Mosis historia (ita paulo ante WOLLIVS) nihil ea de re habetur, resque omnis fide caret historica. Pluribus conferri ad hunc Mosis locum merentur scriptores a CHRISTOPH. HENR. SCHETELIGIO in *bibliotheca sua disputationum in V. et N. T. part. I. pag. 63. seq.* et IO. CHRISTOPH. WOLFIO in *curis philologicis et criticis, vol. I. pag. 717. seq.* allegati. Addatur illis IO. CASP. LOESCHERVS in *observationibus selectis, fascic. II. pag. 88. seqq.* et maxime reuerendo CHRISTOPHORO AVGVSTO HEVMANNO opposita epistola BOEDECKERI, Professoris Sueci, quae legitur in *den Hamburgischen Beyträgen* (Winckleri Hypomn.) H gen,

gen, Anni MDCCXL. pag. 609. seqq. Celeberrimo vero WOLLIO singulari observatione dubia quædam mouit reuerendus GOTTLOB FRIDERICVS GVDIVS, quæ occurrit in *den nützlichen Anmerckungen über allerhand Anmerckungen aus der Theologie, Kirchen- und Gelehrten-Historie*, a beato IO. CHRISTOPH. COLERO euulgatis, in *der III. Sammlung*, pag. 414. seqq.

Id singulare est, quod scribit in *protreptico* CLEMENS Alexandrinus, poctis Niobem esse vxorem Lothi. De hac autem Amphionis, Thebanorum regis, coniuge, filiaque Tantali, fabulantur poetae, quod foecundissima mater ad orbitatem redacta per Apollinem et Dianam, qui filios filiasque omnes sagittis confixerant, præ nimio moerore in faxum fuerit conuersa. Vid. HOMERVS *Iliad.* ω. ARISTOTELES *lib. VI. ethicorum ad Nicomachum, cap. IV. §. IX.* SOPHOCLES in *Antigone* et *Electra*; CICERO *lib. III. Tusculanarum quaestionum*; PAVSANIAS in *Atticis*; SENECA Tragicus in *Hercule furente*, et *Oetaco*, item in *Agamemnone*; AVLVS GELLIVS *lib. XX. noctium Atticarum, cap. VI.* et AVSONIVS *epitaph. XXVII.* Pari modo de Orphea fingunt, cum ad inferos descendisset, repetiturus Eurydicem suam, quod, cum respexisset, illa sit retracta. Fabulam vide apud VIRGILIUM *lib. IV.*

IV. *Georgicorum*; SENECAM in *Hercule fur-
rente*, aliosque.

XXVI.

GENES. XLI. 42. ESTH. VIII. 15.

Maximo fuit apud cunctos fere populos in honore albus color, adeo ut summae ipsis iudicaretur munditiei, innocentiae ac puritatis symbolum. PLUTARCHVM saltem audiamus, qui *probl. XXVI.* colorem candidum naturalem, simplicem, purum, lucidum salutat, eundemque proinde mores ingenuos, puros, simplices, decoros, significare, et laetitiae, libertatis, honoris victoriaeque symbolum esse pronunciat. Triplici autem in casu fuisse huius coloris vestes usurpatos a veteribus, antiquitatis monumenta docent; honoris nimirum gratia, in re lacta, et in sacris. Quod ad primum attinet, coloris albi vestes fuisse inter omnes ferme gentes ceteris honorationes, imperatoribusque, regibus, principibus, aliisue illustri dignitate conspicuis personis quasi dicatas constat. Apud Hebraeos amictum candidum primores gestasse, DANIEL HEINSIUS refert in *exercitationibus ad Luc. XXIII.* 11. pag. 196. Vnde et mortuos principes albis tunicis tumulo mandatos ab iis fuisse, 10. BUXTORFIVS in *synagoga Iudaica*, cap.

XLIX. docet. Imo Hebraeis viri nobiles dicebantur חֲוִירִים, *candidi*, quod alba plerumque amicti erant veste. Aegyptios pari ratione destinasse optimatibus exornandis album potissimum vestium colorem, Moses priori adducto loco testatur, de Iosepho referens, quod vna cum aureo annulo aliisque proximi a Pharaone rege loci insignibus alba quoque donata ipsi stola fuerit. vid. 10. GERHARDI *commentarius ad b.l. et eiusdem harmonia euangelica, cap. I. pag. 1882*. De Persis vero alter locus noster Esth. VIII. 15. idem confirmat, vbi Mardochaeus, primarius Persarum monarchae Ahasueri minister, ornatu honorandus regio, albis indutus vestibus ab iisdem introducit. Liquet idem etiam ex OCTAVII FERRARII *analectis de re vestiaria, cap. XIV. pag. 15*. vbi Persarum reges tunicam purpuream gestasse narratur, quae in medio album habuerit intextum. Graecorum regum diademata albo constitisse colore, LUCIANVS tradit, eadem *ταυριῶν λευκῶν* nominans, nec non CASAVBONVS in *notis ad Suetonii vitam Iulii Caesaris, cap. LXXIX*. de Romanis, quin simili indulserint mori, dubitare nos non finit SVETONIVS *loco citato*, Caesaris statuam ab eius mancipiis laurea, candida fascia praeligata, exornatam fuisse scribens. Eandem ob rationem ad diuinum cultum etiam adhibitum, omnium ferme gentium consensu, hunc colorem

lorem fuisse, obseruat PIERIVS VALERIANVS *lib. XXXIX. hieroglyph. cap. V.* A sacerdotibus proinde in templo ministrantibus vestes vsurpantur candidae; vti fufius probant IO. BRAVNIVS in *selectis sacris, lib. III. cap. I. §. XX.* et MELCHIOR LEIDDEKERVVS *de republica Hebraeorum, lib. X. cap. III.* Et virgines quoque apud eosdem in festis solemnioribus istis inducebantur. Vid. quae hanc in rem ex tractatu Mischnico מִשְׁנָה affert summe reuerendus SALOMON DEYLINGIVS in *obseruationibus sacris, part. II. pag. 605.* De Romanis, quod in sacris pariter vsi illis fuerint, testantur SVE-TONIVS in *vita Augusti, cap. XCVIII.* et POLYAENVS *lib. I. strategem. XXVII. ex. II.* vbi Gelo Syracusanus sacra faciens ministros adhibet albis indutos vestimentis. conf. IO. DOVGTHAEVS in *analectis sacris noui testamenti, excursu CV. p. m. 302. seq.* Quod vero in re laeta istum itidem colorem admauerint, varia confirmant veterum scriptorum loca, quorum vnum saltem afferre liceat ex LIVIO *lib. XLV. cap. XX.* de Rhodiorum legatis narrante, quod post deportatam a Perseo victoriam Romanorum missi Romam in vestibus primum candidis appa-ruerint, deinde vero reiecti, quoniam de-centér minus in bello isto sese gesserant, a senatu, sordidam vestem sumserint.

XXVII.

HEBR. XII. I.

Directe sibi sunt opposita *ευπειριστατος* et *απειριστατος*, contraria significantia. Quanam autem ratione de hoc loco dubitandi, num haec vel illa vox genuina, an-
sam dederit STEPHANI codex, docet beatus WOLFIVS in *curis suis philologicis et criticis, ad h. l.* Nullam sane diuersae lectionis suspicionem inuenire licet apud graecos antiquae ecclesiae doctores. Quare mirum eo magis, legere hic *απειριστατος* voluisse GROTIUM in *annotat. ad nou. test. ad h. l.* contra quem euolue a b. WOLFIO laudatum SALMASIUM, aperte, quod ista vox locum hic habere nequeat, docentem in *tractatu de foenore Trapezitico, pag. 256.* ex quo tamen cum GROTIUS idem sensisse KLOCKENBURGIUM apparet, licet aperte is non nominetur, sed false saltem perstringatur.

In diuersa vero abeunt circa vocis huius *ευπειριστατος* explicationem prisci graecae ecclesiae doctores, locum quando praesentem interpretantur. Duas affert CHRYSOSTOMVS, tertiam THEOPHYLACTVS addit, quartam suppeditat THEODORETVS; quorum omnium verba adducit IO. CASP.

SVICERVS in *thesauro ecclesiastico*, tom. I. pag. 1261. seq. Quam inepte hic noua prorsus probari sibi iusserit DANIEL HEINSIVS in *exercitationibus sacris*, ad h. l. *ευπεριστατον* vertens per *dolosum*, qui alterum in *luctu aut cursu circumuenit*, eidemque respondere ait *το ευολισθον*, quod eius est, qui *facile prolabitur*, dederunt demonstratum scriptores a b. WOLFIO pag. 776. allegati. Induci interim sese HEINSIVS passus est lectione glossarii graeco-latini, ubi *περιστασις* per *circumventionem* exponitur; circumuentus tamen ac deceptus ipse. Accipitur namque in dicto isto glossario in proprio significato *circumuentio*, eo sensu, quo circumuenire dicimur, quem circumstamus, siue circa quem stamus, vel videndi vel audiendi gratia, uti patet illa quoque vocis *περιστασεως* significatio ex *dictionary VALERII HARPOCRATIONIS graeco*. ERASMVS SCHMIDIUS, quoniam apud POLYBIUM atque GALENUM *περιστασις* quoslibet casus aduersus, pericula et damna quaeuis, *απεριστατος* vero id, quod noxa, periculo et damno caret,* notat, concludit inde, *ευπεριστατον* contra id designare, quod facile damnum affert, siue ad illud periculumque inferendum pronum est. Quae quidem ex-

H. 4

plicatio

* Vocat namque *απεριστατα* vulnera, quae nullo cum periculo coniuncta sunt, GALENVS.

plicatio incommoda haud est, cum maximum utique, idque aeternum, damnum afferat et habeat secum coniunctum peccatum. CHRISTOPHORVS HEGENDORFIVS, theologus ac iureconsultus seculi XVI. haud incelebris, cuius verba SCHMIDIVS in medium profert, το ευπεριστάτον per id explicat, *quod abiici difficulter potest*, quoad rem ergo conueniens cum DESIDERIO ERASMO, qui ita vertit: *quod facile circumscissit et abiici proinde difficulter potest*. Secutus ERASMVIVS in versione sua LVTHERVVS est, ipso Paulo Rom. VII. 21. hanc explicationem confirmante. Sequuntur et eundem nostratium theologorum multi, e. g. MARTINVS CHEMNITIVS in *locis theologicis*, loc. de peccato; AEGIDIVS HVNNIVS in *exegeſi epistolae ad Hebraeos*, ad h. l. FRIDERICVS BALDVINVS in *disputatione in h. l.* IO. ADAMVS SCHERZERVVS in *systemate theologico*, loco VII. pag. 154. IOANNES HVLSEMANNVS in *breuiario extenso*, pag. 91. et in *manuali Aug. Conf. diss.* XVII. pag. 821. seq.

Plerique, beato WOLFIO pag. 777. teste, CHRYSOSTOMI sequuntur, quae in ipsius *commentario in Psalmum XLIX.* et *homil. II. in posteriorem ad Corinthios epistolam*, pag. 555. legitur, interpretationem: *peccatum, quod facile nos cingit*, et vocis recte exprim-

men-

mentem notionem propriam, et illius rei rationem, quam docet in hoc loco diuus apostolus, optime declarantem. Similitudine namque a certantibus et currentibus desumpta, hortatur christianos, vt pari studio atque industria ad metam propositam contendant. De modo etiam, quo facilius feliciusque currere queant, eosdem instruit, omnia ea, quae longioris cuiusdam vestimenti instar pedes quasi inuoluere ac implicare, cursumque proinde impedire atque remouere queant, abiicere et deponere iubens. Ipsa vero vocis deriuatio idem amplius confirmat. Descendit *επιεριστάτος* a verbo *περιιστημι*, id est *circumsto*, *circum-quaue circumstare facio*, ideoque de circumcingendo et circumdando vsurpatur, et quidem α) de praesidiis sive militibus praesidiariis, vrbes ac castella excubiis vigiliisque suis circumstantibus et custodientibus, β) de satellitibus ac stipatoribus, qui personam principis circumstant, γ) de bello, vndique nos circumdante ac circumcingente, et δ) de obiectis vrbibus, vndique quae circumdantur. Eleganter omnia haec singulaque accommodari ad peccatum possunt. Hostis enim noster accerrimus vtique peccatum est, circumdans nos, circumcingens, et quasi obsidens seu obsidione premens ac custodiens, ne pii quid aut boni agamus. Et potest optime quoque commemorata de

curforibus metaphora retineri. Longioris namque vestimenti instar peccatum in currendo, ne velociter curramus metamque salutis aeternae praestitutam consequamur, impedit. Qui vero allegati a me ante sunt, ERASMVM AC LVTHERVVM in interpretanda voce hac sequentes, theologi nobis minus aduersantur. Vtrumque namque hi coniungunt, alterumque ex altero colligunt ac concludunt; prouti clare hoc testantur ipsa eorum verba. Conf. praeter citatos ABRAHAMVS CALOVIVS in *bibliis illustratis, ad h. l.* et in *exegeſi Aug. Conf. art. II. cap. IV. §. II.* nec non SALOM. GLASSIVS in *philologia sacra, lib. V. tract. I. cap. XII. pag. 1867.*

XXVIII.

Lvc. IV. 29.

Non ordinaria haec erat et in Iudaeorum iudiciis recepta poena, quam sanctissimo Seruatori hic parabat concitata plebs, sed talis saltem, quae in tumultu iam a populo ipsi parabatur. Romanis vero antiquioribus praecipue in more erat positum, proiicere ac praecipitare a Tarpeia rupe, uti poetis illa audit, milites transfugas et in fuga receptos, nec non tyrannos, qui rapere ad se rempublicam conati fuerant, uti duobus

duobus ex LIVIO petitis exemplis probat IO. CASP. SVICERVS in *thesauro ecclesiastico, tom. I. p. m. 408*. Manlius enim Capitolinus huius criminis reus erat actus. Vid. PLVTARCHVS in *Camillo*, et CLAVDIVS MAMMERTINVS in *gratiarum. actione pro consulatu ad Iulianum*. Eadem ratione in milites suos transfugas animaduertisse etiam Mithridatem, Ponti regem, auctor est APPIANVS de *bello Mithridatico*, pag. 396. Non solum vero horum, sed aliorum quoque scelerum reos poena ista afficiebant Romani. Illos, qui falsi arguebantur testimonii, precipitari solitos fuisse, testis est AVLVS GELLIVS *lib. XX. noctium Atticarum, cap. I.* De homicidis, imo omnibus capitali supplicio afficiendis, narrat id DIONYSIVS Halicarnassensis *lib. VIII. antiquitatum Romanarum*, et PLVTARCHVS in *vita Romuli*; prouti et de iis, qui incestum commiserant, idem refert TACITVS *lib. VI. annalium, cap. XIX.* Recentioribus autem temporibus per legem Valeriam et Porciam abrogatum id supplicii genus fuit, crudele nimis Romanis visum, donec a Tiberio imperatore reuocatum fuerit, teste SVETONIO in *vita Tiberii, cap. LXII.* Conf. PETRVS FABER *lib. I. semestrium, pag. 93. seq.*

XXIX.

MATTH. I. 19.

Scriptores bene multos, qui significationem vocabuli παραδειγματιζειν hic obuii eruere studuerunt, nominat b. WOLFIVS in *curis suis ad h. l.* Ego nonnulla saltem monebo, quæ ad determinandam eam mihi visâ fuere præcipue notanda, ex significato vocis, a qua illud deriuandum, petita. Descendit scilicet a παραδειγμα, quod *exemplum* denotat. Pro *poena* hoc accipitur vocabulum apud Latinos, vti TACITI, TERENTII, CICERONIS aliorumque loca testantur a SVICERO *tom. II. thesauri ecclesiastici, p. m. 790.* allegata. Eundem puniendi sensum proinde hoc Matthæi loco verbo παραδειγματιζειν tribuunt AVGVSTINVS *epist. XLV. ad Macedonium*, HILARIVS, THEOPHYLACTVS, HVGÔ GROTIVS, IO. PISCATOR et DAN. TOSSANVS in *commentariis suis ad h. l.* ad capitale supplicium siue mortis poenam respicientes, de qua Deuter. XXI. 22. legitur diuina lex. Verum enim vero cum diuus Matthæus euangelista aoristo primo infinitiui actiui vtatur, Iosephus autem tanquam persona priuata ipso hoc supplicio afficere Mariam, si etiam voluisset, minus potuisset, magistratui id officium relinquere coactus; admitti hoc loco

non

non potest commemorata vocis huius interpretatio. Vid. EDVARDI LEIGHII *critica sacra noui testamenti*, sub hac voce, et SVICERVS *loc. cit.* Displicuit. ista propterea etiam DAN. HEINSIO, qui Hellenistarum more de infamia ludibrioque priuato exponi voluit in *exercitationibus sacris*, pag. 3. cui autem bene respondet SALMASIVS apud LEIGHIUM *l. c.* Quem iam citavi, GROTIUS, aequè magnus alias strenuusque Hellenistarum patronus, contrariam ex ipsis LXX. interpretibus, Heinsianam subuersurus expositionem, demonstrare, quodque ab illis Num. XXV. 4. et in additamentis ad Esth. XIV. 9. de capitali poena vsurpatum fuerit το παραδειγματίζειν, asserere conatus est. Sed ridet falsè hanc GROTHII ac HEINSII rixam SALMASIVS in *praefatione ad commentarium de lingua hellenistica*. Nec opus est commentitiis hisce hellenisticis. *Mibi quidem non est dubium*, ita prudenter pro more suo iudicat laudatus WOLFIVS *loc. cit.* pag. 19. *per verbum hoc publicam hic significari ignominiam, qua partim is, qui facinus commisit, punitur, partim alii deterrentur, ne quid tale committant.* Et sequitur hoc prono alueo ex ipsa vocis significatione.

Animaduertendum autem primo atque generatim est, familiare vsitatumque omnibus

bus in linguis ferme deprehendi hoc, ut indeterminatam significationem quaedam habeant vocabula, quae deinde variis rebus applicari et specialius determinari, pro ceteris circumstantiis, possunt. Quare ex voce praecise considerata sensum haud licet definitum eruere.

Idem circa vocabulum nostrum παραδειγματισειν hoc loco tenendum. Late patet in se spectatum vocabulum παραδειγμα, exemplum, quod ita exhibetur atque ostenditur, ut per illud, tanquam documentum, instituantur et moneantur alii; το παραδειγματισειν inde descendens est efficere, ut aliquis aliis sit exemplo, in quod intueantur, et sic informentur. Cum autem varie fieri hoc possit, ut existat aliorum quis exemplum, et in hac ipsa voce, seorsim spectata, nullus deprehendatur certus atque definitus modus; definiendus ille est ex conditione et natura rei seu negotii, de quo in unoquoque loco agitur. Varios coniungit significatus BENEDICTVS ARETIVS in comment. in h. l. quando ait: *voluit eam Iosephus nec poenae, nec famae, nec risui exponere; quae tria per hoc verbum notantur.* Notandum vero, illud, quod hac voce primo inuoluitur, non esse poenam, sed infamiam ac publicam traductionem per verba, per calumnias ac per conuitia. Conf. ED.

LEIGHIUS

LEIGHIVS *loc. cit.* Nostro itaque loco verbum παραδειγματιζειν de infamia, ignominia et probro accipiendum est, in quod incidisset Maria, si suspicionem suam et animi cogitata, de violata eius virginitate concepta, indicasset aliis Iosephus. Id proinde, ut sine omni strepitu fieret, clam, nulla nec dicta nec audita discessus sui causa, deserere desponsatam sibi Mariam, in animum induxerat.

Conueniunt cum hac explicatione optimi interpretes. Recte namque ERASMVVS vertit: *infamare*, quem sequuntur VICTORINVS STRIGELIVS in *hypomnemmatibus ad h. l.* THEOD. BEZA *comment. in h. l.* LAVR. VALLA in *h. l.* FLACIVS, alii. Elegans hanc in rem ex PLVTARCHO affert idem BEDA, obuium etiam apud LEIGHIVM *l. c.* exemplum, vbi Archilochus poeta εαυτον παραδειγματιζειν, se ipsum infamare obscœnis suis carminibus dicitur. Et fatetur ibi BEZA ipse iuuentutis suae errata, quod semetipsum παραδειγματιστην parum honestis versibus, idque ab aduersariis suis saepe obiectum fuisse sibi dolet. Occurrit aliud etiam huic consimile exemplum apud DEMOSTHENEM in *orat. contra Aeschinẽm de falsa legatione*, vbi κτενειν, *occidere*, et παραδειγματιζειν, *infamare* sibi inuicem opponuntur. Habentur quoque apud POLYBIVM
fimi-

similia *lib. II. pag. 203.* et in *excerptis virtutibus ac vitiis, pag. 1449.* Conf. praeter auctores iam citatos, eidem circa hunc locum interpretationi fauentes, FRID. SPANHEMIVS in *dubius euangelicis, part. I. dub. XXI.* et IO. LIGHTFOOTVS in *horis hebr. et talmud. ad h. l.* qui praeterea poenam capitalem hic intelligi minus posse obseruat, quoniam lex diuina Deut. XXII. 22. de adultero, morte puniendo, lata, per libellum repudii Deut. XXIV. 1. concessum, enervata fuerit, consentientem hac in re secum habens FRANC. GOMARVM *tom. I. operum, statim ab initio.* Addantur CAMERO in *myrothecio euangelico ad h. l.* CORNEL. A LAPIDE, PET. WINSTRVPIVS, CASP. BERTRAMVS alique in *commentariis ad h. l.* Habet etiam in versione sua *traducere* vetus interpretes, sub *Vulgati* nomine notus, cuius in vertendo hoc verbo elegantiam miratur ERASMVVS, licet reuera talis Monachorum superiorum temporum elegantia eiusmodi admirationem vix mereri videatur. Aliquoties enim v. g. PETRVS LOMBARDVS *lib. IV. sententiarum* verbum *traducere* exponit per *rem habere cum aliqua.* HVGGO autem Cardinalis *comment. in h. l.* quando *no-luit eam traducere* vertit, addit: *scilicet in domum suam traducere.* Quae exempla satis confirmant, quam inepte istius vocabuli significationem h. l. determinauerint. Quae
de

de diuo nostro LVTHERO monet b. WOLFIVS *l. c. pag. 19.* quasi in versione sua per *rügen* accusandi inprimis significatum exprimere voluerit, vix videtur admittere addita a megalandro isto nota marginalis: *Rügen, das ist, er wolte sie nicht zu Schanden machen für den Leuten etc.*

XXX.

MATTH. XVIII. I. seqq.

Valde solliciti fuere veteres circa puerulum hunc determinandum, a Seruatore discipulis exempli loco commendatum. Duæ autem potissimum sunt sententiae, quarum altera latinae ecclesiae, altera graecae se probauit. Latinae ecclesiae doctores *Martialem*, Lemouicensium in Gallia episcopum, fuisse puellum istum autumarunt, de quo vid. b. IO. ALBERTI FABRICII *bibliotheca latina mediae et infimae aetatis, vol. V. pag. 104. seqq.* Cui sententiae fauent ANSELMVS, THOMAS, LYRANVS aliique citati in SEBAST. BARRADAE, ex societate Iesu, *commentario in concordiam et historiam euangelicam, ad h. l.* Graecae contra ecclesiae doctores *Ignatium*, Antiochenum episcopum, intelligunt, quam propterea *Θεοφορον* dictum esse, volunt. Vid. *Menaëum Graecum vetus, ad diem XX. Decembris,* (Winckleri Hypomn.)

bris, SIMON Metaphrastes apud COTELERIVM, pag. 991. et NICEPHORVS in *hystoria ecclesiastica*, lib. II. cap. XXXV. nec non alii, quos allegarunt MONTACVTIVS et HALLOIXIVS locis a b. WOLFIO in *curis ad b. l.* et THO. ITTIGIO in dissertatione de *patribus apostolicis*, §. LXXXIII. pag. 255. seq. nominatis. Reperitur eadem etiam in duobus Syris scriptoribus, supra commemoratis graecis antiquioribus, quos commemorat Archiepiscopus Armachensis siue Armachanus in *annotatis in acta Ignatii*, pag. 37. teste GVIL. CAVEO in *antiquitatibus patrum et ecclesiasticis*, pag. 232. editionis Germanicae Bremensis.

Sed vana omnique prorsus fundamento destituta iudicanda est haec aequae ac prior explicatio; ceu de illa inprimis demonstratum fuit ab VSSERIO et PEARSONIO, quos WOLFIVS allegat. Solent quidem, qui huic posteriori fauent, ad corroborandam istam, petere argumentum, praeter alia, etiam ex ipsius IGNATHI data *ad Smirnenses epistola* (pag. 3. editionis epistolarum Ignatii ab Isaaco Vossio anno MDCXLVI. Amstelodami curatae) vbi haec leguntur verba: *Ego enim post resurrectionem in carne ipsum (Christum scilicet) vidi et credo ipsum existentem.* Verum huic obiectioni etiam respondit ITTIGIVS loc. cit. pag. 257. seqq.

Et

Et recte ex silentio CHRYSOSTOMI, qui peculiarem habuit in laudem IGNATII orationem, *tom. V. operum, pag. 409. seqq.* obuiam, hoc non solum ostendit, sed etiam diserte, quod viderit in carne Seruatorem IGNATIVS, negat. Refutarunt HALLOIXIVM et MONTACVTIVM eruditi, licet defendat eos summe reuerendus ERN. SAL. CYPRIANVS in doctis suis *ad HIERONYMI catalogum annotationibus, pag. 244.* En! ipsa CHRYSOSTOMI verba: *Tantam, inquit l. c. pro Christo animi promptitudinem ostenderat non tantum Petrus et Paulus, sed etiam Ignatius, qui neque eum viderat, neque vlla eius conuersatione gausus erat, ut pro eo vitam fundere non dubitaret.* Verbis his quid clarius? Ipse autem Ignatius, scribit ITTIGIVS *loc. cit. pag. 257. cognomen- tum suum explicauit, asserens, Θεοφορον esse, qui Christum habet in pectore.* Conf. 10. • ANDR. SCHMIDII *historia seculi secundi fabulis variorum maculata, Helmstadii anno MDCCVI. disputationis instar euulgata, pag. 14.*

Diuerſa a duabus commemoratis circa puerum hunc ſententiis eſt, quam ſouit BERNHARDVS *homil. IV. in Luc. I. 26.* et BEDA, venerabilis dictus, *in Matth. XVIII.* Chriſtum ipſum intelligentes, quaſi is ſe ipſum in medio conſtituiſſet diſcipulosque

humilitatem a se discere iusserit. Sed repugnat narrationi euangelistae aequè aperte haecce interpretatio, ac HIERONYMI, qui per puerum istum Spiritum sanctum indigitari putauit.

Constat interim, praesenti ex Matthaei diuili loco, fidem infantum a nostratibus theologis probari satis firmiter, licet, infantes hic intelligendos esse, negent pontificiae aequè ac reformatae ecclesiae doctores, grandiores, qui vocati ad Seruatorem accedere ad ipsum potuerint, pueros subintelligentes. Verum ipsa *του παιδιου*, quod hic legitur vocabulum, notio contrarium euincit. Nec enim per illud, absolute positum, aliud, quam eiusmodi infans, indigitatur; cum, quando aetatis grandioris puer voce isthac indicatur, epitheton aliquod addatur, aetatem illam quasi determinans. Quod vero vocasse hos infantes ad se dicitur Seruator, non probat, fuisse illos adultioris aetatis atque grandioris. Obtinet namque et inter nos vulgaris is loquendi mos, vt aduocare eos dicamur, qui tamen ambulare nondum valent, verum a nutricibus vel aliis portantur. Et ipse sanctissimus Seruator hunc in modum Luc. XVIII. 15. vocasse ad se legitur *τα βρεφη*, nec non *εναγκαλιζεσθαι* eiusmodi *παιδιον*. Marc. IX. 36. Minus autem is obtinuisset scopum suum, si adultiores iam
pueros

pueros aduocasset, eosque in exemplum humilitatis discipulis proposuisset; cum soleat apud istos maior iam deprehendi superbia siue honoris cupido. Huic ergo Seruatoris scopo cum optime respondeat vocabuli παιδιου de infante explicatio, quid cogit, quaeso, nos, hanc primam propriamque eius significationem vt praeter rationem deferamus? Pugnat quam maxime proinde hic etiam pro nobis et interpretatione nostra nota illa regula, secundum quam vox analogica semper stat pro suo famosiori significatu, et, quando occurrit vocabulum quoddam πολυσημον (qualis est παιδιον; alias nonnumquam etiam aetates modo supra dicto notans) simpliciter et absolute positum, prima eligitur eiusdem atque propria significatio, cui tamdiu inhaerendum, quamdiu isti aliam praeferre non summa nos cogit (hic qualis nulla) necessitas. Hanc vero propriam et primam esse παιδιου significationem, vt infantem notet, matris aut nutricis vberibus adhaerentem, ex ΕΥΣΤΑΘΙΩ aliisque Grammaticis abunde constat.

Obiiciunt quidem verba commatis sexti dissentientes, indeque, infantes tales intelligi non posse, contendunt, quoniam το σκανδαλιζειν, cuius fit dicto isto commate mentio, in illos minus cadat. Sed salua res est. Recte enim distinguit b. BALTHASAR

MEISNERVS in *anthropologia* sua, (cuius iam locus dum haec scribo, quoniam non est ad manus liber, haud succurrit) inter scandalum reale et morale. Posteriori scilicet respectu dicuntur scandalizari infantes, a prima quando pueritia assuescunt malis eiusmodi rebus agendis, exemplo nostro incitati. Nobis ergo, a quibus sic agere discunt, moraliter hoc tanquam datum scandalum imputatur. Respondent alii quoque, ad scandalum opus non esse, ut semper adsit aliquis, actu qui scandalizari possit; sufficere, docentes, si sit, talia qui loquatur vel agat, unde quis scandalizari possit, etsi actu nemo scandalizetur; in exemplum huius rei adducentes locum Matth. XVI. 23. vbi σκανδαλον sibi εἶναι Petrum Scruator affirmat, qui scandalizari tamen nulla ratione poterat. Ut silentio praeteream, quem responsionis loco pariter hic opponunt aduersariis alii, loquendi usum, quo actiua verba non actum semper, sed conatum tantum siue studium aliquid agendi denotant; prouti 1. Io. V. 10. vbi Deum dicimur mendacem facere, ipsi si non credimus; quod actu sane fieri nequit. Leguntur vero eiusmodi apud profanos pariter auctores exempla; v. g. AESCHYLVM, qui *tragoedia II. vers. 1027.* cepisse quandam urbem dicit, qui tamen interiit ipse, vrbe ipsa minus expugnata. Vid. pluribus GODOFR. VOIGTII tractatus *de fide infantum bapti-*

baptizatorum, sect. III. cap. I. pag. 60. seqq.
 IO. CASP. SVICERI *thesaurus ecclesiasticus,*
tom. II. p. m. 526. IO. VORSTII *philologia*
sacra, part. I. pag. 73. THOM. GATAKERI
aduersaria, cap. XXXII. et SALOM. GLAS-
SII philologia sacra, lib. III. tract. III. can.
VIII. p. m. 766. seq.

XXXI.

MARC. IX. 36.

Breuiter adduxi ad antecedentem locum
 Seruatoris, vlnis infantes excipientis,
 exemplum a diuo Marco allatum, quò pro-
 betur, de infantibus esse in illo sermonem.
 Explicat quidem vocabulum, quo hic Mar-
 cus vtitur, *εναγκαλιζέσθαι* Lucas cap. II. 28.
 quando ita ibi exponit: *εδεξατο εις τας αγκ-*
αλας. Verum excipit GROTIUS, genera-
 lem habere tantum *amplectendi* vel *comple-*
ctendi significatum, non vero specialem *ex-*
ciendi in vlnas verbum *εναγκαλιζέσθαι*;
 id probare studens ex versione των LXX.
 qui hebraicum verbum *רבה*, quod in gene-
 re *amplecti* notat, per illud *εναγκαλιζέσθαι*
 sunt interpretati, Prov. VI. 10. nec non per
συνεχεσθαι αγκαλας, ibid. comm. 20. inde-
 que hoc diui Marci loco eundem significa-
 tum verbo commemorato tribuens. At fal-
 sus est hic GROTII aequè ac HEINSII (cui
 14 spissum

spissum suum *exercitationum sacrarum* opus hic superstruxit) canon, ubiuis qui explicare occurrentes in sacris noui foederis libris voces atque dictiones ex notione hebraearum veteris foederis vocum iubet; vt ex instituto demonstrauit CLAVDIUS SALMASIUS in doctissimo suo *de lingua hellenistica* commentario, huncque sequente *eiudem* *funere* et *offilegio*. Et poterunt innumera in medium adduci exempla, absurda quibus illius aperte foret applicatio. Sic namque v. g. graecum vocabulum *oros*, quod *montem* significat, denotare etiam deberet *vallem*, et vox *βουνος*, quae *collem* significat, *vallem* simul indicare, quoniam οἱ LXX. Iesa. XXVIII. 1. 4. τὸ Νῖ, quod Hebraeis *vallis* est, per *oros* sunt interpretati, 2. Reg. II. 16. autem per *βουνος*. Idem Νῖ vocabulum Ezech. VII. 16. per *μελετικός*, *meditans*, exposuerunt. Quae vero, quaeso, datur inter hominem meditantem atque vallem conuenientia? Aut num inde habebit *μελετικός* *vallis* quoque significationem? Eadem ratione מים I. Sam. XXV. 11. per *οινον*, *vinum*, et Iob. XIV. 12. per *χρονος*, *tempus*, vertunt. Quae vero, hic inter tria illa vocabula conuenientia? Anne vinum et tempus iam מים denotabit? Apparet inde, meo quidem iudicio, aperte satis, quam inepte ex versione septuagintavirali voci *εναγκαλιζομαι* solum generalem amplecten-

plectendi significatum vindicare GROTIUS laboret. Quod vero apud profanos aequè scriptores illa *in vltos recipere* denotet, variis exemplis docuit doctissimus IACOBUS ELSNERVS in *observationibus sacris, ad h. l.*

XX·XII.

GENES. VIII. 7. 9. II.

Cadaueribus, vt ne reuerteretur, detentum coruum fuisse, coniicit CHRYSOSTOMVS, *homil. XXVI. in Genesin* scribens : *Iam autem operae pretium, vt dicatur causa, quare non redierit haec avis. Fortassis avis illa, vti est immunda, cum desissent aquae, incidit in cadauera hominum et brutorum, quibus, inuento sibi congruo cibo, insedit.* Suspiciatur idem etiam Sulpitius Severus in *historia sacra, lib. I. cap. III.* Nec aliter AUGUSTINVS in *quaestionibus in Genesin* : *Quaeritur, vtrum coruus mortuus fuerit, an aliquo modo viuere potuerit? Si enim fuit terra, vbi requiesceret, similiter columba requiem inuenisset. Vnde coniicitur, quod cadaueri potuit coruus insidere, quod naturaliter refugit columba. Idem lib. X. contra Faustum Manichaeum, cap. XX. Quod post dies quadraginta emissus coruus non est reuersus, aut aquis vtiq̃ue interceptus, aut aliquo supernatante cadauere illectus, signifi-*
I 5
cat.

cat homines in immunditia cupiditatis teterrimos. Mirum vero, de coruo, rediisse eum, scripsisse IOSEPHVM, quod de columba priori Moses v. 9. refert.

Gratissimum vero pacis symbolum, quando secum attulit reuersa altera emissâ a Noacho columba, v. 11. Eleganter de eo AVGVSTINVS lib. II. de doctrina christiana, cap. XVI. Oleae ramusculo, quem rediens ad arcam columba pertulit, significatur pax perpetua. Nam nouimus et olei lenem attulit non facile alieno humore corrumpi, et arborem ipsam frondere percuniter. HILARIUS item in Genesi:

Postquam diluuii cecidit tumor, vnda re-
sedit,
Ales paciferae folium portauit oliuae,
Iam siccis reuolans pennis dedit omnia
pacis.

PRVDENTIVS in diptycho:

Nuncia diluuii iam decrefcentis ad arcam
Ore columba refert ramum viridantis
oliuae:
Coruus enim ingluuie per foeda cadauera
captus
Haeferat, illa datae reuebit noua gaudia
pacis.

At

At enimvero, vbi inuenerit olae folium columba? merito quaeritur. Respondet CHRYSOSTOMVS loco supra allegato: *Totum hoc factum est dispensatione diuina, et quod columba inuenit, et quod ore receptum ad iustum attulit. Alioquin et arbor haec semper virens est, et verisimile est, quod cum aquae abierint, arbor haec adhuc habuerit foliorum comam.*

XXXIII.

Ios. XIV. 15.

Παροργισα haud leue commisit circa locum hunc *Vulgata* versio, ita eum quando vertit: *nomen Hebron ante vocatur Kiriath Arbe: Adam maximus ibi inter Enakim situs est.* Vocem enim Adam, quae itidem pro appellatiua haberi debet, tanquam proprium protoplasti nomen accepit, vnde fabulosa ista ortum traxit traditio, ac si Adamus, humani generis caput, ibi sit sepultus. Prouocant ad haec verba, qui dictae fabulae assensum praebent, HIERONYMVS in *Matth. XXVII.* et ALPHONSVS TONSTATVS, episcopus Abulensis, *comment. in Gen. XXIII.* Alii tamen, vt CAESAR BARONIVS in *annalibus ad A.C. XXXIV. num. CXV.* et IACOBVS TIRINVS *comment. in Ios. XIV. 15.* non primum mortalium parentem,

tem, sed alium quendam, nomine isto insignitum, gigantem intelligunt. Apertus vero error est, quando pro nomine proprio habetur hic vocabulum ארם, cum sit in textu רֶמֶה הֵם emphatico munitum, hoc autem cum nominibus propriis virorum atque foeminarum iuxta Grammaticorum observationes coniungi per naturam suam nequeat. Vid. R. KIMCHI in *Michlol fol. LIV.* et IO. BVXTORFIVS in *thesauro lib. II. cap. V. pag. 52. et 55.* Appellatium est illud vocabulum hominem significans, nec Adamum, nec, ut Iudaei volunt, Abrahamum, sed pro materia substrata illum, de quo sermo fuerat, et cui nomen erat *Arba*. Recte itaque interpretatio se habet LVTHERI, quam margine adscripsit: *Von solchem Mann Arba heist die Stadt Kiriath Arba, das ist, Arba Stadt, wie wir Teutschen sagen: Carlsstadt, Arnstadt.* Idem etiam iudicium IO. ANDREAE QVENSTEDII in libro *de sepultura veterum, cap. I.* IO. CHRISTIANI ISINGII in *exercit. histor. chronol. geograph. et philolog. pag. 36.* aliorumque. Vnde etiam *paraphrastes Chaldaeus* ad euitandam vocis hebraicae homonymiam pro ארם substituit אנש. Conf. CORNELIVS A LAPIDE et GVILIELMVS ESTIVS in *commentariis ad h. l.* nec non IO. BVXTORFIVS in ספר קבוצים §. XXV. et IO. MARCKIVS in *historia paradisi illustrata, pag. 296. seqq.*
Cur

Cur autem vir iste Arba, verba sunt ANDR. MASII in explicatione historiae Iosuae, ad h.l. inter Enacinos magnus fuisse scribatur, an, quia corporis mole in illo gigantum genere excelluerit, an vero, quia penes eum fuerit apud eam gentem principatus, non satis explicata res est. Constat interim, qualia et quam absurda, occasione fabulandi et varia fingendi ex hoc dicto Iosuae, male de primo gentis nostrae parente intellecto, sumta, de gigantea ipsius magnitudine somniauerint non Iudaei tantum quidam vani, sed ex Christianis quoque haud pauci, et nominati et refutati a b. IO. BENEDICTO CARPZOVIO, filio, cap. III. disputationis de Gigantibus, Lipsiae anno superioris seculi LX. ventilatae, et in disputationibus eius academicis, pag. 150. seqq. recusae; IOAN. PHILIPPO GROSS in dissertatione de quaestione: quanta Adami statura fuerit? Lipsiae itidem anno MDCCXXVII. habita; et IO. MARKIO l. c. Fabulam autem ipsam de Adamo in vrbe hac Kiriath Arba sepulto explosam pariter dederunt SIXTIVS AB AMAMA in antibarbaro biblico, lib. III. pag. 384. AVGVSTVS VARENIVS in decadibus Mosaicis, decad. VIII. loc. V. concl. III. pag. 501. AVGVSTVS PFEIFFERVS in dubiis vexatis, centur. II. loc. L. pag. 332. et IO. SAMVEL LUPPIVS in dissertatione de sepulchro Adami, Wittebergae anno MDCCXVIII. euulgata, sect.

sect. I. qui in eadem dissertatione etiam alias fabulosas de sepulchro Adami, in monte Golgatha siue loco calvariae a nonnullis, ab aliis in insula Sarandib quaesito, narrationes, nec non de ipso bis sepulto commentum pro merito refellit.

XXXIV.

ACTOR. III. 26.

Quando dicitur hoc loco Iesus ab apostolo *παις του Θεου*, sine censura dimittendus non est DAN. HEINSIUS, qui in *Aristarcho sacro*, pag. 672. reprehendit NONNUM, quod Dei filium vocarit *παιδα του Θεου*, rationem adducens hanc, quod *seruum* apud LXX. interpretes significet *ο παις*. Cum vero apertum nimis sit, quam quod negare aut ignorare HEINSIUS poterat, saepius in sacris veteris aeque, ac noui foederis tabulis *τον παιδα του Θεου* appellari sanctissimum Seruatorem, concedit illud quidem, sed ita tamen, ut limitetur, nec ex ipsius mente, nisi *ανευ λογωσεως*, siue tanquam merus homo consideratus; eo nomine Seruator veniat. Quis vero hanc HEINSII sententiam, Nestorianam sententiam redolentem, pugnare cum ipsis diuinis eloquiis non videt? Aut quis, Act. IV. 30. *ανευ λογωσεως* dici *παιδα του Θεου* Iesum, con-

concedit? licet Caluinianorum ad palatum hoc utique foret. Eadem quoque ratione nostro in loco tribuitur ipsi hoc nomen, nec vnquam alias, nisi μετα λογωσεως, siue vt Dei aeque, ac homini.

Nullus quidem negauerim, *seruum* etiam designare τον παιδα. Commemoratur v. g. apud DEMOSTHENEM παῖς ακολουθος, nec non apud alios scriptores Graecos, quorum loca adducunt IAC. ELSNERVS in *observationibus sacris*, tom. I. pag. 210. et ALEX. MORVS in *notis in nouum foedus*, pag. 196. Inde IVLIVS POLLVX in *onomastico*, lib. III. cap. VIII: vocantur serui παῖδες apud Atticos, quamuis prouecta iam aetate. Latinos scriptores eandem significationem tribuere vocabulo *pueri*, exemplis docet IO. DOVG-TAEVS in *analectis sacris noui testamenti*, pag. 49. Immo Hebraei ipsi נער, i. e. *filius*; et אבד, i. e. *seruus*, promiscue adhibent, vt, GVSSETVM citans, monet IO. CHRIS-STOPH. WOLFIVS in *curis philol. et criticis*, vol. I. pag. 1068. Interim non *seruum* solum, sed et *filium* vox haec indigitat, et hominis quidem non plebei tantum, verum magnatum quoque, imo deorum. Sic imperator Augustus dicitur παῖς Iulii Caesaris, propter adoptionem, ab APPIANO *de B. C.* pag. 537. Alexandrum magnum item παιδα του Φιλίππου, Macedonum regis, appel-
lat

lat ARRIANVS *lib. I. et IV. de expeditione Alexandri Magni.* LVCIANVS quoque in dialogo, qui *Herodotus* inscribitur, *tom. III. operum*, pag. 265. Roxanem, Alexandri M. sponsam, *παῖδα* salutatur. Nec dissimile licet ex XENOPHONTE petere exemplum, qui, quem modo *παῖδα* vocaret, mox *υἱον* dicit *lib. I. Cyropaed.* pag. 6. apud quem etiam tum auus, tum mater Cyrum semper hac voce compellat; notante WOLFIO *loc. cit.* pag. 1053. qui RAPHELII *notas Xenophont.* pag. 380. vberius consulere iubet. ARRIANVS adeo *lib. II. διατριβων in Epictetum*, cap. V. pag. 133. iuxta philosophiam Platonicam daemones vocat *Θεων παιδας.*

Haec sane si obseruasset HEINSIVS, non affirmasset, quod in obsceno sensu de masculis saltem scortis vsurpetur haecce vox, grammaticos secutus, cum tamen, uti et hoc loco, saepius analogiae vsus derogeret. Deriuant nempe Graeci Grammatici *το παις* a *παιω*, *percutio*, ac *τον παιδα* notare eum dicunt, qui huiusmodi conditionis (ut sunt ferui) aut aetatis (ut sunt pueri adultiores) est, ut possit percuti. Latini *το puer* deriuant a *paueo*, quod idem est ac *ferire*. Rectius HADRIANVS IVNIVS in *nomenclatore* suo; EDVARDVS LEIGH in *critica sacra noui test.* pag. 236. VARRO apud CENSORINVM *de die natali*, cap. XIV. item ISI-

DORVS

DORVS Hispalensis, *lib. XI. originum siue etymologiarum cap. XI.* a puritate puerum deriuant, quia purus sit, necdum lanuginem floremque genarum habens. Conf. etiam IO. LE MAIRE in *notis ad Censorium de die natali, ad cap. XIV. pag. 95.* editionis Lugdunensis anno MDCXLII. in forma octopartita euulgatae.

XXXIV.

ACTOR. V. 3.

Constat de obuio hic verbo ψ υδομαι, proprie notare illud *mentiendo fallere ac decipere*, et hoc sensu tam cum datiuo, quam cum accusatiuo, construi; quemadmodum exemplis ex profanis scriptoribus petitis variū demonstrarunt, quos laudauit b. WOLFIVS in *caris phil. et crit. ad h. l.* Quamvis enim negari nequeat, dari verba graeca, quae, pro diuersa syntaxi et constructione, diuersam etiam admittant notionem; vti v. g. τιμωρεω, cum accusandi casu constructum, notat *punio*; dandi vero, iunctum, *iniuriam alicui illatam vliscor*; nec non αμυνομαι cum accusatiuo denotat *arceo, propulso*, cum datiuo autem significat *opem vel auxilium fero*: non tamen perpetuum id est, sed multa potius, imo plura sunt vocabula, quae eandem prorsus retineant
(Winckleri Hypomn.) K signi-

significationem, diuersa etiam in constructione. Exempla eius rei qui desiderat, adeat ALEXANDRVM SCOTVM in *grammatica vniuersa*, pag. 660. et IO. CONR. DANHAVERVM in *Idea boni interpretis*, pag. 79. seq. Non est ergo, cur hebraicum hic quaeramus cum THEODORICO HACKSPANIO in *notis philologico-theologicis in varia et difficilia scripturae loca*, part. III. pag. 92. exemplum afferente ex 1 Paralip. XXIX. 20. vbi בָּרַךְ primum cum accusatiuo construitur, vti docet vocula נָח, statim vero etiam cum datiuo, indicante לְ. Decipi enim ille se a BEZA passus est, quippe qui circa locum Act. V. 3. vnus codicis graeci manuscripti, in quo particula *eis* fuit addita, auctoritatem ceteris omnibus haud dubitauit anteferre, idemque ideo ad istum locum tradidit; sequentes se nactus ex nostratibus, quod miror, b. SALOM. GLASSIVM in *philologia sacra*, lib. III. tract. VI. p. m. 1038. et ex Caluianianis SAM. MARESIVM in *system. theol.* pag. 60.

Ex iis autem, quae monui, facile simul apparet, quam male sibi consulant Sociniani, diuersum h. l. sensum ex diuersa syntaxi elicere gestientes, idque responsi loco nobis opposcentes, quando pro diuinitate tertiae sacro sanctae Trinitatis personae

nae iustum ex hoc capite argumentum dedumimus. Videatur, ut ex multis vnum saltem nominem, ALBERTVS GRAVERVS in *centuria illustrium quaestionum theologicarum, disp. VII. quæst. I.* Ex Socinianis singulari dissertatione argumentum hoc refutare annisus est VALENTINVS SMALZIVS, negans quod Ananias mentitus fuerit spiritui sancto, quoniam in accusatio dicitur: *mentitus es Spiritum sanctum.* Conf. et GEORGIUS ENIEDINVS in *explicatione locorum scripturae vet. et nou. testamenti, ex quibus trinitatis dogma stabiliri solet; ad h. l. IO. CRELLIVS de vno Deo patre, apud ABR. CALOVIVM in theologia naturali et reuelata, pag. 1493.*

Eandem cum Socinianis tibiam circa locum hunc instant etiam Arminiani, qui in *examine censurae confessionis, Cap. XXIV. Sect. IX. mentiri Spiritum sanctum, idem esse, ac prae se ferre, simulare, ac se Spiritus sancti instinctu et motu id faceret aliquis, cum tamen Spiritum sanctum ille non habeat.*

At vana, imo vanissima est haecce interpretatio. Ex ipsa namque historia liquidissime constat, non de personae simulatione sermonem esse diuo Petro, apostolo, sed de fraude, fallacia, ac animo, siue studio fal-

lendi spiritum istum, qui erat in apostolis. Praeterea, quod nolunt Sociniani ac Arminiani, *prae se ferre*, aut *mentiri Spiritum sanctum* (aequipollent enim illis hae duae phrasae) nomine idem erit; ac *se gerere ita*, ac *si Spiritus sanctus ipse aliquis esset*? Loqui scilicet ita solemus, ut, qui mentiri alterum dicatur, indigitetur ita se gerere, ac si alter esset, aut pro altero haberi velle. Verumenimvero sensus hic, dicta ratione quem elicere conantur ex hac phrasi commemorati aduersarii, omni prorsus repugnat vsui ac dicendi rationi Graecorum. Nec enim apud vllum eorum aliquod deprehendimus exemplum, quo mentiri, aut prae se ferre, vel simulare aliquem, idem sit, ac simulare, quasi alicuius motu et instinctu aliquid quis peragat. Haec defendi sane melius posset interpretatio, ut, qui mentiat^{ur} alterum, velit pro altero haberi; prouti iam commemoravi. Ipsi vero aduersarii hunc sensum non admittunt. Ananiam enim pro Spiritu sancto venditasse se, quis perhibebit? Vnum, inde patet, eundemque esse quarti aequae, ac tertii, commatis significatum, *ἐξηγῆται* vero huic illud additum. Conf. CAMERARIUS, LVDOVICVS DE DIEV, ERASMVS SCHMIDIUS, alique *ad h. l.* Et abest tantum, ab eiusmodi locutione, seu eius significatione, ut abhorreant scriptores alii profani, ut potius eadem

eadem prorsus reperiatur apud APPIANVM *de bello Punico*, pag. 24. ubi aliquem, Romano exercitui interposito iuramento fidem qui abdixerat, absente vero duce ad Carthaginieneses tamen hostes transierat, ita alloquitur Romanorum dux, Scipio; *quis maior genius mentem tuam occupavit* ψευσαδαι Θεους και Ρωμαίους, h. e. *ad mendacio fallendor et Deos, et Romanos.*

XXXV.

2. THESS. II. 4.

Ο αντικειμενος και υπεραίρομενος (idem modus idemque participii tempus eodem modo reddendum: *Der sich widersetzet und erhebt*) επι παντα λεγομενον Θεον η σεβασμα. Vox λεγομενον tantum cum Θεον construitur, *über einen ieden, der Gott oder hochheilig* (per metonymiam abstracti pro concreto *Hochheiligkeit*) *genennet wird*, id est, magistratum, secundum Ps. LXXXII. 6. Σεβασμα est id, quod colitur, unde *numen* redditur. Verum non solum colitur Numen, sed et homines venerandi, ut principes supremi. Quare dicti quoque fuere imperatores Romani σεβαστοι, augusti, eorundemque coniuges σεβασται, augustae. Expositio verborum praecedentium quasi est σεβασμα, hunc in modum: *impero-*

res, qui dicuntur dii, quibus multoties, sese opposuit Papa, super eos dum sese extulit et reuera hodiernum extollit. Verum ergo Deum et supremum Numen forte hic non respexit Apostolus. Quae si mens eius fuerit, dixisset forte: *supra Deum se extollit*. Nec falsa quoque numina seu falsi dii intelligi a Paulo possunt. His enim qui contradicit et super eos se extollit, recte potius facit. Accedit, quod, si hic Deum ipsum intellexisset Apostolus, non dixisset tanquam per similitudinem: *ὡς Θεοῦ*. Posterior enim commatis pars de Deo manifeste agit, prior ergo de magistratu. Eadem est b. CHRISTI STOCKII sententia in N. T. suo, ad h. l.

XXXVI.

EXOD. XIV. 21. 22.

Quae habet de effectu huius miraculi
PAVLVS OROSIVS lib. I. historiae aduersus paganos, cap. X. quod etiamnum certissima rerum harum gestarum monumenta exstant, tractusque curruum ac rotarum orbitae non in littore solum, sed et profundo, quousque visus admittitur, peruideantur, fidem non merentur. Id verum mirum quemlibet merito habet, quod, ne nimis videatur esse magnum hoc miraculum,
 exco-

excogitavit CASPAR CAELIVS, sibi com-
pertum fuisse narrans, esse eam maris rubri
naturam, vt, interdum in duas partes scis-
sum ac diuisum, latam transire volentibus
viam aperiat, ceu de eo refert IANVS NI-
CIVS ERYTHRAEVS in *pinacotheca l.*
pag. 230.

XXXVII.

EZECH. XXXVIII. XXXVIII.

Per *Gogum* intelligi Antichristum, per
Magogum vero gentem illi adhaeren-
tem, per *Mesech* et *Tubal* gentes Europae-
as ex Iapheto ortas, in quibus Antichristi
sedes est, eleganter demonstrat COCCEIVS
ad b l. Capitis prioris comm. 8. designa-
tur tempus, scilicet vltimum, quod quidem
a COCCEIO inde a reformatione repetitur,
vltius tamen prorogandum et adhuc ex-
spectandum videtur, quia nondum omnem
vim suam contulit, ad oppugnandam ecclesi-
am euangelicam Antichristus, vti tamen futu-
rum esse hic docemur. Accedit, quod si-
mili praeterea ratione in Apocalypsi vlti-
mum tempus designetur. Per *montes Israelis*
autem ecclesiam hoc Ezechielis loco designa-
ri, et euangelicam imprimis in Germania,
apertum est. Huius videtur comm. 11. de-
scribi status eo tempore, quod scilicet o-

mnes futuri sint securi, verus religionis ze-
 lus apud omnes ferme extinctus, principes
 etiam, qui muri instar debent esse ecclesiae,
 plerique defecturi. Posteriore capite,
 comm. 2. videtur concludi, quod poten-
 tia Antichristi extensura sese sit vsque in
 Septentrionem extremum, forte ad Mo-
 scos vsque, vt illi etiam fidem istam ample-
 xuri sint, indeque rediturus in Germa-
 niam Antichristus, ad ecclesiam ibidem
 pariter opprimendam, regnumque suum
 hac ratione vbique stabiliendum. Illud fa-
 ne postulat tum verbum שִׁכְבְּתִי tum part.
 מִן in מִירְכָתִי צָפוֹן. Sensus verbi שִׁשְׁמָתִי
 forte nondum exploratus est; conuenire
 tamen debere videtur cum praecedente et
 sequentibus verbis. Quae commate nono
 et sequentibus leguntur, corporaliter ex-
 plicari nequeunt. Itaque innuitur forte abo-
 litio omnis potentiae bellicae Antichristi,
 imo quod media istius potentiae in bonum
 ecclesiae sint adhibenda. Commate 11. se-
 quentibusque videtur significari abolitio
 omnium reliquiarum superstitionis Ponti-
 ficiae, quae summo studio et ab vniuerso
 populo christiano, et a ministris ecclesiae,
 (qui forte per separatos ex reliquo popu-
 lo intelligendi sunt) et a magistratu, (per
 transeuntes per terram indigitato) pro-
 mouenda sit, vsque dum penitus sit mun-
 data ab illis impuritatibus terra. Com-
 mate

mate tandem 17. et sequentibus innui videtur, quod alii populi, Antichristum hactenus secuti, accepta, de insigni illa istius clade, fama, deserturi cum sint, iugumque ipsius excussuri. Sin corporaliter haec explicanda, vti volunt alii, argumentis haud quidem leuibus inducti, pertinent haec ad exaggerationem victoriae praecedentis, quae fit tum respectu armorum combustorum, tum respectu sepulturae hostium, tum respectu sequentis fatigationis bestiarum et auium.

XXXVIII.

2. PARAL. XXXVI. 8.

Verba hic obuia: *et quae inuenta sunt in eo* nonnulli interpretes hoc sensu acceperunt: *et quae IN CORPORE EIVS inuenta sunt.* Vnde VATABLVS ad haec verba annotauit: *in eo, vel super eum, id est, in corpore eius, cum iam mortuus esset. Intelligunt stigmata quidem impressa corpori eius, qualia imprimi solent ab impostoribus, hominibus credulis et supersticiosi. Solebant sibi imprimere notas idolorum, quibus seruiebant. Sic etiam Iudaei nostri temporis solent sibi quaedam imprimere.* Haec de Iudaeis sui temporis quae dicit VATABLVS, vnde hauserit et quo fundamento

affirmet, nescio. Ceterum constat, gentiles oim, cultui astrorum deditos, Deorum in honorem signis vel stigmatibus, quae Rhipio colerato carni infigebantur, se notasse. Videantur, quae tam de hoc, quam de vario alio stigmatum usu ex antiquitatis monumentis annotarunt scriptores, allegati in beati IOANNIS ALBERTI FABRICII *bibliographia antiquaria*, cap. XV. pag. 513. PETRI ZORNII *bibliographia antiquario-exegetica*, pag. 461. et IO. CHRISTOPH. WOLFFII *curis philologicis et criticis*, vol. II. pag. 788. seq. quibus addi poterunt SIGISMUNDVS FRID. DRESIGIVS in dissertatione *de usu stigmatum apud veteres*, Lipsiae, anno MDCCXXXIII. habita, IO. GEO. MICHAELIS in exercitatione philologica *de incisura propter mortuos*, Francofurti ad Viadrum eodem anno edita, SAM. FRID. BVCHERVS in *antiquitatibus biblicis ex nouo testamento selectis*, p. 256. seq. et WILHELM. ERNEST. EWALDVS in *emblematis sacris miscellaneis*, part. I. pag. 286. seqq. itemque, quod ad seruos in specie pertinet, GODOFR. BERNH. CASSEBOHM in commentatione academica *de stigmatibus seruorum*, Regiomonti anno MDCCXXX. ventilata. Notatos autem illos, qui Deo cuidam initiari solebant, insigni Dei illius fuisse ex 3. Maccab. II. 29. aliisque scriptoribus probare vult DRESI-

GIVS

GIVS *l. c.* §. VI. Alia etiam nota mystica id factum fuisse, BÜCHERVS et EWALDVS locis citatis, nec non ZORNIVS in *opusculis sacris*, Tom. I. pag. 167. perhibent. Quem in corpore regis Ioiakimi talia stigmata inuenta statuissē commemorauī, VATABLVS praeceuntes hac in re habuit LYRAM et DIONYSIVM Carthusianum, nonnullos etiam ex Rabbiniis. Interim ex ipso textu de stigmatibus aut notis, in corpore occisi Ioiakimi inuentis, firmi nil colligere licet. Longe simplicius enim redduntur illa verba hunc in modum: *et quod inuentum est in eo.* Quod vel ad occulta eius peccata, a Deo in aprium tandem producta, vel in specie ad rebellionis crimen, respicit, de quo 2. Reg. XXIV. 1. Posterius IVNIO in *notis* placet, verba ista sic reddenti: *quod deprehensum est in eo.* LUTHERVS inde bene etiam ea expressit: *Was aber mehr von Ioiakim zu sagen ist, vnd seine Greuel, die er thät, vnd die an ihm gefunden worden,* (occulta peccata in ipso a Deo tandem detecta) *siehe die sind geschrieben etc.* IVNII tamen versio prae ceteris videtur salutanda esse commoda.

XXXIX.

MARC. V. 38.

Haud leue fuit detrimentum, quod fac-
pius attulit rei, et hermeneuticae in-
primis, sacrae graecarum litterarum igno-
rantia. Exemplum huius rei dedit quoque
BEZA, vocabulum *αλαλαζειν*, quod hoc
loco legitur in luctu ac tristitia ab euangeli-
sta vsurpatum, dum ab vsu aliorum Graeciae
scriptorum putavit alienum; hincque de-
mendo locum istum habuit suspectum, le-
gere proinde *ολολυζειν*, iubens. Minime
vero ad tale quid audendum animum aduer-
tisset BEZA, si vocem hancce recte intelle-
xisset. Deriuatur ea scilicet a voce *αλαλη*,
dorice *αλαλα*, excitandi vocula; vti CHRI-
STIANVS STOCKIVS in *clauē linguae sanctae*
noui testamenti, p. m. 67. docet, qua mili-
tes pugnam inituri, vel inita ea vtebantur,
spe victoriae, per eam se mutuo, ad stre-
nue et animose agendum, excitantes. Con-
firmatur id ipsa scriptorum graecorum au-
ctoritate. Quam in rem vid. ARRIANVS
lib. VII. de rebus Alexandri Magni, p. 446.
et *lib. I. pag. 16. 41.* nec non *de rebus In-*
dicis, pag. 557. APPIANVS, *lib. III. de*
bellis civilibus, pag. 925. POLIBIVS, *lib. XV.*
cap. 976. FLAVIVS IOSEPHVS, *lib. V. an-*
tiquit. Iud. cap. IX. pag. 5. et PHILOSTRA-
TVS,

TVS, *lib. II. cap. XI. pag. 60.* Etiam, post pugnam feliciter peractam et victoriam partam, eiusmodi clamorem excitabant milites, hostes ut in fuga persequerentur; de quo vid. ARRIANVS, *lib. I. de rebus Alexandri magni, pag. 15.* et APPIANVS *loc. cit. lib. V. pag. 1170.* Proprie ergo αλαλαζω nihil aliud significat, quam *militis instar clamare: alala!* Verum vsurpatur illud vocabulum etiam de remigantium clamore; dum alter scilicet alterum ad laborem incitabat, qui clamor alias dicitur κελευσμα vid. ARRIANVS, *de rebus Alex. M. lib. VI. p. 383.* et *de rebus Indicis, pag. 567.* Acerbi ergo nihil est, quod proprium quasi huic verbo dicendum, cum allatae haecenus significationes laetantium potius fuerint.

Sed contrario etiam sensu, nempe de eiulantibus ac lamentantibus, adhibetur illud, tum hoc nostro loco, tum et apud profanos alios auctores, quorum loca in medium afferunt scriptores a b. WOLFIO *vol. I. curarum, pag. 460.* allegati. Ex quo contra BEZAM constat; non *iubilandi* solum, sed et *eiulandi*, notionem habere αλαλαζειν. Quare etiam cum κλαιω, *fleo*, coniungitur. Iam vero cum Iac. VI. 1. in sensu tristi atque lamentandi ολουζειν vsurpetur, quo de vocabulo scriptores bene multos laudat WOLFIVS in *Curis suis ad istum*

istum locum, errorem a scribis in nostro Marci loco commissum esse, ratus BEZA, pro, *αλαλαζειν*, ibi legi *ολολυζειν*, voluit. Cum quo ferme consentit EDWARDVS LEIGH in *critica sacra noui testamenti*, p. m. 14. a. et 226. a. Prouti autem hoc opus non est, talem commissum a scribis errorem ut hic statuamus, ita nec necesse est, scriptoribus pure graecis ut opponamus diuum euangelistam Marcum, et, quasi non cum illis, sed LXX. interpretibus saltem locutus fuerit, *eiulandi* sensum verbo *αλαλαζειν* tribuens, asseramus, quod fecere GROTIVS et LVD. DE DIEV *ad h. l.* nec non IO. MICH. DILHERRVS in disputatione *de phraseologia noui testamenti*, anno MDCXXXV. habita, et recusa tom. I. *disputationum academicarum*, pag. 299. *seqq.* §. X. Purissimos enim scriptores eodem modo locutos fuisse, demonstrarunt, quos WOLFIVM citasse supra monui.

Quod ad verbum *ολολυζειν* autem attinet, in specie contra BEZAM obseruat in breuius suis *ad IV. Euangelistas et Acta Apostolorum notis*, *ad h. l.* CASAVBONVS, secundum propriam suam notionem de eo clamore usurpari illud, quem mactata victima, tollere solitae fuerint feminae, cum sacris interessent, Dii supplicantes atque pre-

precantes. Docet id EVSTATHIVS, *ad Homeri Iliad.* ζ. pag. 643. qui praeterea vocabulum hoc primo generale fuisse, quamvis mulierum clamorum designans, postea vero euasisse specialius obseruat, de clamore supradicto, siue de precibus in templis, post mactatas victimas, decantatis adhibitum. Numquam ergo, aut rarissime elegantius graece loquentes nisi in re laeta vfos illo fuisse, CASAVBONVS ea propter autumat, imo a veteribus irrisos fuisse LXX. narrat, quod ab οδυρεσθαι distinguere nesciuissent ολοθυζειν, hocque Ies. XV. 2. LII. 5. LIII. 6. Ierem. XLVI. 20. 31. et in locis aliis quam plurimis de lamentationibus adhibuerint. Vid. pluribus Scriptores, a b. WOLFIO *ad Iacobi loc. cit.* nominati, et EDVARDVS LEIGH, *loc. cit. pag. 226. a.* Verum enimvero frustra ακριβελογιας LXX. interpretes accusarunt hi viri docti. Testatur namque EVSTATHIVS, *ad Homer. Odyss.* γ. pag. 1476. scriptores, qui post Homërum verbum istud vsurpauerint, de rebus tristioribus et fletu id adhibuisse, licet non ita, sed de re laeta vsus eo Homerus fuerit. Idem diserte quoque *ad Odyss.* X. pag. 1932. ait, quod recentiorum sit, vsurpare in threnis atque lamentationibus hoc verbum, cui et conforme est, quod *ad Iliad.* ζ. pag. 643. dicit, vbi exemplum ex auctore, quem non nominat,

minat, (est vero SOPHOCLES in *electra*, *vers.* 751.) assert, iuuenis vbi mortuus deploratur, et verbum adhibetur *συνολολυζειν*. Nec erat, accurate si velimus rem diiudicare, prorsus absque luctu clamor ille mulierum, quo apud victimas in supplicationibus ac precibus templa resonabant. Hinc EUSTATHIUS loco supra citato *ολολυζειν* exponit per *συν οϊκτω ευχεσθαι*, cum eiulatu orare. Similiter et apud AESCHYLUM in *choephoris* v. 384. *ελελυγμος* est eiulatus et planctus, ob aliquem interfectum. Imo HOMERUS ipse *βατραχομουμαχια* v. 100. in re tristi describenda verbo *ολολυζειν* vtitur; si modo huius carminis HOMERUS ipse auctor salutandus, cum alias Pigretem, Artemisiae, quae erat Mausoli coniux, fratrem, pro auctore istius eruditi habeant. Eodem modo legimus illud quoque adhibitum apud LUCIANVM, in *somnio*, tom. I. *opernum*, pag. 4. APPIANVM, de *bellis Punicis*, pag. 70. et lib. III. de *bellis civilibus*, p. 908. Quam significationem de *ολολυζειν* pariter, ac *αλαλαζειν* agnoscunt HESYCHIVS et SVIDAS, in suis *lexicis*, nec non CYRILLI ac PHILOXENII *glossaria graeco-latina*, et *latino-graeca*. Quare non est, quod hic obuertant contra sentientes, nouum esse ac inusitatum, si vni eidemque voci tribuantur significationes oppositae, et quasi contradictoriae. Accidit enim idem in aliis quo-

quoque linguis. Eadem ratione *υμνος*, *laetam* proprie *cantionem* denotans, apud ANACREONTEM de lamentationibus vsurpatur, vt obseruat EVSTATHIVS, *ad Iliad.* γ. pag. 928. Quare et *υμνεω*, quod proprie *carminibus laudo* significat, de famosis saepe carminibus adhibetur, quibus non laudamur, verum diffamamur. Vid. PLATO *lib. I. de republica*, sub initium, et AESCHYLVS *tragoed. II.* quae dicitur *contra Thebas*, v. 7. Conf. HENR. STEPHANVS in *annotationibus in Aeschylum*, p. 680. *seq.* et EVSTATHIVS, *ad Iliad.* ζ. pag. 634. Plura graeca vocabula, oppositas quae habent notiones, exhibet THOMAS GATAKERVS in *diatribe contra Pfochenium*, pag. 23. *seqq.* Hebraeas voces, huc pertinentes, recenset EDVARDVS LEIGH in *critica sacra vet. test.* passim, e. g. vox בָּרַךְ, יָרַךְ, סָכַל etc. De latinis conf. THEOD. HACKSPANIVS in *Miscellaneis*, p. 135. *seq.* vbi circa vocem חַטָּה contra CHAMIERIVM disputat, qui negat, illam et peccatum ipsum, et sacrificium pro peccato, significare. Quam in rem idem etiam in *notis philologico-theologicis ad varia et diuersa scripturae loca*, part. II. pag. 857. et LEIGHVS *loc. cit.* pag. 64. b. relegi poterunt.

XL.

MATTH. II. 2.

Satis amplam dedit eruditio hac de stella differendi occasionem praefens Matthaei euangelistae locus, quos pro more suo, i. e. cum cura, recenset desideratissimus 10. CHRISTOPH. WOLFIVS in *curis suis ad h. l.* Nos saltem CHRYSOSTOMI mentionem facimus et THEOPHYLACTI, qui stellam hanc fuisse censent *δυναμιν τινὰ αοράτων καὶ ἀγγελικήν* eis typum *ἀξερὸς ἐμφαινόμενῃν*, angelicam quandam virtutem, quae sub stellae figura magis apparuerit. Nulla autem est, quae a textu sacro abire et ex stella angelum nos facere iubeat, causa. Angelorum ministerio si uti hic Deo placuisset, absque sideris figura facile id potuisset; nec siderum corpora assumpsisse angelos, alibi legimus. Multo minus probatur, quod de Spiritu sancto scribit auctor operis *de mirabilibus scripturae*, Lib. III. cap. IV. falso AVGVSTINO tom. X. XIII. attributi. Vid. MARCI FRID. WENDELINI *contemplat. physicae*, Sect. III. cap. X. Inter diuersas de ratione, qua ex apparitione huius stellae colligere magi potuerint, regem Iudaeorum esse natum, sententias a HERM. AB ELSWICH in *diff. de magis, stella duce Bethlehem profectis*, Wittebergae MDCCXVI. habita

habita, p. 15. *seq.* recensitas, eam optimam, et veterum pariter ac recentiorum suffragiis bene multis comprobata esse, iudicat beatus WOLFIVS *l. c. p.* 30. quae apparitionem stellae cum singulari Dei reuelatione, quocunque demum modo illa facta fuerit, coniunctam fuisse, affirmat. Vaticinia de ista stella olim existisse, putat ORIGENES *homil. XIII. in Num.* quibus eruditi magi itineri se accinxerint. Quod vero perquam simile nonnullis visum fuit, nec dubium, quin sancti patriarchae eorumque filii in scholis suis similia multa vaticinia olim proposuerint, quae in gentilium deinde manus peruenerint. Meminit huius stellae CHALCIDIVS, philosophus Platonius, quem sub finem IV. seculi christianum nonnulli, alii gentilem fuisse perhibent, in *commentario super Timaeum Platonis: Stella illa, inquit, non fuit morbus aut mortem denuncians, sed descensum Dei venerabilis ad humanae conseruationis rerumque mortalium gratiam: quam stellam cum nocturno itinere suspexissent chaldaeorum profecto sapientes viri et consideratione rerum coelestium satis exercitati, quaesisse dicuntur recentem ortum Dei.* De disparitione huius stellae fabulosum est, quod GREGORIUS Turonensis et ex eodem IO. BELETH, Theologus Parisinus, in *rationali diuinorum officiorum, cap. LXXIII.* scribit, illam

illam tandem in puteum quendam Bethlehemi recidisse et in fundo putei illius potuisse tantum videri ab iis, qui virgines erant. Conf. IAC. HERRENSCHMIDIVS in *osculologia theologico-philologica*, p. 272. Alias de stella magorum quaestiones habet PHILIPPVS BOSQUIER in *operibus*, pagin. 472.

XLI.

IOANN. XIV. 16.

Rabbini, Talmudistae atque Targumistae quomodo vocem παρακλητος vlrupent, docet IO. DRVSIVS in *praeteritis*, ad h. l. ubi varia ex iis loca adducit, et inter alia ad Lexicon Baal-Aruch prouocat. Conf. et IO. BVXTORFIVS in *lexico maiori rabbinico-talmudico*, voc. פרקליט. nec non HVGGO GROTIVS et LVDOVICVS DE DIEV in *commentariis ad h. l.* Alia notione gaudere vocem hanc apud Rabbinos atque Talmudistas, quam apud Graecos, interpretes scriptorum Rabbinicorum volunt. Sed falsum esse hoc assertum, patebit ex dicendis. Graecum origine esse illud vocabulum, fatentur omnes, a παρακαλεω deriuatum. Hoc vero quemadmodum a καλειν, vocare, descendit, ita plerumque aduocare notat, respectu quasi ad locum vel personam habitam.

to. Absolute autem positum το παρακαλεῖν notat etiam *causae patronum aduocare* apud AESCHINVM in *oratione contra Ctesiphontem*, pag. 303. Quare facile apparet, vnde graecis παρακλητος dicatur *aduocatus*, coram tribunali qui clienti adstat, iura eius defendit, ipsique, quid ad defendendam suam causam est dicendum, suggerit: Saepe ita occurrit vox haec apud DEMOSTHENEM aliosque scriptores graecos, vti in Glossariis Lexicisque videre est. Et opponitur quidem hoc significato τῷ κατηγορῶ, qui pro actore aduersus reum agit. Συνηγορος autem ille dicitur, qui pro reo agit eiusdemque partem defendit.

Bene proinde Spiritus sanctus noster salutatur παρακλητος et συνηγορος, aduersus diabolum, qui Apoc. XII. 10. κατηγορος noster audit, nos defendens. Conf. de ceteris vocabuli παρακαλεω et παρακλητος notionibus 10. CASP. SVICERVS in *thesauro ecclesiastico*, tom. II. EDVARDVS LEIGH in *critica sacra nou. test.* aliique scriptores a b. WOLFIO indicati vol. I. *curarum*, pag. 943. seq. Plerique hoc Ioannis loco per *aduocatum* illud vertunt, e. g. BEZA, PISCATOR, ERASMVVS SCHMIDIVS, MATTH. FLACIVS, VICTORINVS STRIGELIVS, aliique; vti ex veteribus TERTVLLIANVS, cap. IX. *aduersus Praxiam*, pag. 847. et cap. III. de

monogamia, pag. 952. PAVLINVS Aquileiensis in *sacro-syllabo*, *sive libello de sanctissima trinitate*; citante hos duos SVICERO l. c. Impropriam esse verbi παρακαλεω notionem SVIDAS in *lexico* suo scribit, quando oro, rogo, obsecro denotat. Haud accurate ergo iudicassent, illum si audiamus, qui in obsecrandi vel orandi significatione vocem hanc accipiunt; nec recte quoque Paulus scripsisse Rom. XII. 8. dicendus esset, qui eadem ratione vocabulum istud ibidem adhibet. Sed errat SVIDAS. Utuntur enim dicto modo optimi scriptores graeci voce παρακαλειν. Et scribit ipse SVIDAS voc. παρακλητος, Lycurgum, oratorem graecum, pro δεησει vsurpasse παρακλησιν. Vid. THOMAE GATAKRI *aduersaria sacra*, cap. XXXV. et *dictionary CARPOCRATIONIS*, ex decem rhetoribus graeciae conflatum, quorum vitas PLVTARCHVS tom. II. *vitae* describitas dedit. Nec aduersatur ipsi aduocati officio notio haecce, cum pars potius illius sit obsecrare, orare atque intercedere pro cliente suo apud iudicem. Imo quoniam et aduocati est, ut consuletur et in rebus dubiis erigat clientem, consolandi significatio optimo iure utrique voci competit; uti apud HESYCHIVM per παραμυθην explicatur ο παρακλητος.

Volunt auctores supra allegati, vocabuli huius, origine graeci, ad Iudaeos quando translatum illud fuit, mutatam significationem atque usum esse, ab his vero accepisse euangelistas et apostolos, Iudaicoque illud adhibuisse sensu, h. e. sensu aduocati. Communis haec est sententia eorum, qui pro ficta illa lingua Hellenistica decertant, indeque nec Iohannem euangelistam citato loco in *consolandi*, sed *aduocandi* significatu vocem παρακλητον accepisse. Illo contra, *consolandi* nempe, sensu accepit illam hic ERASMVS, eumque secutus LVTHIERS, nec non IOANNES LIGHTFOOTVS, eximie alias orientalis literaturae peritus, in *horis* suis *hebraicis et talmudicis*, ad h. l. ubi addit, vocem hanc, licet apud Iudaeos aduocatum notet, apud Iohannem tamen consolatorem indicare, idque probat α) quia inter nomina Messiae nomen quoque consolatoris, מנחם, occurrat, proptereaque dies Messiae vulgatissime apud Rabbinos dicantur *consolationis dies*; qua ratione verba Luc. II. 25. etiam explicat de expectatione aduentus Messiae, futuri Israëlitici gentis consolatoris; β) ex contextu, quoniam nimirum Seruator de eiusmodi officio Spiritus sancti loqui hic debuerit, quod quadraret in praesentem discipulorum statum; hic vero talis fuerit, ut, oratione seruatoris de mox instanti discessu suo contri-

stati, indiguerint maxime consolatore; hinc tanquam *consolatorem* quoque promitti illis a feruatore Spiritum sanctum putat. Interim refutare hanc sententiam conatur FRANCISCVS GOMARVS *tom. I. operam, pag. 370.* versionem των παρακλητων per *consolatorem* prorsus reiiciens, et significationem *aduocati* cum DRVSIO vrgens, quoniam, licet frequens sit huius vocabuli apud Talmudistas vsus, numquam id pro *consolatore*, sed pro *aduocato* semper accipiatur. Laudat propterea GOMARVM eundemque sequitur LVDOVICVS DE DIEV. Sed adduci multo plures ex veteribus pariter ac recentioribus possunt, qui vna cum ERASMO, LVTHERO ET LIGHTFOOTO *consolandi* hic significatum praeferunt. Vid. ex veteribus ORIGENES *lib. II. de principiis, cap. VII.* EPIPHANIVS *haeres. LXXVI.* CHRYSOSTOMVS *homil. LXXV. in Ioannem*, THEOPHILACTVS *in Ioan. XIV. pag. 774.* CYRILLVS Hierosolymitanus *cateches. XVI.* THEODORVS Mopsuestenus *in catena sua ad Io. XIV. pag. 366.* THEOPHANES *homil. LVI. pag. 382.* Ex recentioribus eandem sententiam suam fecit THEOD. BEZA *in confessione, cap. IV. Sect. LII.* at alteram *aduocato* explicationem *in annotationibus ad nou. test.* et *in versione sua noui testamenti*, secutus est, cuius aequae ac patrum allegatorum verba leguntur apud

apud SVICERVUM in *thesauro ecclesiastico*, tom. II. Idem vero hic SVICERVS cum iis facit, qui apud Rabbinos non pro *consolatore*, sed pro *advocato* usurpari του παρακλητου vocem contendunt. Sed refutauit hanc sententiam IO. CAMERO *myrothecio ad Io. XIV. 16.* in contrarium monens, quod pro *consolatore* adhibeatur vocabulum פרקליט in chaldaica paraphrasi Iob. XVI. 20. Vtterius tamen hic progreditur, et vocem παρακλητον in commemorata chaldaica lingua pariter ac nostro Ioannis loco vult designare *oratorem, interpretem, seu doctorem*, qui concinne, eleganter et accommodate nimirum loquitur, vt soletur, vt doceat. Coniungit ergo et *docendi et consolandi* significationem, quoniam vtrumque sit Spiritus sancti officium, vt non consoletur tantum, sed etiam doceat, nosque, quomodo sit orandum, aut quid agendum, instruat. Nec male quadrat hoc in praesentem discipulorum, cum promitteret iis Spiritum sanctum Seruator, hocque pariter eius officio indigerent illi, statum. Urget vero, id vt demonstret, CAMERO, quod *oratorem ac interpretem* talem seu *doctorem* significat vocabulum פרקליט; hocque inde probat, quod Iob. XXXIII. 23. pro hebraea voce מליץ in Targum usurpetur פקדליטא.

Mihi, si dicendum quod res est, omnes hae variae variorum sententiae optime conciliari posse videntur, si omnes isti significatus, et *consolandi*, et *docendi*, et *aduocati* quoque, coniungamus ac simul a Seruatore hic intelligi dicamus. Nec enim impedit, quominus ita sentiamus, aliquid. Pulcherrime potius ea omnia in persona officioque aduocati conueniunt. Vid. scriptores a b. WOLFIO loco supra iam citato allegati: Eodem tendunt ex veteribus etiam AMMONIUS in *catena in Io. XIV. p. 364.* AUGUSTINUS de *sermonibus domini in monte, lib. I.* et in *Ioannem, tract. XCIV.* ISIDORUS, Hispalensis, *lib. VII. origin. cap. III.* et GREGORIUS Magnus *homil. XXX. in euangelistas*, quorum verba affert SVICERUS l. c.

XLII.

I. REG. VI. 7.

Quanam ratione fieri hoc potuerit, ut nec malleum, nec securim, nec instrumentum ferreum in aedificatione templi usurpatum fuerit? quaerunt hoc loco interpretes, et variae sunt illius explanationes, breuiter recensitae a IOANNE SAVBERTO de *sacrificiis veterum, cap. XV. pag. 352.* sunt qui Salomonem vermem ad secandos lapi-

capites adhibuisse putant. Vid. VINCEN-
TIVS lib. XX., *hist. natur. cap. CLXX. et*
SIMON MAIOLVS, Vultuariensis episcopus,
tom. I. dierum canicularium, colloqu. V.
pag. 90. ubi hunc in modum; "Tbatur di-
"citur vermis Salomonis. Salomon enim
"cum marmor Parium ad aedificationem
"templi e remotis partibus conuehi iussisset,
"consciis prohibitionis legis, quae vetuit al-
"taris aedificandi lapides ferro incidi, quae-
"fuit experimentum in vermibus, quod ars
"humana nesciuit. Nam pullum Struthio-
"nis in vitreo vase reclusit, quem cum vide-
"ret Struthio et habere nequiret, naturali-
"ter agnitam artem attentans ad desertum
"cucurrit, rediensque vermiculum tulit,
"cuius sanguine vitrum liniuit, et confractum
"est, sicque foetum eripuit. Quod videns
"Salomon hoc experimento, eodem genere
"vermi in incisione durissimi marmoris
"usus est.," Haecenus MAIOLVS. l. c.
Deinde vero colloqu. XIII. postquam hanc
opinionem recensuerat pag. 332. a. haec
addit: "*sed mea quidem sententia illis scal-*
"pendis marmoribus, priusquam aedificio
"statuerentur, cenaeo, malleis et securibus,
"atque aliis ferreis instrumentis scissa, scul-
"pta et adaequata fuisse: at cum in tem-
"plum pertraherentur locarenturque suis lo-
"cis, ibi nil fuerit malleorum visum aut au-
"ditum; sed cum componeretur, ut lubrici-
"tate

“tate labor leuaretur, is vermiculus in usu
“fuerit.”

XLIII.

EXOD. XXI. 21. 22. 23.

In lege hac de muliere petcussa ONKELOS
Vulgata, SANTES PAGNINVS, HVGO
GROTIVS et alii hebraeam vocem מוֹת
mortem interpretantur, hunc in modum:
si non fuerit mors, ac paulo post: *et si fue-*
rit mors. Verum, si dicendum, quod res
est, minus accurate. Vox enim מוֹת hoc
loco *noxam* in genere significat, siue mors
fuerit, siue laesio tantum aut ademptio mem-
bri alicuius, e. g. oculi, dentis, manus aut
pedis, vti ex comm. 23. 24. 25. constat.
Quare optime et accurate vertit diuus LV-
THERVS noster *ein Schade*. Nec commo-
de aliter aut supra dicta ratione accipi voca-
bulum מוֹת potest hocce loco. Quod si
cuius mortem significaret, satis fuisset dicere:
reddet animam pro anima. Iam vero addi-
tur: *reddet oculum pro oculo, dentem pro*
dente, manum pro manu, pedem pro pede etc.
Vnde tam late hic vsurpari vocem istam pa-
tet, vt etiam priuationem aut mutilationem
huius vel illius membri includat. Num ve-
ro ad solam matrem cum LVTHERO, *Vul-*
gata, PAVLO FAGIO aliisque noxa haec sit
restrin-

restringenda, dubitauerim. Cum enim absolute in textu dicatur: *si fuerit noxa*, et mox: *si non fuerit noxa*; tam ad matrem, quam infantem referri debere videtur. Sentiant ita et, ut puto, rectius LYRANVS, CAIETANVS, CALVINVS, SIXTIVS AB AMAMA, PISCATOR atque GROTIVS. Video hanc etiam summe reuerendo ZEIBICHIO arridere opinionem in *biblicis exegeticis*, ad h. l.

XLIV.

IESA. XIII. 21.

Quando daemonibus hoc loco se cefurum esse prouincias Deus minatur, obseruandum, quod sedes quasi et ordinaria habitacula daemonum credita veteribus fuerint deserta. Ipsam scripturam sacram a desertis, quae frequentius incolant, locis, nomina imponere ipsis, bene monet PETRVS ZORNIVS in *bibliotheca antiquario-exegetica*, pag. 515. seq. nec videre se proficitur b. 10. CHRIST. WOLFIUS in *curis philologicis et criticis*, vol. I. pag. 223. id cui non credi queat. Certe, qui consulere diabolos voluerunt, pergere in solitudinem solitos fuisse, veterum auctorum loca satis multa docent. Refert v. g. de Mithrobarzane mago illud LUCIANVS in
necyo-

necyomanth. pag. 160. Barbarus item ille, qui arcana de daemonibus Cleombroto narrat apud PLVTARCHVM *de orac. def.* pag. 421. in cremis *συν ταῖς νυμφαῖς καὶ δαίμοσι* degebat. Notari etiam eiusdem moris cultores a diuo Iesaia vate cap. LXV. 4. existimat, locum hunc ita explicans, SCHINDLERVS in *lexico pentaglotto*, col. 1154. Confirmatur illud vel ex eo porro, quod deserta pariter homines, daemonibus agitati, petere consueuerint, vti IVLIANVS docet in *fragment.* pag. 288. Conf. IAC. ELSNERVS in *observationibus sacris*, tom. I. pag. 217. et SPENCERVS *lib. III. dissert. VIII. cap. III.* pag. 461. Verba autem sanctissimi seruatoris Matth. XII. 43. illuc plane non spectare volunt GODOFR. OLEARIVS in *observationibus ad Matthaeum*, pag. 407. et THEOPHILVS AMELIVS, siue qui sub hoc nomine latet, PETRVS ZORNIVS in *der Erörterung der dunkelsten vnd schwersten Schriftstellen des neuen Testaments*, tom. II. p. 149. quamuis mihi non inepta videatur contraria sententia, vti nec b. WOLFIO loco iam citato.

XLV.

MATTH. I. 25. LVC. II. 7.

Est communis haec natura nominum ex praeterito medio compositorum, ut, accentus quando ponitur in antepenultima, significatione gaudeant passiva, activa vero, si in penultima accentus collocatur. Obuium in duobus hisce locis vocabulum *πρωτοτοκος* praecipuum potest esse istius canonis exemplum. Vid. EUSTATHIUS ad *Homerum Iliad.* γ. pag. 423. et ζ. pag. 642. nec non μ. pag. 407. de eo ubi disputat; num hoc duntaxat criterium seu nota in compositis cum nomine valeat, an vero in compositis etiam cum particulis? uti v. g. *αμφίπολος*, quod ex particula *αμφί* et verbo *πολεω* componitur, differt ab *αμφιπέλος*. Vix autem deprehenduntur apud auctores eiusmodi compositorum exempla praeter composita cum nominibus. Conf. *Sylloge vocabulorum siue spiritu, siue sono et accentus locatione differentium*, vulgo quae PHILOXENO, grammatico Alexandrino, aut CYRILLO tribuitur, et in SCAPVLAE lexico ad finem legitur, nec non, qui ad calcem eiusdem lexici deprehenditur graece conscriptus AMMIANI *de similibus et differentibus vocibus liber*, graeca exponens vocabula, quae videntur esse synonyma, at
reuera

reuera tamen a se inuicem differunt. Docet ipse etiam HOMERVS *Iliad.* ε. v. 5. quid *πρωτοτοκος* sit, scilicet partum quae non antea experta fuit, vti apud THEOCRITVM capra dicitur primipara. Infert autem non tam ad id, quod secutum est, VOX *πρωτοτοκος*, sed ad id, quod antecessit; id enim negat. Proprie namque *πρωτοτοκος* est, quem in partu nemo antecessit; siue sequantur deinde alii, siue minus. Acceperunt ita illam vocem veteris ecclesiae doctores Graeci, quos sane fugere non poterat vera illius significatio. Vid. IO. CASP. SVICERI *thesaurus ecclesiasticus*, tom. II. pag. 879. aliique scriptores a summo quondam nostro IO. CHRIST. WOLFIO allegati in *curis philologicis et criticis*, vol. III. pag. 285. Conf. et vol. I. pag. 25. Confirmatur etiam ista tum ex Synonymo, quod in hebraea lingua eius habetur, tum ex ipsa antiquitate iudaica. Hebraeis primogenitus est *בְּחֹר*, quem vocem LXX. interpretes vertunt per *πρωτοτοκος*. Exponitur vero *בְּחֹר* Exod. XIII. 2. et Num. VIII. 16. per eum, qui primus vterum matris suae aperit. Nec aliter in nouo testamento is describitur Luc. II. 23. Quod ad argumenta ex antiquitate hebraea depromenda attinet, offerri sibi tam ex animantibus brutis, quam hominibus iusserat supremum Numen primogenitos. Iam constare tunc
fane

fane nulli poterat, vtrum post hunc primogenitum talem siue hominem siue animans brutum sit adhuc nascendum aliud futurum, necne. Et tamen offerri id iuebatur, primum quod ex matris vtero exierat, Exod. XXII. 30. Nominat eadem ratione populum Israëliticum absolute, nec habita alias ad gentes relatione, primogenitum suum. Sic multum quoque Aegyptiorum inter primogenitos occisos fuisse dubio caret, qui fuere soli a parentibus suis progeneriti, nullis eos sequentibus vel fratribus vel sororibus: et dicuntur tamen primogeniti, non habito ad subsequentes respectu, sed quia nati primi erant. Terminis si velimus hic vti philosophicis, distinguendum esset inter absolute et negatiue primum, alii quem sequuntur nulli; et inter relate et positiue primum, alii quem, tanquam ordine primum, sequuntur. Iam prior ex his conuenit primario voci *πρωτοτοκος* significatio, vt absolute atque negatiue primum significet, ante quem natus nemo est, non respiciendo subsequentes, siue sint illi, siue minus. Vsurpant eodem prorsus modo Latini vocabulum *primus*. Conf. HONORATVS SERVIVS in *commentario ad Virgilium, Aeneid. lib. I.*

Facile ergo patet, quam lubrico, imo vano, fundamento ipsa hac ex voce, quod
 (Winckleri Hypomm.) M post

post Christum seruatorem alios Iosepho liberos pepererit Maria, cuincere conatus fuerit notus ille quarti seculi haereticus HELVIDIVS; quam eandem sententiam *Antidico-Marianitis* tribuit EPIPHANIVS. Obseruant autem DIONYSIVS PETAVIVS in *annotationibus ad Epiphanii haereses LXXVIII.* (quae est *Antidico-Marianitarum*) *tom. II. pag. 331.* et LAMBERTVS DANAEVS in *notis ad Augustini de haeresibus librum, cap. LVI. pag. 277.* ipsos Heluidianos hos fuisse, proprio ita dictos nomine, sed appellatio Antidico - Marianitarum nuncupatos. Conf. AVGVSTINVS in iam citato *de haeresibus libro, haeref. LXXXIV.* et AMBROSIVS *epist. V. et VII.* quorum tamen ille tum ibidem tum *haeref. LVI.* tanquam a se diuersos distinguit Heluidianos et Antidico-Marianitas. Cuius erroris similis non iniuste accusantur varii ex veteribus, diuersa propter dogmata eosdem distinguentes haereticos. Ipso autem de Heluidiano errore prolixè egit FRID. SPANHEMIVS in *dubii euangelicis, part. I. dub. XXVIII. pag. 225. seqq. et 235. seqq.* Conf. et IO. DRVSIVS *part. I. annotationum in nou. test. pag. 2. seqq.*

XLVI.

MATTH. XIV. 13. MARC. VI. 33.

ACT. XX. 13.

Πεζα quod pedem significet, ex Lexicis constat. Habet autem multa hac de voce notus ille HOMERI scholiastes EV-STATHIVS ad *Iliad.* δ. pag. 471. et ad *Iliad.* ε. v. 13. pag. 515-539. Sed opus non est, ut vel πεζα vel πεζευσιν proprie semper accipiat, ita, ut pedibus iter confecisse ii iudicentur, de quibus utraque vox adhibetur. In more namque positum est scriptoribus, ut de animalibus eiusmodi quoque το πεζευσιν vsurpent, quae pedibus sunt destituta, vel non utuntur, quando loco moventur. Sic apud ARISTOTELEM *lib. III. de generatione animalium, cap. I.* de avibus illud occurrit, ubi distinguuntur in ορνίθαι λιμναία καὶ πεζουόντα, *aves palustres et in agris degentes.* Dicuntur et serpentes, pedibus quae carent, πεζευσιν et opponuntur piscibus apud ARISTOTELEM *lib. IV. de part. animal. cap. I.* eam ob causam, quod in agris degunt. Το πεζή vero adverbialiter vsurpatur apud Matthaeum et Marcum, sub intellecta voce οδω. Vid. LAMB. DANAËVS in *quaestionibus in Marcum, ad l. c.* cuius verba prolixè adducit EDVARDVS

LEIGHIUS in *critica sacra noui testamenti*,
 voc. πεζη. Eadem etiam monent SCVLTE-
 TVS obseruat. ad Marci l. c. & HEVPE-
 LIVS in *euangelio Marci notis grammatico-*
historico - criticis illustrato, ad l. c. Haud
 accurate ergo BEZA atque PISCATOR πε-
 ζη hic interpretantur *pedibus*; rectius ERA-
 SMVS ac FLACIVS vertunt *pedestri itinere*,
zu Lande, non *zu Fusse*, vti diuus noster
 LVTHERVS. Cum DANAEIO namque be-
 ne monet IO. BVXTORFIVS, citatus a b.
 WOLFIO *Vol. I. curarum*, pag. 238. ad-
 fuisse claudos multos atque debiles, pedi-
 bus qui iter hoc conficere minus potuerint.
 Et recte inde quoque Act. XX. 13. *Vul-*
gatus, vertit: *per terram iter factururus*. Mi-
 ror autem, circa hunc locum cur *Vulga-*
tam deseruerit CORNELIVS A LAPIDE,
 ita illum explicans: *pedibus per terram in-*
gressurus, et ad CHRYSOSTOMVM prouo-
 cans, qui tamen ita verba Lucae interpre-
 tatus non est, sed vocabulum πεζευσιν reti-
 nuit. Hoc saltem CHRYSOSTOMVS ad-
 dit, sumxisse laboriosius sibi iter Paulum,
 facilius relinquentem comitibus. Quo ipso
 nondum, pedibus transegisse illud iter di-
 uum apostolum, is affirmat. Obueniunt
 enim utique plus in pedestri, quam nauali,
 itinere molestiae. Ominari autem facile no-
 bis licet rationem, ob quam pedibus per-
 actum a Paulo apostolo iter cupiat hic indi-
 cari

cari CORNELIVS A LAPIDE. Probare namque ex hoc loco, ita explicato, varii conantur, numquam admisisse ad iter faciendum equum siue mulum apostolos, sed pedibus semper vsos, viae asperitatem itinerisque incommoda cetera libenter sustulisse; prouti noti illi seculi secundi haeretici, Apostolici dicti, nostris vero temporibus Anabaptistae. Vid. DANAEVS *loc. cit.* Et laudat eandem in rem sanctum suum Franciscum fratremque Franciscanos, pedibus qui numquam non incedunt, CORNELIVS A LAPIDE. His seuerum tale vitae genus sequentibus si conciliare apostolorum, omnibus vitae commodis pariter abstinentium, auctoritatem posset, rem putaret forte gloriosiore!

XLVII.

ACTOR. XI. 28.

Dictum a me supra fuit, quam varie vocem *οικουμένη* accipiant interpretes, et vtriusque quidem significationis, tam propriae, quam synecdochicae, dedi exemplum. In praesenti loco posteriorem pariter amplectendam esse, facile patet, sed quatenus terrarum regio intelligi debeat, dissentiant inter se commentatores. HUGO GROTIUS in *annotationibus ad Matth. XXIV.*

17. familiare Iudaeis esse monet, vt Palaestina *την οικουμένην* vocent, hocque factum inde putat, quod in meditullio *της οικουμένης*, id est, secundum eius sententiam, Iudaeae siue Palaestinae sita credatur vrbs Hierosolyina. Cum GROTIUS consentit FLACIUS in *glossa super Luc. II. 1.* per hebraismum terram Canaan aliquando *την οικουμένην*, at vt supra iam docui, sine fundamento, dici credens. Consentunt et alii, a b. WOLFIO *vol. I. curarum, pag. 576.* indicati. Ego saltem contra GROTIVM monebo, illud, cui suam interpretationem superstruxit, fundamentum quam maxime vacillare. Allegavit quidem is pro more suo auctorem, cuius testimonio assertum suum probet, vel exemplum nullum. Interim negari nequit, habere eum in hoc ipso se praeceuntes primitivae ecclesiae doctores, quando, urbem Hierosolyimam creditam fuisse in meditullio *της οικουμένης* sitam, affirmat. At non Iudaeam, vti GROTIVS, sed vniuersum orbem intellexerunt per *την οικουμένην* ita loquentes patres. Vid. TERTULLIANVS in *carmine* quodam, quod habetur in ipsius *lib. II. contra Marcionem, cap. IV.* CYRILLVS Hierosolymitanus *cateches. XIII.* VICTORINVS, Pictauiorum episcopus, in *carmine*, quod adducitur a THEOD. BEZA *cap. III. de locis sanctis*, aliique. Conf. et GERH. 10.

VOS-

VOSSII *harmonia euangelica*, lib. II. cap. VI. et LVDOVICI COELII RHODIGINI *antiquae lectiones*, lib. XV. cap. XX. Ratio, ob quam patres, allegoriis et allegoricis explicationibus valde delectati, hanc de situ urbis Hierosolymae in orbis medietate sententiam arridere sibi iusserunt, si qua reddenda, haec forte fuit, quod conuenientissimum esse sibi persuaderent, ut in isto loco pateretur mundi seruator; ubi medium sit totius orbis, quo inde quasi e centro in omnes plagas angulosque terrae fructus ipsius passionis diffunderetur. Conf. THOMAS Aquinas part. III. quæst. XLVI. artic. X. Originem vero traxit haec fabula ex malo intellecto loco Psalm. LXXIII. 13. ubi operatus esse in medio terrae salutem dicitur Messias.

XLVIII.

DEUTER. XXIV. I.

Quod frequens Iudaeis fuerit, vxores non ob grauiiores solum, sed et leuissimas saepe causas dimittere, fatis quidem notum est. Quamuis autem primum maritis tantum id liceret, euenit tamen postea, ut vxores quoque maritis libellum mitterent repudii. Vtrumque morem explicant scriptores, qui de diuortiis apud Hebraeos fue-

re commentati. Praeter commentatores autem ad h. l. et ad Matth. V. 31. XIX. 3. sq. conferri poterunt IO. BVXTORFIVS in dissertatione *de sponsalibus et diuortiis*, Bafileae anno MDCLII. habita, GVILIELMVS SVRENHVSIVS in *Mischna*, tom. II. p. 322. et IO. SELDENVS in tractatu *de uxore hebraica*, lib. III. cap. XVIII. seqq. nec non in *iure naturae et gentium iuxta disciplinam hebraeorum*, lib. V. cap. VII. CHRIST. GOTTL. FRID. WOLFIVS in schediasmate philologico *de diuortio Iudaeorum*. Lipsiae MDCCCXXXIX. 4. aliique scriptores citati a b. IO. ALBERTO FABRICIO in *bibliographia antiquaria*, cap. XX. §. VII. p. m. 599. seqq. Idem etiam de gentibus, a vero Dei cultu alienis, constat, inprimis de Romanis, apud quos quidem diuortium per annos amplius quingentos, vel, ut alii volunt, sexcentos ab vrbe condita inauditum fuit, ab eo autem tempore coepit tam frequenter adhiberi, ut, ob causam adeo quamlibet leuissimam, a societate matrimoniali recedere, fas fuerit vxoribus aequae, ac maritis. Tam crebro enim a viris suis vxore diuertisse, SENECA lib. III. *de beneficiis*, cap. XVI. testatur, ut feminae non consulum, sed maritorum numero annos suos computauerint. Conf. et MARTIALIS lib. VI. ep. VII. et IUVVENALIS lib. VI. sat. XX. Videantur, quae hac de re pluribus

bus enarrant PHILIPPVS PICINELLVS in *luminibus reflexis, siue omnium veterum classifcorum et ethnicorum auctorum exactissimo consensu cum singulis capitibus ac singulis pene versiculis sacrorum Bibliorum*, Francofurti ad Moenum anno MDCCII. fol. euulgatis, ad Matth. V. 32. 10. DOVGTAEVVS in *analectis sacris novi testamenti*, pag. 6. ceterisque allegati a FABRICIO l. c.

XLIX.

ROM. VIII. 26.

Circa intercessionem Spiritus sancti, a diuo Paulo hic commemoratam, dissentiunt inter se interpretes, num proprie sit intelligenda, necne? Proprie eam intelligunt ex patribus GREGORIUS Nazianzenus *orat. II. de fide*, AMBROSIVS *comment. in Io. XIV.* ex Scholasticis THOMAS *lib. III. quæst. XXI. art. IV.* ex pontificiae ecclesiae doctoribus CORNELIVS A LAPIDE ET IACOBVS TIRINVS in *commentariis ad h. l.* Idem placuit ex nostris STEPH. GERLACHIO *tom. I. disp. VI. pag. 604.* 10. WIGANDO in *annotationibus in epist. ad Romanos, ad h. l.* TILEM. HESHVSIO in *commentario ad h. l.* 10. WESENBECIO item atque CYRIACO SPANGENBERGIO in *editis super epistolam ad Romanos concionibus*

germanicis, ad h. l. nec non IVSTO FEVERBORNIO in *syntagm. I. part. III. disert. III. pag. 1305.* qui autem in eadem non perstitit sententia, verum in *fascic. IV. disp. VI. §. XXXI. pag. 661. et disp. IX. §. XLII. pag. 427.* eandem describit, variasque rationes affert, ob quas proprie et in persona non possit dici intercedere pro nobis Spiritus sanctus. Accipiunt proinde alii verbum *intercedere* in sensu effectiuo, transitiuo ac hiphilico, vti loquitur IO. CONR. DANNHAVERVS in *bodosophia*, pag. 940, secundum quem quidem Spiritus sanctus ita pro nobis intercedere dicatur, vt orare nos faciat, preces nobis suggerens etc. Vid. diuus LVTHERVS in *Genes. XXX. et XXXII.* NICOLAUS SELNECERVS, IO. BRENTIVS, AEGIDIUS HVNNIVS, GEORG. MYLIUS, FRID. BALDVINVS, IAC. WILLERVS, LVCAS OSIANDER, FLACIVS et *Paraphrastae Vinarienses* ad h. l. addantur et IO. GERHARDVS, in *harmonia euangelica*, cap. CLXXVI. ABRAHAMVS GALOVIVS in *bibliis illustratis*, ad Io. XIV. 16. et Rom. VIII. 26. PAVLVS TARNOVIVS in *comment. ad Io. XIV. 16.* SAL. GLASSIVS in *philologia sacra*, lib. III. tract. III. canon. XXII. p. m. 805. seq. Distinguit optime hanc in rem desideratissimus IO. CHRIST. WOLFIVS in *curis phil. et crit. ad h. l.* inter intercessionem,

sionem, quam ut mediator vigore meriti sui Christus solus pro nobis suscipit, et inter intercessionem, secundum quam fideles ad clientium instar, tanquam aduocatus, Spiritus sanctus ad precandum excitat, quomodo precandum sit, instruit, ac spem votis potiundi implet. Scriptoribus tam ab illo, quam in CHRISTOPH. HENR. SCHETELIGII *bibliotheca disputationum*, part. III. p. 30. allegatis adde *Acad. Lipsiensis programma pentecostale de intercessione Spiritus sancti pro nobis infirmitatibusque nostris*, MDCCXI. euulgatum, et *lenensis academiae de intercessione Spiritus sancti* euulgata anno MDCCXXXV. meditatio pentecostalis, auctore IO. GEO. WALCHIO.

L.

MATTH. X. IO.

Sensus quis sit verus atque genuinus praecepti huius seruatoris, singulari observatione declarare studui in *disquisitionibus meis philologicis*, anno MDCCXLI. euulgatis, pag. 71. seqq. Hic saltem liceat cum beneuolo lectore communicare explicationem celeberrimi Helmstadiensis philologi, HERMANNI VON DER HARDT, ex ipsius *collegio exegetico in difficiliora quatuor euangelistarum loca* MS. quo ad hunc locum ita scri-

scribit: " Non denegat Christus iustam prae-
" fidiorum itineris possessionem, sed sollici-
" tam acquisitionem, qui anxie circumspici-
" ant, ut habeant, unde viuant. Ne anxie
" corradant superflua et molliora et delica-
" tiora vitae ac itineris adiumenta. Copiam
" argenti, auri vel aeris, siue nummorum
" ne cupide quaerant, neque sarcinas colli-
" gant supellectili plenas, neque more diui-
" tum plures vestes appetant, neque mollio-
" res calceos ambiant, neque pretiosiores ac
" nobiliores scipiones circumferant. Quo in-
" terdicto non negat, si habeant, sed si non
" habeant, ne de illis parandis sint solliciti.
" lubetque confidere Deo, et in singulis locis
" expectare a fidelibus necessarium victum et
" amictum. Interdictum proinde hoc deter-
" minatur temporis illius conditione. In pri-
" ma discipulorum functione summe necessa-
" rium erat omnem lucri declinare speciem.
" Ne conuertendi et conuersi ab euangelio ab-
" sterrerentur lucri quaesiti suspicione. De-
" inde, ne onerarentur conuersi et conuertendi
" nummis multis in illos erogandis, et ne
" ansa daretur extorquendi a conuersis num-
" morum copiam, sub praetextu victus et
" amictus parandi, itineris instituendi, alio-
" rumque incommodorum declinandorum.
" Hinc manifeste iusserat Christus, euange-
" lium gratis nunciare, sicuti gratis a Christo
" accepissent. Praeterea euitari suspensionem
" fa-

“ *fastus et superbiae voluit, dum delicatio-*
 “ *res vestes, earumque copiam quaerere et*
 “ *circumferre prohibuit. Deinde, sarcinas*
 “ *multas multa in itinere impedimenta pa-*
 “ *rare, manifestum; et sumtus illis circum-*
 “ *ferendis debentur. Ut igitur itinera tanto*
 “ *conficerentur facilius atque promptius, illis*
 “ *rebus sarcinisque multaque suppellectili illos*
 “ *onerari noluit. Omnes itaque illae res di-*
 “ *scipulis sunt interdictae, non absolute, sed*
 “ *quoad effectum, ac illis inhiarent, seque*
 “ *illis onerarent, cum tenerrima conuerten-*
 “ *dorum conscientia facile possit offendi et ter-*
 “ *rerri, ac multa suppellex itineris multa in-*
 “ *iceret impedimenta.*

LI.

MARC. VI. 9.

Pugnare locum hunc cum antecedenti et
 Luc. X. 4. nonnulli autumarunt, apud
 Matthaeum et Lucam dum prohibeatur a
 Seruatore apostolis *ποδηματα*, apud Mar-
 cum vero permittuntur *σανδاليا*. Graeco-
 rum inde quidam; ad tempus saltem inter-
 dictos apostolis fuisse calceos, putarunt.
 Sic enim OECUMENIVS comment: ad
 Matth. X. 10. de Petro quaerens: annon
 mandatum ille Christi transgressus fuerit de
 non gestandis calceis, sandaliis, teste Luca
 Act.

Act. XII. 8. vsus? conciliare ista studet, ut respondeat, ad vnicum et primum saltem apostolorum iter, cum emissi primum fuerint LXX. discipuli, respexisse Seruatorem, cum deinde hoc confecto itinere licuerit apostolis calceamentis pedes munire. Sed indicatum supra a me fuit, quisnam sit verus seruatoris sensus. Quam varie autem tollere apparentem hanc contradictionem quaesierint eruditi, docet b. IO. CHRISTOPH. WOLFIVS in *curis suis ad h. l.* Crasse sane omniumque pessime iudicarunt, qui, corruptum apud Marcum textum sacrum esse, voluerunt, vti v. g. LVCAS OSIANDER et NIC. HEINSIVS *ad h. l.* Conf. AEGIDIIVS HVNNIVS in *comment. ad Matth. X.* IO. POLYCARPVS LYSERVS in *continuatione harmoniae euangelicae Chemnitianae, ad h. l.* IO. LIGHTFOOTVS in *hbris hebraicis et talmudicis ad l. c. et* SVICERVS in *thesauro ecclesiastico, tom. II. voc. υποδημα.* Ex illis, qui duo calceorum paria prohibere seruatorem putent, HVGONEM GROTIVM praecipue allegat cel. WOLFIVS *l. c.* Et fuit quoque haec ipsius sententia, ad Matth. X. 10. vti testatur. Sed postquam legit, quae SALMASIVS citatus a WOLFIO *pag. 178.* disseruit, pro adstruendo inter υποδημα et σανδαλια discrimine, istam quoque sententiam amplexus est, nouisque corroborauit argumentis in

annotat. ad Marc. VI. 9. Placuit ea etiam conciliandi euangelistas ratio, praeter auctores a WOLFIO *pag. 178. et 463. allegatos*, IACOBO IANSENIO in *concord. euang. ad Matth. X. 10.* HIERONYMO item, EVTHYMIO, MELDONATO, CORNEL. A LAPIDE, FRANC. TOLETO in *comment. ad eundem Matthaei locum*, et IO. TOB. MAIORI *comment. ad Act. XII. 8.* Ad allegorias praeter necessitatem aufugit AVGVSTINVS *lib. II. de consensu euangelistarum, cap. XXX.*

LII.

RVTH. IV. 5. 8.

Plerumque nuptias Boas atque Ruth ex Leuiratus iure ortas, et detractionem calcei hic commemoratam eandem esse cum illa existimant, de qua Deuter. XXV. 9. agitur. Hebraei vero, et cum illis alii non ita se habere rem et ex iure redemptionis potius Leuit. XXV. 25. seqq. nuptias has fluxisse statuunt, ritumque calceum exeundi, qui hic legitur adhibitus fuisse, diuersum ab eo iudicant, qui in Deuteronomio praecipitur. - Habet etiam, quo se commendet haec sententia. Nec enim erat mariti Ruth defuncti frater Boas, cap. II. 19. 20. nec ad seniores in portam venit Ruth, cap. III. 18.

nec

nec ipsa exiit calcem de pede propinqui, nec exspuit in faciem eius dicens: sic fiet viro, fratris qui non vult aedificare domum; quae quidem debuissent ab illa peragi, si ex iure leuiratus acta omnia fuissent. Deuter. XXV. 9. Adde, quod Ruth. IV. 7. expresse dicitur, ritum hunc, quo quis calcem suum detrahebat proximoque dabat, vsitatum apud Israelitas fuisse in venditione et commutatione ad firmandum negotium quodcunque. Vid. IO. IACOBI CRAMERI *theologia Israelis*, pag. 152. *seqq.* CORNELII BONAVENTURAE BERTRAMI, Geneuensis quondam critici et hebraeae linguae professoris, *lucubrationes Franckenthalenses*, cap. VI. et quae ex ABARBANELE adducit IO. BVXTORFIUS *de sponsalibus et diuortiiis*, num. XXII. Ceterum consilium Naemi factumque Ruth cap. III. 3. *seqq.* enarratum tantum abest, vt inhonestum possit vel periculosum nominari, vt potius desiderium hoc nubendi Boas tanquam conueniens diuinae legi iudicandum sit, imo ad spem de Messia collineauerit, bene monente PETRO ALLIX in *considerationibus in quinque libros Moysi*, gallice Londini anno MDCLXXXVII. in forma octuplicata editis. Num vero ex Cap. III. 4. ad pedes, an vero ad latus Boas iecisse Ruth cum cel. CHRISTOPH. AVGVSTO HEVMANNO *tom. II. poeciles*, pag. 160. sit dicenda, iudicent istarum rerum gnari.

LIII.

GENES. II. 17.

Et temporalem, et spiritualem, et aeternam mortem hoc loco minatum Deum protoplastis fuisse, recte nostrates theologiperique volunt. Sunt quidem, qui spiritualem et aeternam per se solam significari putant, e. g. 10. GERHARDVS *commentario in Genesin pag. 31.* qui hanc esse mortem censet, quam lex diuina moralis transgressoribus suis comminetur, idque patere ait in angelis transgressoribus, qui corpus non habent, iuxta quod moriantur, per transgressionem tamen et maledictionem legis spiritualiter mortui sint, et in aeternum moriantur. Sed haud euincere tamen ea crediderim, ut excludamus hic temporalem mortem. Data enim de arbore non tangenda lex hominibus erat, ad illos ergo etiam spectabat commemorata hic comminatio, qui cum et corpore gauderent et anima, ad illud aequè ac hanc respicere minae diuinæ morsque illis praedicta poterant, siue debebant.

Singularem prorsus circa mortem, quam minatur hic diuinum numen primis mundi incolis, fouet sententiam IACOBVS ALTINGIVS tum alibi, tum maxime *epistola*
(Winckleri Hypomn.) N la

la XXVI. ad Wetstenium, cum nec spiri-
 tualem fuisse contendens, quoniam non
 malum poenae, sed culpae haec sit; nec
 corporalem, quoniam proxime illa lapsum
 haud fuerit secuta; sed aliam mortem intel-
 ligens, nempe priuationem sensus fauoris
 diuini cum tormentis et cruciatibus, quos
 ira Dei infligit. Hanc et Christum pertu-
 lisse, vult ALTINGIUS, et protoplastos, cum
 vocem Dei, hoc est, tonitrua horrenda
 audissent, ac fulgetra extimuisent, in eo ter-
 rore et inexplicabilibus tormentis integram
 eos sudasse noctem, eaque de causa velut
 desperantes se abscondisse, ac optasse, vt a
 montibus collibusque tegerentur, donec
 altero demum mane articulatam Dei vocem
 audirent. Nacta quidem haec ALTINGII
 sententia patronum atque defensorem fuit
 IAC. RHENFERDVM, qui in *momento con-
 trouersiae de morte corporali ponderato et
 examinato*, Franequerac anno MDCCII.
 in 4. euulgato, ALTINGII hypotheses com-
 mendat, et in iis, negato tantummodo,
 quod mors temporalis hoc Genescos loco
 sit denunciata; singula plana, facilia, solida
 ac inter se bene iuncta vniuersa esse, asserit.
 Sed examinandam atque refutandam ean-
 dem sibi sumsit IO. MARCKIUS in *historia
 paradisi illustrata*, pag. 457. *seqq.* quam-
 plurima circa illam reprehendens, confi-
 ctum item nocturni timoris spatium explo-
 dens,

dens, et inprimis, cur mortis corporalis poena ipso lapsus die indicta protoplastis non inflicta sit, declarans; quod posterius nec indocte explicauit IO. PONTASSIVS *tomo I. operis*, quod *sacra scriptura ubique sibi constans* inscribitur, et Parisiis anno MDCXCVI. in forma quadruplicata prodiiit. Contra STEPHANVM CVRCËLLAEVM, in *tractatu de iure Dei in creaturas innocentes*, pag. 120. quod cruciatus aeterni, ad quos reprobi a Deo dicuntur destinati, verbis huius comminationis Adamo factae intelligantur, negantem, videri potest CHRISTOPHORVS SONNTAGIVS in *veneno mataeologiae Arminianae impugnato*, pag. 38. cuius et dissertatio *de constitutione emortuali a seculo*, Altorfii anno huius saeculi primo habita, lucem insignem loco nostro affundit.

LIV.

IOANN. III. 8.

Πνεω, a quo descendit *πνευμα*, significat, uti auctor *libri de mundo*, ARISTOTELI communiter tribui soliti, *lib. IV.* docet, *flo, spiro*; quemadmodum *πνευμα* Graeci *spiritum* vocant, quo significato etiam in nostro hoc diui Ioannis loco gaudet. Vsurpatur illud etiam de respiratione ani-

malium, Iac. II. 26. prouti ita cum CALOVIO et SCHMIDIO recte interpretatur WOLFIVS in *curis suis phil. et crit. vol. IV. pag. 43.* licet per *animam* conuertant το πνευμα ibi FLACIVS in *glossa* in istum Iacobi locum, et BROCHMANDVS *comment.* ad eundem. Conf. etiam EDVARDVS LEIGH in *critica sacra noui test. p. m. 265.* Citatus *libri de mundo auctor* hunc in modum το πνευμα definit, quod ratione suae originis *ventum* significet. At, quoniam subtilis est ventus, nec in visum nostrum cadit, transfertur etiam haec vox ad alia subtilia, quae in visum nostrum minus cadunt, et tamen in rerum sunt natura. Varios proinde illius in sacris literis significatus prolixè enumerant ERASMVVS SCHMIDIVS in *annotat. ad Matth. VI. 1. Luc. I. 47. XXIV. 37. Marc. II. 8. et Io. III. 8.* FLACIVS in *clauē scripturae sacrae*, voc. *spiritus*, et LEIGHIVS *loc. cit.*

Solliciti praecipue fuere primitivae ecclesiae doctores in designandis rationibus, quando de persona sacrosanctae Trinitatis tertia, et quando de ipsius donis sit explicandum hoc vocabulum. DIDYMVS, Alexandrinus, in libro, quem *de Spiritu sancto* scripsit, tunc de Spiritu sancto intelligendum illud esse docet, quando sit appositus articulus, tunc vero de donis eius explicare

care iubet iste, quando non sit praepositus articulus. Vid. hac de regula beati SALOM. GLASSII *philologia sacra*, lib. III. tract. II. can. III. p. m. 698. seqq. et ABR. CALOVII *systema theol.* tom. III. pag. 696. Laudant etiam et explicant eam ERASMVVS ad Matth. IV. 1. et CORNELIVS A LAPIDE ad l. c.

Alia adhuc criteria voluit determinare ATHANASIVS in *epistola ad Serapionem*, tom. I. operum, pag. 176. tertiamque Trinitatis personam per πνευμα indigitari autumavit, α) ubi addatur illi nomen Dei, β) quando addatur nomen Patris, γ) nomen si addatur filii aut Christi, aut δ) quando praeponatur articulus, vel ε) si addatur αγιον, vel παρακλητος, aut spiritus veritatis etc. Fallit vero nec applicari ubiuis potest vtraque et DIDYMI, et ATHANASII regula. Leguntur namque v. g. Io. III. 5. 1. Cor. XII. 11. Iud. comm. 19. sine articulo το πνευμα, nec tamen ibi dona intelliguntur Spiritus sancti, verum ipsa eius persona; mox vero alibi, e. gr. Eph. IV. 23. 1 Thess. V. 19. 1 Io. IV. 1. 13. cum articulo το πνευμα occurrit, et dona indignantur Spiritus sancti. In nostro contra loco, quo duplici vice legitur, primo pariter cum articulo apparet, nec vel de persona Spiritus sancti, vel de donis eius, sed

N 3

de

de vento sermo est, vt adeo decepti hac DIDYMI regula sint ex patribus, qui de Spiritu hic sancto agi secundum istam crediderunt, v. g. AVGVSTINVS *lib. I. et V. de vnica deitate*, GREGORIVS NAZIANZENVS *orat. V. de theol.* BASILIUS Magnus *lib. V. contra Eunomium, cap. penult.* GREGORIVS Nyssenus *orat. de baptismo*, HILARIUS *lib. II. de trinitate*, AMBROSIVS *lib. II. de fide.* Facile enim ex omnibus circumstantiis deprehenditur, comparisonem ibi institui inter opera Spiritus Sancti in regenitis ac renatis, et inter venti naturalis operationes; ita, vt quemadmodum hic inuisibiliter auras peruagatur, sono tamen percipitur, adesse atque operari, ita ille quoque in regeneratis et regenitis modo operatur inuisibili. Quare recte de naturali tali vento explicarunt hocce πνευμα CHRYSO-
STOMVS, CYRILLVS Alexandrinus, THEOPHYLACTVS aliique suis in *b. l. commentariis.*

Præuidisse vero ipse videtur ATHANASIVS haud leues, quibus ipsius prematur canon, difficultates. Subiicit namque illi, quo se dubiis eiusmodi leuet, exceptionem siue limitationem, obuiam in *epistola ad Scrapionem de Spiritu sancto, tom. I. operum, pag. 176.* vbi, per nudum etiam nomen πνευμα sine articulo denotari posse Spiritum
san-

sanctum, scribit, siquidem alia praecesserint, lectori vnde constare queat, quod de hac tertia sacrosanctae Trinitatis persona sermo sit. Exempli loco Gal. III. 2. in medium profert, vbi, licet το πνεύματι additus sit articulus, Galatae tamen facile intelligere potuerint, loqui de Spiritus sancti donis diuum apostolum, quoniam ipsis scilicet notum iam fuerit, quem Spiritum acceperint; prouti 1. Thess. V. 19. vbi cum articulo legitur το πνεύμα, pariter apparere dicit, quod illa indigentur dona, Spiritus nimirum sanctus quoniam exstingui nequeat. Verum enim vero nec haec sufficit ATHANASII limitatio. Quod si enim v. g. Io. III. 5. velimus applicare illam, ibi sane nihil praecessit, lectori vnde liceat concludere, quod de Spiritu sancto το πνεύμα sit accipiendum. Et sine articulo tamen illud isto loco apparet. Nostro vero in loco, vbi de vento naturali sermonem esse monui, vel ideo de tertia Trinitatis persona accipiendum esset prius το πνεύμα, haec si valeret ATHANASII glossa Quare nec nouo, nec solidiori argumento corroborauit istam explicationem reuerendus PETRVS SIGISMUNDVS PAPEN loco a b. WOLFIO citato *vol. I. curarum, pag. 813.* Imo responsum huic quoque fuit obseruationi ab auctoribus, quos idem *pag. 814.* in contra-

riam adduxit partem, LAMPPIO inprimis atque SCHMIDIO,

LV.

PSALM. XXIV. 4.

Verba אשר לא-נשא לשון נפשו vulgare sine sensu redduntur: *Qui non accepit* etc. *Arabs* coniunxit comma hoc cum sequenti, tanquam esset synonymum. Secundum קרי si velit quis accipere, legeretque נפשי, ab errore non immunis esse potest. Nec enim, diuum Davidis suum commodum ita immiscere voluisse pii viri officiis, credibile est, ut consistere posse ab ipso dicatur in Dei domo, qui non acceperit in vanum animam Davidis. Nec, quid significet ea locutio, patet, cum recensentur hic veritates et officia pietatis omnibus competentia. Ceterum נשא non tantum significat *sumsit*, *accepit*, sed etiam *tulit*, *sustulit*, *extulit*, *eleuauit*. Qua ratione sensus aliquis procedit, ut nimirum indicetur animam purgati abesse, a superba debere vanitate, si coram Deo consistere quis velit, et verba sic reddantur: *qui non extollit ad vanum animam suam*, id est, qui non superbe sectatur inania, *wer seine Seele nicht erhebt zu eitlen hohen Dingen*. Et sic commendari a Davide spiritualement humilitatem

tatem patet. Nam נשח נפש, animam ele-
uare vel extollere ad aliquid est sectari, in-
tendere, vehementer cupere, si loquitur
et Dauides, Psalm. XXV. 1. אֲלִיךָ נִפְשִׁי
נשח, *ad te, Domine, extollam animam
meam, id est, te sectabor summo desiderio,*
aut secundum LUTHERVM: *Nach dir ver-
länget mich.*

LVI.

MATTH. V. 37.

Mentionem feci supra p. 175 seqq. occasio-
ne vocis - πρωτοτοκος, eiusmodi in
graeca lingua haud infrequentium vocabu-
lorum, quae siue spiritu, siue sono et ac-
centus locatione differunt. Eodem refe-
rendum est, quod in praesenti loco legitur,
vocabulum πονηρος, in supra allegato AM-
MONII libro, pro varia accentus colloca-
tionē, vario etiam significatu distinctum.
Redditur nimirum ibidem πόνηρος per επι-
πενος, *miser ac infelix*; πονηρὸς vero expo-
nitur per κακηθης. Distinguunt etiam ista
vocabula secundum diuersum accentum
scholia ARISTOPHANIS pag. 14. Sic expo-
nitur pariter πονηρία, a πόνηρος descendens,
laboriositas; a πονηρὸς vero deriuatur, *ne-
quitia, prauitas*. Ratio significationis ex
origine clara. Verbum πονομαι significat *la-*

boro, vnde *πovos*, labor. Iam quia in labore est aerumna et molestia, hinc *πέννης* laboriosus; vnde et *πovνης* malus est, quoniam omni cum studio et labore malus talis est. Conferatur ita vocem hanc *πovνης* exponens ERASMVVS SCHMIDIVS in *notis ad h. l.* Obseruat autem ad hunc locum THEODORVS BEZA, quod plus quam κακος sit *πovνης*, isque dicatur ita, qui in omni scelere exercitatus, et ad iniuriam cuius inferendam totus comparatus. Quoniam vero in casibus obliqui non commode semper distingui possunt genus masculinum atque neutrum, nonnulla circa loca dissentiunt interpretes, quorum ex numero noster quoque est. THEOPHYLACTVS, SCHMIDIVS, CALOVIVS, MALDONATVS, BEZA alique Satanam intelligunt. PRICAEVS vero *ad h. l.* probabilius esse censet, vt in genere neutro accipiatur *πovνης*, vertitque: *ex malo, ex mala consuetudine.* Ita et VICTORINVS STRIGELIVS in *hypomnematibus ad h. l.* itemque IO. CALVINVS in *harmonia trium euangelistarum*, pag. 81. vbi inter vitia hominum id refert, quod illud sit ex malo, id est, ex malo more, nulla quoniam seruetur inter homines fides, nisi iuramento confirmetur, quod asseritur. Ad malum iurantis, ex mala consuetudine ac more qui iurare solet, alii referunt. Et monet HVGGO GROTIVS *ad h. l.* ex POLY-

PIO, maxime ex eo inter gentiles fuisse frequentatum iurandi morem, ex quo labore fides coeperit. Constat etiam ERASMVVS et CORNELIVS A LAPIDE *in b. l.*

Ast simplicissima est verborum nostrorum interpretatio, quam dedit MATTH. FLACIVS in *glossa ad b. l.* ex malo, id est, non caret peccato iurantis et exigentis; vti et exposuit ista DANIEL TOSSANVS in *comment. ad b. l.* Confirmat vero illam explanationem ipse textus scopus. Non enim iuramentorum de origine, sed qualitate ac malitia est sermo hic. Proinde neutrius generis est hic vocabulum *πονηρος*, nec intelligi de diabolo potest. Simili prorsus ratione circa locum 2 Thess. III. 3. vbi THEOPHYLACTVS, LVTHERVS, CALVINVS, PISCATOR, CALOVIVS, IO. CROCIVS, FRID. BALDVINVS, commentariis istum illustrantes, genus masculinum agnoscendum esse censent, et Satanam intelligunt. Praeferunt autem genus neutrum GROTVS et FLACIVS; vtrumque contra, et masculinum et neutrum, coniungunt BEZA, BVLLINGERVS et ERASMVVS SCHMIDIUS. De loco Matthaei alio, cap. VI. 13. et sensu pariter ac genere obvio ibi *του πονηρου* videantur beati IO. CHRISTOPH. WOLFF *curae philol. et criticae, vol. I. pag. 132. seq.* Veterum expositiones enarrat IO. CASP.

SVICERVS in *thesauro ecclesiastico*, tom. II. voc. *πνευγες*. De Satana horum plerique acceperunt, vti CHRYSOSTOMVS *homil. XIX. in Matth. h. l.* THEOPHYLACTVS in *h. l.* GREGORIUS, Nyssenus, *orat. V. in orationem dominicam*, CYRILLVS, Hierosolymitanus, in *cateches. V.* TERTVLLIANVS libro *de fuga in persecutione*, cap. II. quos sequuntur ex recentioribus ERASMVS, BEZA, IO. PISCATOR, IO. HENRICVS ALTSTEDIUS, DAN. HEINSIUS, DAV. PAREVS, ERASMVS SCHMIDIUS ac FLACIUS. Alii tamen malum in genere siue vniuersum indigitari putant, e. g. CYPRIANVS *de oratione dominica*, quem citat sequiturque CORNELIUS A LAPIDE, VICTORINVS STRIGELIUS, HVGGO GROTIUS, nec non CALVINVS in *h. l.* Optime coniungunt vtrumque diuus noster LVTHERVS atque MARTINVS CHEMNITIVS, in quo secutus illos quoque, cum GODOFREDO OLEARIO, est beatus noster WOLFIUS *loc. cit.*

LVII.

MATTH. I. 20.

Quando dicitur hic sanctissimus in Maria factus conceptus esse *ἐκ πνευματος ἁγίου*, absurde id exponit anonymus a
CHRI-

CHRISTOPHORO SANDIO, iuniore, in *interpretationibus paradoxis IV. euangeliorum*, Cosmopoli, vti habet titulus, MDCLXX. in forma octopartita editis, *ad h. l.* citatus, spiritum quendam sanctum, mundum atque purum, impuro ac malo spiritui siue diabolo oppositum, intelligens, quoniam nomina sine articulo posita vagum designent indiuiduum. Eodem enim gaudet haec regula robore, ac ista, quam notus ille Arii fectius, ASTERIVS, circa effatum Paulinum I. Cor. I. 24. vbi sine addito articulo Θεου δυνάμεις dicitur Seruator, dedit, allegatus ab ATHANASIO *orat. III. contra Arianos*, pag. 193. refutatur vero a beato SALOMONE GLASSIO in *philologia sacra, lib. III. tract. II. can. III. p. m.* 699. Et verissimus est adductus ibi a GLASSIO canon, quod ex curiosa et minus necessaria articuli consideratione facile oriri queant falsae hypothesēs atque errores; de quo videri etiam poterit beatus IO. TARNOVIVS in *exercitationibus biblicis*, pag. 667. *seqq.* Nec enim vel vbiuis valet ista memorati anonymi regula, vel solus sufficit eiusmodi canon grammaticus ad stabiliendam vel defendendam paradoxam talem interpretationem, ceterae si contrarium demonstrent textus sacri circumstantiae. Haud opus etiam, vt pariter Grammatici docent, articulo est, adiectiuum quando et substantiuum coniun-

gun

guntur, quoniam nimirum huic ad declarandum atque distinguendum istud adiectivum additur. Exempla autem quamplurima contra malignam illam anonymi interpretationem peti possunt ex graecis ERASMI SCHMIDII concordantiis. Conf. inprimis Luc. I. 15. 41. 67. Act. X. 38. Rom. IX. 1.

LVIII.

IESA. VI. 3.

De trisagio hoc ita commentatur MICH. PRAETORIUS in *syntagmate Musico*, part. I. membr. I. cap. XV. Ter dicitur sanctus, ut notetur distinctio personarum: sed semel duntaxat dicitur Dominus Deus Zebaoth, ut notetur divinae essentiae unitas. Item, ter in singulari numero sanctus, et non sancti dicitur pluraliter, ut una sanctitas in his tribus personis et una aeternitas et aequalitas intelligatur. R. SIMEON BEN IOHAI super h. l. ita commentatur: “ Sanctus hic est “ Pater, sanctus hic filius, et sanctus hic est “ Spiritus sanctus. „ Simili ratione, cum e regno Neapolitano eicerentur Iudaei, in Targum a Ionatha, Vzielis filio, hymnus iste versus fuit: “ Sanctus Pater, sanctus Filius, sanctus Spiritus sanctus. „ Vid. de hoc trisagio divinitus hominibus impertito NICEPHORVS lib. IV. cap. XLVI. qui com-
me-

memorat, fuisse Theodosii imperatoris et Procli, archiepiscopi Constantinopolitani, tempore, cum ingens esset terrae motus et vniuersa multitudo in campos secessisset, puerum quendam e populo in aera raptum, ab angelis cantari trifagium audiuisse, idque vt in litiis publicis adhiberetur, descendentem monuisse. Conf. DAMASCENVS *de orthodoxa fide lib. III. cap. X.* IO. GERHARDVS *de tribus Elohim, cap. III. §. XIII.* De nomine Zebaoth monet HIERONYMVS, illud, si nomini diuino attribuitur, transferri non debere, idque propter mysterium et quod nec Spiritus sanctus, nec apostoli mutarint. Vid. IO. FORSTERII *dictionary hebraeum, pag. 681.* SALOMONIS GLASSII *philologia sacra, p. m. 545. seq.* et singularis de eo habita IOACHIMI HILDEBRANDI disputatio.

LIX.

ACT. XII. 8.

Paucis supra, cum circa Marc. VI. 9. pag. 189. nonnulla monerem, obseruaui, visum quibusdam esse Petrum apostolum negligere praeceptum Seruatoris Matth. X. 10. dum *σανδαλια* hic gestasse dicatur; simul, quae sint iis regerenda, commemorans. Iam alia obuertunt alii, qui fieri

fieri nimirum potuerit, ut sandaliis usus Petrus fuerit, cum muliebri illa fuerint calceamentorum genus? Et negari quidem nequit, plerumque venire hocce nomine mulierum calceamenta; sed et virorum sic pariter vocata fuisse, testantur apud veteres exempla. Sic nimirum apud HERODOTVM in *Euterpe* Persæo tribuuntur sandalia. Conf. ATHENAEVM lib. VIII. DIODORVM Siculum lib. V. pag. 222. APOLLODORVM in *bibliotheca*, lib. I. pag. 51. ipsosque LXX. interpretes, qui Ies. XX. 2. prophetae tribuunt sandalia. Additur et IULIUS POLLUX in *onomastico*, Lib. X. cap. XI. HADRIANVS TURNEBVS in *aduersariis*, lib. XXIX. cap. VIII. IACOBVS NICOLAUS, Löensis, lib. I. *miscellaneorum epiphyllidum*, cap. IX. et ISAACVS CASABONVS ad *Suetonii vitam Augusti*, c. LXXIII. *Vulgatam*, quæ h. l. *σανδαλία* per *caligas* reddidit, corrigit IO. GERHARDVS in *locis theologicis*, aduersarium ideo nactus PHILIPPVM CAROLI, professorem ante Altorfinum, postea ad pontificiorum sacra transfugam, in libro: *triumphus fidei* inscripto, defensus vero contra hunc a IO. MICH. DILHERRO tom. I. *dissert. acad.* pag. 46. seq. Pro vulgata versione aliquot etiam argumentis pugnat CORNELIUS A LAPIDE, in *comment. ad h. l.* qui HIERONYMVM quoque et glossaria veterum hic pro

pro *σανδαλια σου* posuisse *caligas tuas* dicit, et ad IVLII NIGRONI prouocat *de caliga* librum. Eandem sententiam calculo etiam suo probant IO. SELDENVS *de vxore hebraea*, pag. 103. et IO. TOBIAS MAIOR in *commentario in acta apostolorum*, pag. 160. sq. simul ideo non opus fuisse, vt Vulgatam corrigeret GERHARDVS, censens.

LX.

MATTH. XIV. 6.

A FLAVIO IOSEPHO *lib. XVIII. antiqu. Iudaicarum, cap. VII.* et SVIDA *voc. Ηρωδίας* nominatur Salome haecce saltatrix; a BASILIO Seleuciensi vero Herodias nuncupatur, *orat. 18. pag. 164.* In regis autem conuiuiis saltatrices eiusmodi adhiberi consueuisse, alio Iosephi, Tobiae filii, exemplo demonstrat IOSEPHVS *l. c. lib. XII. cap. IV.* quemadmodum, graecis etiam in more idem fuisse positum, XENOPHON declarat in *Symposio*. De morte huius saltatricis narrat NICEPHORVS in *historia ecclesiastica, lib. I. cap. XX.* eundum ei quoquam brumali tempore fuisse et fluuium traiciendum, qui cum glacie constrictus coagmentatusque fuisset, pedibus eum transiisse, glacie autem rupta demersam statim fuisse capite tenus, et
(Winckleri Hypomn.) O inse-

inferioribus corporis partibus lasciuientem molliusque se mouentem saltasse, non in terra, sed in vñdis, caput vero scelestum frigore et glacie concretum, deinde etiam conuulneratum et a reliquo corpore non ferro, sed glacie crustis resectum, in glacie ipsa letalem saltationem exhibuisse, spectaculoque eo omnibus praebito in memoriam ea, quae fecerat, spectantibus reuocasse. Aliter mortem eius narrat GEO. CEDRENVS viuam eam terram absorpsisse tradens, in *compend. historiarum*, pag. 184 edit. Paris. narrationis tamen illius, quam exhibet NICEPHORVS, mentionem facit, statim adiiciens: "*alii ferunt, cum in glacie palustri luderet, rupta glacie ita in fundum decidisse, ut caput abscissum supra glaciem exstaret.*" Niti si liceret nobis dumuirorum horum fide et auctoritate, haberemus singulare iustitiae diuinae vindictivae exemplum, sceleribus poenam attemperantis. Neque enim

- - - poena est iustior vlla,
Quam necis artifices arte perire sua.

Quod alia insuper in sacris tabulis commemorata exempla confirmant. At vero constat de NICEPHORO pariter ac CEDRENO, quam sublestae ambo sint fidei scriptores, historias suas nugis, fabulis et innu-

innumeris ineptius replentes, et ad mendacia toties confugere non dubitantes, quoties e re ipsorum erat. Vid. MART. CHEMNITIVS in *harmonia euangelistarum*, cap. LXXIV. ZACH. LIPPELOVS in *vitis sanctorum*, tom. III. pag. 640. et MICH. FÖRTSCHIVS in dissertatione *de mortibus persecutorum Ioannis Baptistae*, Ienae anno huius seculi nono habita, §. LVIII. seq.

LXI

MATTH. XVI. 17.

Σαρχή non tantum de carne animalium, sed etiam de carnibus fructuum vsurpatur apud PEDACIVM DIOSCORIDEM, medicum caesareensem, passim, vti et apud auctorem *tractatus de plantis*, qui ARISTOTELI solet tribui, *lib. I. cap. V.* prunum dicitur constare ex carne, osse et grano, item cucumis ex carne et grano; plerumque tamen animalium de carne occurrit. Synecdochice per synecdochen partis pro toto ponitur pro toto corpore. Corpus enim non carne tantum, sed ossibus quoque, cartilagine etc. constat. Quaerit autem IO. VORSTIVS in *philologia sacra*, part. I. cap. IV. p. 102. ista dicendi ratio num hebraismus sit dicenda? prouti voluerunt BE-

ZA, PISCATOR atque HACKSPANIVS, nec non THOMAS GATAKERVUS in dissertatione *de noui instrumenti stilo*, quae inter opera eius critica, ab HERM. WIT-
SIO Traiecti ad Rhenum anno MDCXCVIII. fol. coniunctim edita, primo loco apparet. Sed errant sane hi. Non enim Hebraeis tantum propria figura est Synecdoche, sed cunctis gentibus recepta. Ex METRODORO etiam, EVRIPIDE, EPICURO atque ARRIANO, synecdochice ita pro toto corpore usurpari τὴν σαρκὰ demonstrauit SEB. PFOCHENIVS in dissertatione *de stilo noui testamenti*, in *Rhenferdiana* collectione obuia, §. LVI. Ex DIOGENE LAERTIO, ARRIANO, ANTONINO, POLYBIO, THEMISTIO et PORPHYRIO idem probat IO. CONR. SCHWARZIVS in *lexico graeco noui testamenti*, pag. 1210. not. **: Addi his auctoribus possunt, exempla similia suppeditantes, LYCOPHRONES in *Cassandra* v. 48. et AESCHYLVS contra *Thebas*, v. 628. Sed denotat etiam totum hominem, siue totam humanam naturam ἡ σαρξ, prouti exemplis hoc confirmant scriptores a b. WOLFIO in *curis suis phil. et crit. vol. I. pag. 252.* allegati, quibus adde IO. DRVSIVM in *observationibus sacris, lib. VII. cap. VI.* et IO. D'OVTREINIVM in tractatu, belgico idiomate sub tit. *De Tabernackel Gods onder de Menschen etc.* editum, pag.

pag. 22. * Nostro loco pro natura humana, quatenus per peccatum corrupta est, accipitur. Licet enim, quod affirmat PHIL. PICINELLVS in *luminibus reflexis*, ad b. l. nonnunquam illa indicentur *con-sanguinei, gens, familia*, v. g. Rom. IX. 3. 8. XI. 14. 1. Corinth. X. 18. Phil. III. 3. Hebr. XII. 9. hoc loco tamen ista minus applicari potest interpretatio. Inprimis vero familiare est diuo Paulo apostolo, per τὴν σαρκὰ istam denotare hominis ad malas actiones aequae ac omissionem boni procliuitatem, quae sanctitati ac iustitiae primaeuae successit, quamque peccatum dicere solemus originale. Inde saepius occurrunt ipsius in epistolis phrasae: εἶναι ἐν σαρκί, Rom. VII. 5. VIII. 8. 9. εἶναι κατὰ σὰρκα, Rom. VIII. 5. ζῆν κατὰ σὰρκα. Rom. VIII. 12. 13. etc. Inde commemoratur ipsi *prudentia carnis*, Rom. VIII. 6. 7. *desiderium carnis*, Gal. V. 16. *opera carnis*, Gal. V. 19. Vid. pluribus MATTH. FLACIUS in *clauē scripturae sacrae*, voc. *caro*. 10. CASP. SVICERVS in *thesauro ecclesiastico*, tom. II. sub eadem voce, et

O 3

VOR-

* Nolo, ne euadam iusto longior, hic alios commemorare synecdoches genera, v. g. quando etiam pro membro genitali tam virili quam muliebri, vsurpatur σὰρξ; de qua vid. 10. DRVSIVS lib. III. quæst. hebr. cap. IV. et DAN. FESSE-LIVS lib. II. aduers. sacr. cap. VIII.

VORSTIVS *loc. cit.* Diligentissime varias
vorum *σαφξ* et *αιμα*, seorsum positarum,
in sacris literis significationes exposuit sum-
me reu. ERNESTVS FRIDERICVS NEV-
BAVERVS, academicae Giessensis theolo-
gus ac philologus celeberrimus, in com-
mentatione philologica Halae olim an-
no MDCCXXIX. MELADIO opposita *de*
phrasi noui foederis caro et sanguis, cap. I.
sequeute simul capite significatum vocum
illarum coniunctarum rectissime euoluens.
Conf. et IO. HENRICI MAH *harmonia eu-*
angelica, part. V. cap. VIII. pag. 931. MART.
CASP. WOLFBVRGI *obseruationes sacrae in*
nou. test. pag. 531. itemque celeberrimi in
academia Vpsaliensi hodie theologi, GEOR-
GII WALLINI, filii, habita in eadem an-
no MDCCXXXV. *historiam belli inter spi-*
ritum et carnem adumbrans dissertatio, *cap. I.*
§. I. Bene etiam, errare illos monet iam
laudatus SCHWARZIVS *loc. cit. pag. 1211.*
*not. **.* qui per *αιμα* nostro loco *stirpem*
illustriorem, per σαφξα stirpem ignobilem et
contemptam signari opinentur.

LXII.

Io. I. 14.

Quando ad locum Matthaei praecedentem varias vocis *σάρκος* in medium attuli significationes, nec obscura illa est, secundum quam *fragilitas ac infirmitas humanae naturae* ista indicatur, de quo vid. SAL. GLASSII *philologia sacra, lib. V. tract. I. cap. XI. p. m. 1767.* LUDOVICVS CAPELLVS in *specilegio ad Matth. XVI.* THEOD. BEZA item et IO. LIGHTFOOTVS ad eundem locum. Talem vero carnem pure tropicam Christo attribuere, periculosum nimis videtur SEBAST. SCHMIDIO in *commentario in epist. ad Hebraeos, pag. 520.* ne eo deueniatur, vt quando hoc Ioannis loco dicitur *verbum caro factum esse*, etiam carnem mere tropicam seruatori ibi iure tribuere posse videantur Sociniani. Pluribus hac de reinprimis conferri meretur IO. PHIL. STORRII *commentatio theologica de vocum carnis et spiritus, cum de ipso Christo dicuntur, genuino sensu et usu, Vlmae anno MDCCVI. in 4. euulgata, vbi sectione prima huius dicti Ioannei statim in initio legitur explicatio.*

LXIII.

2. PARAL. XXXV. 21. 22.

Quaeritur circa locum hunc, quam ratione Necho, Aegypti rex, a Deo benedicere iussum se esse potuerit affirmare, et quomodo Iosiam secum conflicturum dehortatus, ex ore Dei dicatur id fuisse? Sunt, qui finxisse id regem Aegypti infidelem atque barbarum existimant. Sed videntur rectius sentire, qui omnino diuinum mandatum festinandi contra hostes suos ad Euphratem consistentes, Medos atque Babylonios, accepisse illum asserunt, prouti refert FLAVIUS IOSEPHVS *lib. X. antiquitatum Iudaicarum, cap. VI.* Neque insolens est iudicandum, barbaros ac vicinos reges admonitos pariter per prophetas, Dei viros, esse, vti v. g. Hazaël Syrus crudelis aequae ac infidelis per Elisam commonestus esse legitur 2. Reg. VIII. 12. Cumque in hoc ipso capite infra v. 25. Ieremias praecipue mortem Iosiae fleuisse dicatur, HUGO GROTIUS in *annotationibus ad h. l.* per Ieremiam factam hanc esse Aegypti regi reuelationem autumat. Arguit etiam infelix regis Iosiae casus, non fictum fuisse, quod Aegyptiorum rex se accepisse iactabat, mandatum. Imo non obscure vitio Iosiae nostro loco vertitur, quod non acquie-

quieuerit in verbis Nechonis ex ore Dei. Qua sane dicendi ratione non vñs facer scriptor fuisset, si mentitus mandatum diuinum Necho fuisset. Nec nisi iniuste denegabat innoxium transitum per fines suos Nechoni rex Iosias. Patet enim, iniustam esse denegationem talem, ex Iudic. XI. 17. Vnde et IOSEPHVS *l. c.* id Iosiae factum improbat: *Iosias, quando ait, verbis Aegyptii nihil mouebatur, sed perseverabat in ea sententia, ut per suam ditionem volenti ducere transitum denegaret, fato opinor ad hanc arrogantiā ducente hominem, ut occasionem aduersus eum inueniret.* Quin et temeritas videtur Iosiae indicari atque reprehendi phrasi 2. Reg. XXIII. 29. obuia, qua *vidisse eum* (Aegypti scilicet regem) dicitur. Temerariae enim solent ista describi dimicationes, vti et occurrit 2 Reg. XIV. 8. 11.

LXIV.

EXOD. XXXVIII. 8.

Vertit haec ita SANTES PAGNINVS: *fecit concham aeneam et basin eius aeneam ex speculis (mulierum) conuenientium, quae conueniebant ad ostium tabernaculi; vocem autem mulierum distincto literarum et caractere minori reliquis vocibus tanquam a se additam inseruit.* Inserunt contra eam

Vulgatus et LVTHERVS tanquam ad textum pertinentem, quin glossam etiam adiecit LVTHERVS, qua, quales ibi intelligi mulieres existimet, declarat. Non vero ea ratione, ac in nostris hodie bibliis legimus, hunc locum interpretatum esse megalandrum, ex duplici editione, tum veteris testamenti, siue pentateuchi potius, quam anno MDXXVI. in forma octopartita Basileenses curarunt, tum prima plenaria bibliorum Wittebergae anno eiusdem seculi XXXIV. fol. adornata editione obseruat GEO. LVDOVICVS OEDERVS in *der gründlichen Erläuterung schwerer Stellen heiliger Schrift, part. IX. pag. 762. seqq.* In priori enim ita legitur: *Vnd macht das Handfaß von Erz, vnd seinen Fuß auch von Erz, auf dem Platz der Heere, die vor der Thür der Hütten des Zeugnis lagen; in posteriori: gegen den Heeren, die für der Thür der Hütten des Stiffs lagen.* Nota LVTHERI, qua de mulieribus haec verba explicauit, legi etiam apud OEDERVM potest. Quod vero ad vocem כְּרָאוֹת, quam de speculis non ludaei solum quamplurimi, sed et ex christianis interpretibus varii accipere non dubitarunt, attinet, rectius eam LVTHERVS et post hunc alii per *aspectum* sunt interpretati. Vid. quae hanc in rem OEDERVS *l. c.* disseruit, ad IO. FOERSTERI *exodum exodi* ibidem pro-

ten-

tentiam suam ex recentioribus fecit summe reuerendus ZEIBIGHIUS in *bibl. exegeticis ad h. l.* cui adstipulatur STARCKIUS loco ibidem allegato. Iniuste autem supra commemoratam diui LVTHERI versionem reiecit WOLFGANGVS FRANZIUS in tractatu *de interpretatione sacrarum scripturarum*, pag. 40. refutatus ideo a SALOM. GLASSIO in *philologia sacra*, lib. IV. tract. I. obs. V. p. m. 1170. et huius verba exhibente ANDR. DAN. HABICHHORSTIO in dissertatione *de mulieribus Zobeoth*, Rostochii anno MDCLXXXVIII. habita et in *thesauro theol. phil.* recusa tom. I. pag. 318. seq. Conueniebant enim omnino ad ostium tabernaculi piae et religiosae mulieres in populo Israëlitico. Vid. DRUSIUS et LYRA ad I. Sam. II. 22. FRID. SPANHEMIUS in *dubiiis euangelicis*, part. I. dub. XXVIII. §. XV. 10. LIGHTFOOTVS in *horis hebraicis et talmudicis*, tom. I. operum, pag. 415. et SIXTIVS AB AMAMA in *antibarbaro biblico*, pag. 362. Eam etiam optime huc quadrare explicationem, licet in hebraeo textu vox *mulierum* non occurrat, docuerunt GLASSIUS et HABICHHORSTIUS locis allegatis, recte contra FRANZIUM, quod hic Leuitarum pariter fiat in textu sacro mentio, nec contuitione eorum opus fuerit, monentes. Quae autem contra istam obiecerunt ANTONIVS HVLSIUS in *dissertat.* sub-

subiunctis *comment. de praerogatiua Israëlitis prisci, dissert. XVI. pag. 865.* et HERM. GID. CLEMENS in *dissertat. de labro aeneo a Mose in tabernaculi atrio collocato*, quam Traiecti ad Rhenum anno MDCCXXV. in forma octuplicata edidit, *cap. II. §. XIII.* docte discussit nostramque stabiliuit interpretationem *Antonius Clant*, verbi diuini minister Groninganus, in *dissertatione prima scripturum biblicarum*, quam Groningae anno MDCCXXXIII. in 4. impressam cum orbe erudito communicauit, *pagin. 79. seq.*

LXV.

IEREM. V. 5.

Homines legem excutientes repraesentat hic figura bouis iugum effringentis, quemadmodum et phrasin hanc *Chaldaeus Paraphrastes*, reddidit: *sed hi simul praeuarricati sunt a lege.* Nec graecis scriptoribus illam dicendi rationem, secundum quam pro lege siue praeceptis iugum haud raro vsurpatur, ignotam fuisse, loco ex LVCIANO deprompto probat IACOBVS ELSNERVS in *observationibus ad nouum testamentum*, tom. I. pag. 60. vbi philosophia rationem reddens inducitur, quare ad barbaros prius, quam Graecos peruenerit, quod illos

los nempe difficilius, quàm hos imperata facturos crederet: το ελληνικον δε ειων, ως ρασον υποβαλεσθαι και ταχιστα, ωστις ωμην, ενδεχομενον τον χαλινον οιον τε και υπαχθησμενον τω ζυγω. *Graecos autem sui, ut qui facillime subigi possent, et celerrime, ut quidem putabam, frenum suscepturi, subditurique collum iugo essent.* A scriptoribus sacris saepius lex in specie Mosaica iugi sub metaphora nobis sistitur, e. g. Act. VII. 10. Gal. V. 1. Nec Rabbini aliter loquuntur, non solum του תרה עול *iugi legis* mentionem in *pirke auoth cap. III. num. V.* facientes, sed et legis in *Ir Gibhorim fol. 55. col. 3.* hunc in modum: לעולם ישים האדם עצמו לעול *subiicere se debet homo verbis legis, non secus ac taurus iugo.*

LXVI.

MATTH. XXI. 9.

Quae varie sint de voce occurrente hic *Hosanna* eruditorum sententiae, enarrant, praeter commentatores in euangelium Matthaei, scriptores a summo quondam nostro IO. CHRISTOPHORO WOLFIO allegati in *curis philologicis et criticis, ad h. l.* quibus adde EDVARDVM LEIGH in *critica sacra veteris testamenti, rad. יוש* IO. CASP.

SVICERVM in *thesauro ecclesiastico*, voc. *ωσωνος* MATTH. FLACIVM in *clauē scripturae sacrae*, part. I. pag. 97. GERHARDVM IO. VOSSIVM in *harmonia passionis*, lib. I. cap. IV. IO. MICH. DILHERRVM in *electis*, lib. II. cap. XX. et *Cheuraeana*, tom. II. pag. 79. *se. 1.* Scribitur quidem et cum gemino et cum simplici; sed praefenda est scriptio posterior, quoniam ea scilicet cum hebraeo magis conuenit. Plerisque, uti recte monuit beatus WOLFIVS, elliptica arripet interpretatio datiusque casus cum Hosanna coniunctus; cuius primus fuit BEZA autor, hunc deinde sequentibus IO. MALDONATO in *comment. ad h. l.* et GEORGIO PASORE in *lexico minori*, aliisque. Cum vero formula haec acclamandi sit hebraica, unde, nisi ex illius gentis indole vsuque, erit explicanda? Occurrunt tamen apud profanos etiam scriptores passim ellipticae eiusmodi ac votivae acclamationis exempla, praesertim in historia Augusta. Sic v. g. apud LAMPRIDIUM in *vita Alexandri Seueri* acclamabatur Alexandro: *Iuueni imperatori! patri patriae! pontifici maximo!* scil. salutem optamus, aut precamur. Eadem ratione apud EVAGRIVM lib. II. *hist. eccles. cap. XVII.* acclamatur: *Leoni multos annos!* scil. precamur. MART. PETR. CHAITOMAEVS in *graeco-barbaris noui testamenti*, quae in *sylloge dissertationum de stilo*

stilo noui testam. a IACOBO RHENFERDIO Leouardiae primo huius seculi anno in forma quadripartita euulgata, recusa leguntur, verbum substantiuum *esto* supplet hunc in modum: *Hosianna esto*, s. accidat, contingat, eueniat, *filio Davidis*. HUGO vero GROTIUS pro principio hymni alicuius habet verba haec: per quod principium totus significetur hymnus, sensum acclamationis populi esse huncce iubet: *hunc hymnum, qui incipit: Hosianna filio David! canimus in honorem nostri Messiae, filii Davidis*. ANGELVS CANINIVS de nominibus noui test. peregrinis vocatiuum praefert, vt preces populi dicantur esse ad Messiam directae: *serua, quaeso, fili David!* vel accusatiuum etiam, vt preces sint ad Deum pro Messia fusae: *Serua filium Davidis!* Placet etiam haec CANINII explicatio CAESARI BARONIO in *annalibus ecclesiasticis ad A. C. XXXIV. num. V.* nec non FRANCISCO LVCAE et IACOBO IANSENIO in *comment. ad h. l.* sed refutauit CANINII sententiam CORNELIVS A LAPIDE in *comment. ad h. l.*

LXVII.

EXOD. II. IO.

Quam vana et absona sit IO. PETR. ERI-
 CI opinio, quando nomen Mosis a
 μωσχος, vitulus, in renato e mysterio princi-
 pio philologico deriuare non dubitauit, supra
 pag. 3. demonstraui, cum de eiusdem Cai-
 ni nomen ab ακεαινος deducendi conatu di-
 cerem, variisque demonstrarem aliis exem-
 plis, quam parum feliciter ex graeca lingua
 ceteras omnes per miras saepe transforma-
 tiones originem ducere, iusserit. Id saltem
 hoc loco moneo, multis μωσχον ipsissimum
 fuisse visum משה Mosen, vti praeter IO.
 THEODORETVM AR CERIVM, IO. SEL-
 DENVM, HERM. WITSIVM, RAPH.
 LVDWORTHVM, EDMVNDVM DICKIN-
 SONIVM etiam PETRVS DAN. HVETIVS
 in demonstratione euangelica, propos. IV.
 cap. II. pag. 53. a. IO. SCHVLZIVS in flo-
 rum sparsione ad loca quaedam in re littera-
 ria controuersa, pag. 292. et ANDR. DA-
 CERIVS in vita Pythagorae, gallice Lute-
 tiae Parisiorum anno MDCCVI. in 12
 edita, existimarunt. Ex Aegyptiorum au-
 tem lingua Mosis nomen deducendum esse
 voluerunt PHILO in vita Mosis, lib. I.
 pag. 605. FLAVIVS IOSEPHVS lib. II. an-
 tiquitatum Iudaicarum, cap. V. ATHANA-

SIVS KIRCHERVS in *prodr. Copt.* pag. 135.
 IO. HENR. HOTTINGERVS in *exercit. anti-*
Morinianis de pentateucho Samaritano,
 pag. 48. et in *smegmate orientali,* pag. 398.
 MARC. ANTON. MARSILIVS de *fonte lu-*
strali, pag. 59. ANGELVS ROCCHA A CA-
 MERINO in *bibliotheca Vaticana,* pag. 306.
 alique, Aegyptios ex eo, quod contige-
 rat, Mosi in flumen delapso imposuisse ap-
 pellationem hanc censentes, cum *aquam*
illi $\mu\alpha$ *vocent, usque vero ex aqua servatos.*
 Sed fuerunt contra, qui non pro Aegyptia-
 co, verum Hebraeo, nomen hoc rectius
 haberi contenderunt, supra a me *loco citato*
 indicati. Nescio tamen, num, quod de
 matre Mosi, non Pharaonis filia; nomen
 Mosi imponente, hi obuertunt extra omnem
 sit dubitationis alcam possum. Certe no-
 ster locus, si accurate consideretur, con-
 trarium stabilire, Pharaonisque filiae nomi-
 minis impositionem vindicare videtur,
 qua in re mecum sentire video summe re-
 uerendum CHRISTOPHORVM HENRI-
 CVM ZEIBICHIVM in *bibliis exegeticis;*
ad b. l.

LXVIII.

· MATTH. XI. 12.

Dum post MATTHAEVM POLVM in *synopsi criticorum*, vol. IV. pag. 290. praecipuas interpretum circa haecce Seruatoris verba sententias enumerat beatus IO. CHRISTOPHORVS WOLFIVS in *curis suis philologicis et criticis*, vol. I. p. 195. sq. triplicem inprimis vocis *βιασθῆναι*, in qua determinenda rei versatur cardo, commemorat explicationem, vt α) passivè nonnulli eam interpretati fuerint, β) alii activè, γ) alii vero passivum sensum itidem tenentes, de persecutionibus agi hic crediderint, quibus regnum Dei sit expositum; rectè de posteriori, quod illius patroni audiendi omnium minime sint, iudicans. Prouti interim fit, vt saepius eiusmodi, licet minus accuratae, scripturae sacrae interpretationes suos tamen nanciscantur fautores, ita huic praeter LICHTFOOTVM, TRILLERVM auctoremque *des Berlinischen Heb-Opfers*, a beato WOLFIO, pag. 196. allegatos, accesserunt IO. MARCKIVS in *exercitationibus scripturariis*, part. II. exerc. IV. IOANNES OLEARIVS in *tractatu de stilo novi testamenti*, pag. 26. et ingeniosus ille, cetera doctissimus, academiae Iuliae philologus HERMANNVS VON DER HARDT, CUIUS

cuius dum pollideo *explicationem difficulto-
rum quatuor euangelistarum locorum manu-
scriptam*, communicabo cum beneuolo le-
ctore, quae hunc ad locum et commata se-
quentia iste commentatur. *Ioannem* (ita
ille) *ultimum prophetam* (Seruator) dixe-
rat, qui regnum Christi praenuntiasset, post
hunc statim regnum suum habuisse initium.
Sed ab illo initio, toto illius regni iam exi-
stentis tempore, meras Iudaeorum et phari-
saeorum iniurias ac insidias regno illi fuisse
oppositas, ait. Βίαιστας proinde vocat prima-
tes Iudaeorum, sui et verbi aduersarios, qui
regnum aut euangelium non solum non ad-
mitterent ipsi, sed et premerent et violenta
manu suppressere conarentur, dum omni mo-
do doctrinam Christi e medio tollere contende-
rent. Hos ergo sui et discipulorum adeoque
euangelii persecutores reprehendit, quod cur-
sum euangelii turbent et inhibeant. Rapere
et diripere illos regnum Dei ait, quod est,
phariseos ceterosque Iudaeos prae fractos,
more praedonum, hostili manu affectuque fer-
ri aduersus euangelium, id perditum et ex-
stinctum. Et esse quidem hanc increduli-
tatis Iudaicae damnationem et grauem per-
secutionis notam, patet ex vehementis irae
affectu, qui ex sequentibus mox clarissime
elucet. Vid. v. 16. et 20. Imo expresse Iu-
daeis exprobrat (Seruator) prae fractum ani-
mum, qui nolint accipere euangelium et euan-
gelii

gelii ministros, Christum et discipulos. Adest, inquit, versu 13. regnum a prophetis praedictum, a Ioannis Baptistae aetate inchoatum. Non est, quod quis se excuset, non adesse regnum. Tempus adest, quo adesse debet regnum. Praedictionis enim tempus praeterlapsum est, adueniente Ioanne. Praesens itaque est. Et si qua ex incredulitate scrupulus ibi nascatur vobis de praecursore regni venturo, quem non videritis, en! adest. Ioannes est praecursor. O utinam ergo, pergit versu 14. non repudiaretis impenitentes et praefracti hunc praecursorem, ipsumque adeo regnum iam praesens, sed admitteretis. Quod triste votum de admittendo et accipiendo audiendoque praecursore regni iam praesente est argumentum incredulitatis Iudaicae, qui non facerent, quod serio optaret Christus. Cui doloris Christi indicia accedit versu 15. ardentius votum de poenitentia et conversione Iudaeorum cum tacita comminatione. Qui affectus indignationis crescit in sequenti oratione longa, qua impenitentiam et incredulitatem populi gravissime damnat, et poenam promeritam imprecatur. Ad refutandam autem explicationem hancce legere iuvabit ea, quae TRILLERO speciatim opposuit SCHOENLANDIVS a WOLFIO citatus. Conferantur et, quae monet reuerendus GEORGIUS LVDOVICVS OEDERVS in der neuen vnd gründlichen Erleuterung
schwe-

schwerer Stellen heiliger Schrift, tom. I. pag. 718. seqq. nec non, quae contra IO-ANNEM GEORGIVM DÖRSCHIVM, de iniquo βίασμω, quem violento suo iudicio exercuerint Iudaei, Christum irridentes, locum hunc interpretantem, in medium attulit CHRISTIANVS STOCKIVS in *clauae linguae sanctae noui testamenti*, p. m. 201.

Ab illis, quos summus hicce WOLFIVS commemorauit, interpretibus abire visus sibi est celeberrimus Coburgensis gymnasii director ac philologus praestantissimus IO-ANNES CONRADVS SCHWARZIVS, quippe qui *monumentis suis ingeniorum * huius et superioris seculi, tom. II. pag. 177. seqq.* epistolam *de noua* (vti illam inscripsit) *et probabili interpretatione huius loci* inseruit, ad theologum Altorfinum olim haud ince-

P 3

le-

-
- * Titulus hic est collectionis variarum lectu dignissimarum commentationum, quas programmatum instar luci ante exposuit, hac ratione vero ab interitu (quem experiri plerumque solent schedulae eiusmodi, saepius conseruatu dignissimae) vindicauit Auctor doctissimus. Dolendum puto, quod praeter quatuor horum monumentorum tomos plures vix sperare liceat, si vera sunt, quae leguntur in *den Leipziger neuen Zeitungen von gelehrten Sachen*, anni MDCCCXXII. pag. 149. Nec enim dubitauerim, plura post id tempus programmata euulgasse virum reuerendum, quae pari ratione conseruenda essent posteris.

lebrem IOANNEM GVILIELMVM BAIERVM exaratam, eademque loci nostri nouam dare voluit explicationem, verba Seruatoris ita reddens: *A Ioannis Baptistae temporibus vsque ad haec res diuinae vim sentiunt, et violenti eas rapiunt.* Verbo *βιάζομαι* significationem tribuit, a Lexicographis haud quidem commemoratam, vt idem significet, ac *conuincere ac persuadere aliquid hominum animis, rem aliquam auditoribus lectoribusue tam perspicue et acriter proponere, vt dissentire ac dubitare non liceat.* Mentem inde sanctissimi Seruatoris hanc esse putat: *Rationes rerum diuinarum adhuc ita clare et impigre demonstratae sunt, vt qui vi illa vtuntur eamque imitantur, diuinae gratiae rite ac vere compotes fiant.* • Argumento, quibus interpretationem hanc stabilire ac demonstrare conatus est vir doctissimus, enumerant celeberrimi auctores *der fortgesetzten Sammlung von alten und neuen theologischen Sachen, anni MDCCXXV. p. 957. seqq. ibidem vero pag. 959. seqq.* monent, nouam quidem esse videri istam *Schwartzii* explicationem, formalia si spectes, minime tamen ab ipso primum prolata esse materialia si quis consideret, sed ante ipsum iam a PHILIPPO MELANCHTHONE, EVSEBIO, IOANNE COCCEIO, CAMPEGIO VITRINGA, CORNELIO ADAMI et summe venerando academiae Lipsiensis theologo primario CHRISTIA-

STIANO FRIDERICO BOERNERO, nec non beato FRANCISCO IULIO LUTKE-
NIO eundem in modum verba Seruatoris
fuisse declarata. Addunt etiam *pag. 960. sq.*
vix probari ex PLATONIS illis duobus lo-
cis, quae adduxit SCHWARZIVS, posse
significationem, verbo *βιαζεσθαι* tributam,
neque aptam dari horum verborum, ita
acceptorum, cum sequentibus connexio-
nem. Idem ferme iudicandum censeo de
pluribus locis a celeberrimo SCHWARZIO
cumulatis in *commentariis suis criticis et phi-
lologicis linguae graecae noui foederis diuini*,
pag. 250. seq. ordinariam facile verbi *βιαζεσ-
θαι* significationem admittentibus. Consu-
lere ibi nos iubet *tomum III. monumentorum*
suorum ingenii, *pag. 35. seqq.*

Licet ergo sua utique laborare videatur
difficultate commemorata ista doctissimi
SCHWARZII sententia, maiorem tamen
premere illam putauerim, quam in eadem
*continuata collectione nouantiquorum theologi-
corum*, anno MDCCXXXIV. *pag. 130. seqq.*
publico exposuit anonymus quidam, per
Βασιλειαν των ουρανων Iudaicam ecclesiam,
qualis illa tunc Ioannis et Christi tempore
erat, intelligens. Seruatoris mentem ita
ille accipit, ac si de zelo apostolorum ho-
rumque discipulorum tollendi seu vastandi
Iudaicam illam ecclesiam; nouam vero eu-

angelicam stabiliendi, sermo ipsi fuisset, hincque verba eius nostro in loco obuia ita παραφραζει: Von denen Tagen Iohannis des Täuffers vnd ferner hinaus wird die Iüdische Kirche heftig bestritten werden, vnd die Bestreiter derselben werden sie auch glücklich zerstöbren, wie denn auch alle Propheten vnd Moses solches geweissaget haben. Assensum namque huic interpreti eo minus prae-bendam esse putauerim, quo magis a veritate recedere videtur istius exegeteos fundamentum, vt per βασιλειαν των νυρανων intelligatur ecclesia Iudaica Ioannis atque Seruatoris tempore existens.

A qua huius anonymi explicatione prorsus quidem diuersa, at non maioris forte ponderis vel probabilitatis iudicanda erit celeberrimi alias Dresdensis philologi, CHRISTIANI SCHOEFTGENII, argumentatio, quando in horis suis hebraicis et talmudicis in nouum testamentum, tom. I. p. 112. ad locum nostrum ita commentatur: Ratio, cur Christus haec verba proferat, et scopus eorum talis erat. Hoc tempore, quo Ioannes Baptista poenitentiam et fidem in Messiam proxime aduenturum praedicabat, tanta ubique erant obstacula, vt conuersi sibi met ipsis vim facere cogerentur. Es gehoerete (ita pergit vir doctissimus) eine sehr starke Resolution dazu, wenni sich einer damals bekehren wolte.

wolte. Quatuor etiam deinde enumerat impedimenta, quae perrumpere nemo, nisi cum eximia quadam viilentia, potuerit. Hæc omnia enim, quamuis sint per se verissima, et in tempora ista, quibus loquebatur Seruator ista, satis quadrent, non tamen verba Seruatoris vel eorum sensum includere, euictum SCHOETTGENIUS dedit.

LXIX.

MATTH. XII. 43. 44. 45.

Sermonis huius Seruatoris quis sit sensus quæque cum antecedentibus connexio, breuiter quidem, at, pro more suo, optime demonstrauit beatus WOLFIVS in *curis suis philologicis et criticis*, vol. I. pag. 223. ubi hunc in modum scribit: *Cauere Iudæos (Saluator) iubet, ne existiment, fieri non posse, ut idem daemon, qui sit ex homine expulsus, non possit reuerti in pristinam sedem, tanquam qui ad locum sit relegatus, numquam iterum relinquendum. Permanere enim daemones inter homines, quamuis inferni poenas secum ferentes, et quaerere loca alia, in quibus requiem qualemcunque inueniant.*

Paulo aliter HAMMONDI ductu sensum horum verborum supra allegatus SCHOETTGENIVS loco citato, pag. 127. expromit: *Spiritus impurus iam quidem a me eiectus est, et ex tota natione Iudaica eiici potest: cum vero nuspiam, ne inter ipsos quidem ethnicos, tam gratum habitaculum nascturus sit, quam in cordibus Iudaeorum induratum, timendum est, ne ad Iudaeos redeat, ipsosque multo magis induret ac peiores faciat: Id quod re ipsa factum esse, euentus sane tristissimus comprobavit.* Insunt autem, fateor, huic explicationi quaedam, verba Seruatoris quae non continent. Vbinam, quaeso, de eo, quod corda Iudaeorum sint futura gratum magis daemōnis impuri habitaculum, quam gentilium, vel vola vel vestigium? Nec, quin in genere haec de homine, daemōni de nouo quasi se tradente, accipi queant, video.

Interim verum verborum seruatoris sensum, nescio, an non infelicius assecutus fuerit, cuius ex *explicatione difficiliorum quatuor euangelistarum lecorum* manuscripta ad praecedentem locum pariter oculis lectoris quaedam exhibui, HERMANNVS VON DER HARDT, praesentem locum ita explicans: *Impoenitentiam Iudaeorum crescentem depingit graui figura a daemōniaci aut furiosi exemplo de sumto.* Sicut daemō-
nia-

niacus aliquis, liberandus a furore suo, oberet in sylvis et desertis, quaerens requiem, nec inueniat, ideoque ad saniores mentem rediturus redeat in domum, unde aufugerat, quae interea sit a reliquis domesticis in absentia furiosi purgata et ornata, reuersus autem pristino corripiatur furore, ut septies amplius furat et frendeat: sic comparatum vero esse cum populo Iudaico, talem etiam euentum jōre, ait Christus. Prodit se hic; uti in aliis iam innumeris ferme scriptis, viri clarissimi ingenium, ad fingenda defendendaque noua prae ceteris pronum. Aliud namque hic constituit sermonis sanctissimi seruatoris obiectum, quam quod hactenus acceperunt interpretes, ni fallor, omnes, quodque diserte satis nobis ob oculos textus graecus ponit. Quis est, qui non videat, ipso de impuro daemone, homines obsidente, non de homine daemoniaco seu obsessio, sermonem seruatori esse? Quam absorta haec est paraphrasis, qua hominem talem obsessum, liberandi sese suo malo causa, syluas et deserta petere perhibetur?

Pergit ulterius explicare verba Christi, vel sua potius, Christo afficta, ad populum Iudaicum iam applicans ante prolata VON DER HARDT: *Ante aduentum nempe et praedicationem Christi miserrimus populi fuerat status, qui in Ioannem iam inuehebatur*
more

more daemoniaci et furiosi. Verum cum tempus esset, quo liberari deberet a malitia sua et in integrum restitui, adueniente Messia, qui illos a miseria quasi daemoniaca erat liberaturus, Messiam quidem audiuit, a quo requiem impetrare posset, sed illam a Christo oblatam requiem non admisit. Quare omnis spes quietis desideratae et a Messia expectandae, quin et exhibitae, euanuit, ut adeo populus Iudaicus posthabita Messiae gratia et oblata quiete ad suam malitiam reuerteretur, multoque euaderet peior et turbulentior.

Clarius haec persequitur vir ingeniosissimus, addens: *Impurus spiritus exiturus notat statum praedicationis a Ioanne inter Iudaeos factae. Cum enim Deus constituisset redimere populum suum totumque orbem, rem inter Iudaeos orsus, Ioannem primum excitavit, qui impurum Iudaeorum spiritum; quo essent affecti, suae prauitatem et malitiam summam, redargueret; damnaret, et nuntiata poenitentia ex cordibus eorum eximeret. In eo itaque fuit Ioannes, qui progeniem illam serpentinam a peccatis liberaret poenitentiae medicatione. Oberrare autem dicitur spiritus immundus, hoc est, homo immundo spiritu agitatus, a spiritu illo liberari cupiens, (Vbinam hac de re in textu reperitur aliquid? Ego sane deprehendo nihil.) spiritus immundus cum suo subiecto, aut homine,*

in

in quo est. Tribuitur spiritui error, aut oberratio, aut discursatio daemoniaci. Quo exemplo statum pessimorum Iudaeorum magis describit, quod etsi liberari voluerint et optauerint a sua prauitate et miseria, Ioanne primum audito, qui in desertis poenitentiam nuntiaret, veram tamen requiem aut a suo miseria liberationem in Ioanne non inuenerint aut ab eo impetrauerint. Poenitentia enim terret quidem et quatit, vulnerat et lacerat, sed non dat requiem et conscientiae tranquillitatem. (Vera haec sunt, imo verissima, in thesi. At, seruatoris hanc fuisse mentem, talia docere, ego nullus prorsus video.) Domus interea, (ita pergit VON DER HARDT) dum oberret ille in desertis, purgata, et ornata, notat statum gratiae et euangelii in Christo, quod, cum Ioannes praedicasset poenitentiam, Christus interea coeperit in populo verbo et praedicatione purgare, ornare et comere domum aut ecclesiam Iudaicam, gratia Dei et beneficiis maximis nuntiatis, exhibitis et confirmatis. Quo ipso adeo officium et studium Christi in populum Iudaicum describitur. Spiritus immundi aut spiritu immundo praediti sententia de reditu suo ad domum notat publicum desiderium de emendatione ecclesiae per Messiam. Ipse vero reditus et mundata ac ornata domus inspectio denotat conuictionem conscientiae de Messiae praesentia eiusdemque euangelio seu gratia et bene-

beneficiis. Sensit enim abunde populus Iudaeus gratiam Christi oblatam, ad quam antea adspirauerat et ambelauerat, etsi dein non frueretur ea, sed repudiaret illam. Spiritus immundi aut spiritu immundo affecti statim in domo mundata et ornata, ad quam reuersus, designat statum Iudaeorum tempore euangelii Christi, sub praedicatione gratiae, seu ecclesiae a Christo beneficiis suis ornatae; vno nomine, quomodo Iudaei se gesserint erga euangelium nuntiatum et a Christo praedicatum, quem animum habuerint in fortunatissimo ecclesiae renouatae et per Christum restitutae statu. Abiisse nempe dicitur spiritus immundus aut spiritu immundo affectus, et deteriores multo assumpsisse secum, et domum mundatum occupasse. Quae est descriptio summae ingratitude, stultitiae et malitiae Iudaicae, quod Iudaei ingratiissimi et malitia sua excoecati Christi euangelium oblataque eius beneficia animo prompto accipere, et quiete aut gratia a Christo oblata frui detrectauerint. Sed noluerunt. Neque suffecit, quod gratia Dei ac tranquillitate frui noluerint. Accessit septuplo maior Iudaeorum malitia. Coeperunt enim aduersari prorsus euangelio et pristinam malitiam augere, furere magis et iniuriam euangelio inferre, ut tempore Christi et in luce euangelii nequiores essent, quam umquam antebac. Quam malitiam magis adhuc auctum iri (Seruator) pronuntiat, ut indu-

indurati pertinaciter euangelio sint aduersaturi. Vnde paucis verbis fit applicatio et explicatio Christi, quod talis sit futurus miserrimus Iudaeorum praesentium status, qualis in tali daemoniaco appareat.

Ingeniose satis haec omnia prolata esse a viro doctissimo, nemo non facile iudicabit, simul vero, longe a scopo menteque Seruatoris abire ea, profitebitur. Nihil namque minus, quam eiusmodi diuersi Iudaicae ecclesiae status descriptionem suppeditare hic, eorundemque erga suam ac Ioannis praedicationem animum siue se gerendi modum delineare seruatore voluisse, contextus ipse docet; ex quo potius, in genere eum de quolibet homine loqui, apparet. Vnde mihi se pariter non probat, quae, explanationi *Hardtiana* ferme consona, legitur in *Miscellaneis Duisburgensibus*, tom. II. pag. 496. *seqq.* PETRI IANSSENII parabola huius interpretatio. Licet enim singulis in circumstantiis sermonis Seruatoris applicandis cum VON DER HARDT non conueniat IANSSENIVS, ad LIGHTFOOTVM pag. 497. prouocans, in praecipuis tamen eandem cum ipso oberrare chordam videtur.

Saniora sunt, scopoque seruatoris ac verborum horum cum antecedentibus nexui

exa-

exactissime conueniunt, quae ad locum nostrum parallelum Luc. XI. 24. seqq. leguntur in magni quondam illius ac felicissimi exegetae SALOMONIS GLASSII *exegeſi euan-
gelicorum et epistollicorum textuum*, pag. 609. a. editionis secundae, quae in folio, vti vocant, Noribergae anno superioris seculi LXIV. adornata est, vbi: *Recte* (vir ille summus scribit) *ſtatuunt*, qui *Saluatorem nostrum* alium hic ordiri sermonem *παρενετικον* dicunt, directum contra securitatem eorum, qui se a potestate satanae liberatos existimabant, praedicendo iis longe tristissimas indurationis poenas, quod posthac Satan multo potentius eos occupaturus et agiturus sit, quam antea. Eiusdem haec tenoris sunt cum iis, quae desideratissimum WOLFIVM in *curis* suis optime de hoc loco differere sub initium monui, omnium assensu eo magis digna, quo clarius de mente ſeruatoris nos erudiant. Et breuiter et perspicue eodem modo istam lectori ob oculos ponit EDVARDVS LEIGH in *annotationibus philologicis et theologicis in vniuerſum nouum testamentum*, ex anglico sermone in latinum translati et Lipsiae anno MDCCXXXII. in octopartita forma editis, pag. 70. Conf. et beati genitoris mei IO. FRIDERICI WINCKLERI *ueberschwengliche Gnade Gottes*, part. I. pag. 765. seqq.

LXX.

IOANN. II. 14. 15.

Quod a κείρω, *tondeo, seco, refeco*, descendit, vocabulum κέρμα in genere quidem *frustum, segmen* ac *minutum quodlibet* significat, plerumque tamen de re nummaria vsurpatur, minoresque nummos, pecuniae facilius permutandae inferuientes, denotat. Inde κερματίζω, *grandiorem monetam minori, lucri cuiusdam exinde capiendi causa, commuto*; quo sensu accipit id verbum ARISTOTELES *lib. II. meteorologiae, cap. VIII.* vbi: κερματίζειν εἰς λεπτά; quale lucrum Graecis κολλυβός, Germanis (in inferiori e. g. Saxonia) *Aufgeld* dicitur; qui vero illud accipiunt, κερματισταὶ audiunt, inter Iudaeos aequae ac Gentiles notissimi.

Significationem, quam adduxi, vtrumque verbum κέρμα et κερματισταὶ habet nostro in Ioannis diui loco. Hierosolymas namque cum circa festa tria illa maiora ac solemnina ingens inprimis conflueret ex remotissimis Iudaeae oris populi turba, ceu ex Actor. II. 5. seqq. videre est, grandiore afferebat monetam, minutiori vero pecunia, quo columbas, oves aliaque, ad sacrificandum Deoque offerendum aliquid, secum

(Wiuckleri Hypomn.)

Q ex

ex locis adeo dissitis non afferenda, emerent, opus habentes, *κεματιστας* hosce varii adibant permutandi aeris gratia. Horum vero hominum in aula templi primum, deinde eiusdem in atrio tale exercentium commercium, dum mensas subuertisse atque *κεμα* effudisse legitur sanctissimus Seruator, ERASMVS de *minuto aere* graecum illud vocabulum exponit, distinguens inter *τραπεζιτας* et *κεματιστας*, ita, vt illos fuisse dicat, qui quamlibet permutauerint pecuniam, quin imo mutuo illam acceptis vsuris dederint, hos vero tales fuisse velit, qui pro grandiori tantum pecunia aes minus dederint commutari illam cupientibus; IOANNES quoque DRVSIVS in *praeteritis*, ad *Luc. XII. 39.* ERASMVS SCHMIDIUS, THEODORVS BEZA, et IOANNES PISCATOR ad nostrum Ioannis locum, nec non EDVARDVS LEIGH in *critica sacra noui testamenti*, pag. 175. a. per *minutias aeris* id exponunt. Generaliter contra, et, si quid iudico, optime *Vulgatus* illud accepit, per *aes* vertens, qua quidem ratione non a diuo nostro LVTHERO solum in versione sua, sed in *glossariis* etiam *graeco-latinis* CYRILLI et PHILOXENI legitur acceptum, nec non a CLAVDIO SALMASIO de *foenore Trapezitico*, pag. 547. itemque ABRAHAMO CALOVIO in *praefatione ad tomum I. biblicorum illustratorum veteris testamenti*. Addatur

FLAVIUS ARRIANVS *lib. II. de dissertationibus Epicteti, cap. X. pag. 151. seq. et lib. IV. cap. III. pag. 309.*

LXXI.

DEUTER. XXI. 12.

Quod ad ritum illum, circa mulierem extraneam captiuam Iudaeis a supremo Numine praescriptum, qui vltimis huius commatis verbis commemoratur, attinet, varias video de eo esse interpretum ac commentatorum sententias. *Vulgatus, septuaginta interpretes* et diuus noster LUTHERVS de *circumcidendis* vnguibus, FRANCISCVS IVNIVS contra de *alendis* iisdem interpretati locum nostrum sunt. Dissentiunt etiam in vertenda voce עשרה, quae in hebraeo textu legitur, Iudaei ipsi, aliis per *praecidere*, aliis per *crescere facere* istam exponentibus. Vid. MATTHAEI POLI *synopsis criticorum*, vol. I. pag. 762. seq. et IOANNIS GERHARDI *commentarius super Deuteronomium*, pag. 1247. seqq. Et ambigua sane est vox haec, quam vtique *producere* et *crescere facere* siue *alere* significare, testantur loca varia, e. g. Genes. I. 10. 11. Psalm. I. 3. Ierem. XVII. 8. cui graecum ποιεῖν respondet. Matth. VII. 17. Qui ex Iudaeis hancce amplectuntur interpretationem,

Q².

nem, probabilitatem illi conciliant ex legis huius diuinæ intentione atque scopo, eo qui nimirum tendit, ut amore eiusmodi mulieris captum virum Iudaeum propositi sui poeniteret, eiusdemque appetitus languesceret, extraneam captivam istam quando hunc in modum rasura capitis vnguiumque incremento deturpatam, et vestibus indutam captivæ convenientibus adspiceret, pulchriori scilicet deposita, in qua capta erat, veste. Videtur inde non tam respondere ceteris circumstantiis illorum, qui de praecidendis vnguibus vocem hic obuiam accipiunt, sententia. Eadem mens est IOANNIS CHRISTIANI GENSELII in dissertatione *de ritibus circa mulierem in bello captam a Iudæo in thorum cooptandam*, quæ in ipsius *observationibus sacris*, p. 297. seqq. legitur. Postquam enim ibi, quæ ad explicandam totam hancce legem, commate II - 14. comprehensam, pertinent, ex antiquitate Iudaica fuse atque erudite illustravit vir doctissimus, in specie §. XIV. circa istum ritum, de quo sermo nobis est, observat, quod et tanquam lugentium ritus considerari possit iste vnguium alendarum mos, et ad vilitatem personæ, quo in oculis raptoris sui fieret abominabilis, conciliandam a Deo præceptus esse videatur.

Interim HIERONYMVS alteri huius loci interpretationi allegoriam satis quidem pulchram superinstruxit, quae commoda salutarī posset, nisi lubricum esset incertumque eius fundamentum. *Legerat*, scribit ille, de apostolo Paulo *epist. LXXXIV.* agens, in *Deuteronomio Domini voce praeceptum, mulieris captivae radendum caput, supercilia, omnes pilos et ungues corporis amputandos, et sic eam habendam in coniugio.* Quid ergo mirum, si et ego sapientiam secularem, propter eloquii venustatem et membrorum pulchritudinem, ut ancillam atque captivam Israelitidem facere cupio, et, si quicquid in ea mortuum est, idololatricum, voluptatis, erroris, libidinum, vel praescindo, vel rado?

LXXII.

EXOD. XXX. 12-15.

Iucundum est, profanis ex scriptoribus ostendi ad hunc locum posse, quam tenaces fuerint diuini huius praecepti Iudaei in erogando quotannis dimidio illo siclo, ad sacros vsus et promouendum diuinum cultum destinato. Insignis hanc in rem conferri meretur locus, obuius in celeberrimi illius Romanorum oratoris, CICERONIS, habita *pro Flacco oratione*, ubi

cap. XXVIII. sequentem in modum differit :
Cum aurum Iudaeorum nomine quotannis ex Italia et ex omnibus vestris prouinciis Hierosolymam exportari soleret, Flaccus sanxit edicto, ne ex Asia exportari liceret. Quis est, iudices, qui hoc non vere laudare possit? Exportari aurum non oportere, cum saepe antea senatus, tum me consule, grauissime iudicauit. Huic autem barbarae superstitioni resistere, seueritatis: multitudinem Iudaeorum flagrantem nonnumquam in concionibus pro republica contemnere, grauitatis summae fuit. Colligere ex illis, hic quae CICERO commemorat, licet, obseruantissimam fuisse in mittendo quotannis Hierosolymam dimidio siclo moris sui Iudaicam gentem. Ipsum vero morem hunc vt iam explicare aggrediar, opus non est, cum ex antiquitatum Iudaicarum scriptoribus aequae ac commentatoribus, qui locum Mosis indicatum illustrarunt, peti illius accuratior delineatio queat. Nominantur praecipui eorum a beato IO. CHRISTOPH. WOLFIO in *curis philologicis et criticis*, vol. I. pag. 269. Imperatores vero Romanos aurum hoc Iudaicum sibi vindicasse postea, graeci docent Iureconsulti; quorum verba leguntur apud IACOBVM CUIACIUM ad X. cod. Iustin. 75. Conf. etiam IOSEPHVS lib. VI. *haloseos*, c. XVI. cuius verba adducit PETRVS ZORNIVS in *bibliotheca antiquario-egetica*, tom. I. pag.

pag. 953. nec non SVETONIVS in *vita Domitiani*, cap. XII. ad quem locum plurima lectu digna annotavit ISAACVS CASAVBONVS. Addatur et TACITVS *de rebus moribusque Iudaeorum*, cap. V. quem ad locum varia itidem obseruarunt commentatores.

LXXIII.

ACT. XXIII. 8.

Aliquoties iam supra ex SALOMONE GLASSIO monere me memini, quam facile oriri falsae hypotheses ex curiosa et minus necessaria articuli consideratione queant. Quam deprehendimus apud IOSEPHVM SCALIGERVM in *elencho trihaereseos*, pag. 118. huius loci interpretatio falsa originem pariter eiusmodi articuli explicationi debet. Vult nimirum, quando contra NICOLAVM SERARIVM, Spiritum sanctum minus recte hic intelligentem, ibidem disputat, SCALIGER, positum cum articulo το πνευμα Spiritum indicare sanctum, sine articulo vero obuium vniuerse, hoc est, latissime, indefinite ac indeterminate sumi. Posteriori autem modo hoc loco illud accipit, quoniam et resurrectionem, et angelos, et in vniuersum omnem Spiritum negauerint Sadducaei, nec Deum esse spiritum, sed ens corporeum crediderint.

rint. Disputat autem contra eum pro more solito DIONYSIVS PETAVIVS in *notis ad Epiphanii librum de haeresibus*, pag. 28. Optime de hominum anima a corpore seorsim existente accipi hic *πνευμα*, monet beatus IO. CHRISTOPHORVS WOLFIVS in *curis philologicis et criticis*, vol. I. pag. 1335. cum eam non minus, ac angelos, negasse Sadducaeos, ex antiquitate constet. Conf. HVGGO GROTIVS in *notis ad Matth. XXII. 23*. Mirum tamen simul esse WOLFIVS pronuntiat, quod errorem hunc fouere ac defendere non dubitauerit peruersa ista Iudaeorum secta, cum, si non integrum veteris testamenti codicem, pentateuchum tamen, contraria omnia confirmantem, receperit. Mirum id vtique dixerit quilibet. Ast non inueniunt hic tamen, quod nasci sibi inde putant, Iudaei hodierni infidi ac praefracti argumentum contra diuum Lucam causam agendi Sadducaeorum, ac si vel ideo, quoniam pro diuinis habuerint Mosis libros, apparitiones angelorum plus vna vice commemorantes, sequeretur, negare istos non potuisse angelos, falsaue a Luca hic ipsis errorem talem tribui. Valeret namque similis conclusio circa sectae huius de mortuorum resurrectione, (quam tamen negasse illos, ipsi Iudaei concedunt) errorem, a sanctissimo Seruatore pariter ex diuinis Mosis scriptis refutatum. Nec, quod penta-

teu-

teuchum solum pro diuino habuerint Sadducaei, contendunt HOTTINGERVS alii-
que. Vid. HUGO GROTIUS in *notis* suis
ad *Matth. XXIII. 8.* ceterique allegati a bea-
to IOANNE CHRISTOPHORO WOLFIO
loco citato, pag. 316.

LXXIV.

MATTH. XVIII. 6.

Quid sit *μυλος ονικος*, et num saxum mo-
lare, an vero ipsa machina molitaria
siue totum molae aedificium intelligatur,
non aequè clarum visum fuit interpretibus.
Communiter molam asinariam, id est,
grandiorem talem molam, hominum quae
manibus circumagi haud potest, sed ab asi-
nis vel equis circumagitur, oppositam mo-
lae trusatili, cuius lapis sola hominis manu
circumagi potest, (vti et Germani inter
Ross-Mühlen et *Hand-Mühlen* distinguunt)
interpretes, quo eo grauior indicetur hic a
Seruatore esse scandalizanti poena imposita,
intelligunt, e. g. DESIDERIUS ERASMUS,
Vulgatus, THEODORUS BEZA, IOANNES
PISCATOR, ERASMUS SCHMIDIUS et
Syrus interpres. Totam etiam structuram
et machinam molae HILARIUS intelligit.
Vid. EDVARDI LEIGHII *critica sacra noui*
testamenti, p. m. 227. Sed ex re ipsa facile

Q 5

quili-

quilibet coniiciet, iis; qui submergebantur, non structurum molarem ipsam, sed saxum saltem molare magnum dici hic alligandum; vti expresse Marc. IX. 42. pro *μυλος ενικος* dicitur *λιθος μυλικος*. Obseruandum autem, nostro hoc Matthaei loco in nonnullis codicibus legi *λιθος μυλικος*. Conf. editio noui Testamenti *Casauboniana*, vbi in margine *λιθος μυλικος* ponitur; itemque editio noui testamenti Moeno-Francofurtana, anno MDLXVII. a Wechelii haeredibus excusa. Hos secutus est LUTHERVS, *ein Mühlstein* vertens, nec non *Arabs*. *Μυλος* autem non tantum molam ipsam notat, sed etiam lapidem molarem ac dentes molares; quod bene nouerunt DESIDERIVS ERASMVVS, ERASMVVS SCHMIDIVS et IOANNES PISCATOR, versionem quidem Vulgati, *molam asinariam* retinentes, in suis autem annotationibus *lapidem molarem* salutantes eam. Nec asinum tantum, animal illud quadrupes, sed et lapidem molarem notat *ονος*. Sunt quidem, qui hanc vocem et superiorem et inferiorem lapidem significare putant. Sed docent in *lexicis* suis HESYCHIVS et SVIDAS, superiorem denotari ista, qui mouetur ac per quem molitur, lapidem molarem. Bene igitur periphrastice *μυλος ενικος* pro absoluto *ονος* ponitur. Quod licet analogiae linguae graecae aduersari putet GROTIVS, illi

illi tamen vt contrarium sit, tantum abest, vt potius loqui ita saepius Graeci ament; v. g. quando virginem vel absolute vocant παρθενος, vel κορυνη παρθενικον, *puellam virginalem*, nominant. Conf. scriptores, quos circa locum huncce explicandum allegauit beatus IOANNES CHRISTOPHORVS WOLFIUS in *curis philologicis et criticis*, vol. I. pag. 271. Addatur HENRICVS BENEDICTVS STARCKIUS in *notis selectis criticis, philologicis et exegeticis in loca dubia ac difficiliora veteris et noui testamenti*, part. IV. pag. 57.

LXXV.

I. PARAL. XXIX. 29.

Mirum saepius visum mihi fuit, cur circa locum huncce illustrandum occupati interpretes non attenderint ad tria ista verba, hic obuia, נביא, רומה et חזון accurate determinanda, quae sicco potius, quod aiunt, pede transire video commentatores. Summe venerandus magnisque in ecclesiam pariter ac philologiam sacram meritis praeceteris clarus Lubecensium praeful IOANNES GOTTLÖB CARPZOVIVS in aurea sua *introductione ad libros veteris testamenti biblicos*, part. III. cap. I. §. II. pag. 5. de illis ita scribit: *Quamquam nonnihil discriminis inter*

inter haec tria vocabula intercedere, ex
 1. Chron. XXIX. 29. *satis appareat, ubi res*
gestae Davidis scriptae dicuntur in verbis Sa-
muelis הוֹרָא Videntis, et in verbis Natha-
nis הנביא Prophetae, et in verbis Gadi
הַחוּזָה cernentis; praeterea quoque observare
liceat, quod Samuel frequenter הוֹרָא
 1. Chron. IX. 22. XXVI. 28. *et Gad חוּזָה*
 2. Sam. XXIV. 11. 1. Chron. XXI. 9.
 XXIX. 25. *utrumque porro Propheta dica-*
tur, neque tamen ordine inverso Samueli um-
quam elogium חוּזָה, aut Gado titulus הוֹרָא
tribuatur, Nathan demum הנביא tantum au-
diat, quod sane casu aut temere factum nemo
facile dixerit: ipsum tamen discrepantiae mo-
mentum in quo versetur cardine, doctissimi
virorum se ignorare fatentur. Paucis inter-
iectis eundem in modum pagina sequenti
iudicat vir summus: Vnde satis, opinor,
constat, esse quidem aliquod inter haec voca-
bula aequae ac munia discrimen, quod tamen,
quale sit, hodie ignoretur.

Hac de differentia, quam concedit vene-
 randus CARPZOVIVS, cum sermones nu-
 per ferere daretur cum praestantissimo illo
 philologo ac primario academiae Rintelien-
 sis theologo, summe reuerendo IOANNE
 ENGELHARDO STEVBERO, specia-
 lius paulo utique differre a se inuicem
 tria ista verba ac determinari etiam differen-
 tiam

tiam illam posse, autumabat vir hic doctissimus. Roganti mihi, ut, quae essent ipsius circa id discrimen cogitata, mecum benevole communicaret, facilem se praebuit, sequentemque in modum datis ad me superiori anno die XI. Decembris literis scripsit: *Cum mihi constitutum esset, bono cum Deo hoc semestri aestivo in prophetas, quos Iudaei priores vocant, praelectionibus commentari publicis: e re commilitonum meorum satis industriorum fore ratus sum, huic theologico-criticae commentationi introductionem generalem in lectionem eorumdem praemittere. In hoc dum versor instituto, atque quae olim in adversariis notaueram relego ac perpolire al-laboro, primo inquirendum loco duxi in nomina vatibus sacris ab Hebraeis imposita. Sunt autem plura, quibus recensendis et euoluendis nunc supersedeo. Eminent haec inter tria praesertim notatu dignissima, נביא, חוזה et רואה, atque iunctim leguntur 1. Chron. XXIX. 29. Num autem inter se, et quomodo differant? quaeritur, et posterior quaestio satis ardua ac omnium difficillima est. Enimvero si viris doctissimis HERMANNO WITSIO in miscellaneis sacris, lib. I. cap. I. §. XIX. et venerando IOANNI GOTTLLOB CARPZOVIO * credimus, discrimen quidem aliquod inter haec intercedit vocabu-la,*

* Loco a me iam indicato.

la, quod tamen quale sit, hodie ignoratur. Haesitavi paulisper, fateor, cum haec legerem, et fere animum despondi, quem tamen breui colligens ita rationes subduxi: Adeone pater luminum obscure locutus est noluitque a nobis intelligi? Vix mihi hoc quidem simile videbatur vero. De certitudine et perspicuitate tabularum sacrarum, de demonstratione veri eorundem sensus actum erit! Et cui tandem linguarum originalium et artis criticae peritia scripturarum interpreti vsui erit? Consulebam itaque interpretes, commentatores antiquos pariter ac recentiores, quotquot ad manus habebam. Quo vero plures euolebam, eo eram incertior. Quae IOANNES COCCEIUS in commentar. linguae hebraeae, sub radice היה, SAPIO SGAMBATUS * lib. II. archiuorum veteris testamenti, tit. XXII. et CAMPEGIUS VITRINGA in typo doctrinae propheticae de discrimine trium horum vocabulorum commentati fuerunt, me non fugiebant. Attamen cum neque exemplis luculentis, neque rationibus coniecturas suas confirmassent, parum ego quidem ex his fluentis hausi solatii. Alia igitur Deo duce et auspice incedendum via esse facile praeuidens, ad duo praesertim attendendum esse momenta arbitratus sum, scilicet ad veram vocabulorum

* Verba eius leguntur apud venerandum CARP-
ZOVIVM loco citato, pag. 5. seq.

rum horum significationem, et ad paralleli-
smum. Ad prius quod attinet, deriuatur
נכִּיָּא a radice נכא coniugat Niphal, adeo-
que passivae significationis est. Conf. 2. Ti-
moth. III. 16. 2. Petr. I. 20. seq. Quae
apud EDVARDVM LEIGH in critica sacra
veteris testamenti ad hanc radicem de discrimi-
ne significationum טו נכא et התנכא
traduntur, facile concordantiarum ope resel-
luntur. Conuenit significatu cum נוב, fru-
ctus protulit, metaphorice, elocutus fuit,
Arabumque نَبَأ, annuntiavit alteri,
emicuit, notatque generatim Deo familiari-
ter uti, Genes. XX. 7. Conf. Iacob. II. 23.
speciatim futura praedicere, Deuter. XIII. 2.
sacra carmina instrumento musico vel cantu
modulari, 1. Samuel. X. 5. interpretem ora-
culorum coelestium agere. Hof. XII. 11.
Vnde vocis deriuatae נכִּיָּא significationem sa-
tis generalem et latiore esse, nemo non vi-
det. Vox altera est רואה, tertia חוה,
quas inter me quidem iudice hoc intercedit
discrimen: ראה notat, acute et intente vi-
dere, vnde ראי, speculum, et ראה, cor-
nix, a visus acumine, et plus pollet, quam
חזה, Prouerb. XXIV. 32. Iesa. XXXIII. 20.
quod ex longinquo vel per fenestras aliquid vi-
dere innuit. 1. Reg. VII. 4. 5. Vnde conii-
cio, tribus his nominibus, quae plures pro sy-
nonymis habent, alludi ad diuersos modos re-
uelationis diuinæ Num. XII. 6. 7. 8. olim
pre-

*prophetis factae; ita quidem, ut נביא nomen generale sit, istumque denotet, cui quacunque ratione reuelatio obtigit, quam cum aliis communicat, רואה illum designet, cui in visione et somnio voluntas diuina manifestata fuit, חוזה tandem aliquem indicet, qui per aenigmata et figuras de rebus futuris certior factus est. Neque obstant loca 2. Reg. XVII. 13. * Dan. VIII. 15. Temperare mihi interim nequeo, quin hoc loco viri clarissimi mihique amicissimis IOANNIS CHRISTOPHORI HARENBERGII satis ingeniosam coniecturam de tribus his vocabulis ex literis ad me datis humanissime exscribam: Rationes ita duco, ut voces illas haud admodum differre credeam. Nam, 1. Sam. IX. 9. praelucente, olim vocatus est נביא, qui recentiori aetate appellatus fuit רואה. Quamobrem sic sentio, Samueli ab hominibus suae aetatis inditum fuisse cognomen רואה. Traditur ita 1. Samuel. IX. 9. 11. 18. 19. Gad vero dictus fuit חוזה. 2. Samuel. XXIV. 11. Nathani adhaesit cognomen הנביא. 1. Regum. I. 22. 38. cet. Gad versatus fuit in Iudaea montosa, Nathan Hierosolymis, Saul autem inter Ephraimitas et Beniaminitas. Quid mirum, si nomina ipsis adiecta sequantur idiotismum provinciae? Aequae Germani futorem alias vocant*

* Adducit hunc vrgetque CARPZOVIVS loc. cit. p. 6.

cant *Schuster*, alias *Schumacher*. Pellionem
prouinciæ aliquot vocant *Kürsner*, aliae
Peltzer, aliae aliter. *Hæftenus* vir doctissi-
mus. *Praeterca* נביא dicitur de prophetis
veris et falsis, *Ierem.* XXVIII. 5. similiter
חזון de vtrisque, *Ezech.* XIII. 16. *Mich.* III. 7.
הוא semper veros denotat prophetas. *Haec*
mea (ita finem differendi in literis suis ad
me datis humanissimis facit STEUBERVS
præstantissimus) de discrimine trium horum
vocabulorum hariolatio est. *Supersunt tamen*
in coniectura hac dubitationes nonnullae, quas
si e medio tulero, hanc meditationem for-
tassis typis exscribendam curabo auctiorem.

Grata vero non poterunt non esse Le-
ctori beneuolo cum ipso haec communicata
Steuberiana cogitata, quae, cum a viro ce-
leberrimo, in philologia sacra, praecipue
orientali, versatissimo, non, nisi solida ac
limata, expectari queant, eo magis cun-
ctis harum rerum peritis saluam mouebunt,
plenius elaborata fufiusque demonstrata ac
dubiis, quibus forte (vti ipse fatetur STEV-
BERVS venerandus) adhuc obnoxia sunt,
prorsus liberata illa propediem excipiendi.
Quibus dum carere hætenus nos iubent cu-
mulata eiusdem negotia, celare Lectorem
nolui docta ipsius circa hanc rem, mihi
amice exposita, meletemata.

(Winckleri Hypomn.)

R

LXXVI.

LXXVI.

EXOD. IV. 25.

Quid hoc loco *tangere pedes* significet, interpretes diuersimode determinare sunt conati. Vid. MATTHAEI POLI *synopsis criticorum*, vol. I. pag. 308. sequ. Praeter VATABLVM, RIVETVM, TOSTANVM alios, qui, a POLO commemoratos, BRENTIVS etiam in *comment.* Zipporam voluit praeputium filioli praefectum indignabundam ad Mosis pedes proiecisſe. Videntur eidem etiam fauere explicationi *Tigurini* et IVNIVS, quorum illi ita huncce locum reddiderunt: *abscidit praeputium filii sui applicuitque pedibus eius* (Mosis.) Accedit isti quoque praeter IO. FRISCHMUTHVM in *dissertatione de circumcissione Zipporae*, lenae anno MDCLXIII. habita, cap. III. §. VI. theologorum Saxoniorum celeberrimorum biga, summe reverendus SALOMON DEYLINGIVS in *observationibus sacris*, part. II. obs. X. §. IX. et venerandus CHRISTOPH. HENR. ZEIBICHIVS in *bibliis exegeticis*, ad h. l. quos, licet non nominatos, secutus est CHRISTOPHORVS STARCKIVS *tomo I. synopses bibliothecae exegeticae in vetus testamentum*, pag. 821. Videtur autem mihi, vt verum fatear, vix esse credibile, matrem, quae filiolum, teneri

neri erga ipsum affectu mota, aegre circumcidere voluerat, tam viliter postea carnem eius habere et ad mariti pedes prolicere potuisse, praesertim cum facilior suppetat interpretatio.

Ab Hebraeis nempe constat verbum **נָגַע** etiam sumi pro *laedere* aut *vulnerare*, ut videre praeter alios est apud FLACIUM *part. I. clavis* suae. **נָגַע** autem iisdem aliquando *pudenda* significant, uti v. g. *tegere pedes* idem est, ac *exonerare ventrem* et *tegere pudenda*. Iudic. III. 24. 1. Samuel. XXXIV. 4. Quod licet GVILIELMVS TE WATER in dissertatione *de Eliezaro*, cui Deus mortem minatus fuerat, circumciso et cum matre Zippora a Mose ad Iethronem remisso, obuia in *Miscellaneis Groninganis*, fascic. I. pag. 92. negare §. VI. pag. 117. seq. noluerit, eatenus tamen sese mihi id probabit, dum contrarium, quod non fecit, demonstratum dederit vir doctus. Aqua inde itidem *pedum* significat *vrinam*. 2 Reg. XVIII. 27. *Pili* itidem *pedum* Ies. VII. 20. denotant rem turpem, ut ostendit VATABLVS in *notis ad h. l.*

Facilior ergo mihi videtur verborum Mo-
sis horum interpretatio: *circumcidit praepu-
rium filii sui et vulneravit eius pudenda*,
quam secundum explicationem posteriora

verba priora explicant, more Hebraeis vſtatiffimo. Calculo ſuo eam praeter DRV-SIVM approbarunt CASPAR SANCTIVS in *comment. ad Ief. VI.* et IACOBVS BONFRERIVS *comment. in pentateuchum*, p. 366. b. haud contradicente SALOM. GLASSIO in *philologia ſacra*, lib. I. tract. III. ſect. VIII. p. m. 304. quorum a partibus ſtare tutius commodumque magis eſſe iudico. Eadem etiam mens videtur fuiſſe CHRISTIANI LVDOVICI ERMISCHENII, in *der heiligen Blumen-Leſe*, part. III. vbi inde pag. 337. verba Zipporae ita παρὰφραζει: *Du biſt mein lieber Bräutigam, welchen es faſt Blut vnd Leben gekoſtet, mich zu ehlichen, vnd welchem ich auch durch meines Sohnes bluti-ge Beſchneidung meine Liebe wieder zu erkennen gebe.* Iſis, qui placandi angeli, increati ſcilicet, cauſa ipſius ad pedes proieciſſe, filii praeputium, vel ad pedes eius cecidiſſe, iſtum deprecata, Zipporam aſſerunt, accedunt celeberrimi auctores *der vnſchuldigen Nachrichten*, anni MDCCXI. pag. 271. quando ab ERNESTO CHRISTIANO SCHROEDERO in *continuada acerra biblica Mülleriana*, centur. VII. pag. 683. non accurate ſatis ad Moſen Zipporae verba relata eſſe monent; accedit et reuerendus GEORGIVS LVDOVICVS OEDERVS in *der neuen vnd gründlichen Erleuterung ſchwerer Stellen heiliger Schrift*, tom. I. pag.

pag. 322. beatum simul SEBASTIANVM
SCHMIDIVM in partes vocans.

LXXVII.

EXOD. I. 7.

Quando dicuntur hic filii Israel creuisse
et quasi germinantes multiplicati esse
ac roborati nimis impleuisse terram, ut
Vulgata vertit, lucem forte huic loco ac-
cendunt, quae de foecunditate mulierum
in terra Aegypti olim historiographi nota-
runt. Ita enim ARISTOTELES in *historia
animalium*, lib. VII. cap. IV. ex interpre-
tatione THEODORI GAZAE: qui autem
mense octavo nascuntur, vivere ac adolescere
in terra Aegypti possunt, et quibusdam aliis
in locis, ubi mulieres fertiliores sunt multos-
que simul ferunt et pariunt, etiamsi mon-
strosi sint; et paulo post: nam quod pluri-
mum et locis plurimis agitur, mulieres singu-
los singulae pariunt, sed saepe et plerisque
locis geminos etiam, ut in Aegypto quoque
fieri certum est. Similia his legere licet in
fragmentis editioni IUSTINI a MATTHIA
BERNEGGERO praemissis; et in Aegypto
septenos vno utero simul gigni, auctor est
TROGVS POMPEIVS. Addit loco citato
BERNEGGERVS: eadem fere totidem verbis
Solinus cap. III. Adstipulantur iis, quae

disseruimus, ipsi etiam Iudaei, qui ad praesentem diui Mosis locum ita commentati sunt: *sex dictiones hic habentur: fructificaverunt, et auxerunt, et multiplicati sunt, et roborati sunt valde valde, quibus respicitur ad feminas Israelitarum, quae ex uno semine concepto, sex pariebant liberos, cum adhuc in Aegypto agerent.* Haud inelegans est IOANNIS BRENTII loci huius paraphrasis, quam ob oculos nobis posuit beatus IOANNES ANTONIVS STRVBBERGIVS in *specimine commentariorum Ioannis Brentii in compendium redactorum*, quod legitur in *der fortgesetzten Sammlung von alten und neuen theologischen Sachen, anni MDCCXXIII. pag. 343. seqq. vti pag. 352.* hunc in modum: *Filii Israelis ita fructiferi fuerunt, quemadmodum arbores fructus ferunt, et ebullierunt, in morem reptilium aut aquatilium, et multiplicati sunt magna copia et roborati sunt ingenti fortitudine. Et ut omnino (additur ibidem) innumera multiplicatio significetur, addit: valde nimis. Sed et illud, quod sequitur, et impleta est terra ab ipsis, maximam multiplicationem indicat.* Conf. IOANNIS FRIDERICI BAVERI *dissertatio de causa foecunditatis gentis circumcisae*, Lipsiae anno MDCCXXXIX. habita.

LXXVIII.

I. CORINTH. III. 2. HEBR. V. 12. 13.

Liceat hic nonnulla addere iis, quae de lacte, tanquam optimo nutriendi parvulos medio, ad priorem locum disserui in *der nähern Beleuchtung des Zustandes der Corinthen*, quae inserta legitur *der Hambur-gischen vermischten Bibliothec*, vol. I. p. 729. *seqq.* Dum enim conuenientem Corinthiis cibum esse lac affirmat diuus Paulus Apostolus, *ibid.* p. 745. *seqq.* paucis, qualis sit oppositio lac inter atque cibos solidos, hic ab apostolo notanter addita, monui. Cibi nimirum solidi adultorum sunt, qui organa co-mestitionis firmiora ac robustiora habent, nec recipere solum, sed et concoquere cibos solidiores ob vehementiores motus ac labores possunt. Infantum autem organa firma validaque adeo nondum esse constat ad recipiendos cibos solidos. Tantum enim nondum caloris stomachus eorum habet, quantum ad concoquendos illos requiritur. Quo vero gaudet infantilis stomachus, calor sufficit ad lac concoquendum, quod in succum sanguinemque, ut aiunt, statim conuertitur.

Commune inde erat puerorum in Iudaea nutrimentum lac aequae, ac mel, cuius utriusque ingens dabatur in ista terra copia, propter pascuorum vbertatem sedulamque

pecoris culturam, imprimis vero ouilli ac caprini lactis, ex Prouerb. XXVII. 27. patet. Gentiles inter simile paruulorum nutrimentum vsu receptum erat, ita, vt pro illis placentulae ex tritico ac melle praepararentur, *melliti globuli* dictae, de quibus vid. MARCVS ANTONIVS MVRETVS *lib. XVII. variarum lectionum, cap. XV.* et IOANNES PETRVS LOTICHIVS in *commentario ad Petronium, pag. 17.* De lacte imprimis conferantur IANI GRVTERI *animaduersiones in Senecam, eiusdemque epistolam XX.* Conficiendis autem variis talibus ex lacte atque melle eduliis certi homines nauare operam solebant, *dulciarii et lactarii* dicti, qui varia *mellita* siue *lactaria* (nominibus hisce appellabantur apud veteres ista edulia) adornabant, de quibus vid. LVCIVS APVLEIVS *lib. X. metamorphoseos*, cum BEROALDI commentario, AELIVS LAMPRIDIUS in *Heliogabalo* et MARTIALIS *lib. XIV. epigr. CCXX.*

Ratio interim eiusmodi nutritionis, vt *loco citato* ex CAMPEGIO VITRINGA imprimis obseruauit, haec est: α) namque, vt et ipse iam monuit, et disertis verbis Paulus addit, non difficile adeo concoctu lac est, quam cibi reliqui. β) Omnium etiam liquidorum optime nutrit lac, vt est in *schola Salernitana, cap. IX.* quo duodecim
com-

commemorantur alimentorum genera plurimum nutrientia et pinguefacientia. Vid. CLEMENS Alexandrinus *lib. I. paedagogi, cap. VI.* ALEXANDER Aphrodisiensis in *problematibus medicis et naturalibus, lib. II. quaest. LXXIV.* PAVLVS AEGINETA *lib. I. de re medica, cap. LXXXVI.* VARRO *de re rustica, lib. II. cap. XI.* CLAVDIVS GALENVS *lib. III. de aliment. facultate, cap. XXV. et lib. X. de simplicium facultatibus, cap. VII.* nec non libro *de cibis boni et mali succi, cap. VI.* ALTIVS Amidenus in *syntagmate medicinæ ex veteribus contractæ, lib. II. cap. XCII. seq.* et ORIBASIVS Pergamenus in *synopsi medica, lib. IV. cap. XII. XVIII. et XL.*

Factum inde est; quod lacte victitarint Massagetæ, Massæsyli, Sueui Britannique; lacte, caseo et melle Mysi ac Germani; lacte sanguine mixto Meroitæ; lacte canum Cynamolgi; equorum Agau; camelorum Arabes; elephantum Aethiopes; de quo conferri possunt auctores allegati passim. Phtisicorum etiam alimentum hinc optimum lac esse iudicatur, quo emaciatum corpus restauretur; licet variorum eius generum aliud habetur alio sanum conueniensque magis. Nam post hominis lac imprimis in *schola Salernitana* celebratur *cap. XXXIV.*

*Lac φδισκίος janum caprinum * post-
que cameli,
Ac nutritium plus omnibus esse asini-
num **,
Plus nutritium vaccinum sic et ouinum.*

Vid. ARNOLDVS Villanouanus in *commentario in scholam Salernitanam*, pag. 199. AVICENNA in *canone medicinae*, lib. II. cap. CCCXLII. CLAVDIVS GALENVS in *methodo medendi*, lib. VII. cap. VI. ABVBETRVS RHazes siue RHASIS lib. III. ad *Almansorem*, cap. XV. et HIERONYMVS CARDANVS lib. II. de *contradictionibus medicorum*, tract. IV. *contradict. I.* Nec bene solum nutrit inter liquida lac, sed ita quidem singulari prorsus modo nutritioni conuenit, vt eo solo vtentes aliis carere esculentis possemus; quod quamuis inficias quidam eant, splendide tamen id declarauit ARTEMIDORVS Daldianus lib. I. *ονειροκριτων*, cap. XVII.

Ceterum ex more hocce, mel et lac pusionibus praebeendi, ortum traxit receptus olim

* Lacte caprino vel cerebro leporum perunctae gingivae faciles dentitiones faciunt Verba sunt PLINII in *historia naturali*, lib. XXVIII. cap. XIX.

** Vid. de eo IOANNES COSTAEVS lib. I. de *laëis serique natura*, cap. VI. et lib. III. cap. II.

olim in primitiua ecclesia ritus, secundum quem lac simul ac mel recens baptizatis, tanquam infantibus et iam recens ecclesiae natis, (vnde et *quasimodogeniti* dicebantur) gustandum porrigebatur, in signum scilicet innocentiae et simplicitatis, nec non concordiae, qualis in infantibus ac inter eos esse solet, docente TERTULLIANO *lib. I. de corona militis*, pag. 449. Videantur, qui ex HIERONYMO in *commentar. ad Iesa. LV.* morem hunc vberius explicarunt, ROSWEIDVS, SARTORIUS, BEBELIUS atque MARTENE, allegati a beato IOANNE ALBERTO FABRICIO in *bibliographia antiquaria*, cap. XI. §. XXV. p. m. 391. Mihi sane id videtur probabilius, quam si cum aliis asserere quis velit, factum hoc fuisse imitandi Seruatoris causa, primosque Christianos ad Iesa. VII. 15. quo puerum Christum lacte, butyro et melle vsurum esse propheta praedixit, respexisse. Vid. AMBROSIVS in *commentario in Lucam*, lib. V. seq.

LXXIX.

SIRAC. XXXIX. 31.

Quando hic homini ad victum mel etiam necessarium esse Siracides affirmat, eo ipso confirmantur, quae sub initium superioris obseruationis de more veterum, vna cum

cum lacte mel in nutriendis infantibus adhibendi, differui. Iudicabatur nimirum lac multo salubrius esse, melle si misceretur. Sic enim doctissimus ille medicus IOANNES KATSCHIVS * in libro *de conseruanda sanitate*, pag. 439. de eo scribit: *Lac omnium fere medicorum sententia probatissimi succi habetur. Muliebre tamen lac primas sibi vindicat. Deinde lac asininum, postea caprinum, tandemque vaccinum et ouinum. Necessè autem est, vt animal, ex quo lac sumitur, sit boni habitus bonique succi, qui quidem ex optimis pascuis ac nutrimentis eueniunt. Immiscenda tamen lacti est mellis puri vel sachari aut salis portio, ne in stomacho coaguletur. Docet idem etiam, puerorum in dentitione maximum vsum præbere mel lacti admixtum, ita, vt, si ex lacte caseosum quid gingivæ adhaereat, vnde flaccidi putrefactionique obnoxii fieri dentes possunt, mel id omne diluat.*

LXXX.

* Quem miror, vna cum aliis notatu tamen dignis, omisisse experientissimum CHRISTIANVM GVI-
LIELMVM KESTNERVM in *dem medicinischen
gelehrten Lexico*, opere alias, vti laborissimo, ita
et vtilissimo. GEORGIUS MATTHIAS KOENI-
GIVS in *bibliotheca sua veteri et noua*, pag. 443.
de eo consulere nos iubet IOANNEM ANTONI-
DAM VAN DER LINDEN *de scriptis medicis*,
pag. 364.

LXXX.

MATTH. III. 4. MARC. I. 6.

Dum in antecedentibus de melle aliquid in medium protuli, non potuerunt non in mentem loca haec venire, ubi de Ioanne baptista, quod ipsius quoque cibus mel fuerit, euangelistae narrant. Vario- rum illa iam exercuerunt ingenia, copiose allegatorum a beato IOANNE CHRISTOPHORO WOLFIO in *curis philologicis et criticis*, vol. I. pag. 52. quibus addi poterit vir doctissimus IOANNES CHRISTOPHORUS HARENBERGIVS in *observatione de cibo Ioannis Baptistae, in solitario commorantis loco*, quae in *otii ipsius Gandershemensis sacris*, pag. 1. *seqq.* legitur, S. X. *seqq.* pag. 15. *seqq.* At sunt, quae circa viro- rum horum doctissimorum cogitata monere licebit.

Meli αργεον cum *Vulgata* varios, e. gr. DESIDERIVM ERASMVM, ARIAM MONTANVM, IOANNEM PISCATOREM et ERASMVM SCHMIDIVM interpretatos esse *mel sylvestre*; THEODORVM vero BEZAM *mel agreste* vertere maluisse, ex scriptoribus a WOLFIO laudatis discimus. Posterior interpretatio magis etiam se probavit EDVARDO LEIGH in *critica sacra novi testamen-*
ti,

ti, p. m. 5. a. et FRIDERICO SPANHEMIO in *dubiis euangelicis, part. II. dub. XCIX. pag. 640.* latius quoniam *το αγρεσθε*, quam *σylvestre*, pateat, agresteque omne sit, quod *σylvestre*; non vice versa. Ad *Syrum* interpretem prouocant tum LEIGHIUS tum SPANHEMIUS, qui voce generica vsus hic fuerit, mel, quo vsus Ioannes est, *mel agri* vel *campi*, non *σylvae* tantum, vocans. Videndum ergo est, *αγρεος* quid sit ac significet, diiudicare hanc rem si velimus. Descendit vox haec ab *αγρος*, *ager*, *campus*, variasque admittit pro materiae diuersitate significationes, ita, vt, quando de herbis, plantis et arboribus vsurpatur, hortensi ac fatiuo, quod hortulanorum cura educatur, opponatur; quando vero de animalibus adhibetur, mansucto ac domestico contradistinguatur. Posteriorem significatum metonymicum appellat CHRISTIANVS STOECKIUS in *clauē linguae sanctae noui testamenti*, p. m. 24. Iam, quale mel hic sit intelligendum, comestum a Ioanne, facile patet. Quales scilicet sunt apes, tale et eorum iudicandum mel. Vnde recte diuus LUTHERVS vertit: *wild Honig*. Distinguit autem PLINIUS in *historia naturali*, lib. XI. cap. XVIII. apes in rusticas seu *σylvestres*, et in urbanas. *Σylvestres* dicit esse horridas aspectu multoque urbanis seriores, simul vero labore etiam praestant-

stantiores. Idem *cap. XVII.* mel quoque syluestre commemorat. Quale vero hoc? THEOPHYLACTVS id describens, a syluestribus apibus cauis in arboribus congestum fuisse dicit. Quo ipso, meliorem hanc interpretationem esse, patere puto, quam si cum BEZA et SPANHEMIO *agreste* vertamus, quod quale ab ipsis intelligatur, ex STOCKIO constare credo, qui *citato loco* addit: *quod in agris prognascitur, vel quod agri producant.*

Pro succo, ex arborum humoribus resudante, mel hoc, a Ioanne comestum, habent IOANNES LIGHTFOOTVS in *chorographia Marco praemissa, cap. II. §. V.* HADRIANVS RELANDVS in *palaestina, lib. I. cap. LVII. p. m. 382.* beatus WOLFIUS *loco citato*, HARENBERGIVS *loc. cit. pag. 19.* IOANNES CHRISTOPHORVS HARENBERGIVS *loc. cit. §. XIII. pag. 19.* et HERMANNVS VON DER HARDT tum in *programme*, anno MDCXCVIII. edito, (ad quod STOCKIUS *loco* statim *allegando* prouocat) tum in *exegefi difficiliorum quatuor euangelistarum locorum* manuscripta, vbi ad priorem nostrum locum ita commentatur: *Mel syluestre est succus ex arboribus quibusdam incisis manans, maxime ex ficibus et palmis. Qui dulcis palmarum succus propter dulcedinem dicitur mel, et quidem*

*dem sylvestre, quod in sylvis ex palmis incis-
sis colligeretur. Vnde propter copiam huius
succī dulcioris palmarum aut mellis sylvestris
terram Canaan melle fluxisse, hoc est, eo
melle abundasse refert Moses, ut esset condi-
mentum cibi vulgare, ruri quotidianum.*

Tribus autem argumentis explicationem
hanc refutavit laudatus STOCKIUS in do-
ctissimis suis *observationibus philologicis, cri-
ticis et exegeticis in nouum testamentum*, qui-
bus illud illustratum Ienae anno huius secu-
li XXXI. in forma octopartita maiori edi-
dit, pag. 27. seq. α) quia ob ingentem mel-
lis copiam terra Israelitica *terra melle fluens*
dicta fuerit; β) quoniam *duplex* Israelitis
fuerit *mel*, *domesticum* alterum, quod ex
apibus cultis, alterum autem *sylvestre*, quod
feris ex apibus fuerit, vel in nudo solo, vel
in cauis arborum, vel in fissuris rupium de-
positum, cuius generis illud 1. Sam. XIV. 27.
fuisse censet; γ) quia temerarium sit, citra
urgentem necessitatem literae a proprietate
recedere. Habet ergo STOCKIUS hocce
loco mel Ioannis pro tali, quod ex apibus
feris fuerit; praeter WITSIVM, STOL-
BERGIVM et BOCHARTVM etiam vene-
randum CHRISTOPHORVM MATTHAE-
VM PFAFFIVM citans in *notis exegeticis in
euangelium Matthaei*, quem vero dum euol-
uo, pag. 75. sola WITSII verba adducta esse
deprehendo. STOCKIVM interim suam in
priori

priori loco, nimirum in . . . *ue linguae sanctae noui testamenti*, exhibitam sententiam mutasse, apparet, vtrumque locum si secum inuicem conferamus.

Interim num mel hocce, a Ioanne baptista comestum, amarissimum gustuque prorsus ingratum fuerit? alia quaestio est. Primus opinionem istam suam fecit ISIDORVS Pelusiota in *epistolis suis*, lib. I. *epist. CXXXII.* quam amplexi deinde sunt tum EUTHYMIUS ZIGABENVS in *commentario in quatuor euangelistas*, ad h. l. tum ex pontificiae ecclesiae addictis plurimi, imprimis ALPHONSVS SALMERO, THOMAS STAPLETONVS et CORNELIVS ALAPIDE. Pontificii namque cum Ioannem primum eremitam ac vitae monasticae auctorem fingant, mel, quo vsus est, amarum fuisse volunt, quoniam pro peccatis suis satis fecisse eum hoc ipso contendunt, quod fieri ab illo non potuisset, dulce vel commune delicatius mel si ad victum adhibuisset. Somnia ista satis sunt explosa a viris doctissimis, quos WOLFIVS *loc. cit. pag. 49.* allegauit. Prolixè etiam ea de re disserit DANIEL HEINSIVS in *exercitationibus sacris*, ad priorem nostrum locum, obscure vero mentem suam exponit, et ad pontificiorum commemoratum assertum accedere ferme videtur, statuens, mel istud ideo

(Winckleri Hypomn.)

• S

fylue-

syluestre dici, quod ex herbis insuauius collectum fuerit. Vane omnino. Quales enim herbae seu flores, ex quibus mel colligunt apes, tales et mel ipsum.

Et omni sane fundamento ista destituitur hariolatio, nec scripturae sacrae minus repugnat, quippe quae Iudaeam non ab illo solum melle, quod ab urbanis apibus congregabatur, verum ab illo quoque, quod in agris ac syluis passim reperiebatur, tantopere commendat. Nec ab ullo, siue sacer ille sit, siue profanus, scriptore reprehendimus, commemoratum amarum aliquod in Iudaea unquam repertum mellis genus. In finitimas potius oras transuehi mel Iudaicum solitum fuisse, constat. Non, nisi suaue amoenumque, erat mel Simsonis, Iudic. XIV. 8. 9. atque Ionathanis. 1. Samuel. XIV. 29. Commendatur etiam mel petrae, quod nihil aliud erat, quam mel syluestre, in petras ab apibus sylvestribus congestum, tum a Mose, Deuter. XXXII. 13. tum a Dauide. Psalm. LXXXI. 17.

Largitur SPANHEMIVS *loc. cit.* §. VI. pag. 638. amarum dici mel posse effectiue, medicorum quoniam testimonio constet, dulcia omnia (inde mel pariter) in bilem cito conuerti, sanguinemque efficere amarum ac bilosum. Vid. SVIDAS in *lexi-*

lexico, voc. μέλι. Formaliter, autem amarum dici mel posse, hoc est, in se ac gustu suo amarum, negat SPANHEMIVS. Dum vero negat hoc, habet contradicentem sibi experientiam. Reperitur nimirum in Sardinia mel formaliter ac gustu suo amarum, teste PEDACIO DIOSCORIDE *de materia medica, lib. II.* et CLAVDIO GALENO *de simplicium facultatibus, lib. VII.* Dari etiam in insula Corsica amarum mel, DIODORVS Siculus perhibet in *bibliotheca sua historica, lib. V.* Quare in causas, mel cur amarum sit, inquisuerunt veteres. Et Sardiniae quidem mel inde amarum esse putavit DIOSCORIDES, absynthium quoniam petant in Sardinia apes; vti Corsici mellis amaritudinem ab arbore Buxo DIODORVS Siculus *loc. cit.* deriuat, a pastu cicutae OVIDIVS *lib. I. amorum, eleg. XII.* ab arboribus taxeis VIRGILIUS *ecloga V.* et a Thymis MARTIALIS *lib. XI. epigram. XIII.* Dari etiam venenata mella, testantur PLINIVS, ARISTOTELES, ATHENAEVS atque DIOSCORIDES. Vid. SAMVEL BOCHARTVS in *hierozoico, part. II.* Quando autem PLINIVS *loc. cit. cap. XVI.* mel in autumnno collectum siue autumnale pessimum esse affirmat, ericae quoniam tunc florent, ex quibus dum sugant succum apes, mel inde ericaeum detur; de Italia, PLINIVS quam incolebat, hoc tantum in-

telligendum est, cum in oriente et autumnale mel gratum amoenumque sit.

Illis, qui cum manna, singulari miraculo Israelitis a Deo in deserto concessio, vnum idemque fuisse mel, Ioannes baptista quo usus fuit, volunt, (nominat tres saltem, SVIDAM, SALMASIVM et IOBVM LVDOLFVM beatus WOLFIVS *loc. cit. pag. 52.*) addi etiam potest CHRISTIANVS DRUTHMARVS, Corbeiensis olim noni seculi monachus, in *commentario ad Matth. III. 3.* Sententiam autem hanc digne refutasse BOCHARTVM, simul monet WOLFIVS, ipse eandem improbens.

LXXXI.

IEREM. XX. I.

Plerisque interpretibus, e. g. VATABLO, MALDONATO, FRANCISCO IVNIO, IO'ANNI PISCATORI, SEBASTIANO SCHMIDIO, aliisque, videtur hic Paschur, פֶּסְחִיר נָגִיד, *praefectus princeps*, id est, *primarius*, dictus, proximus dignitate fuisse a sacerdote magno, qui ideo Ieremiam prophetam percusserit, quin et in carcerem eundem coniiciendi ac exinde rursus educendi potestatem habuerit. Sane sacerdotem fuisse, vti et pater eius fuit, patet.

Num

Num vero rebus sacris extra ordinem praefectus fuerit, an sacerdotibus illorumque XXIV. familiis; prouti R. KIMCHI autumat, incertum est. Optime videtur asseri, quod Leuitis praefuerit ianitoribus, quorum I. Paralipom. XXII. 4. XXVI. 1. sequq. mentio fit, ut ipsius cura circa templum huiusque custodiam fuerit versata, quemadmodum ceterorum sacerdotum opera in peragendis sacrificiis consistebat. Confirmatur haec sententia ex Actor. IV. 1. V. 24. ubi στρατηγος του ιερου proxime post sacerdotem summum commemoratur. Conf. IOANNES CLERICVS in *notis ad versionem noui testamenti Gallicam*, ad Luc. XXII. 52. inprimis ANTONIVS DYNAEVS *lib. I. de morte Christi*, cap. IV. §. III. sequ. pag. 339. qui locum hunc nostrum ex Ierem. XXIX. 26. 27. illustrat, ubi praefecti templi commemorantur, quorum hic Paschur princeps fuit. Quicquid eius rei sit, primaria eius fuit inter sacerdotes dignitas, quae forte templo aedificato demum exorta posteaque conseruata fuit. Addatur CLERICO et DYNAEO supra allegatis, qui tum eorum, tum HAMMONDI vestigia circa hanc rem sequitur, venerandus SALOMON DEYLINGIVS in *observationibus sacris*, part. III. obseruat. XXXII. §. IV. p. m. 304. sequ.

LXXXII.

I. PETR. II. 2.

Dum hic το λογικον γαλα commemorat diuus apostolus, obseruandum est, a voce λογος quidem descendere το λογικον, non vero quatenus *rationem*, sed, quatenus *sermonem* illa denotat, adeoque λογικον hic non *rationale*, sed *sermocinale* significare. *Rectissime illi agere videntur*, (verba sunt beati IOANNIS CHRISTOPHORI WOLFII in *curis* suis, vol. IV. pag. 106.) *qui phrasin per lac sermonis seu verbi cum BEZA et ERASMO SCHMIDIO conuertunt, quemadmodum THOMAS HAYNE in praefatione ad dissertationem de cognatione linguarum pag. 13. analectorum CRENIL lac verbi, in sacris scripturis contenti, interpretatur.* Eundem in modum scribit etiam beatus CHRISTIANVS STOCKIUS in *clauae linguae sanctae noui testamenti*, p. m. 625. Το λογικον γαλα, id est, γαλα του λογου; *lac verbi diuini, ut distinguatur a lacte materiali, quod non est animi, sed corporis.* Ad datur PETRVS SIGISMVNDVS PAPENIUS, qui in *lexico onomato-phrasæologico in codicem sacrum noui testamenti*, pag. 568. sensum apostoli pari ratione eruit: *Dicitur γαλα λογικον, non a λογω nostro interno siue ratione nostra, uti LUTHERVS vertit:*
ver-

vernünftige Milch, *sed a materia, ex qua lac illud consistit, ex λογω περφορικω Dei, cutus mentio erat facta cap. I. 23. ut rectius possit, quin imo debeat verti: Wörtlich, eine Milch, die Gottes Wort in sich fasset. Hinc in Anglicana versione lac illud λογικον accuratius exponitur de lacte of the Word, id est, verbi diuini. Eiusmodi lac est spirituale, uti Syrus το λογικον hoc loco παραφραζει. Conferantur et ABRAHAMVS CALOVIVS atque IOANNES GERHARDVS locis a SALOMONE DEYLINGIO citatis in observationibus sacris, part. III. obseru. XLI. §. VIII. sub finem, p. m. 405. nec non CLEMENS STRESO in meditationibus in epistolas Petri, pag. 53.*

Receptum autem illud, graecis scriptoribus est, ut pro substantiuo suo in genitiuo adhibendo ponatur adiectiuum. Sic namque DIODORVS Siculus lib. XIV. bibliothecae historicae, pag. 416. scribit: πολιτικαι παρθενοι, *virgines ciuiles, id est, virgines ciuium, Bürgers-Töchter.* HOMERVS diem reditus ab obsidione Troiana dicit *diem redituum* pro *die reditus*; uti et AESCHYLVS consilium Iouianum commemorat, id est *consilium Iouis*, item corpus Agamemnonis. PINDARVS animae Memmoniae mentionem facit, id est, *animae Memmonis*,

nec non *υιου Ξαναρκειου*, hoc est, *υιου Ξαναρκου*.

LXXXIII.

IESA. I. I.

Verba primi huius commatis titulum totius libri generalem, non specialem capitis primi *επιγραφην*, nobis exhibere, aperte satis constat, patetque id clarissime ipsa eius ex inspectione et analysi, ubi exhibetur *tum* libri argumentum, quod sit *יְרֵמְיָה*, *tum* auctoris nomen, *tum* auditorum, Iudae scilicet et Hierosolymae, *tum* tempus etiam, quo prophetias istas ediderit diivinus vates. Continet ergo omnes partes titulus hic; quae ad generalem titulum pertinent. Conf. Ierem. I. 1. 2. 3. Imo sole clarius apparet, quod ad solum primum prophetiae Iesaianae caput applicari titulus hic nequeat. Tempore namque certi alicuius ex nominatis regibus debuit in visione oblatum esse illud Iesiae, vel Vziae tempore, vel Iothami, vel Ahasi, vel Hiskiae, neutiquam omnium illorum regum tempore, ad quorum omnium temporum tamen *το יְרֵמְיָה* refertur. Conf. et Amos. I. 1. Mich. I. 1.

Con-

Contrarium statuunt ex iudaeis SALOMON IARCHI in *b. l.* et ISAACVS ABARBANEL in *praefatione in Iesaiam*, quos secutus est ARIAS MONTANVS in *comment. ad b. l.* Probare hic nititur sententiam suam α) ex eo, quod idem fere titulus cap. II. 1. repetatur; superuacaneum vero hoc iudicandum esse censet, si pro generali habenda foret ista *ענין*. Sed vana haecce est obiectio; quasi quidem particula tituli generalis repeti non posset in inscriptione particulari. Et facile se prodit huius et illius tituli discrepantia. Hic nimirum est *הורר*, ille *הורר*. Hic tempus additur, ibi nullum. Vnde vnicum hoc sufficere posset ad refutandam istam obiectionem. Verum nec. maioris pretii sunt, quando vrgetur, β) obseruari a Iesaja vate morem hunc, vt priuatis et particularibus prophetiis peculiarem propriamque inscriptionem praeponat, addito nomine gentis, ad quam illa spectat. Resp. enim, quod inde potius inferamus, generalem hunc esse titulum, reliqui quoniam particulares sunt, ita, vt, quid in hoc generatim continetur, explicitè magis in illis ostendatur et exhibeatur. Obuertunt porro quidem dissentientes, γ) pluralem adhiberi debuisse, pro generali si habendus iste titulus esset, quoniam plures exhibeantur in toto prophetiarum Iesariae volumine visiones. Sed et hic resp.

frequentissimum Hebraeis esse, singularem pro plurali adhiberi. Quare, quando ד argumentatur *MONFANVS*, רו חזון omnes non complecti prophetiae formas, sed certum tantum eiu dem genus quoddam significare, facile refutatur ex eo, quod ipse *p. 22.* concedat, *Isaiam* hoc potissimum prophetiarum genere quasi familiari vsum fuisse. Mirum namque vel ideo non est, omnes ipsius prophetias a communissimo genere denominari. Praeterea nihil, quo minus *Synecdochen* speciei pro genere hic statuamus, obstat. Et licet contra rationem ex temporis designatione petitam excipiat, (1) quod prophetiam huius capituli quater, sub singulis regibus semel, viderit diuinus vates, (2) quod verba $\text{אשר חזה על יהודה וירושלם}$ non exponenda sint: *quam* (scilicet prophetiam) *vidit* etc. sed: *qui vidit, vaticinatus est*; comparata tamen haec pariter argumenta ita sunt, vt ad illa facillime responderi queat. Ad *primum* nimirum quod attinet, ineptum id est commentum, ex praeconcepta saltem opinione ortum et simili exemplo carens. Quoad *secundum* vero, accentuatio repugnat eiusmodi interpretationi. Adeoque necessario inferitur, non specialem, sed generalem esse titulum hunc, primo commate comprehensum. Vid. *AUGVSTVS VARENIUS in commentario ad h. l. pag. 1. sequ. et GEOR-*
GIVS

GIVS CHRISTOPHORVS DACHSELIVS in *bibliis hebraicis accentuatis, part. II. pag. 3. seq.* Quo ipso mirum magis mihi videtur, somnia talia IARCHII, ABARBANELIS et ARIAE, MONTANI probare sese potuisse doctissimo CAMPEGIO VITRINGAE in *commentario in Iesaiam, tom. I. pag. 25. sequ.* eundem cum illis errorem erranti.

Ibidem vero et in eo grauissime errat VITRINGA, quod non a Iesaiâ vate, sed a Sacerdotibus et Levitis, quorum curae vaticinia eiusmodi committi solebant, praefixam fuisse prophetiae huic pariter, ac reliquos ceterarum prophetiarum titulos, inscriptionem istam autumet. Conferantur notae ad hunc locum nostrum obuiâe in *versione Gallica*, quarum auctor hausisse illam hypothesein videtur EX IOANNIS CALVINI *praefatione ad Iesaiam, et comment. ad Iesâ. VIII. 2. et Ierem. LI. 64.* Idem tradidit etiam HVGGO GROTIUS in *annotationibus suis ad Amos I. 1.* recte idcirco refutatus a beato ABRAHAMO CALOVIO in *bibliis illustratis, ad I. c.* Nimis enim periculosam esse istam hypothesein, quis non videt? Accedit, niti eam alia, aequae incerta, hypothesi. Affirmant scilicet, hoc qui volunt, prophetas visiones suas, postquam cum populo illas communicassent, scripto consignatas tradidisse sacerdotibus et Levitis

tis vel Senatui magno obseruandas. At nullo ex scripturae sacrae loco probari hoc assertum potest. Imo, sacerdotes potius aduersarios plerumque prophetarum existisse, nouimus. Ipsa demum tituli huius, qui capiti primo legitur praefixus, conuenientia cum isto, qui secundo capite exstat, satis superque probat, eundem esse utriusque auctorem, nisi hunc quoque capitis secundi titulum ab aliis praefixum esse dicere velimus; qualis affirmandi talia licentia audacissima foret, imo impia, cum circa varias alias hypotheses valere tale quid eodem ferme iure posset. Conf. summe venerandi IOANNIS GOTTLOB CARPZOVII *introductio ad libros canonicos vet. test. part. III. pag. 100.*

LXXXIV.

2. PETR. I. 14.

Ad vaticinium sanctissimi Seruatoris, Ioann. XXI. 18. obuium, quasi ad istud alludat hic diuus Petrus apostolus, non inepte respicere THOMAM SMITHVM in *commentario in hanc epistolam*, (qui in ipsius *miscellaneis*, Londini anno MDCXC. editis, legitur) *pag. 208.* monuit beatus IOANNES CHRISTOPHORVS WOLFIVS in *curis philologicis et criticis*, vol. IV. p. 189.

In

In alia abire video beatum decessorem meum IACOBVM FRIDERICVM REIMMAN-
 NVM, qui concionem in funere Iuriscon-
 sulti Hildesienfis PETRI ERNESTI DOR-
 RIEN super verba haec Petri anno
 MDCCXXXVI. habuit, sub titulo: *Petri
 Schwanengefang* eodem anno in folio, quod
 aiunt, typis exscriptam. Dum enim p. 31.
seqq. in eo est, vt, vnde Petrus id, quod de
 morte sua mox instante commemorat rescie-
 uerit, indicet, triplici vice de morte Petri
 praedixisse ipsi Seruatorem docet, *primum*
 Ioann. XIII. 36. *deinde* Ioann. XXI. 19.
 quem vero locum huc non pertinere cen-
 set. Ita namque pag. 35. *seq.* pergit: *Vnd
 das meinen einige, sey die Oeffnung, von
 welcher Petrus rede, wenn er saget: Ich
 weiß, daß ich meine Hütten bald ablegen
 muß, wie mir denn auch unser Herr Je-
 sus Christus eröffnet hat. Allein da eröff-
 net er dem Petro nicht mehr, als daß sei-
 ne Hütte auf eine gewaltsame Weise wür-
 de zerbrochen werden, nicht aber, daß
 sie bald würde zerbrochen werden.* Hinc
 alia, nimirum *tertia*, vice de morte Petri
 ipsi hoc, quod mox passurus illam sit, Ser-
 uatorem reuelasse vult his verbis: *Vnd so
 muß das zu einer andern Zeit geschehen
 seyn, daß ihm der liebste Heyland dieses of-
 fenbahret hat, nicht aber zu der Zeit, da
 er an dem gedachten Ort mit ihm gespro-
 chen*

chen hat; nemlich kurz vorher, ehe er diese seine andere Epistel geschrieben, welches etwa in dem 69. Jahr nach der Geburt Christi, und also 36. Jahr nach der Vnterredung mit Christo an dem Meer Tiberias und der daselbst geschehenen Weissagung Christi von seinem Tode geschehen ist. Denn da lag er zu Rom unter der Regierung des Kayfers Neronis im Gefängniß. Vnd da that ihm sein Heyland entweder selbst, oder durch einen Engel, die Oeffnung, er sollte seine Hütten bald ablegen, und seines Kerkers bald quit werden, und aus denen Ketten und Banden in die ewige Freyheit versetzt werden.

Videtur sane rem non male diiudicasse REIMMANNVS, quāvis enim coniecturae solum locum det, extraordinariam eiusmodi reuelationem statuens, similem tamen aliis sanctis Dei viris obtigisse singulari Dei beneficio nouimus, e. g. Aaroni, Num. XX 26. Mosi, Deutr. XXXII. 50. XXXIV. 4. Eliae, 2. Reg. II. 3. Simeoni Luc. II. 26. et Paulo. 2. Timoth. IV. 6. Ex quo, circa instans mortis tempus Petro pariter talia reuelasse Dominum, non inepte concludi posse, verba eius, quae praesenti commate leguntur, eo magis videntur comprobare.

LXXXV.

LXXXV.

HOSE. VI. 2.

Commemoratur hic fundamentum omnium bonorum spiritualium, quae a Christo in vera fide expectabant illius temporis fideles, ipsius scilicet passionem (illa namque resurrectionem antecessit) et resurrectionem. De hac vero Seruatoris resurrectione literaliter hic agi, patet α) ex discreta temporis denominatione atque repetitione: *post biduum, die tertio*, neutiquam quae negligenda est, cum alius occurrat nullus in vniuersa scriptura sacra dies tertius, quo viuificauerit nos Christus, quam dies resurrectionis eius; β) ex eo, quod 1. Corinth. XV. 4. surrexisset die tertio secundum scripturam Christus dicitur, nec praeter hunc nostrum locum in sacris veteris foederis tabulis occurrat aliquis, quo expresse dies tertius resurrectioni Seruatoris assignetur. Recte inde circa haec Hoseae verba illustranda dictum istud Paulinum allegat THEOPHILVS AMELIVS, (siue, quale verum eius nomen, PETRVS ZORNIUS) *in der Erörterung der dunckelsten und schwersten Schriftstellen im alten Testament, part. II. pag. 538.*

Ridemus merito somnia Iudaeorum, sensum alium pro more suo loco huic tribuentium, ex quibus ABEN ESRA inprimis pro linguae hebraeae idiotismo habet dictionem prophetae, quasi id, quod de biduo et tertio die dicatur, castigationis breuitatem saltem indicet. Qua in re miror huic Iudaeorum explicationi accessisse beatum POLYCARPVM LYSERVM in *commentario in minores prophetas*, pag. 110. et IOANNEM HENNINGES in *dissertationibus exegeticis in selecta scripturae oracula*, part. I. p. 221. seqq. Videantur, quae ad assertum illud vanum refutandum praeter alios bene monuit DANIEL GODOFREDVS WERNERVS in meditatione *de Christo e mortuis tertio die resuscitato*, quae in ipsius meditationibus sacris pag. 65. seqq. legitur, pagina inprimis 76. seqq. Ex patribus primitivae ecclesiae HIERONYMVM, AVGVSTINVM, LACTANTIUM, CYPRIANVM, ORIGENEM, TERTVLLIANVM, CYRILLVM Alexandrinum, THEODORETVM et THEOPHYLACTVM, Iudaeis contradicentes allegat ZORNIVS loco citato. Calvinianos, parum a Iudaeis circa huius loci interpretationem abeuntes, refutavit beatus IOANNES TARNOVIVS in *commentario in Hoseam* pagin. 182. seqq.

Consentit, quod ad caput rei attinet, cum recte sentientibus pro more suo cordatus quondam academiae Argentinenſis theologus SEBASTIANVS SCHMIDIVS, in *commentario in Hoſeam*, pag. 262. literaliter nimirum intelligendum eſſe diem reſurrectionis Chriſti. Sed priora verba ירִיבֵנו ad piorum viuificationem refert, ita tamen, vt Chriſti viuificationem, tanquam meritorium noſtrae fundamentum, includant, hunc in modum: *viuificabit nos* (ſcilicet e morte noſtra) *poſt biduum*, (ſcilicet ſuum ſeu mortis ſuae,) *eriget nos* e morte noſtra *die tertio* ſuo ſiue mortis ſuae, quo meritum noſtrae viuificationis et erectionis reſurrectione ſua compleuit. Ideo vero ita exponit haec verba SCHMIDIVS, quia alias, ſi Chriſti intelligenda hic eſſet viuificatio, idem quoque dicendus eſſet, quod ſanatus et obligatus ſit.

Verum enimvero magis mihi videtur vero eſſe ſimile, per voces ירִיבֵנו et יקצנו, licet ſuffixum ad pios et poenitentes referendum ſit, adeoque omnino errent, qui de ſe ipſo loqui hic Chriſtum volunt, docente TARNOVIO *loco citato*, ipſam tamen Chriſti viuificationem eſſe tantum intelligendam. Immediate namque verba haec cohaerent cum die reſurrectionis Seruatoris expreſſo, et ſuppleri particula *ſuum* non niſi
(Winckleri Hypomn.) T coacte

coacte videtur. Describitur autem viuificatio Seruatoris tanquam nostra, quoniam ipse, tanquam caput nostrum, adeoque nostrum in commodum, se viuificauit et e mortuis erexit, Ioann. XIV. 19. ipsius praeterea vita atque resurrectio est et recte dicitur nostra, *tum* quia illius resurrectio fundamentum nostrae resurrectionis spiritualis aequae ac corporalis est, *tum* quia vera Christi fide resurrectionem nobis applicamus nobisque eam propriam reddimus, ita, vt coram Deo, ac si cum Christo resurrexissemus, habeamur.

Inde tamen nondum sequitur, quod praecedentia etiam praedicata, commate primo obuia, ad Christum applicanda sint. Neutiquam enim ibi talis circumstantia: qualis nostro in commate, additur. Et licet cum LVTHERO diuo dictum hoc de resurrectione Seruatoris simpliciter agere censeam, nullo tamen modo excludo fidelium circa illam participationem, quippe quae per Suffixum adiectum *u* vtique indicatur. Quo suffixo docere propheta voluit, fructum resurrectionis Christi ad poenitentes et fideles pertinere, vnde nos sanationem gratiamque diuinam sperare certissime queamus. Ephes. II. 6.

Ceterum si SCHMIDII sententia magis alicui placet, tunc comma nostram secundum continuationem seu potius explicationem illorum beneficiorum, quae commate primo indigitata erant, continebit.

LXXXVI.

MATTH. X. 14. MARC. VI. II.
LVC. X. II.

Quam praecipit hic discipulis Seruator, pulueris excussionem pro signo ignominiae et declarandae irae diuinae habet. HERMANNVS VON DER HARDT in *exegesi difficiliorum locorum quatuor euangelistarum* manuscripta ad h. l. ita scribens: *Impoenitentes et praefractos, qui discipulos in itinere et munere euangelico occupatos recipere vel audire nollent, non dimittere iubet (Saluator) sine declaratione poenae Deo dandae. Ex domo et vrbe egrediantur et vestimentorum puluerem excutiant. Quod et ab apostolis factum esse, patet ex Actor. XIII. 52. XVIII. 6. Petitum autem hoc symbolum declarandae irae et poenae videtur ex ritu apud Iudaeos vstituto in denegato matrimonio, officio et vinculo inter fratrem et fratris defuncti uxorem. Cum enim frater fratrem ducere nollet, iniunxerat Moses denegati officii*

et amoris iniuriam ignominioſo ruit vindicare. Debebat enim femina exuere calceum viro malo et ingrato, amoris experti, et coram calceo in terram exſpuere, additis minis: Sic tractetur et aestimetur is, qui fratri defuncto officium et amorem in relicta vidua denegat. Quae magna viri ignominia cum minis vindictae diuinae coniuncta. Ad exemplum huius ritus iuisse videtur Christus excutere vestes et calceos in ignominiam urbis et domus, quae fidem et amorem ipsis denegasset, additis minis et vindictae diuinae significatione: Sanguis vester super vos, quod est: Digna vos manebit poena.

Eandem etiam sententiam esse video IO-
ANNIS CHRISTIANI LOERSII, cuius singularis nec indocta exstat hac de re observatio in *Miscellaneis Groninganis*, tom. I. fascic. III. pag. 358. seqq. Tria vero commemorat, et α) pulueris abstersione publica Iudaeorum statum et conditionem indicatum fuisse putat, ut impuri illi hoc ipso ita declarati fuerint, et quibus propter summum, quem contraxerant, reatum, propter foedissimas, quibus se contaminauerant, sordes, omnibus sanctis sine mora recedendum ab illis esset, ne peccatorum et plagarum illorum participes redderentur; β) vehementiorem pulueris excussione ipsam Dei iram et grauissimas, quibus rebel-

belles vlcisfi decreuerat, poenas significasse autumat; γ) animum apostolorum pulueris excussione, praesertim quae vestimentorum quassatione fiebat, denudatum fuisse coniicit. Circa prius momentum similia monet venerandus academiae Tubingensis theologus CHRISTOPHORVS MATTHAEVS PFAFFVS, qui in *notis suis exegeticis in euangelium Matthaei*, pag. 115. scribit: *Ita scilicet credebant veteres Iudaei, puluerem terrae ethnicae vel sepulchri ex contactu inquinare, vnde necessum illis erat, puluerem hunc pedibus excutere. Idem mandat hic discipulis Christus, vt ex eo cognoscatur, illos urbem istam, vtcunque Israeliticam, quae euangelium respuerit, pro ethnica, profana, impura reputare atque abominari. Conf. et EDVARDI LEIGHII annotationes philologicae et theologiae in vniuersum nouum testamentum, .pag. 55. editionis Lipsiensis latinae, vbi simul CHRYSOSTOMI, HIERONYMI, THEOPHYLACTI et AVGVSTINI ex mente Seruator hoc discipulis mandasse dicitur, quo testatum illi facerent, nihil negotii sibi esse cum istis, ita, vt ne quidem portent puluerem eorum, qui contemnerent euangelium. Hanc AVGVSTINI ceterorumque, quos commemoravi, explicationem magis sese probare mihi fateor, quam quae eiusdem AVGVSTINI quaeest. VII. in Matthaeum deprehenditur, vbi significari censet isto*

ritu innocentiam apostolorum, ne puluisculum quidem ab impiis auferentium.

LXXXVII.

IESA. IX. 6. 7.

Verba haec de Salomone rege Iudaeos exponere, ait AMBROSIVS, ipsis hunc in modum *lib. III. comment. in Luc. III. tom. V. operum, pag. 36. sequ.* respondens: *Ex hoc iuxta Aquilae quoque interpretationem, non quasi de homine, sed de eo, qui ultra hominem esset, vidimus extitisse promissum. Idem enim interpretatus est: Puer natus est nobis, filius datus est nobis, et facta est mensura in humero eius, et vocabitur nomen eius: admirabilis consiliarius, Deus fortis potens, pater futuri seculi, princeps pacis. Eius impleta est disciplina, et pacis eius non est finis supra sedem David et supra regnum eius. Omnia convenire de Christo, evidentibus signatur oraculis, nec posse divinae fructum potentiae ad Salomonis generationem deriuari, qui David filius fuit, cuius finis haud dubie cognoscitur. Finis enim fuit regni Salomonis et pacis, ut regnorum lectionibus demonstratur. Unus est Christus, cuius regnum non habet finem. Deinde non multis Salomo gentibus imperavit, Christus vero ecclesiam de nationibus congregavit uniuersis.*

Po-

Postremo viuente Dauid et natus Salomon est, et regnum est conseruatum. Hic autem qui promittitur, post mortem Dauid surrecturus esse monstratur.

At vero ex illorum quidem Rabbiorum commentariis, ad nos qui peruenerunt, neutiquam, de Salomone vllum eorum hoc Iesaiæ dictum explicare, patet; quin potius de Hiskia rege eiusdemque contra Assyrios obtenta victoria DAVID KIMCHI, SALOMON IARCHI, ABARBANEL et Iudaei plerique, exceptis quibusdam veteribus, acceperunt illud. Vid. praeter varios alios, qui omnium fere commentatorum instar. est, CAMPEGIVS VITRINGA *tomo I. commentarii in Iesaiam, pag. 245. seqq.* argumenta Iudaeorum et adducens et solide refutans. Solam ego iam commemorabo IONATHANIS auctoritatem, in *Targum* suo * disertis verbis de Messia locum huncce exponentis: *Puer natus est nobis, filius datus est nobis, et suscipiet legem super se, ut custodiat illam, et vocabitur nomen eius a praesentia mirificantis consilium, Deo fortissimo, qui manet in secula, Meschiab, cuius pax multiplicabitur super nos in diebus eius.* Necessario vero hanc

T 4

para-

* Siue illo, ipsi qui tribuitur. Vid. IO. CHRISTOPHORI WOLFII *bibliotheca hebraea, volum. II. pag. 1159. seqq.*

paraphrasin admittere iudaei debent, tanti quoniam eandem faciunt, ut pro infallibili istam habeant et a Deo ipso reuelatam esse fabulentur: Sic enim in Talmudico tractatu *Megillah* cap. I. pag. 3. col. 1. legitur: *Targum legis Onkelos profelytus composuit. Targum prophetarum Ionathan, Vzielis filius, fecit. Et commota fuit terra Israelis ad quadraginta usque milliaria. Tunc egressa est vox coelestis, et dixit: Quis est ille, qui reuelauit secreta mea filiis hominum? Continuo Jonathan, Vzielis filius, in pedes exsurgens, persecutus est: Ego sum ille, qui reuelauit secreta tua hominibus. Manifestum notumque est coram te, quod non honoris mei studio id fecerim, neque propter honorem patrum meorum; sed propter tuum honorem feci illud, ne in posterum dissentirent amplius Israelitae. Vid. IOANNES DRUSIVS in quaesitis per epistolas, epist. LXXVIII. et IOANNES BUXTORFIUS de abbreviaturis hebraicis, pagin. 104. seqq.*

De Socinianis, quin tria verba addam, impetrare a me nequeo, qui quam nefando ausu diuinitatem sanctissimi nostri Seruatoris impugnent, neminem fugit. Dictum hoc Iesaeae inde eos pariter, ac alia multa scripturae sacrae effata, detorquere, facili coniectura assequi licet; quae tamen eorum ignea tela, ut alios iam non nominem, solide

lide nuper confregit reuerendus GEORGIVS LVDOVICVS OEDERVS in doctis suis animaduersionibus *catechesi* eorum *Racouienſi*, denuo Francofurti et Lipſiae anno MDCCXXXIX. in forma octopartita editae, ſubiectis, pag. 328. ſeqq. Notandum hinc eo magis, quod in Polonica bibliorum verſione, quae Zaſſauiae Lithuanorum anno aeris chriſtianae MDLXXII. prodiit, vocetur diſertis verbis *Ociſce Wiecznoſci*, id eſt, *pater aeternitatis ſeruator*, prouti obſeruat NICOLAUS CICHOVIVS, Polonus, ſocietati Ieſu adſcriptus, in *lib. Credo Ariano- rum*, cap. IV.

LXXXVIII.

IOANN. XVII. 9.

Quam parum lucri ex hoc loco redundet in caluinianos, ſatis docuerunt eccleſiae noſtrae doctores, ex quibus duos nominafſe ſufficiat, IOANNEM CONRADVM DANHAVERVM in *hodomoria ſpiritus Caluini- niani*, part. II. *phantafm. VIII. §. LVIII. pag. 1646. ſequ.* et IOANNEM MELCHIO- REM LORENTZIVM in diſſertatione theo- logica *de interceſſione Chriſti pro mundo*, Argentoratenſi in academia MDCCXXXIII. publice ventilatam. Parum fide etiam megalandro noſtro LVTHERO interpretationem

nem horum Christi verborum Calvinizantem affinxisse IOANNEM MAVRITIVM MOMMERS, pro more suo, id est, solide demonstravit venerandus ecclesiae Hamburgensis theologus: IOANNES LVDOVICVS SCHLOSSER, in *Luthero suo Lutherano, Luthero reformato Io. Maurittii Mommers opposito, cap. XII. §. X. pag. 535. seqq.*

Quaeritur interim: quam ratione orasse hic dicendus sit Seruator, num tanquam sacerdos, an vero vt propheta? Et recte respondetur, tanquam sacerdotem hic orare Christum; cum ad officium ipsius sacerdotale vtique pertineat eiusdem intercessio. Verum cum obiici hic possit: quod intercessio Christi, vti et satisfactio, si pro parte officii sacerdotalis habenda esset, vniuersalis sit, adeoque ad ipsum mundum se extendat, vt omnes conuertantur impii, comm. 20. haec vero intercessio commatis noni particularis sit, adeoque ad sacerdotale Seruatoris munus referri nequeat; obseruari probe meretur, α) generalem Christi intercessionem, quae ad vniuersum mundum adeoque impios etiam se extendit, non excludere specialem, de qua commate nostro nono agitur, β) distinguendum esse inter *orare Christi tunc*, eo tempore et in illa speciali intercessione, qua Christus non pro mundo, sed pro apostolis inprimis in fide con-

fer-

seruandis orabat, et inter *orare Christi simpliciter nunc* et alio tempore. Qui enim obiecti illius petiti, vel bonorum specialiorum, commate vndecimo sequentibusque designatorum, quae solis actu credentibus competunt, incredulus iste mundus, qualis est et manet, capax non est, merito ideo illa bona in speciali hac sua oratione mundo non precatus Christus est. Sane satis sic diiudicasse quaestionem hanc nomine Facultatis theologiae Rostochiensis, cum Decanus eius esset, anno superioris seculi nonagesimo sexto haud incelebrem istius academia theologum ANDREAM DANIELEM HABICHHORSTIVM memini.

LXXXIX.

IOEL. II. 23.

Obuia in hoc loco verba hebraea המורה לצדקה, quae *Vulgatus* vertit *doctorem iustitiae*, eundemque secutus diuus LUTHERVS noster *Lehrer zur Gerechtigkeit*, non eodem modo ab omnibus accipi constat. Septuaginta interpretes reddiderunt βρωματα eis δικαιοσυνην, *alimenta ad iustitiam*, quam expositionem graecis ex patribus THEODORETUS in *commentar. ad h. l.* amplexus est, verba prophetae in hunc modum edisserens: *Filii Sion gaudete atque laetamini*

*tamini in Domino Deo vestro. Vobis enim
 usus necessarios suppeditabit et praebebit suo
 tempore imbrem matutinum et serotinum,
 sicut antea fruebamini. Tanta autem erit
 fructuum redundantia, ut areae angustiores
 futurae sint ad fruges recipiendas, et torcu-
 laria vino et oleo disfluant. Diuersis circa
 locum hunc explicandum sententiis ansam
 dedit vocis מורה, et doctoris, Iesa. IX. 15.
 Iobi XXXVI. 22. et pluuiæ Ps. LXXXIV. 7.
 notionem obtinentis, ambigua significatio.
 HIERONYMVS in commentario suo utram-
 que interpretationem affert, ita, ut neu-
 tram reiiciat, sed utramque retineat, et se-
 cundum literam *alimenta ad iustitiam*, se-
 cundum intelligentiam spirituales *doctorem
 iustitiæ* intelligat. Vos quoque, scribens,
 quos iuste post poenitentiam voco *filios Sion et
 ecclesiæ*, lætamini atque gaudete, quia de-
 dit vobis Deus pater *doctorem iustitiæ*, siue
 tribuit vobis *alimenta iustitiæ*, et descendere
 fecit ad vos *pluuias temporaneas atque seroti-
 nas*. *Pluuia tempestiua est*, quando primum
doctrinam suscipimus, *pluuia serotina*, quan-
 do laboris nostri fructum recipimus et ad per-
 fectam sanctarum scripturarum scientiam
 peruenimus. Plerique vero interpretum siue
 hanc, siue illam explicationem calculo suo
 approbarunt, recensiti a MATTHÆO PO-
 LO in *Synopsi criticorum*, vol. III. pag. 1718.
 et nouissime accuratius a reuerendo IACO-*

BO BRVCKERO in singulari ad locum hunc loelis *dissertatione epistolari*, in *Tempe Heluetica*, tom. II. *sect. III pag. 423. seqq.* obuia, illorum, vbi partibus accedit, qui *doctorem iustitiae* vertunt verba haecce, istamque explicationem docte confirmauit.

Interim, qui huic interpretationi fauent, in eo non consentiunt, quis per doctorem illum iustitiae intelligendus sit; nonnullis eorum prophetas et doctores indigitari putantibus, quos post calamitosa captiuitatis Babylonicae tempora Israeliticae ecclesiae concessit supremum Numen. Ita namque NICOLAUS DE LYRA *ad h. l. quia dedit vobis doctorem iustitiae, id est, doctores, accipiendo singularem pro plurali, et, ut dicit Ra. Sa. per hoc intelliguntur prophetae illius temporis, populum reuocantes ad bonum.* Neutiquam vero se probabunt haecce cogitata iis, qui accuratius prophetae verba considerant. Ad noui enim foederis tempora eum respicere, apertum nimis est. Quare rectius IOANNES PAPPVVS *ad h. l. Describit (propheta) ipsum noui testamenti pontificem et fundatorem, Dominum nostrum Iesum Christum, illumque illustri appellatione nominat doctorem iustitiae, et comparat cum pluuia matutina et serotina.* Principali enim et eminentissimo sensu conuenit nomen hoc *doctoris iustitiae* seruatori nostro, qui,

qui, licet inferiores alios doctores iustitiae ecclesiae suae constituerit, ipse tamen καὶ ἐξ ὧν hoc nomine utitur, saepiusque alias in sanctioribus veteris pariter ac noui foederis tabulis eodem venit. Conf. Ierem. XXXIII. 16. 1. Cor. I. 30.

Ego, si fatendum, quod res est, non inconcinne utramque significationem coniunxisse HIERONYMUM loco supra allegato iudico, sicque sequentia textus prophetici verba optime inter se cohaerere autumo, hunc in modum: *Filii Sionis exultate et laetamini in Domino Deo vestro, quia dedit vobis doctorem iustitiae et per eundem pluuiam iustitiae, pluuiam non tantum temporalis benedictionis, quando descendere faciet Dominus ad vos imbrem matutinum et serotinum etc.* vsque ad comm. 27. sed dabit vobis quoque per eundem illum doctorem iustitiae *pluuiam* spiritualis benedictionis, illam nempe, quae deinde Cap. III. 1. ulterius describitur. Conf. BRUCKERVS loc. cit. pag. 427. et BERNHARDVS WAGNERVS in programme singulari, Argentorati anno MDCCXI. euulgato.

XC.

NUMER. XXXVI. 8.

Legem hanc diuinam, qua vni de familia paternae stirpis nubere iubebatur virgo Iudaica, imitati ferme gentiles sunt, quos inter Athenienses, DIODORO Siculo in BIBLIOTHECA HISTORICA lib. XII. p. 298. teste, simile quid suas iusserunt virgines nupturas. Scribit enim ibi scriptor allegatus: *Tertia etiam lex reformatata est περι των επικληρων a Solone lata. Iubebat enim, vt genere proximus puellam επικληρον iure in matrimonium flagitaret, et vicissim virgo επικληρος agnati nuptias posceret. Quae vero apud illos επικληρος dicta fuerit, IULIUS POLLUX docet in onomastico, lib. III. cap. III. §. III. cuius verba ex versione SEBERI latina ita fluunt: Filia vnica ad vniuersam haereditatem educata vocatur επικληρος, siue superstes sit pater, siue mortuus. Ex quo POLLVCIS loco etiam constat, ab ISAEO et SOLONE eiusmodi filiam appellari περικληρετιν, et a Spartanis πατερονχον, quemadmodum apud HERODOTVM lib. VI. historiarum, pag. 601. legitur ex versione latina: De virgine πατερονχω iudicare solorum regum est, cui elocanda sit, nisi pater iam illam desponderit. De lege hacce επικληρων loqui-*

loquitur etiam TERENTIUS in *Phormione*,
act. I. scen. II. vers. 25.

Lex est, ut orbae; qui sint genere pro-
ximi,
Iis nubant, et illos ducere eadem haec
lex iubet;

similiter in *Adelph.* act. IV. scen. V. vers. 17.

Hic meus amicus illi genere est pro-
ximus,
Huic leges cogunt nubere hanc.

Vtiam non adducam, quae DEMOSTHENES et ARISTOPHANES plus vna vice de ista lege scribunt. Quando autem ABARBANEL ex pandectis Talmudicis *Massechet תעני* cap. IV. pag. 141. asserit, legem hanc, de *זעניקה* a Deo Iudaeis datam, non alio tempore, quam illo, quo lata fuit, obtinuisse, nec in perpetuam obseruantiam, sed ad tempus duntaxat, antequam terram possiderent, promulgatam esse, ipse id haud incelebris eorum doctor DAVID KIMCHI in *commentario ad h. l.* ex Iudic. XI. 1. refutat. Conf. etiam Tob. VII. 14.

XCI.

MATTH. XIII. 52.

Quid per *noua ac vetera*, quae commemoratus hic legisperitus ex thesauro suo proferre a Seruatore dicitur, intelligendum sit, haud aequè clarum esse videtur, cum variae de eo sint interpretum sententiae recensitae in beati IOANNIS CHRISTOPHORI WOLFII *curis philologicis et criticis*, vol. I. pag. 233. *seqq.* Qui vetus et nouum testamentum, siue eius doctrinam, intelligunt, vti velle plerosque WOLFIVS monet, et nouissime demonstrare conatus est reuerendus academiae Göttingensis theologus MAGNVS CRYSIVS in dissertatione *de scriba edocto ad regnum coelorum*, Göttingae anno MDCCXXXV. habita, pag. 26. rem forte acu minus tetigerunt; licet ferire eos non credam, quod contra istam explicationem IACOBVS ALTINGIVS vrget in *oratione ad hoc comma*, tom. V. *operum*, pag. 305. a. Quando enim ibi vero haud similem eam ideo iudicauit, quoniam nihil tunc temporis, cum loqueretur verba haec Seruator, scriptum noui foederis fuerit, non valet sane ipsius argumentatio, cum Seruatoris vtique conciones, ab euangelistis dein literis consignatae, noui foederis doctrinam iam continuerint

(Winckleri Hypomn.) V popu-

populoque, quo coram habebantur, exhibuerint. Magis eidem, si quid iudico, repugnat, quod *nouo* a Seruatore hic postponatur *vetus*; quod, si vetus testamentum intelligendum eo esset, primo loco, tanquam prius, nominari debuisset. Doctissimi ELSNERI expositionem recte etiam reiecit desideratissimus WOLFIVS citato loco. Nec magis aridet beati GODOFREDI OLEARII sententia, qui ex collatione huius loci cum Rom. VII. 6. per vetera indicari putat literam et corticem legis, per noua vero sensum eius intrinsecum et spirituales. In allegato namque diui Pauli loco litera et sensus legis sibi inuicem non opponuntur, sed vis coarctiua legis et virtus euangelii spiritualis. Plane ergo huc non quadrat istud, inprimis cum de lege morali Paulus etiam agat, OLEARIVS autem rituales leges respici existimet. Praeterea, illa si fuisset sanctissimi Seruatoris mens, vetera pariter praeposuisset nouis, quod secus ab eo factum esse videmus.

Propius ergo Seruatoris sensum attigisse videtur beatus CHRISTIANVS STOCKIVS in *observationibus philologicis, criticis et exegeticis*, nouo testamento a se edito subiectis, pag. 154. breuibus ita illum explicans: *Per vetera et noua designatur lex et euangelium, quae pro conditione et statu au-*
dito-

ditorum proponenda sunt. Cum enim scriba, a Seruatore in medium productus, quemlibet designet verbi diuini in ecclesia noui testamenti ministrum, huius in eo munus consistere nouimus, vt ad exemplum ipsius Seruatoris legem atque euangelium rite proponat auditoribus, quo lege de peccatis miseroque suo statu conuincantur atque terreantur Impii, euangelii vero solatio erigantur pii ac credentes. 2. Tim. II. 24. Matth. XII. 19. 20.

Quaeritur autem circa hanc pariter interpretationem: Cur legi praeponatur euangelium? cum secundum salutis oeconomiam, a Deo constitutam, lex antecedere et officio suo defungi prius debeat, quam euangelium, addendum deinde, cordibus praeparatis quasi et ad anhelandam Seruatoris gratiam commotis. Conf. Matth. V. 3. 4. 5. 6. At huic quod obiectioni respondeam, in promptu est. Licet nimirum vetus, quod abominandum non est, (tale enim intelligendum esse, ex eo patet, quod ad thesaurum a scriba proferendum, pariter pertineat ac referatur) alias prae nouo videatur praerogatiua gaudere, ratio subesse debet, ob quam ordo inuertatur a Seruatore; inprimis cum alibi eundem ferme in modum scriptura loquatur, e. gr. Cantic. VII. 13. vbi sponsum ita alloqui sponsa

introducitur: *Dudaim aederant odorem, et iuxta ostia nostra sunt omnia aromata, noua et vetera; (at) amorem meum reposui tibi; siue, vti LUTHERVS diuus vertit: Die Lilien geben den Ruch, vnd vor vnserer Thür sind allerley edle Früchte. Mein Freund, ich habe dir beyde heurige vnd fernige * behalten.* Persuasum inde habeo, ad subiecta siue personas, quibuscum est agendum verbi diuini ministro, respexisse seruatorem. Hae vero sunt *vel* tirones seu infantes in cognitione rerum christianarum, *vel* adulescentiores, maiores qui in eadem profectus fecerunt; vtriusque docendae ita, prouti status captusque earum requirit. Iam novos fructus, imprimis vina noua, leuia magis esse, ideoque infirmioribus conuenire magis, constat; cum vetustiora maiorum virium sint, hincque eo fortius corroborent, adulescentioribus ideo prae illis commendanda. Per *noua* ergo, de quibus loquitur Seruator, eas doctrinas sine dubio intelligit, quae tironibus in Christo proponenda sunt, elementa nempe et primaria fidei capita. Conf. I. Corinth. III. 2. et quae ad hunc locum supra pluribus commentatus fui. *Vetera* contra eas doctrinas significare videntur, quae adulescentioribus eorumque captui respondent, eius-

* Id est, von vorigen Jahren, vti nota addita declarat beatus GYSTAV. GEORG. ZELTNERVS.

cuiusdem quidem cum prioribus generis, at respectu ad proponendi rationem habito ab iis diuersas, quibus ad perfectiorem rerum diuinarum cognitionem perducendi tales sunt, et contra dubia dissentientium firmandi. Eiusmodi doctrinarum ab ecclesiae ministro proponendarum differentiam Paulus praeter locum iam citatum etiam Hebr. V. 12. 13. 14. commemorat. Conf. Ezech. XXXIV. 26. Indeque apparet, cur *noua* praeposuerit *veteribus* Seruator; ideo nimirum, quoniam infirmiorum maior numerus est, et capita siue elementa doctrinae christianae saepius proponi repetique, imo primo loco vrgeri debent. De quibus rebus cum ad discipulos, ecclesiam plantaturos, verba Seruator faceret, mirum non est, eum primo loco commemorasse, quae primo circa erudiendos homines erant ab ipsis curanda, ipsius Christi ad exemplum. Conf. Ioann. XVI. 4.

XCII.

MATTH. XIII. 55.

Dum circa antecedentem locum, quae monuit in *curis* suis beatus WOLFIVS, relego, ea simul in oculos incurrunt, quae de vitae genere Iosephi determinando ex variorum sententia ibidem ille retulit *pagin.*

gin. 234. sequ. Vbi non possum non bene-
 uolo Lectori exhibere cogitata doctissimi
 Helmstädiensis academiae philologi, ali-
 quoties iam allegati, HERMANNI VON
 DER HARDT, circa hoc Iosephi vitae ge-
 nus alia sentientis, quam quae ex hoc
 Matthaei euangelistae loco haecenus con-
 cludere se posse crediderunt ceteri inter-
 pretes. Ita namque ille in *explicatione dif-*
ficiliorum quatuor euangelistarum locorum,
manuscriptam quam possideo, ad b. l. Fi-
lius artificis apud antiquos Iudaeos est instru-
ctus a viro prudente in rebus dubiis, quas pos-
sit soluere. Nos Politicum vel Consiliarium
 aut Senatorem diceremus. Vt non tam archi-
 tectus vel faber lignarius fuerit pater, quam
 vir rerum ciuiliū peritus, Iurisconsultus no-
 stro stilo. A quo patre non plebeio, sed re-
 rum ciuiliū conscio, nomen datum Iesu,
phrasi consuetā, quod diceretur filius artifi-
cis, non in re manuarīa, sed negotio ciuili
ac morali, filius Iurisconsulti, Iurisconsultus.
 Cum igitur Christus differeret, (ita pergit
 vir doctus applicare haecenus dicta ad nar-
 rationem euangelistae) *de rebus sacris tam*
diffuse, accurate et eleganter, mirati ciues
eius in patria theologicam hanc in eo scienti-
am, qui a patre politico, a Iurisconsulto esset
educatus. Vnde non mirantur in eo sapien-
 tiam absolute, sed hanc praecise, nempe theo-
 logicam, una cum stupendis spiritus operibus
 et

et gradibus ac miraculosis jactis, quae ab homine ciuilibus rebus dedito exspectari non possent.

Prodit se hic iterum ingenium viri alias celeberrimi luxurians et ad defendenda paradoxa ferme natum. Nec enim, quantum memini, in mentem hactenus id cuiquam venit. Nec umquam vocabulum *τεκτων* tali sensu apud scriptores graecos vsurpari, vel vnico exemplo docuit vir doctissimus. Eadem hoc circa argumentum loco citato ad *Matth. I. 18. seqq.* amplius demonstrare molitur hunc in modum: *Iosephi conditio et fortuna externa non expresse refertur. Interim a Iudaeis Nazarethanis Matth. XIII. 55. appellatur ο τεκτων. dum Christus dicitur ο του τεκτονος υιος. Est autem vox generalis, quae artificem notat, (bene! at non talem taliumque rerum politicarum callentem virum, qualem VON DER HARDT vult denotari) ut ex ea munus et vitae status distincte agnosci et determinari per se non possit. Neque ergo fabrum fuisse lignarium, etsi ex longa traditione communiter censeatur, exinde certo colligi aut probari potest. Quin potius, si antiquum Iudaeorum stilum attendamus, aliam vim vocis deprehendemus. *בן נגר* et *נגר*, artifex et filius artificis appellatur a Iudaeis vir prudens, ciuiliū rerum peritus, qui ex professo sacris non sit deditus, sed rerum ci-*

uiliū curam habeat; ut idem sit, ac חכם, sapiens, vir prudens, ein Weltmann, vir politicus, bono sensu. Sicuti aperte in Talmud lib. Auoda sacra, cap. IV. fol. 50. videre est, et RASCHI in glossa clare ita explicat. Conf. שבת, cap. I. fol. יא. c. 2. Qui in שצנה dictus לכלר, libellarius, scriba, in גצרא explicando vocatur נגר. Conf. BARTHENORA in b. l. et BVXTORFIVS in lexico talmudico, rad. נגר. Conf. formula, eruditorum titulus, חכם חרשים, de Iosippo, Abarb. Maj. Hajesch. f. כח. c. 2. m. Ut ex stilo Iudaeorum Ioseph fuerit vir prudens et politice peritus, qui non omni in populo caruit auctoritate, nec infimae sortis homo fuit, sed spectatus et honoratus inter Iudaeos, etsi non esset ex clero aut sacerdotio addictus, qui sacra ex professio tractasset. Vnde mirantur Nazarethani Iesum, qui in synagoga habeat conciones sacras, parente vsus homine politico, sacris non addicto. Sicuti etiam alibi Marc. VI. 3. a Iudaeis ipse Christus dicitur τεκτων eodem sensu, quod a parente in ciuilibus rebus gerendis ac gubernandis occupato instructus Iesus et similis factus visus esset ac rerum ciuiliū cultor. Vnde haerent dubii, qui fiat, quod is sacra iam tractet ciuilibus relictis, et illa tam egregie et tanta cum virtute conficere possit, ut ex Politico sit factus Theologus. Eaque conditio Iosephi optime congruit cum actionibus

bus eius in scriptura sacra relatis, quae virum prudentem, in negotiis civilibus recte instituendis ac componendis exercitatum arguunt.* Quae concludere se de Iosepho rite posse existimat vir doctus, praeter ipsum nemo sanus hariolabitur. Ex antiquitate namque Iudaica hoc quidem constat, iunxisse saepius literarum studiis artes quoque manuaras Hebraeorum sapientes priscos, provti docemur a PETRO CVNAEO loco a WOLFIO citato et IOANNE CASPARO SVICERO in *thesauro ecclesiastico*, tom. II. pag. 1255. Imo testatur in *lexico suo rabbinico-philologico*, pag. 434. IOANNES HENRICVS OTTO, apud Iudaeos filio hoc debuisse patrem, in aliquo vt eum opificio educaret. Conferatur et CHRISTIANI WILHELMII LOESCHERI dissertatio *de veterum consuetudine literarum studio iungendi opificia*, in academia Wittebergensi MDCXCVI. habita. Quo ex more tum quae de Christi parente, Iosepho, legimus, tum quae ex antiquitate Iudaica affert VONDER HARDT, intelligenda ac interpretenda esse, recte hactenus iudicarunt eruditi. At ulterius, fundamento coniiciendi talia solido gaudens, sapere, aut pro tali viro politico habere Iosephum nemo potuit.

XCIII.

GENES. VII. II.

Per *fontes abyssi magnae* omnes aquarum scaturigines intelligunt nonnulli, terris quae superfunduntur, earundemque magnam crebamque adeo factam esse volunt disruptionem, ut per modicos haud contractus meatusue, quemadmodum iam solet, sed maximis hiatibus scissurisque siue ingentibus chasmatibus aqua eruperit et exundauerit, nouaque inde flumina et stagna seu lacus exstiterint noui, illi item, qui ante fuerint, immensa subinde aquarum vi adaucti vehementer fuerint. Per *cataractas* autem *coeli apertas* nubes indicari censent imbriferas atque nimbosas, aquis vehementibus fractas, quibus apertis tanta fuerit profusa pluuiae vis, ut non iam guttatim, verum e fenestris patentibus quasi ruens praecipitari in terras cerneretur. Alii per abyssum magnum mare indigitari crediderunt; quod tamen inde aliis haud perplacuit, quoniam, si loco suo motum illud fuisset, isto eius de loco quid factum sit, determinari minus possit, vacuum num manserit, an vero aliunde fuerit suppletum. Vid. auctor *dissertationis prolusoriae de diluuii vniuersalitate*, pag. 76. sequ. et AVGVSTVS PFEIFFERVS in *dubiis vexatis scripturae sacrae recognitis*

gnitis, *centur. I. loc. XXV. pag. 69. seqq.*
 Praeter THOMAE autem BURNETI locum,
 quem PFEIFFERVS adduxit, consuli quo-
 que potest eiusdem *responsio ad obiectiones*
Erasmi Warreni, theoriae ipsius telluris sa-
 crae oppositas, Londini anno MDCXC.
 in folio euulgatas, *pag. 98.* Argumenta
 WARRENI habes ipsius in *genealogia*, co-
 dem anno Londini in quadripartita forma
 edita, et exinde repetita in *actis eruditorum*
latinis, anni MDCXCI. pag. 98. sequ. et
103. sequ. Celeberrimus academiae Gies-
 sensis theologus et mathematicus IOANNES
 GEORGIUS LIEBKNECHT interiorem ter-
 rae locum, seu ipsum grauitatis centrum,
 cuius fontes singuli rupti moles aquarum
 suppeditauerint, adornando cataclysmo
 Noachico sufficientes, per abyssum hunc
 intelligit in *specimine Hassiae subterraneae,*
clarissima testimonia diluuii vniuersalis, ibi
et in locis vicinioribus occurrentia, ex tri-
plici regno, animali, vegetabili et minera-
li, petita, exhibente, quod MDCCXXX.
 Giesae et Francofurti in quadruplicata
 forma publici iuris fecit, *pag. 26.*

XCIV.

IOANN. I. 14.

Verba *μενόμενης παρὰ πατρός* ita in *commentario* suo eruditionis variae pleno in *euangelium Ioannis*, tom. I. pag. 372. FRIDERICVS ADOLPHVS LAMPIVS explicat: *vnigenitus a patre*, scilicet *missus*; in quo assensum ipsi praebere videtur magnus ille IOANNES CHRISTOPHORVS WOLFIVS in *curis philologicis et criticis*, vol. I. pag. 790. Verum, quod pace tantorum virorum dixerim, vix videtur huc quadrare ista explicatio. De gloria enim filii Dei cum sermo hic sit, minueretur illa, si ad missionem, in qua nimirum gloria se sua ille quasi euacuauit, respicere velimus. Diuus praeter ea Ioannes commate sequenti decimo octauo relationem explicat inter vnigenitum et Patrem, quae cessaret pariter, ista si eligenda esset interpretatio. Quin, missio si hic sub. intelligenda esset, magna nimis foret, meo quidem iudicio, ellipsis haec, nullo alio forte exemplo confirmanda. Rectius proinde verba Ioannis *vnigenitus a patre*, verti ita putauerim, vt origo Filii a Patre innuatur; quemadmodum de Spiritus sancti a Patre processione το παρὰ adhiberi Ioann. XV. 26.prehendimus. Accedit, quod Seruator alias etiam se a Patre esse dicat,

cat, e. gr. Ioann. VI. 46. VII. 29. quod ultimo in loco a missione Patris distinguitur, adeoque necessario ad generationem Filii a Patre referendum est. Prior vero locus cum cap. I. 18. prorsus conuenit. Ne dicam, το παρὰ alibi etiam ad cognationem referri; prouti τῶν παρ' αὐτοῦ, propinquorum eius, mentionem Marcus euangelista cap. III. 21. facit. Conf. beati GEORGII RAPHELII *notae philologicae in nouum testamentum ex Xenophonte, ad h. l.*

XCV.

I. SAM. XVII. 17. XXV. 18.

2. SAM. XVII. 28.

In explicando tosto hoc חֶפְזִי variare interpretes constat. Conf. MATTHAEI POLI *synopsis criticorum, vol. I. pag. 1481.* Omnibus probe consideratis, nihil videtur esse conuenientius, quam de illis baccis siue granis id exponere, ex quibus fit decoctum, *Cahwe* Arabis dictum, vulgo *Coffee*, cuius vsus in oriente procul dubio antiquissimus. Ita vertit illud IOANNES HENRICVS MAIUS in *supplemento ad Cocceji lexicon hebraicum et chaldaicum, p. 110.* Cum HIERONYMO autem BOCHARTVS ET LEIDEKKERVS locis a MAIO allegatis in-

intelligere malunt *frixum cicer*, quod vendere solent Cairi mercatores illis, qui per Arabiae deserta proficiscuntur, in itinere quo illis viuant. Legi etiam poterit ERNESTI EHRENFRIED GEIERI dissertatio *de eo: an potus, Coffee dicti, vestigia in hebraeo scripturae sacrae codice reperiantur?* Wittebergae anno huius seculi XL. habita. Multum vero lucis prae ceteris hac in re Lectori beneuolo praebebunt literae MELCHIORIS LEIDEKKERI ac IOBI LVDOLFI, viri vtriusque in orientali literatura versatissimi, hoc de argumento ad se inuicem datae, quae ex manuscripto cum orbe erudito a me communicatae leguntur in *den Hamburgischen Berichten von gelehrten Sachen*, anni MDCCXLII. pag. 392. *seqq.* ubi simul pag. 395. monui, illis, qui per *תה* Coffee intelligunt, addendum etiam esse IULIVM STERRINGAM in *animaduersionibus philologico-sacris in pentateuchum*, quae in forma quadruplicata Leowardiae primum anno MDCXCV. et altera vice anno MDCCXXI. lucem publicam adspexerunt.

XCVI.

GENES. III. I. 2.

Serpentis huius nomen *Samäel* fuisse, camelique retulisse speciem, antiqui voluerunt. Vid. IOANNES SELDENVS *de diis Syris, syntagm. II. cap. VI. pag. 307.* et ELIAS SCHEDIVS *de diis Germanorum, pag. 46. seqq.* Sic locutus est, verba sunt AVGVSTINI in *commentario in Genesin, lib. XI. cap. XXIX. serpens homini, sicut asina, in qua sedebat Bileam, locuta est homini, nisi quod illud fuit opus diabolicum, non angelicum.* SIMON PATRICIVS, episcopus Angliae quondam doctissimus, in *commentario suo in Genesin, anglice Londini anno MDCXCV. in forma quadripartita edito, p. 60.* fuisse monet in meridianis et orientalibus orbis regionibus serpentum genus alatum ac insigni splendore coruscans. Nominat Moses id שָׂרָפָה, prouti constat ex Numer. XXII. 6. 8. Iam cum hoc ipsum nomen angelis, Dei coram ipsius throno ministris, qui Iesa. VI. 2. 6. et alibi שְׂרָפִים dicuntur, tribuatur, suspicatur PATRICIVS cum TENNISONIO, angelos illos seraphinos in שְׂכִינָה, quam Iudaei vocant, id est, maiestatica Dei apparitione, sub forma, serpentibus istis Africanis non absimili, alis coruscantibus instructos, comparuisse. Eandem

dem vero illustris illius serpentis imaginem diabolum, Euam angeli lucis specie decepturum, induisse statuit, cuius aspectu seducta mulier fuerit, Seraphinum, quales in apparitionibus diuinis ante vice plus simplici forte conspexerat, esse rata. Idem, quod per animalia cum primis hominibus locuti angeli fuerint, praeter alios etiam vult CHRISTOPHORVS MATTHIAEVS PFAFFIVS in *institutionibus theologiae dogmaticae et moralis*, pag. 214. Ingeniosae interim huius opinionis vestigia etiam inter gentiles, quibus diuini semper ac magnae venerationi dracones ac serpentes fuerint, PATRICIVS quaerit. Vid. quae in eandem sententiam disserit THOMAS PYLE in anglica sua *librorum veteris testamenti paraphrasi*, Londini anno MDCCXVII. in forma octuplicata maiori edita, *ad Gen. III. 1.* Serpente, pedibus qui instructus esse videatur, tanquam organo, vsum diabolum fuisse, putat IACOBVS ODE, professor Traiectinus, in *commentario de angelis*, Traiecti ad Rhenum anno MDCCXXXIX. in forma quadripartita euulgato, pag. 541.

XCVII.

HEBR. V. 7.

Varias interpretum circa vocem *ευλαβεια* opiniones attulit pro more suo, id est, cum cura beatus IOANNES CHRISTOPHORUS WOLFIVS in *curis philologicis et criticis*, vol. III. pag. 652. *seqq.* illis accedens, qui *metus* significationem isti hoc loco tribuunt; quorum tamen ut partes sequar, vix a me impetrare possum. Agit ibidem etiam de significato praepositionis *απο* vir summus, quam plerique, uti et diuus noster LVTHERVS, reddunt *propter*, alii *ex*. Videtur mihi illa hoc in loco commodissime reddi posse *post*, mensque apostoli ita explicari, ut dicatur Seruator post-reuerentiam Deo Patri exhibitam, quae deinde octauo commate describitur, exauditus esse. Non vane haec a me coniici, patere inde puto, quoniam eodem significato gaudens particula *απο* occurrit etiam Luc. II. 36.

XCVIII.

IOANN. I. 16.

Pro diuerso particulae *αυτι* usu et significatione varie explicant sensum dicti Ioannei interpretes, quos recensuit beatus (Winckleri Hypomm.) X WOL-

WOLFIVS in *curis suis philologicis et criticis*, vol. I. pag. 791. *sequ.* recte de venerando SALOMONE DEYLINGIO iudicans, quod curatissime is sententias interpretum commemorauerit, solidumque suum interposuerit iudicium in *observationibus sacris, part. III. obs. XXXIII. pag. m. 309. seqq.* editionis, quam possideo, secundae. Vtrique et WOLFIVS et DEYLINGIVS το αὐτὶ per pro conuertunt, sensum hunc esse iubentes, ut pro gratia veteris testamenti legali vel oeconomia typica datam esse gratiam euangelicam Ioannes innuat; CHRYSOSTOMVM secuti, qui, notante CAMERARIO ad h. l. χάριν αὐτὶ χάριτος λαμβανεῖν exponit: αὐτὶ τῆς παλαιᾶς τὴν καινῆν. Vid. DEYLINGIVS §. XI. pag. 316. *sequ.* Nec diffiteor, robur utique accedere interpretationi huic, uti monent viri doctissimi, ex commate sequenti decimo septimo, ubi comparatur veteris testamenti status cum noui foederis oeconomia, disertaque fit legis et gratiae mentio. Videtur tamen non incommode ipsa hac cum significatione coniungi illa posse, secundum quam *comparatiuus* etiam sensus tribuitur particulae αὐτὶ, ut simul indicetur, gratiam euangelicam pro legali nobis in nouo testamento datam longe esse cumulatissimam. Concedit namque reuer. DEYLINGIVS §. VIII. pag. 313. non infrequenter occurrere apud poe-

poetas Graecos hanc vocis *αντι* significationem; ideo vero hoc loco non eam calculo suo probat, quoniam in soluta oratione rarior sit, et a noui foederis scriptoribus ignoretur. Ast loci Ephes. V. 31. ipse mentionem fecit, et praeter illum duo ex graeca veteris testamenti versione septuaginta virali, nimirum Iobi II. 4. et Amos. III. 15. in medium protulit SALOMON GLASSIUS in *philologia sacra, lib. III. tract. VI. can. XV. pag. m. 1065*. Quare non male gratiam accumulatissimam et copiosissimam hic pariter praedicari gratiam euangelicam, *εκ του πληρωματος του Ιησου* hauriendam, puto; ad quod inprimis etiam attendere nos iubet vox *πληρωματος*, vti bene monet IO. FRIDERICVS HOMBERGK ZV VACH in *parergis sacris, p. m. 159*.

Rariorem particulae *αντι* significationem, qua *aequalitatem* denotat, a DEYLINGIO §. IV. pag. 310. commemoratam, perplacere in loco nostro sibi iussit prae ceteris HERMANNVS VON DER HARDT in *exegesi difficiliorum locorum quatuor euangelistarum* manuscripta ad h. l. scribens: *χαρις αντι χαριτος est similis gratia, simile bonum, similis resurrectio, similis vita*. Sicut Christus resurrexit, ita et credentes resurrecturos, ita et credentes in aeternum victuros. Nam *αντι*, vti et germanicum *gegen*, non

contrarietatem, sed relationem et respectum, et vel paritatem ac conformitatem saepe notat. Sic gratia in credentibus vel vita aeterna est par gratiae in Christo vel vitae aeternae in Christo; sicuti apostoli in epistolis dicunt, nos cum Christo resurrekturos et in aeternum victuros esse. Neutiquam vero sic exhauriri emphasin dicti huius, ego crediderim.

XCIX.

MARC. I. 24.

Idem, quem circa antecedentem locum in medium produxi, Helmstadiensis academiae philologus HERMANNVS VON DER HARDT citato ibi loco verba haec, a diuo Marco euangelista commemorata ita explicat, vt non diabolum, sed hominem gentilem pro persona clamante habeat, et το ημας ad gentiles referat, quasi indignatus homo hic fuerit, quod ethnicos sit perditurus Iesus. Hunc in modum ille: *Interfuit concionibus Christi in synagoga gentilis daemoniacus, qui furore corruptus coepit metum suum, quo ex concione Iesu erat percussus, publico clamore testari, vnde tragica vox Ah, signum pauoris et metus.*

Metus isthoc homine ortus ex communi fama et vulgata inter Iudaeos opinione: Messiam Iudaeorum regem deleturum gentiles, sub quorum iugo et imperio gement et suspirarent. Haec Iudaeorum spes de perdendis gentilibus per Messiam non poterat non per iactabundos Iudaeos dudum percrebuisse inter Romanos, Syros, vicinosque gentiles, maxime illos, qui terrae Canaan praecipuam partem possiderent. Continua illa Iudaeorum iactantia de futuro suo in gentiles imperio et dominio deque gentilibus per Messiam perdendis, et ex illa spe auctus animus etsi quibusdam gentilium fuerit risui, quibusdam tamen metum incussit, qui vanitatem spei Iudaicae non penetrarent. Credulitas itaque gentilium, inter quos habitarent Iudaei, metum illi incussit, ut adueniente Iesu, eoque magna cum virtute loquente et agente, ac a Iudaeorum plebe pro Messia aestimato, iam iam interitum suis capitibus imminere crederent. Etiam si vero metus ille fuerit vanus, ex vana Iudaeorum iactantia ortus, potens tamen fuit in gentilium credulitate, ut praesente Iesu augeretur eorum metus, quod eum esse Messiam aut regem ex Iudaeis accepissent.

Interitum vero et exitium cum a Messia, Iudaeorum rege, suis impendere capitibus

crederent gentiles, a Iudaeis iactabundis persuasi, inter metum indignationem quoque suam aperire non destiterunt. Iniustum quippe suum illum interitum non poterant non iudicare, aut ad minimum aegerrime ferre imminencia illa damna et pericula coegit metus. Metui igitur iuncta fuit indignatio, ut conquererentur gentiles de hoc suo exitio, a Messia, Iudaeorum rege, imminente.

Metum hunc, ut et animum indignandum, publico et tristi clamore aperit furiosus ille spiritu immundo agitated gentilis, Iesum cum auctoritate dicentem audiens. Ab, inquit, quid nobis gentilibus rei tecum, Iesu Nazarene? Quid nos ad te? Scimus et audimus ex Iudaeis abunde, quae mala nobis gentilibus impendant a nouo Iudaeorum rege. Scimus et colligimus ergo ex tuis grauissimis dictis et factis, te iam venisse, ut nos gentiles perdas. Venisti nos perditum. Hoc nos non latet.

Hic hominis affectus docet, non esse interrogationem dubitatiuam, num ideo venerit Iesus, ut eos perderet? sed disertam affirmationem, cum indignatione coniunctam, notum esse satis, quod venerit, illos perditum. Quapropter et diserte additur
ra-

ratio illius metus. Noui te, inquit, quis sis. Es sanctus ille Deus vel Messias, Iudaeorum rex.

Iesus non ferre potuit illam querelam de gentibus delendis. Iussit itaque tacere et quiescere. Silentium vero imposuit gentili querulo, cum intelligeret, has querelas repetitas ceteris gentilibus ansam daturas, ut, odio aduersus se accenso, in se irruerent ac vim sibi inferrent. Erat quippe haec spes Iudaeorum, vanissima licet, de delendis per Messiam gentilibus, sudes in oculis gentilium. Tanto vero sollicitius silentium imposuit, quanto frequentius inter gentiles terrae Canaan dominos ac possessores agere debebat. Capernaum quippe, in qua degabat Christus cum discipulis, gentilium vrbs erat, in qua et Iudaei sparsim habitarent. Inuidiae igitur et periculi declinandi causa noluit Iesus admittere haec inter gentiles molesta sui praeconia. Quae prudentia erat maxima.

Neque obstat, quod haec res in synagoga contigerit, unde Iudaeum fuisse videatur colligi. Nam in tota regione iam tum innotuerat, quod in litore maris vicini Genesareth obambulans nuntiasset imminens re-

gnum, et ad eius constitutionem colligere coepisset discipulos, tanquam regni socios; quod, vti Iudaei, ita et gentiles, de regno ciuili desideratissimo interpretabantur. Quare non solum Iudaei, sed et gentiles hoc nuntio commoti, vt magna Iudaeorum ac gentilium turba eum sectaretur. Secuti itaque in synagogam in vrbe Capernaum cum Iudaeis gentiles nouitatis studio. Cum igitur illa occasione gentilis iste audiuiſſet Ieſum in ſynagoga de regno Iudaeorum iam iam inchoando cum magna virtute et auctoritate differentem, furoris ſui impetu compulſus coepit indignabundus metum ſuum aperire. Quapropter indignatio hominis gentilis queruli reprimenda erat reciproca graui indignatione ac increpatione, cum eum obiurgaret Chriſtus ac ſilentium cum auctoritate imponeret.

Videt quilibet, quam mire torquere ſe cogatur vir doctiſſimus, rectam conſuetamque dum explicationem ſine ratione ſufficiente deferit, ac nouam prorſus fingit, nouis firmandam, quae ideo fingendae pariter erant, circumſtantiis. Aperte vero iſta aduerſatur ipſi hitoriae ſacrae et narrationi euangelistae diui, in qua eorum nec vola nec veſtigium, quae commiſcitur ingenioſus exegeta, alias doctiſ-

ctissimus VON DER HARDT. Neutiquam enim temporalis regni gentilium euersio, quam Iudaeos erronee anhelasse a Messia perficiendam constat, obiectum erat querularum daemoniaci, vel obsidentis illum ac per eius os loquentis diaboli, verum spiritualis regni diabolici euersio, cuius ergo in mundum venisse Seruatorem nouimus. I. Io. III. 8. Quando autem, notum sibi Christum esse, affirmat infernalis genius, ex sermone Seruatoris coniectasse eum hoc, non certe sciuisse, ex LAMIO docet beatus WOLFIVS *vol. I. curarum philol. et crit. pag. 431.* Conferantur et, quae idem habet *pag. 67.*

C.

I. REGVM. IV. 6.

Huius Adoniram, cuius mentio hic facta est, epitaphium repertum esse Valentiae in Hispania cum duabus lineis hoc sensu: *Hoc est sepulchrum Adoniram, serui regis Salomonis, qui hic venit, ut exigeret tributum, et mortuus est;* refert HENRICVS KORMANNVS in libro *de miraculis mortuorum, part. VIII., cap. XXVI.* Sed fictitiis id annumerandum esse narra-

tiunculis, facile patet. Quare iustam hoc epitaphium censuram experiri debuit beati IOANNIS MICHAELIS DILHERRI in *disputationibus* ipsius *academicis*, tom. I. *disp. IV. pag. 56. seqq.* ubi VILLALPANDVS, fabulae huius patronum agens, pro merito castigatur.



MANTISSA PRIOR

EXHIBENS
DE
LVCA EVANGELISTA
MEDICO

DISSERTATIONEM PHILOLOGICAM

IN
ACADEMIA LIPSIENSI
DIE VII. NOVEMBRIS A. O. R. MDCCXXXVI.
RESPONDENTE
CAROLO CHRISTIANO WOOG

DRESDENSI
PHILOSOPHIAE TVNC BACCALAVREO
IAM
ANTIQVITATVM ECCLESIASTICARVM
IN EADEM ACADEMIA PROF. PVPL.
EXTRAORDINARIO
PVBlico ERVDITORVM EXAMINI
SVBMISSAM

NOVIS NVNC ACCESSIONIBVS
ADAVCTAM



§. I.

Cum insignem vsum praebeat historiae sacrae, ipsique librorum vtriusque foederis interpretationi accuratior eorum, quae circa virorum diuinitus inspiratorum vitas memoratu digna sunt, cognitio; de diuo Luca euangelista idem inprimis affirmandum est, cum in illius vita tanta occurrat rerum memorabilium copia, ut ignorare eas plane nequeat, qui rite eius scripta intelligere cupit. Vtilem ergo praestitere viri docti operam; qui in explicandis istis atque illustrandis operam suam collocarunt.

Is iam inde ab antiquissimorum temporum memoria singularis fuit vitarum scriptori-

ptoribus honor, vt non libenti minus animo, quam diligenti studio legantur atque relegantur. Cum enim omnis historia delectet, tum vero ea delectationis habet plurimum, quae in vitis celebriorum virorum enarrandis occupata est. Tantum his inest iucunditatis pariter ac vtilitatis, vt torpentes etiam ac somnolenti hic inueniant, quo excitentur, et quo attentionem suam alant, augeant atque subinde magis accendant. * Multa discuntur ex illis singularia, quae ad ipsas scientias spectant, de quibus numquam cogitarunt, qui praecepta tantum proposuerunt; imo et arcana exinde quaedam colligi possunt, quae non scientiam tantum, sed et prudentiam hominis literati augment, iudice DAN. GEORG. MORHOFIO in *polybistore literario*, lib. I. cap. XIX. p. m. 215. Valet autem hoc imprimis de sacrorum, quorum ministerio vsus est spiritus sanctus in consignandis vtriusque foederis tabulis, virorum vitis. Hae namque cum mirum in modum inseruiant scriptis eorundem intelligendis feliciter et historiae sanctiori curatius explicandae, magni eas faci-

* *De prudentia conuertendi descriptas ab historicis clarorum virorum vitas in usum politicum singularis exstat beati IOANNIS HENRICI ERNESTI, professoris quondam Lipsiensis haud inelyti, dissertatio, ista in academia anno MDCLXXXVIII. habita,*

faciunt, qui in sacrarum literarum studio vltèrius quotidie proficere gestiunt. Singularem inde iniere apud illos gratiam; qui ex instituto istas sumere sibi enarrandas, quaeque in iis videbantur obscuriora, ex incorruptis fideque dignis monumentis illustranda. In quo quidem summos nostri temporis viros singularem plane industriam posuisse videas. Horum exemplo commotus non poteram non insigni in illud studiorum genus rapi voluptate et simile quid tentandi cupidine. In animum ergo induxeram circa diuum Lucam euangelistam imitari tantorum virorum laudandam diligentiam, et quae tam in vita sancti huius viri occurrebant memoratu digna, quam de scriptis eius, diuino ab ipso afflatu consignatis, obseruanda erant, accuratius, pro virili quidem, enucleare. Cum vero crederet sub manibus materia, serio hac de re institutae cogitationis auxilio, consilium mutauì, vnum hac vice saltem vitae eius momentum paulo plenius illustratum sistens beneuolo lectori.

Priusquam vero ad rem ipsam me accingam, non alienum esse puto; nonnullos cosque praecipuos illorum, qui vitam diui Lucae euangelistae descripserunt, indicare. Ex his, praeter eos, qui historiam ecclesiasticam primi post Christum natum seculi ador-

adornarunt, commemorandus priuo loco est auctor *commentarii in S. apostolum et euangelistam Lucam*, quem SIMEONEM metaphrasten esse voluerunt eruditi. Manuscripti huius commentarii graeci mentio fit in *bibliotheca Coisliniana*, pag. 211. et a PETRO LAMBECIO in *commentar. de bibliotheca Vindobonensi lib. VIII. pag. 224. 252. 259. et 262.* Graece et latine idem legitur in FRANC. COMBESISII *auclario nouissimo bibliothecae graecae patrum*, part. I. pag. 513. *seqq.* et ad calcem ARETHAE *commentarii in apocalypsin*, subiuncti OECUMENII *commentariis*, Paris. anno MDCXXXI. in fol. editis, tom. II. p. 853. *seqq.* Graece exhibetur ad calcem *commentariorum Oecumenianorum*, Veron. anno MDXXXII. in fol. euulgatorum, p. 1009. latine autem apud ALOYSIVM LIPOMANNVM, Veronensem episcopum, in *vitis sanctorum*, tom. I. et LAVRENT. SVRIVM in *vitis sanctorum*, ad d. XVIII. Octobris. Pertinent huc porro GILBERTVS COGNATVS, canonicus Nozerenus, in *vitis aliquot christianorum*, tom. II. operum, pag. 233. FERDINANDVS VGHELLVS in *Italia sacra*, tom. VI. p. 1107. GVILIELMVS CAVE in *antiquitatibus apostolicis*, quae, anglice ab auctore conscriptae, in germanicam linguam translatae Lipsiae anno MDCCXXIV. in forma octopartita prodierunt, pag. 762. *seq.* AVGVSTI-

NVS

NVS CALMET in *prolegomenis in omnes et singulos scripturae sacrae libros*, tom. II. p. 109. *seqq.* edit. latinae a IO. DOMINICO MANSI adornatae *Lucae* anno MDCCXXIX. fol. 10. HENR. MAIVS in *examine historiae criticae Simonianae*, cap. XII. IO. ALBERTVS FABRICIVS in *bibliotheca graeca* lib. IV. cap. V. pag. 132. *seqq.* DAN. GVIL. MOLLERVS in *diff. de quatuor euangelistis*, *Altorfi* anno MDCXCIX. habita, cap. IV. et IO. ABRAHAM. KOEHLERVS in *diff. de S. Lucae euangelista*, *Lipsiae* anno MDCXCVIII. euulgata. * Plura qui cupit, adeat summi quondam nostri aevi theologi ac philologi IO. CHRISTOPHORI WOLFII *curas philologicas et criticas*, vol. I. pag. 544. *seq.*

§ II.

Inter cetera autem vitae eius momenta haud vltimi loci quaestio est, qua: num medicus fuerit? inquiritur. Quam quidem rem

* Addi his et poterit IACOBI IACOBETTI oratio de sancto Luca, qui vitam optimi maximi Redemptoris diuinitus exposuit, quae legitur in ipsius opusculis politioris literaturae, Venetiis anno MDCCXXXVIII. in forma octuplicata publici iuris factis.

rem cum leuiter faltem tetigerint alii, alii in medio reliquerint, eandem paulo accuratius sub examen vocabimus.

Non defuere, qui de singularibus circumstantiis, vel ad vitam diui Lucae, vel ad scripta eius pertinentibus, speciatim commentati sunt. Sic de quaestione: num pictor fuerit diuus euangelista? quam magno conatu affirmare studuerunt romanae ecclesiae addicti, solide egit; eamque refutauit CHRIST. LVDOV. SCHLICHTERVS in *ecloga historica, qua fabula pontificia de Luca pictore exploditur*. Halae Magdeb. anno MDCCXXXIV. edita. In Theophilum item, in cuius gratiam historiam tum seruatoris, tum apostolorum conscripsit Lucas, eiusque personam curatius inquisuerunt celeberrimus hodie Gottingensium theologus CHRISTOPH. AVG. HEVMANNVS in *diff. de Theophilo, cui Lucas historiam sacram inscripsit*, inserta bibliothecae Bremensi, class. IV. fasc. III. pag. 470. seqq. THEOD. HASAEVS in *scilimento ad laudatam HEVMANNI dissertationem*, *ibid.* p. 489. seqq. IAC. HASAEVS in *diff. de Theophilo Alexandrino, cui Lucas historiam sacram inscripsit*, *ibid.* fascic. VI. pag. 1031. seqq. 10. ADAM. OSIANDER in *diff. de Theophilo*

παρε-

αρετισω. *Tubingae*, anno MDCLIX. ventilata. IO. GOTTLÖB STOLTZIUS in *vindiciis Theophili euangelici*, *Wittebergae*, anno MDCXCIII. editis et recusis in *thesauro theologico philologico tom. II. pag. 282. seq.* et GOTTLIEB SCHELGWIGIUS in *dissertatione de Theophilo*, *Gedani* anno MDCCXI. habita. Cum vero nemo hactenus de arte diui Lucae medica ex instituto egerit, illam paulo plenius explicandam nobis summus, a variis quidem, quamvis obiter saltem, hinc inde memoratam. *

§ III.

Nos affirmare illud, quod me-
di-

Y 2

di-

* Postquam anno MDCCXXXVI. Lipsiae hanc dissertationem publicae luci exposueram, eadem de materia egit, similique prorsus titulo usus, *de Luca euangelista Medico ad Col. IV. 14.* euulganit dissertationem epistolicam Halae anno MDCCXL. reuerendus istius academiae theologus BENEDICTVS GOTTLÖB CLAVSWITZ, qua venerando seni FRIDERICO HOFFMANNO, fasces academicos sextum capeffenti, gratulatus est. Meam dissertationem num ad conscribendum schediasma suum adhibuerit vir doctissimus, iam non diiudicabo, cum nullam prorsus opellae meae mentionem fecerit. Amice autem conspirare utramque scriptunculam, ocularis quemlibet docebit inspectio. Eodem namque modo demonstravit celeberrimus CLAVSWITZIVS, quae ante ego de Luca euangelista medico hac dissertatione demonstrata dederam.

dicus fuerit diuus Lucas euangelista, non dubitamus, tribus potissimum inducti argumentis.

Ponderatis probe, quae in veterum aequae ac recentiorum monumentis hac de re sunt tradita, tria inprimis, quibus, diuum Lucam medicum fuisse, satis, ut videtur nobis, firmiter probari potest, deprehendimus argumenta. Ad testimonia primum prouocamus veterum pariter ac recentiorum scriptorum, qui idem nobiscum affirmarunt. Secundum argumentum diuus Paulus apostolus praebet, in epistola sua ad Colossenses data, cap. IV. comm. 14. Lucae medici mentionem faciens; quo quidem eum Lucam euangelistam innuisse, infra demonstrabimus. Ipse denique diui Lucae stilus, veterum medicae artis peritorum scribendi rationi plus, quam ceterorum euangelistarum, conueniens eandem calluisse eum, testatur. Ultimo tandem loco ex ipsis illorum, qui, Lucam nostrum medicum fuisse, negarunt, argumentis eorundemque leuitate thesin nostram fortius probabimus.

§ IV.

Quod ad testimonia attinet
vete-

veterum pariter ac recentiorum scriptorum, quibus Lucas euangelista medicus perhibetur, primum in medium producendi erunt veteris ecclesiae doctores. Fuere enim haud pauci tam graecae, quam latinae ecclesiae, qui disertis verbis illud testati sunt.

Ex graecis patribus nostro euangelistae hoc elogium tribuit EVSEBIUS, *ιατρον* eum appellans in *historia ecclesiastica, lib. III. cap. IV.* vbi etiam ad artem eius eleganter alludens scribit, reliquisse eum nobis in duobus voluminibus, diuinitus inspiratis, *των ψυχων θεραπειτικης υποδειγματα.* Sequuntur hunc praeter EPIPHANIVM CHRYSOSTOMVS *homil. XII. in epist. ad Colossenses, tom. VI. operum, pag. 250.* THEODORETVS *commentario in epistolam ad Colossenses, tom. III. operum, pag. 363.* auctor *commentarii in S. apostolum et euangelistam Lucam* supra laudatus, qui eum ab arte medica, ceu nota propria, plerumque designari ait; THEOPHYLACTVS *argum. in Lucam, pag. 293.* NICEPHORVS in *historia ecclesiastica, lib. II. cap. XLIII.* MOSES BAR-CEPHA, episcopus Syrus, in *commen-*

tario de paradiſo; EVTYCHIVS, patriarcha haud incelebris Alexandrinus, arabice SAID IBN BATRIK dictus, in *annal. Alexandr. tom. II. Menaea Graecorum, menſ. Octobr. p. 114.* Quibus adde auctorem *vitae euangelistarum quatuor*, quas ex codice arabico PETRVS KIRSTENIVS anno MDCCVIII. in folio edidit, pag. 44. et EVTHYMIVM ZIGABENVM in *commentario in quatuor euangelia*, citatum DAN. GVIL. MOLLERO in *diff. de quatuor euangelistis, cap. IV. § IV.* ORIGENEM quidem, idem *homil. in epistolam ad Romanos* affirmantem, huc etiam refert IO. REISKIVS in *exercitationibus historicis de imaginibus Christi, exerc. V. cap. II. § IV.* dubitamus autem, num ORIGENEM ipsum consuluerit REISKIVS, nobis enim opera eius euoluentibus locum istum reperire non licuit.

Ad latinae ecclesiae doctores quod attinet, HIERONYMVS a veteribus ecclesiae tractatoribus medicae artis scientissimum habitum fuisse Lucam, refert in *comment. in Eſaiam, c. VI. tom. V. operum, pag. 28.* eumque de medico corporum in medicum animarum verſum eſſe dicit, vti apoſtoli de piſcatoribus piſcium facti fuerint piſcatores hominum, *comment. in epist. ad Philemonem, tom. IX. operum, pag. 213.* Hinc ille ibidem artem medicam, quam coluit euangelista,

lista, ad euangelium eius non ineleganter applicat his verbis: *cuius liber quotiescunque legitur in ecclesiis, toties eius medicina non cessat*; et in *epist. ad Paulinum*, tom. III. operum, pag. 7. de actis apostolorum scribit: *nudam sonare videntur historiam, et nascentis ecclesiae infantiam texere*; sed si noverimus, scriptorem eorum esse Lucam medicum, cuius laus est in euangelio, animadverteremus, omnia verba illius animae languentis esse medicinam. Conf. eundem in *epistola ad Damasum*, tom. III. operum, pag. 83. et in *proem. ad Matthaeum*, tom. IX. operum, pag. II. nec non in *catalogo scriptorum ecclesiasticorum*, cap. VII. tom. I. operum, pag. 173. Idem cum HIERONYMO affirmat DOROTHEVS martyr, episcopus siue, ut malunt alii, presbyter Tyrus, in *synopsi de vita et morte prophetarum, apostolorum et discipulorum domini*, quae habetur in *bibliotheca patrum magna*, tom. III. pag. 148. et AVGVSTINVS de *consensu euangelistarum*, lib. I. Adde PAVLINVM carmine 24. et BEDAM, quem venerabilem vocant, *comment. in acta*; quorum ille eleganter canit:

*Bis medicus Lucas, prius arte, deinde
loquela,*

*Bis medicus Lucas, ut quondam corporis
aegros*

*Terrena curabat ope, et nunc menti-
bus aegris*

*Composuit gemino vitae medicamina
libro.*

Ab vrbe tandem Antiochia, quae patria contigerat diuo Lucae euangelistae, nonnullis *medicus Antiochenfis* dictus fuit, v. g. HIERONYMO in *catalogo scriptorum ecclesiasticorum*, cap. VII. tom. I. operum pag. 170. et SOPHRONIO in *vita Lucae* apud THEOPHYLACTVM *comment. in quatuor euangelia*; quos et recentiores quidam sunt secuti.

§. V.

Constans ergo apud veteres fuit traditio, diuum Lucam fuisse medicum. Quamuis autem ante quartum post natum mundi seruatorem seculum nulla hodie existent scriptorum ecclesiasticorum hac de re testimonia, non tamen inde, plane defuisse ea, coniiicere licet. Ex aliis enim scriptoribus paulo recentioribus, primis etiam post natum Christum

stum temporibus idem creditum fuisse, patet.

Non est, quod nobis obiiciatur, deesse ex tribus prioribus * post Christum natum seculis scriptores, qui, medicum fuisse euangelistam Lucam, fuerint testati. Recte enim loco supra iam citato prouocat HIERONYMVS ad *veteres ecclesiae tractatores*, qui medicae artis peritissimum crediderint euangelistam; quare hunc esse suspicatur ANDR. TIRAQUELLVS *libro de nobilitate, cap. XXXI. num. LXXXVII. pag. 263.* cuius meminit GALENVS in *aphorismis Hippocratis*, cum nullus ante GALENUM alius huius nominis medicus legatur. Dolendum vero est, periisse temporis iniuria illa veterum scripta, quae aetatem primis post natum seruatorem temporibus proximam attigerunt. Nec dubio caret, quin etiam de arte diui Lucae medica, vti et de aliis antiquitatis ecclesiasticae capitibus, plura forent ad manus nobis testimonia, si singula patrum scripta ad nos peruenissent. Supplet

Y 5.

* Adducit quidem IRENAEVS, seculi secundi scriptor, *lib. III. contra haereses, cap. XIV.* de euangelista Luca verba faciens, locum Paulinum Col. IV. 14. non tamen disertis verbis, medicum fuisse eum, affirmat.

plet autem defectum horum ipsum diui Pauli apostoli, viri diuino spiritu acti, testimonium, quod instar omnium a nobis merito iudicatur, pluribus infra commemorandum.

§. VI.

Veteris horum ecclesiae doctorum sententiam non defuerunt ex recentioris aevi scriptoribus, qui calculo suo approbaverunt. Quorum quidem vel praecipuos saltem hoc loco indicasse sufficiat.

Ex nostratibus imprimis huc pertinent OTTO BRVNSFELSVS, quem inter primos, Lutheri qui partibus accesserunt, fuisse constat, in *catalogo illustrium virorum vet. et nou. testamenti, fol. 14. b.* CENTVRIATORES MAGDEBURGENSES *cent. I. lib. II. pag. 605.* FRID. BALDVINVS *comment. in epist. ad Coloss. cap. IV. c. 14.* ERASMVS SCHMIDIVS in *notis ad nouum testam. ad citat. Pauli locum*; MART. CHEMNITIVS in *harmonia euangelica, prolegom. cap. VIII. pag. 31.* IO. GERHARDVS in *exegeſi loci de scri-*

scriptura sacra, §. CCXLV. IO. GEORGIUS DORSCHÉVS *prolegom. commentarii in euangelium Lucae*; IO. ANDR. QVNSTEDIVS in *disputationibus exegeticis in epistolam S. Pauli ad Colossenses*, coniunctim Wittebergae anno MDCLXIV. excusis, *dissert. VIII. §. XXIX.* * CONRAD. SAMVEL. SCHVRTZFLEISCHIVS in *appendice ad controuersias et quaestiones insigniores antiquitatum ecclesiasticarum*, quas ex manuscripto edidit et *compendio antiquitatum ecclesiasticarum*, sua cura Lipsiae anno MDCCXXXII. in forma octopartita prodeunti, annexit IO. GEORG. WALCHIVS; summus olim IO. ALBERT. FABRICIVS in *bibliotheca graeca*, vol. XIII. pag. 309. IO. REISKIVS in *exercitationibus historicis de imaginibus Iesu Christi*, exerc. V. cap. II. §. IV. aliique.

Ex reformatis idem senserunt RVDOLPHVS HOSPINIANVS de *festis christianorum*, pag. 149. HVGO GROTIVS *annotatis ad euangelium Lucae*, tom. VI. *criticorum sacr.* pag. 1151. GVIL. CAVE in *antiquitatibus ecclesiasticis* supra citatis, pag. 763. et in *historia literaria scriptorum ecclesiasticorum*,

* Add. IO. BARTOLDVS NIEMEIERVS in *dissertatione de ecclesiasticis ordinibus*, Helmstädtii anno MDCCIV. habita, pag. 10.

rum, *sec. I. pag. 17.* IO. LEVSDENIVS in *philologo hebraeo - graeco, dissert. XVIII. sect. XIV. pag. 145.* IO. CROCIVS *comment. ad Col. IV. 14.* IO. HENR. HEIDEGGERVS in *enchiridio biblico, pag. 486. seqq.* IO. CASP. SVICERVVS in *thesauro ecclesiastico, tom. I. pag. 1433.* eiusdemque filius IO. HENRICVS in *commentario critico-exegetico in epist. ad Colossenses, qui cum professione eum medicum fuisse affirmasset, non exigua, addit, medicinae cum laude; etiam magno suo atque aliorum cum commodo, simul animo opem ferentem; rationem quoque adducit: neque dissident, pergens, inter se haec medendi genera.* FRANC. GOMARVS in *explicatione epistolae ad Colossenses, tom. II. operum, pag. 249.* FRID. SPANHEMIVS in *historia ecclesiastica, tom. I. operum, p. 258.* CAR. DRELINCOVRT et DANIEL VINK, *medici Bataui, ille in operibus medicis, pag. 72. hic in amoenitatibus philologico-mediciis, pag. 219.* Adde IO. DAVENANTIVM, IO. CAMERONEM, aliosque.

Ex pontificiae denique ecclesiae doctoribus eandem suam fecerunt sententiam *

AV-

* HAYMO, monachus primo Fuldenfis, dein Hirschfeldensis coenobii abbas, tandemque ecclesiae Halberstadensis episcopus, in *breviario historiae ecclesiasticae*, (circa annum DCCC. scripto, et a

AVGVSTINVS CALMET *in prolegomenis in omnes et singulos scripturae sacrae libros, tom. II. pag. 109.* IOANNES MALDONATVS *comment. in quatuor euangelistas, tom. II. pag. 5. a.* ANDR. TIRAQVELLVS *libro de nobilitate, cap. XXXI. n. 87.* FRANC. SIXTVS, Senensis, *in bibliotheca sancta, lib. I. pag. 21.* IO. STEPH. MENOCHIVS *in trattenimenti eruditi s. selua di varia let- tione, Romae anno MDCLIII. in forma quadruplicata edita, part. II. pag. 487.* GVIL. ESTIVS *in commentario ad Col. IV. 14.* et IAC. HYACINTHV SERRY *in exerci- tationibus historicis, criticis, polemicis de Chri- sto eiusque virgine matre, Venetiis anno MDCCXIX. in forma quadripartita editis, qui cum exerc. XLVII. de imaginibus Ma- riae, quae a Luca pictae circumferuntur, disseruisset, fabulamque illam explosisset, §. XI. Lucam ex pristina professione non pictorem, sed medicum fuisse affirmat.*

§. VII.

Praecipuum ad demonstnan-
dam artem Lucae nostri medi-
cam

MARCO ZVERIO BOXHORNIO Lugduni Batā-
norum anno MDCL. in forma duodecima edito,) *lib. III. cap. IV.*

cam argumentum, quod quidem primo loco commemorandum erat, ab ipsius diui Pauli apostoli testimonio desumitur. Facit hic mentionem Lucae medici *Col. IV. 14.* Euangelistam autem hunc ipsum fuisse, quem Paulus significauerit, credidere ex veteribus aeque ac recentioribus vnanimi consensu fere omnes.

- Maximum probationi nostrae ex testimonio hoc apostoli Pauli accedere momentum, quiuis facile perspiciet. Paulo accuratius ergo illud considerare, operae pretium erit. Cum primum Romae captiuus teneretur diuus apostolus, epistolam hanc ad christianos, qui in vrbe Phrygiae Pacatianae Colossis erant, exarauit. Apparet id ex eo, quod spem reditus sui fouerit, ac faciat, et Timotheum praesentem sibi, haec scribens, habuerit, quo in secundo carcere destituebatur; vti docte obseruauit beatus IO. CHRISTOPH. WOLFIVS in *curis suis philologicis et criticis, vol. III. p. 277.* Conf. et SALOM. VAN TIL in *isagoge ad epi-*

epistolam Pauli ad Colossenses, praemissa eius
in eandem commentario, artic. VIII. Ad-
erat ipsi tunc temporis etiam Lucas hic, cu-
ius nomine Colossenses salutans c. IV. comm. 14.

Ἀσπάζεται, scribit, υμᾶς Λουκᾶς ὁ ἰατρός ὁ
ἀγαπητός. Fuisse autem hunc ipsum euan-
gelistam Lucam, magnus fuit antiquitatis
consensus non tantum apud latinos, sed et
graecos patres, et in prolegomenis quoque
arabicis, vti bene monet. IO. GEORGIVS
DORSCHÉVS *prolegom. commentarii in eu-
angelium Lucae*. Vt nonnullos adducamus,
fentiunt ita ex veteribus * EVSEBIUS in
historia ecclesiastica. lib. III. cap. IV. THEO-
PHYLACTVS *argum. euangelii Lucae, p. 293.*
CHRYSOSTOMVS *homil. XII. in epist. ad
Coloss.* tom. VI. *operum, pag. 250.* THEO-
DRETUS *comment. in epistolam ad Colossen-
ses*; HIERONYMVS in *catalogo scriptorum
ecclesiasticorum, cap. VII.* BEDA in *acta apo-
stolorum*. Hos secuti ex recentioribus fere
omnes, et imprimis, qui epistolam diui
Pauli ad Colossenses datam commentariis
illustrarunt. Ex nostratibus v. g. huc spe-
ctant MART. CHEMNITIVS in *prolegom. ad
harmoniam euangelicam, cap. VIII. pag. 31.*

• IO.

* IRENAEVM quoque *lib. III. contra haereses, cap. XIV.* de euangelista Luca agentem, locum hunc Paulinum Col. IV. 14. adducere, supra in subiecta nota monui.

IO. GERHARDVS in *exegeſi loci de ſcriptura ſacra*, §. CCXLV. et in *annotationibus poſtumis in epistolam ad Coloffenſes*; DAN. ARCVLARIVS *comment. in acta apoſtolorum*; MICH. WALTHERVS in *harmonia biblica*, p. m. 1197. alique plures; quos ſupra ad §. VI. vna cum præcipuis reformatæ pariter ac pontificiæ eccleſiæ doctoribus citauimus, qui Lucam euangeliftam hoc loco a Paulo indicatum fuiſſe, ſtrenue affirmarunt.

§. VIII.

Nec eſt, quod alium hic intelligendum eſſe Lucam, ab euangelifta diuerſum, credamus; cum nulla exſtet ratio, quæ a propria eaque faciliori interpretatione recedere nos iubeat.

Cum alias propriam et faciliorem interpretationem haud ſine vrgente neceſſitate deferendam eſſe, recte doceant, qui exegeſeos, ſacræ præcepta tradunt, idem etiam circa hunc Paulinum locum obſeruandum nobis eſt. Circumſtantias vero illius ſi conſideremus accuratius, et cum aliis eundem conferamus, deprehendemus, nul-

nullum alium Lucam, nisi euangelistam, a diuo apostolo fuisse intellectum. Coniungit iste Lucam hunc medicum, cuius nomine Colossenses salutat, cum Dema, ut et Aristarcho; Marco atque Epaphra, quibuscum aliis etiam in locis eum coniunxit, nimirum 2 *Tim. IV. 11. 12.* et *Philem. comm. 24.* quam quidem ad Philemonem epistolam eodem, quo illam ad Colossenses, tempore exaratam fuisse, plerisque persuasum est. In his autem locis nemo umquam, quin Lucam euangelistam indicauerit Paulus, dubitauit. Quae ergo foret ratio, cur in epistola ad Colossenses data alium, quam euangelistam, nos intelligeremus? Vrgent argumentum hoc, et recte quidem, GVIL. ESTIVS *comment. ad b. I.* et FRANC. GOMARVS *tom. II. operum, pag. 249.* Alterum, quo fortius adhuc confirmatur illud, argumentum ipsa Lucae praebet praesentia. Aderat is Paulo apostolo Romae, cum hanc ad Colossenses scriberet epistolam. Ex *Actor. XXVIII. 14.* enim constat, Paulum una cum Luca euangelista, ceterisque itineris sociis post varias in Macedoniam, Graeciam, in plurimas Asiae prouincias, ac denique Hierosolymas susceptas peregrinationes Romam peruenisse, ibidemque captiuium retentum fuisse; in qua captiuitate quoque Lucas, qui hucusque et itinerum et laborum apostoli so-

(Winckleri Hypomn.) Z cius

cius fidissimus fuerat, cum eodem perseuerauerat. Sine omni ergo ratione alium Lucam fingeremus, Paulo tunc, cum ad Colossenses scriberet, praesentem hosque salutantem, eam saltem ob causam, quoniam medicum eum vocauerit. Concludimus potius in contrarium: cum ex antiquitate ecclesiastica constet, diuum Lucam euangelistam indiuiduum fuisse apostoli Pauli comitem, eidemque tunc temporis, cum ad Colossenses exararet hanc epistolam, Romae adfuisse, eadem vero veterum monumenta nos quoque doceant, medicum fuisse hunc Lucam euangelistam; nullus alius, quam hic euangelista, in citato Pauli loco ab eodem potuit intelligi. Alium enim Lucam, praeter euangelistam; Paulo familiarem, ignorat omnis antiquitas. Conf. 10. GEORG. DORSCHVS in *prolegom. commentarii in euangelium Lucae*, et GVIL. ESTIVS loco supra citato. Accedit, quod inprimis vrgent beatus MICH. WALTHERVS in *harmonia biblica*, ad h. l. et beatus 10. ANDR. QVENSTEDIVS in *disputationibus exegeticis in epistolam S. Pauli ad Colossenses, disp. VIII. §. XXIX.* additum του αγαπητου epitheton, euangelistam hunc ipsum fuisse, aperte testari, illum nimirum propter plurima officia et fidem singulariter dilectum, qui Pauli erat συνεργος, *Philem. c. 24.* et fidelis ac indiuiduus intinerum, periculorum carceris-

risque eius comes, inde a *cap. XVI. actorum* ad finem vsque, et vsque ad apostoli martyrium, 2. *Tim. IV. 11.* quem etiam 2. *Corinth. VIII. 18.* prout HIERONYMVS censet, fratrem suum appellat, cuius laus sit in euangelio per omnes ecclesias et *comm. 23.* apostolum ecclesiarum ac gloriam Christi, quem iusserint ecclesiae comitem esse itinerum ipsius. *comm. 19.* Quae HIERONYMI sententia et ex eo confirmari potest, quod in fine epistolae memorantur Titus et Lucas, per quos epistola missa sit. Conf. HENRICVS HAMMONDVS in *paraphrasi et annotationibus in nou. test. ad loc. cit. et ad Rom. XVI. 7.*

§. IX.

Fuerunt quidem inter eruditos, qui hic Lucam euangelistam neutiquam intelligendum esse putarunt, aliumque potius ab apostolo Paulo fuisse indicatum, contenderunt. Verum enimvero rationibus, quibus inducti illi pro hac opinione propugnarunt, rite expensis, eas

minus probabiles esse, deprehendimus.

Primus, qui nobis innotuit, veterem et communem Paulini loci interpretationem in dubium vocavit DESIDERIVS ERASMVVS, Roterodamus, in *annotationibus ad nou. testamentum*, anno MDXXI. editis, pag. 511. quem secutus IO. CALVINVS *commentario in epistolam ad Colossenses*, tom. VII. operum, Amstelodami anno MDCLXVII. in folio excusorum; antiquitatis inde hostis et nouitatis amator dictus IO. MALDONATO in *commentario in quatuor euangelistas*, tom. II. pag. 5. a. In eandem sententiam deinde abierunt SAM. BASNAGE, qui in *annalibus politico - ecclesiasticis ad A. C. LX. n. 33. tom. I. pag. 713.* Lucam medicum a Luca euangelista solícite distinguit, et ex nostratibus reuerendus CHRISTOPH. AVG. HEVMANNVS tom. II. *poeciles*, pag. 518. seq. nec non GOTTLOB KRANZIVS, dubium esse iudicans, in *compendio historiae ecclesiasticae*, post mortem eius a IO. CASP. GE-MEINHARDT auctius euulgato, pag. 50. in *notis*, vt et celeberrimus Lubecensium philologus IO. HENR. A SEELEN in *diatr. de medicorum meritis in sacram scripturam*, in ipsius *meditationibus exegeticis*, part. II. pag.

pag. 699: *seqq.* recusa, §. XLVII. qui etiam dubitare videtur.

Rationes, quae, ut Lucam euangelistam ibi intelligant, non permittere videntur viris his doctissimis, quatuor potissimum sunt:

α) Quia notior ille fuerit, quam ut artis nomine eum designauerit Paulus apostolus, ideoque aut nullo plane addito, aut splendori titulo debuisse eum ab eodem insigniri, putant. Ita GALVINVS subsumit, quando *citato loco* ait: *non assentior iis, qui euangelistam Lucam intelligunt, nam et notiorem fuisse iudico, quam ut opus fuerit tali indicatione, et splendidiori elogio fuisset insignitus. Certe coadiutorem suum, aut fidum saltem comitem, et certaminum participem vocasset.* In calce tamen, addit, se non contendere tanquam de re certa, sed tantum coniecturas asserre. Simpliciter eum, nullo addito artis nomine, Paulum designatum fuisse, si innuisset euangelistam, doctissimus HEVMANNVS censet *l. c.* Si isto loco Paulus innuisset comitem suum, omnibus notum, Lucam euangelistam, simpliciter vocasset Lucam, uti fecit 2. Tim. IV. 11. At ut significaret, se de alio Luca loqui, discriminis causa addit ο ιατρος. SAMVEL BASNAGIVS, qui quaestionem hanc magnis

ponderibus examinandam artificisque non populari trutina iudicat, *cit. loco* Paulum addito potius euangelistae, quam medici, titulo Lucam commendaturum fuisse, existimat. Quamvis enim medicinam concedat esse scientiam nobilem, multum utilitatis afferentem humano generi; tanto tamen infra praedicandi munus esse pronuntiat, quanto corpus a mente superetur. At vero, si dicendum quod res est, non videtur tanti esse ponderis haec ratio, ut idem nobis persuadeat, quam quidem nimis debilem appellat IO. GEORG. DORSCHÉVS saepius *cit. loco*, ut totius antiquitatis consensus ea infringatur. Rectius contra IO. MALDONATUS argumentatur *l. c.* *Si Lucas ille, de quo Paulus loquebatur, euangelista non erat, aliqua eum debuit certiori nota distinguere, non ita describere, ut omnis erraret antiquitas, euangelistam putans, qui medicus fuerit, arte longe diuersa.* Nec splendidiori titulo potuisse eum ab apostolo insigniri, monet, quam ut unus inter multos, qui simul nominabantur, carissimus appellaretur, quod vocabulum intimum affectum denotat, quo titulo pater quoque coelestis filium e coelis vocabat. *Matth. XVII 5.* Nemo sane Paulo carior, quam Lucas, perpetuus eius comes, aut esse poterat, aut vocari debebat, nemo solus carissimus, nisi qui solus eum in summis periculis

culis non deseruerat. 2. *Tim. IV.* 11. Timothei exemplum in subsidium vocat MALDONATVS, qui, quamuis etiam adiutor Pauli fuerit in praedicando euangelio, non tamen semper comes aut eiusdem particeps certaminis appelletur, sed aliquando filius carissimus, 1. *Cor. IV.* 17. titulo illi consimili, quem Lucae tribuit, aliquando tantum Timotheus, nullo adiecto epitheto honoratorii, 1. *Cor. XVI.* 10. Vti autem non necessariae semper sunt eiusmodi appellationes, a consuetudine potius et libertate scribentis pendentes, ita concedimus, necessarium quidem non fuisse, vt titulus medici adderetur; at sine vlla tamen textus diuini grauatione addi ab apostolo potuisse, simul obseruandum. Dum ergo diuus Paulus medicum hic vocauit Lucam, non euangelistam, libere id fecit, vt 2. *Tim. IV.* 11. solo nomine contentus nihil addidit, contra *Philem. comm.* 24. pari libertate coadiutoris vocem adiecit. Conf. FRANC. GOMARVS in *explicatione epistolae ad Coloss. part. II. operum*, pag. 249. Si quid interim coniectura assequi licet, fortasse ideo hoc loco Paulus medici nomen addidit, quoniam arte ista Colossensibus euangelista innotuerat, vt beatus SEBAST. SCHMIDVS existimat in *comment. ad b. l.*

β) quia moris non sit, theologum a pristina viuendi ratione, sed a munere, quod praesens obeat, vocari. Urget hoc doctissimus BASNAGIUS, non ab ea arte, quam olim tractauerint verbi diuini praecones, designari eos postmodum putans; quare Lucam hic non a communi, sed a sacra potius disciplina titulum adipisci debuisse iudicat. * Quid vero impedit, quo minus etiam a pristino vitae genere Lucas hic vocetur medicus? Simile exstat diui Matthaei euangelistae exemplum, qui ante conuersionem publicanum egerat, at apostoli iam munere fungens adhuc *τελωνης* vocatur. Conf. HIERONYMVS *ad Coloss. IV. 14.*
tom.

-
- * Ex ordine temporum, quem in scriptis noui foederis, locandis sequuntur IOANNES PEARSONIUS in *annalibus Paulinis* et IOANNES MILLIUS in *prolegomenis ad editum a se nouum testamentum*, num. LXXX. et CXII. et secundum epistola ad Colossenses, in qua Paulus Lucam medicum dicit, anno aeris christianae LXII. euangelium vero Lucae anno LXIV. scriptum est, argumentatur reuerendus CLAWSWITZIVS §. VII. Lucam, cum euangelium hoc tempore nondum scripserit, neque ecclesiis hoc nomine innotuerit, euangelistae nomine commendari nondum potuisse, *ιετρον* vero nomine potius appellari, quod vitae hac prioris conditione Colossensibus forte aliisque cognitus fuerit, nec artis salutaris exercitio tunc temporis abstinerit. Habet haec ex beati IOACHIMI LANGII *apostolischen Licht und Recht, ad Coloss. IV. 14.*

tom. IX. operum, pag. 304. Accedit, quod incertum adhuc sit, annon etiam tunc medicum Lucas egerit, adeoque non tantum pristina, sed etiam praesens fuerit haec eius viuendi ratio, qua de re pluribus infra dicemus.

γ) quoniam Lucas iste, cuius nomine hic Colossenses salutabat apostolus, expers fuerit circumcisionis. Colligit hoc ex salutandi ordine laudatus BASNAGIVS, quo vtatur Paulus in eodem capite, *comm. 10. 11.* vbi sibi Aristarchum, Marcum et Iesum, Iustum dictum, solos ex circumcisione adesse coöperarios testetur. Hoc autem in euangelistam plane non quadrare ipsi videtur, qui in designandis temporibus Iudaeorum adhibeat disciplinam, pentecosten scilicet ieiunium, tertiam noctis vigiliam, adeoque iudaicum morem sequatur; cuius calamo spiritus sanctus vsus fuerit exarandae non contemnendae sacrorum codicum parti. Diuina vero oracula, vti Iudaeis credita praecipua fuerint, sic iudaico quoque calamo scripto mandari debuissè, putat vir doctissimus. Hoc ipso ergo Paulum redarguere HIERONYMVM contendit, qui in *quaestionibus suis in Genesin, pag. 39.* Lucam egisse profelytum, narrauerit. Dum enim Paulus apostolum Lucam medicum ex circumcisione vnum esse neget, coarguere eum traditionem de Luca profelyto, quoniam

niam profelyti abdicato praeputio in vnum cum gente iudaica corpus coaluerint, ut adeo ex HIERONYMI traditione non obscuro discrimine Lucas euangelista a Luca medico distinguatur. Totum vero hocce BASNAGII corrui argumentum, duplici fundamento, quo illud nititur, euerso. Primum enim ex salutandi ordine, quem adhibuit Paulus, non sequitur, Lucam fuisse gentilem. Salutantes dum commemorat, primum eos, qui ex circumcisione cum ipso erant, nempe iudaeos in sinu ecclesiae iudaicae natos, indicat: *comm. 10. 11.* inde ad eos, quos ex Colossensium coetu secum habebat, pergit: *comm. 12.* postea Lucam et Demam nominans, neque quod ex circumcisione fuerint, neque quod ex gentilium numero, neque quod profelyti, affirmat, sed nuda nomina proferens, solo *τοῦ αἰσχροῦ* titulo Lucam designat. Deinde adeo certum non est, Lucam fuisse iudaeum, neque id BASNAGIVS fati ex allegatis in euangelio Lucae ritibus dictisque iudaicis confirmat. Certe opus non erat ad consignandam historiam euangelicam, prius sacra iudaeorum amplecti. Satis erat, quod Christo fidem dederat euangelista, historiam eius consignaturus, quam non iudaeis tantum, sed et gentilibus destinasse summi numinis clementiam, constat. Cumque gentiles etiam sub noui foederis temporibus

bus dona spiritus sancti acceperint extraordinaria: quidni etiam illis spiritus sanctus uti potuit librorum sacrorum scribis? Imo ad peculiarem dei providentiam id referendum esse, putat IOANNES GEORGIVS DORSCHÉVS in *praecognitis ad commentarium in acta apostolorum*, quod, cum reliqui euangelistae procul dubio Iudaei fuerint, hic primus ex gentilibus ad euangelistae dignitatem assumtus, imo vnus, fuerit. Hoc enim ipso voluisse deum demonstrare, autumat vir summus, etiam gentiles ad euangelium pertinere. Conf. IO. LVDOV. LINDHAMMERVS in *praecognitis ad commentarium in acta apostolorum*, §. V.

δ) quoniam articulus, discernendi causa additus, magis suadeat, ut de alio quopiam Luca dictum hoc accipiamus, quam de Luca euangelista. Verba haec sunt DESIDERII ERASMI, Roterodami, *cit. loco*. Dubito autem, an satis praegnans sit haec ratio. Non enim discernendi causa additus ab apostolo fuit articulus; potius maioris illum emphaseos causa addidisse eum, dicendum erit, si aliquid significare deberet, quo digito quasi monstret Lucam illum euangelistam, quem medicum esse omnes sciant, quemque ut fidelissimum suum comitem magni se facere, pariter constet.

§. X.

Cum itaque, neminem, nisi euangelistam Lucam, fuisse isto loco a Paulo apostolo intellectum, euictum dederimus; de addito ab eodem του αγαπητου elogio inquirendum adhuc est, num ad nomen Lucae referendum sit, an vero epitheton του ιατρου dicendum?

Medici epitheton esse το αγαπητος, putavit SEBAST. SCHMIDIVS in *commentario ad h. l.* quasi dixerit apostolus: *dilectissimus mihi medicus.* Et videtur ipsi quidem Paulus eum non tantum vocare medicum propter medicinam corporalem, sed maxime ob spiritualem, quod non corporum solum, sed et animorum medicus exstiterit; quomodo per elegantem allusionis tropum inclusum simul coadiutor dicatur apostoli. Rationem, quare epitheton του ιατρου faciat, reddit hanc, quoniam desit in graeco articulus. At vero haud videmus, quofundamento hoc affirmauerit summus olim hic theologus. Adest enim in omnibus codici-

codicibus graecis articulus; qui quidem si adsit, ipse concedit SCHMIDIVS, Lucae iudicandum esse epitheton το αγαπητος. Nec vllum, qui omiserit articulum, codicem adduxit in sua noui testamenti editione IO. MILLIVS. Malumus ergo cum GVIL. ESTIO, quem a se dissentientem citat SCHMIDIVS, το αγαπητος esse epitheton non του ιατρου, sed Lucae, quasi dicat Paulus: *Lucas medicus, et mihi dilectus*. Quocum consentit etiam beatus LVTHERVS, qui vertit: Lucas der Arzt, der Geliebte. Additus autem hicce του αγαπητου titulus multum confirmat, quod Lucam euangelistam indicauerit apostolus, quippe in quem optime quadrat,

§. XL

Inprimis vero ipse diui Lucae stilus, illum medicae artis fuisse peritissimum, euincit. Sermo enim eius cum ad veterum normam propius isto, quo vtuntur ceteri euangelistae, accedat, ipseque, vbi de morbis eorumque curationibus agit, verba magis

gis, quam alii faciunt, adhibeat argumento idonea, recte inde, arti salutari eum operam dedisse, concluditur.

Suo iam tempore HIERONYMVS eam ob causam Lucae maiorem, quam ceteris euangelistis, graecae linguae peritiam tribuit, quoniam medicus fuerit. Sic enim in *epistola ad Damasum, tom. III. operum, p. 83. Lucas, qui inter omnes euangelistas graeci sermonis eruditissimus, quippe medicus; et in comment. in Esa. cap. VI. ubi ipsum medicae artis scientissimum et magis graecas literas sciuisse quam hebraecas affirmat, ideo sermonem eius tam in euangelio, quam in actibus apostolorum comtiorem pronuntiat, et secularem redolere eloquentiam ait. Unde non immerito eum dici posse polyhistorum tersum et amoenum, iudicat DAN. GVIL. MOLLERVS in dissertatione de quatuor euangelistis, cap. IV. §. VI. Nec sine ratione comtum Lucae stilum studio eius medico assignat HIERONYMVS. Huic enim deditus cum graecos auctores, qui de arte medica praeceperunt, diligenti manu peruolutaret, inde eum stilum quoque magis magisque perpoliuisse, facile est iudicare.*

Ex recentioribus vero pluribus ex stilo euangelistae nostri, eum medicum fuisse, demonstrauit IOANNES FREIND, medicus Anglus haud incelebris, in *historia medicinae a Galeni tempore usque ad initium seculi XVI.* anglice scripta, quam latina ciuitate donatam edidit IO. WIGAN Lugduni. Batavorum anno MDCCXXXIV. in forma octuplicata. Hic cum pag. 134. de medicis, in aliis artibus non minus, quam in sua, versatis multumque inde professionem suam ornantibus dixisset, Lucam etiam euangelistam in medium producit. Hunc, quamuis aliquam concedat ipsi hellenismorum et loquellae Syrae misturam, quod in homine ortu Syro et ab hellenistis verosimiliter ad iudaicam religionem conuerso ferendum esse putat, ex graecorum tamen auctorum, dum medicae arti studuerit, lectione stilum expoliuisse iudicat. Inprimis obseruat, eum, vbi de morbis aut curationibus eorum sermo incidat, ideo, quod medicinam professus fuerit, voces adhibuisse magis, quam alios, argumento idoneas. Profert, illud vt probet, nonnulla ex euangelio eius loca, eademque cum ceterorum euangelistarum locis confert. Primum *cap. V. comm. 18.* paralyti correptum admodum commode ab euangelista Luca παραλελυμενον dici notat, qui a Matthaeo *cap. IX. 2.* et Marco *cap. II. 3.* παραλυτικος dicitur.

dicatur; quam quidem vocem nusquam apud veteres occurrere ait. Mulierem sanguinis profluo laborantem secundo loco adducit. Eam a diuo Marco *cap. V. 26.* describi dicit quasi πολλά παθουσάν υπο πολλών ιατρών, και δαπανήσασάν τα παρ εαυτης πάντα, και μηδεν ωφεληθείσαν, αλλά μάλλον εις το χειρόν ελθουσάν: quae omnia diuus Matthaeus *cap. IX. 20.* omiserit, Lucas autem eadem, alio tamen more, multumque in professionis medicae gratiam, tradiderit, cum pro eo, quod multa a multis medicis passa fuerit, et ex curatione deterius se habuerit, id solum dicat, quod vis morbi medicamentorum potentia maior exstiterit: ουκ ισχυσεν υπ ουδενος θεραπευθηναι. *cap. VIII. 43.* Porro de nummis a muliere impensis loquentem Lucam verbo perquam idoneo vti annótat, προσαναλώσασα, cum vox a S. Marco adhibita, nempe δαπανήσασα, luxuriosam tantum pecuniae profusionem proprie significet; quo sensu etiam eandem habeat in filii prodigi historia diuitis Lucas *cap. XV. 14.* Ita in eiusdem mulieris tradenda curatione nihil aliud dicere Matthaeum obseruat, nisi εσωθη; Marcum contra, ad similitudinem locutionis hebraicae, εξηρανθη η πηγη του αιματος: Lucae vero phrasin, vti magis medicam, ita simpliciore quoque et correctiore esse iudicat: εση η ρυσις του αιματος. A muliere fan-

sanguinis profluio laborante progreditur
 FREINDIUS ad vocem Lucae, qua in de-
 scribenda Christi morbos multorum sanan-
 tis historia vsus fuerit, diuersâ ab istis, quas
 Matthaeus et Marcus adhibuerint. Hi ex
 ipsius mente non tam accurate versati sunt,
 quando ille de aegrotis a seruatore sanatis
cap. XIV. 36. διεσωθησαν, et hic *cap. VI. 56. σωζοντο* in-
 quiunt, quam Lucas, qui verbo
 vtatur, sanationem peculiariter exprimente:
ιατο παντας. cap. VI. 19. Ad centurionis
 famulum curatum inde peruenit, eumque
 a diuo Luca non sanatum modo, vti a
 Matthaeo *cap. VIII. 13.* sed *υγιαινοντα*,
 perfecte valentem, commemorari obseruat
cap. VII. 10. quo curatio efficacior signifi-
 cetur. *Cap. V. 31.* Lucas ipsi magis com-
 mode voce *υγιαινοντες* vsus est, quam Mat-
 thaeus *cap. IX. 12.* et Marcus *cap. II. 17.*
 voce *ισχυοντες*, cum homines temperamenti
 validissimi morbis conflictari queant, v. g.
 capitis dolore, qui medici opem requirant,
 illi vero, qui bene valeant, hanc non desi-
 derent. Quando de Petri focru agens Lu-
 cas *cap. IV. 38.* dicit; *ην συνεχομενη πυρετω*
μεγαλω, hoc sermone eum vti putat, quo
 morbum curatu difficiliorem fuisse, osten-
 dat; GALENO enim teste *μεγεθος* et *σφοδρο-*
τητα in morbis eodem sensu a medicis vsur-
 pari, hosque interdum febrem *μειζονα*, in-
 terdum *σφοδροτερην*, quam ante fuerit, di-

(Winckleri Hypomn.) A a cere.

cere. Loca demum illa citat, quae apud Lucam euangelistam solum exstant, v. g. *cap. IV. 23.* prouerbum: *medice, cura te ipsum*, (quod etiam solum Lucam, quippe medicum, habere, vti Matthaeum, publicanum, illud: *οι βιασαι απεραζουσιν αυτην*, *cap. XI. 12.* obseruauit ALEXANDER MORVS in *notis ad quaedam noui testamenti loca*, pag. 86.) et *cap. XXIV. 39.* verba seruatoris: *palpate me et videte, quia spiritus carnem et ossa non habet*; inprimis autem historiam de agone Christi, quo sudor ipsius factus sit vti guttae sanguinis decurrentis ad terram, a ceteris euangelistis omisam, perquam apte vero a Luca, vtpote medico, *cap. XXII. 44.* commemoratam esse monet. Tandem illud etiam notatu dignum esse subiungit, quod Lucas euangelista in enarratione miraculorum seruatoris, quae ad sanationem pertinent, diligentior fuerit atque fusior, multasque protulerit historias, quas ceteri tacuerunt, v. g. de resuscitato viduae filio in vrbe Nain, *cap. VII. 11. seqq.* de viatore, a Samaritano, infuso vulneribus eius oleo vinoque, curato, *cap. X. 30. seqq.* de muliere, quae spiritu infirmitatis per octodecim annos laborauerit, a Iesu sanata, *cap. XIII. 11. seqq.* de homine hydropico, *cap. XIV. 2. seqq.* de decem illis, qui lepra infecti ad sanitatem redierint, *cap.*

cap. XVII. 12. seqq. et de aure ferui pontificis maximi a Christo curata. cap. XXII. 51.

Haec sunt, quae diuum Lucam euangelistam satis fortiter medicum arguere, putat IOANNES FREINDIVS. Et, si dicendum quod res est, secure inde ad artem eius medicam vtique concluditur. Interim neque hoc negari potest, nimium paulo partibus studuisse FREINDIVM, medicamque Lucae professionem benignius hoc de eo iudicium ipsi extorsisse; vti iudicarunt ARMAND DE LA CHAPELLE in *bibliothèque angloise, tom. XII. part. II. pag. 522. et* IO. CHRISTOPHORVS COLERVS in *der aus-erlesenen theologischen Bibliothek, part. XXII. pag. 874.* Vbi e. g. de verbo *ἀπαύρειν* obseruat DE LA CHAPELLE, non semper male sumi, idque exemplis ex AELIANO atque XENOPHONTE allatis probat. Quod etiam de verbo *σωζέσθαι* est obseruandum, quo non tam accurate ceteros euangelistas in enarranda aegrotorum a seruatore sanatorum historia vsos fuisse FREINDIVS pronuntiat; quod tamen ipse Lucas de recuperatione valetudinis adhibuit *cap. XVII. 19. XXIII. 35. vt et Actor. IV. 9.* Idem de nonnullis aliis, quae a Luca euangelista, tanquam medico, melius, quam ceteris euangelistis, descripta autumat, moneri posset, imo incautius quaedam fu-

isse ab eo prolata, demonstrari; si per temporis angustiam singula sub examen vocare licuisset. Quamvis autem nimium ita dedisse arti suae eiusque amor FREINDIVM, nec in omnibus, ubi Lucam tanquam medicum a ceteris euangelistis differre putavit, rem acu tetigisse, concedamus, nihil tamen inde ipsi argumento eiusdemque vi decedit. Accuratiores enim euangelistae nostri in describendis morbis eorumque sanationibus opera, selectus in vocibus, quibus usus est ibidem, adhibitus, ceterumque scribendi genus, medicorum loquendi rationi propius accedens, eum artis huius fuisse peritissimum, satis superque demonstrant.

§. XII.

Commemorauimus hactenus argumenta, quibus, diuum Lucam euangelistam fuisse medicum, probatur, tum a testibus id affirmantibus, tum ab ipso eiusdem stilo, idem demonstrante, desumpta. Haec quamvis aperte satis illud confirmant, qui-

quibusdam tamen viris doctis contraria potius sententia placuit, omnisque de arte diui Lucae medica traditio visa fuit incertissima. Cum vero non haberint solidas ac sufficientes, quas regerere potuerint, rationes, tantum abest, vt detrahat aliquid eorum dissensus thesEOS nostrae veritati, vt ista potius, indicata argumentorum eorum leuitate, eo magis confirmetur.

Faciunt quidem illud, quos iam in medium produximus, viri alias longe celeberrimi, qui in citato diui Pauli loco alium, quam euangelistam, Lucam volunt subintellectum. Hi nimirum, ne ibi illum intelligere cogantur, artem quoque eius medicam in dubium vocant. Quamuis enim SAM. BASNAGIUS concedere videatur, aut potius cogatur, quod prius, quam euangelii ministerio consecratus fuerit, medicum Lucas agere potuerit, non tamen suo id calculo approbat, potius in scriptura causas adesse existimat, quae Lucam euangelii

gelistam a Luca medico distinguere nos iubeant. Praeter illos vero inprimis, nullo Paulini illius dicti habito respectu, negarunt, quod medicus fuerit Lucas, IO. HENR. BOECLERVS et GEORGIUS CALIXTVS, duumviri in historia alias tam sacra quam profana versatissimi. Et ille quidem in *historia sua vniuersali*, quam ex manuscripto IOANNES GOTTLIEB MOLLERVS Rostochii anno MDCXCV. in forma quadripartita edidit, hac de re ita iudicat: *fluxit ex Hieronymo vulgaris illa opinio, Lucam fuisse medicum, res tamen est incertissima.* Simile est CALIXTI iudicium in *concordia quatuor euangelicorum scriptorum*, pag. 4. vbi sententiam illam satis vulgatam, nec tamen satis ratam vocat. Nec abnuuit celeberrimus olim Lubecensium praeful beatus GEORG. HENR. GOETZIVS. Quamuis enim in *disquisitione de theologis pseudo-medicis* §. XVII. siue in *meletematibus Annaebergensibus*, vbi recudi eam curauit, pag. 470. in honorem antiquitatis ecclesiasticae statui posse dicat, Lucam euangelistam fuisse medicum, in *oratione tamen de viris doctis, Lucae insignitis nomine*, in qua Lucas euangelista primum locum occupat, ea, quae de medicina ipsius afferuntur in medium, ancipiti esse in loco atque certis destitui rationibus, iudicat, idque a quamplurimis hucusque probatum esse, pronuntiat. Citauit

tauit hanc in rem ibidem *meletemata* sua *Annaebergensia*, loco nobis iam citato; at vero ibi neminem, nisi BOECLERVM solum ex negantibus adduxit, vt adeo non videamus, quos per quamplurimos illos intellexerit, qui, incertum id esse, quod de Luca affirmauimus, demonstraerint. Ad BOECLERVM autem et CALIXTVM quod attinet, quamuis magni alias aestimetur nobis eorum auctoritas, hic tamen nulla videtur esse, cum rationes, quae incertum id reddant, plane nullas adduxerint, nec causam, cur HIERONYMO fides non sit in hoc de Luca euangelista medico asserto habenda, vllam addiderit BOECLERVS.

Negantibus additur etiam beatus THOMAS ITTIGIVS a beato CHRIST. STOKIO in *clauae linguae sanctae noui testamenti*, pag. 462. CHRIST. LVDOV. SCHLICHTERO in *ecloga de Luca pictore*, pag. 6. not. *) et IO. CONR. SCHWARTZIO in nuper editis *commentariis graecae linguae*, pag. 858. not. *) quasi in *selectis capitibus historiae ecclesiasticae*, sec. I. cap. VII. sect. VII. §. II. Lucam medicum pariter ac pictorem fuisse, negauerit. Sed fugitiuo fortasse, quod aiunt, oculo consuluerunt ITTIGIVM hi viri docti. Refert enim is tantum, locum Paulinum nonnullis persuasisse, Lucam euangelistam fuisse artis medicae peritum eandem-

demque exercuisse, ipse autem negat minime, sed in medio rem relinquit, vti et cel. PETRVS ZORNIUS in *opusculis sacris, tom. I. pag. 335.* vbi verba ITTIGII repetit.

§. XIII.

Illis, qui de arte Lucae euangelistae medica minus recte senserunt, annumerandus quoque est BALTHASAR CORDERIVS, societati Iesu adscriptus, qui ea, quae de Luca medico tradiderunt veteres, mystice interpretatus est.

Haud mediocris fuit BALTHASARIS huius CORDERII, viri linguae imprimis graecae peritissimi nec in patrum lectione obiter versati, in catenis graecorum patrum edendis opera. Habemus ab eo *expositionem patrum graecorum in psalmos*, Antwerpiae anno MDCXLIII. euulgatam et in tres tomos distinctam, nec non *catenam graecorum patrum in S. Ioannem*, ibidem anno MDCXXX. editam. Idem etiam prodire iussit *catenam sexaginta quinque graecorum patrum in S. Lucam, quae quatuor simul*

simul euangelistarum introducit explicatio-
nem, eodem loco anno MDCXXVIII. de
qua, vt et de duabus prioribus, vid. bea-
tum THOM. ITTIGI tractatum de bibliothecis
et catenis patrum, cap. VIII. §. IV. V. VI.
et beati IO. ALB. FABRICII bibliothecam
graecam, lib. V. cap. XVII. siue vol. VII.
pag. 742. seq. 780. seq. et 784. seq. Hic
in praefatione, praemissa catenae patrum
in Lucam, eum mystice tantum dictum
fuisse medicum, autumat, rationem red-
dens hanc, quoniam curandis hominum
animis fuerit occupatus. Male vero sibi
consuluit CORDERIVS mystica hac sua
explicatione. Numquam enim hoc sensu
vocabulum medici in rebus historicis vsur-
pari, constat. Abuti autem videtur istis
patrum locis, quibus illi medicinam euan-
gelistae nostri spirituales commendarunt,
v.g. EVSEBII in historia ecclesiastica, lib. III.
cap. IV. ASTERII, Amaseae episcopi, ser-
monem de poenitentia, in bibliotheca PHOTII
cod. CCLXXI. pag. 1489. vbi vocatur Lu-
cas πλεον των ψυχων, η των σωματος ια-
τρος. Vti autem veteris ecclesiae docto-
ribus plus iusto arridebat mystica illa et
allegorica scripturam explicandi ratio, cu-
ius dulcedine ductis nihil ipsis placebat,
nisi quod allegorias sapiebat et sublimio-
rem sapientiam; ita hac in parte secutus
illos CORDERIVS non potuit non in simi-

lem cum illis incurrere censuram, qua nimium ingenio suo indulgisse eum etiam in hac Lucae medici explicatione, iudicarunt eruditi.

§. XIV.

Firmo ergo talo nititur antiqua illa et communis de arte divi Lucae euangelistae medica sententia. Quando autem exinde, quod deditus illi fuerit, colligere nonnulli voluerunt, humilem ipsi contigisse nascendi sortem, non possumus non erroneam hanc eorum coniecturam pronuntiare.

Constat, Lucam nostrum fuisse Syrum, Antiochia nimirum, vrbe Syriae percelebri, oriundum. Haec autem Syria cum Romanis multos seruos exhibuerit, ac medicina munus fuerit seruile, volunt, Lucam quoque inter romana aliquamdiu vixisse mancipia, ibidemque artem medicam in seruitute sua exercuisse, donec manumissus et patriae redditus per omnem vitam arti illi praeclaro

re et praedicando simul euangelio vacauerit. Sententia haec est HVGONIS GROTH in *annotatis ad Lucae euangelium, tom. VI. criticorum sacrorum, pag. 1152.* quam suam etiam fecit GVIL. CAVE in *antiquitatibus apostolicis, p. m. 763.* Sed falsa est, quae hic asseritur, hypothesis. Verum quidem est, Syros inprimis seruituti natos dici apud veteres, Syrorumque inde frequens seruorum fuisse nomen. Vid. IOANNES CLERICVS *ad Genes. XXXII. 5.* et NIC. ABRAHAMVS *ad Ciceronem, tom. III. edit. GRAEVII, part. I. pag. 593.* Inde vero nondum sequitur, Lucam ex Syria oriundum inter romana aliquamdiu vixisse mancipia, quemadmodum in contrarium recte monet PETR. ZORNIVS in *epistola, qua: num medici olim serui fuerint, necne?* disquisiuit, Kilonii anno MDCCX. edita et recusa in eius *opusculis sacris, tom. I. pag. 335. seq.* Deinde falsum quoque est, uti ibidem ille docet, solos seruos fuisse medicos. Quamuis enim olim FRANCISCVS ROBORTELLVS eandem defenderit sententiam, rectissime tamen, quod medicina ars fuerit seruilis, negasse IAC. SPONIVM in *miscellaneis eruditaе antiquitatis, pag. 144.* CELLARIVM in *dissertatione de originibus et antiquitatibus medicis, cap. VI. §. II.* ISAAC. CASAVBONVM *ad Suetonium,* CAROL. DRELINCOVRT in *apologia medica,* SAM. PETI-

PETITVM *comment. in leges atticas*, p. 300. et MATTHIAM ZIMMERMANNVM in *flori-legio philologico-historico*, pag. 512. obseruat ZORNIVS, addens, quotquot Romae medicinam professi fuerint, ingenuos, saltem libertos, fuisse, in magna apud principes constitutos gratia, eorumque consiliarios amicos dictos, testibus ISAAC. CASSAVBONO et CLAVD. SALMASIO in *annotationibus ad Aelium Spartianum*, EZECHIELE SPANHEMIO *dissert. V. de praestantia et usu numismatum antiquorum*, p. 44. LAVRENTIO PIGNORIO *de seruis et eorum apud veteres ministeriis*, p. 219. MATTHIA ZIMMERMANNO in *analectis miscellis mensuris eruditionis sacrae et profanae*, pag. 166. IAC. GOTHOFREDO *commentario ad tom. III. codicis Theodosiani*, pag. 7. IO. SELDENO in *uxore hebraea*, lib. II. cap. XVI. pag. 143. et BERNH. LAMI *comment. in harmon.* pag. 572. Erudite quoque nuper idem, quod non seruilis fuerit medicorum, Romae degentium, conditio, docuit RICHARDVS MEAD, medicus Anglicus, in *oratione anniuersaria Harueiana*, qua honores * medicinae recensuit, et per quos maxime reges aut principes et apud quos

* Honores medicis a variis tributos commemorat IOANNES MICHAEL DILHERRVS in *disputationibus academicis*, tom. II. pag. 68. seqq.

quos populos creuerit salutaris artis gloria, demonstrauit, Londini anno MDCCXXV. impressa, cui *dissertationem* adiecit de *nummis quibusdam a Smyrnaeis in medicorum honorem percussis*. Aduersarium ille ideo nactus est CONYERS MIDDLETON, theologiae professorem et academiae Cantabrigiensis protobibliothecarium, qui in *dissertatione de medicorum apud veteres Romanos degentium conditione*, contra illum et IAC. SPONIVM *seruilem eam fuisse*, ostendere voluit, Cantabrigiae anno MDCCXXVI. in forma quadruplicata edita, cuius *dissertationis contra Anonymos quosdam, notarum breuium, responsionis, atque animaduersionis auctores, defensionem* idem edidit, cuius *pars prima* prodiiit ibidem anno MDCCXXVII. in 4. Conf. *acta eruditorum* pag. 127. *seqq.* et anno MDCCXXVIII. pag. 182. *seqq.* Praeter illas autem Anonymorum *notas, responsiones atque animaduersiones* memoratas, quibus primam defensionis suae *dissertationis partem* opposuerat MIDDLETONIVS, prodiiit etiam ipsa haec *dissertationis de medicorum Romae degentium conditione ignobili et seruili defensio examinata*, Londini anno MDCCXXVIII. *

Patet

* Conferri etiam hac de quaestione poterunt CHRISTOPHORVS WOLLIVS, aut potius, qui sub eius

Patet autem ex iis, quae adduximus, errasse utique GROTIUM et CAVEUM, nec vllum ab arte Lucae medica ad probandam humilem ipsius nascendi sortem peti posse argumentum.

§. XV.

Absolutis, quae ad confirmandam artem euangelistae nostri medicam in medium erant afferenda, restat, ut nonnulla adhuc de Luca medico momenta,

cuius praesidio respondentis munere functus est, POLYCARPVS FRIDERICVS SCHACHERVS, in dissertatione *de honoribus medicorum apud veteres*, Lipsiae anno MDCCXXXII habita, §. XXI. seqq. beatus IOANNES HENRICVS SCHVLZE in dissertatione, quam inscripsit *excursionem in antiquitates ad serui medici apud Graecos et Romanos conditionem eruendam*, Halae anno MDCCXXXIII. ventilata; DANIEL VINK in *amoenitatibus philologico-mediciis, in quibus medicina a seruitute liberatur*, Traiecti ad Rhenum anno MDCCXXX. in forma octopartita editis; et IOANNES ANDREAS BOSIVS in exercitatione historica *de clinicis veteris ecclesiae*, adiecta ipsius introductioni in notitiam scriptorum ecclesiasticorum, a IOANNE GEORGIO WALCHIO Ienae anno MDCCXXXIII. editae, pag. 584. seqq.

ta, huc pertinentia, sub finem dissertationis nostrae adiiciamus. Sic quaesitum inter eruditos fuit: num durantibus ministerii annis artem hancce exercuerit, necne? affirmantibus aliis, aliis negantibus.

Iam obseruatum supra fuit, existisse quosdam inter eruditos, qui, Lucam euangelistam medicum fuisse, negauerint. Fuisse vero paucos, nec, quae protulerunt, argumenta tanti, ut negari inde illud iure queat, simul euictum dedimus. Nonnulli tamen eorum, qui in dubio totam rem relinquere maluerunt, videntes scilicet, quod affirmantium argumenta nimis euidenter communem de Luca medico sententiam confirment, ita diiudicandam controuersiam esse putarunt, ut, durantibus ministerii annis medicae artis exercitio abstinuisse euangelista diceretur. Praecipuus horum est laudatus GEORG. HENR. GOETZIVS in citata *de theologis pseudo-medicis* disquisitione, §. XVII. p. 471. *meletemiatum Annaebergensium*. Non probabile hic esse putat, virum sanctum, cui dei voluntas exacte fuerit cognita, et varia

ria in scribenda historia sacra atque praedicando euangelio sustinenda, allotria tractasse medicisque ordinariis aegre fecisse. Hinc cum aliis ipsi videtur, medicum dici Lucam, non quod tunc temporis artem hanc adhuc exercuerit, sed quod olim eius studio addictus fuerit. In partes HIERONYMVM vocat *ad Coloss. IV. 14. tom. IX. operam, pag. 304.* sic commentantem: *euangelista ex medico erat, sicut Matthaeus iam apostolus adhuc dicitur publicanus; et MATTH. POLVM in synopsi criticorum, vol. V. pag. 898.* ex interpretum mente scribentem: *sic eum vocat ab arte, quam olim exercuit, qua etiam insignem operam fidelibus praestitit.* Cum GOETZIO consentiunt SAM. BASNAGE, de quo supra diximus, in *annalibus ecclesiasticis, tom. I. pag. 713.* *Medicum, verba eius sunt, prius egerit, si lubet, quam euangelio ministrando consecraretur. Vbi vero coelesti legati Iesu Christi dignitate indutus est, non a communi quidem, sed a sacra potius disciplina, titulum adipisci debuit; et IO. MEELFVHRERS in vindiciis euangelicis, decad. VI. disp. II. §. XCV. pag. 47.* *Lucas sane appellatur medicus. Quod autem durante suo ministerio artem medicam exercuerit, nullibi expresse legitur: aut si exercuit, eandem rationem habuit cum Paulo, illis temporibus necessitate*
ita

ita suadente, ne cursui euangelii impedimentum obiiceretur, quando aeraria et stipendia pro ministris verbi nondum erant constituta. Affirmatiuam contra sententiam defendit MICH. BOVDEWYN, medicus Batuuus, in *ventilabro medico-theologico*, Antwerpiae anno MDCLXVI. in 4. edito, pag. 267. Nostro quidem, si quid est, iudicio nec affirmari tuto, nec negari poterit haecce quaestio, cum neque exercuisse artem priorem Lucam, iam euangelistam, tradant veterum monumenta, nec etiam nuntium eum illi misisse, eadem perhibeant. Dolemus, non licuisse nobis argumenta cognoscere BOVDEWYNI, quibus illè, Lucam arti medicae durantibus ministerii annis operam dedisse, demonstrare voluit, cum liber iste perrarus haud ad manus nobis fuerit. In medio ergo totam rem relinquimus. Id saltem moneamus, ex iis, quae adduxit beatus GOETZIVS, argumentis nondum, quod exercitio artis illius abstinuerit euangelista, sequi. Vtrumque potuit ab eo fieri, ita quidem, vt praedicatio euangelii eiusque consignatio et historica de apostolorum actis relatio *εργον* fuerit ipsius atque opus primum, ars vero medica *παρεργον*, vt rem conciliant MICH. WALTHERVS in *harmonia biblica*, ad Col. IV. 14. et 10. ANDR. QVENSTEDIUS in *disputationibus*
 (Winckleri Hypomn.) B b exci-

exegeticis in epistolam ad Colossenses, disp. VIII. §. XXX. Nec inde, allotria tractasse Lucam, concludere cum GOETZIO licebit, cum nec Paulum eiusdem quis umquam arguerit, qui ipse euangelii praeconem agens artem tamen σκηνοποιίας exercebat. *Actor. XVIII. 3.* Neque medicis ordinariis aegre fecisse euangelistam, ut loqui amat GOETZIVS, dicendum erit, quando arte sua aliis opitulatus fuit; cum probandum illi antea fuisset, extitisse iam tunc temporis inter christianos certos medicorum ordines, qui, ut hodie more receptum est, isti arti solos se ac totos dicauerint. Nec insuetum olim fuit, ut theologi simul medicinae operam darent.* Docent id quamplurimis exemplis THOM. BARTHOLINVS in *commentario medico et philologico de paralyticis noui testamenti*, Lipsiae anno MDCLXXXV. in 8. tertium recuso, pag. 57. ANDR. TIRAQVELLVS *libro de nobilitate, cap. XXXI. pag. 262.* et beatus VRB. GODOFR. SIBERSVS noster in *vita sancti Spyridionis, episcopi Trimithuntini*, Lipsiae anno MDCCXVIII. in forma quadruplicata edita, *cap. II. §. XIII. pag. 38.* qui,

* De theologia et medicinae nexu egit praeter alios MICHAEL ALBERTI in praefatione *specimini medicinae theologiae praemissa*, quam de Luca Medico inscripsit.

qui, nonnumquam adeo arte salutari aditum sibi apud reges et purpuratos sternere solitos fuisse sacerdotes, obseruat, cum per simplicitatem illi aliquid diuinitatis * subesse rati, tanto citius paulo post ea receperint, quae animum integritati reddere valent. Patres, qui studio medico olim prae ceteris disciplinis fauerunt, recenset ELIAS VEIELIVS in *dissertatione epistolica de summa dignitate et praestantia studii medici iuxta mentem ductumque SS. graecorum et latinorum patrum, ad IO. CASP. BEVTELIVM* Vlmæ anno MDCXCII. data, pag. 20. Inprimis vero obseruandum hic est, prima ecclesiae christianae aetate pro temporum istorum ratione clericos quoque alias artes addiscere solitos fuisse, quo, cum aeraria et stipendia verbi diuini ministris constituta nondum essent. Conf. *Actor. XX. 34. 1. Cor. IX. 12. 2. Theff. III. 8.* ** Imo idem iniunctum illis fuisse, ex variis canonibus manifestum est, de quibus vid. IOANNES MABILLONIVS *de studiis monasticis*,
. B b 2

* *Medicos ab ecclesia pro sanctis habitos* singulari dissertatione, Lipsiae anno MDCCIX. ventilata, recensuit CHRISTIANVS BENEDICTVS CARPZOVIVS.

** *De veterum consuetudine, literarum studiis opificia iungendi*, singularem dissertationem Wättebergae anno MDCXCVI. habuit CHRISTIANVS WILHELMVS LOESCHERVS.

sticis, lib. I. cap. XIV. Ita Lucam sui sustentandi causa postea etiam artem medicam exercuisse, affirmari poterit, nec tamen inde aliquid characteri ipsius euangelistae detrahatur. Vide sis FRIDER. BALDVINVM *comment. ad Col. IV. 14. 10.* GERHARDVM *loco de ministro ecclesiae, §. CCXCII. 10.* ADAM. OSIANDRVN in *theologia casuali, part. V. cap. II. pag. 554.* et THOM. BARTHOLINVM *l. c.* Aliam rationem ex beato HVNNIO reddit SEBAST. SCHMIDIVS in *comment. ad Col. IV. 14.* quare adhucdum medicum fuisse Lucam, Romaeque medicinam exercuisse, credibile sit, vt gratior nimirum Romanis esset, et conciliandi Paulo gratiam occasionem haberet. GOETZIVS quidem cur tam acriter id oppugnaverit, facile est videre. Animus ipsi fuit in laudata disquisitione, quod theologis lucri causa artem exercere medicam non liceat, demonstrare. Solidis quoque illud atque firmis argumentis confirmavit. Cum vero ad rationes, quae in contrarium afferri solent, examinandas atque diluendas peruenisset, ex MARTINI SCHOOCKII *variis animadversionibus* depromsit illas atque refutavit. Opposuerat hic inter alia REINÉSIO exempla eorum, qui sacris destinati negotiis medicinam professi fuerint, et Lucam quoque his euangelistam iunxerat. Hinc, quo deesset huic SCHOOCKII argu-

argumento robur, omnem mouit lapidem beatus GOETZIVS, vt veterem de Luca medico sententiam, vnanimi consensu primis temporibus approbatam, in dubium vocaret, aut saltem, Lucam durantibus ministerii annis abstinuisse artis huius exercitio, demonstraret. Sed non opus habuisset vir doctissimus tanto id conatu agere. Minime enim, si vel maxime medicum egit Lucas, euangelistae munere fungens, exinde, idem hodiernum licere ecclesiae ministris, sequitur, cum alia ratione honeste possint illi sustentari, nec artibus vti aliis adscititiis necesse habeant; sicuti communi hoc studio improbarunt nostrates theologi. Vid. FRID. BALDVINVS in *commentario ad Col. IV. 14.* nec non MICH. WALTHERVS in *harmonia biblica ad eundem locum, et in centuria miscellaneorum theologicorum, pag. 277.*

§. XVI.

Quae vero praecipuorum in historia sacra capitum fuere facta, vt circa illa miracula vbiuis deprehenderit fabellasque finxerit nimia hominum, super-

stitutioni litantium, erga sacra reuerentia: eadem quoque Lucae medici experiri debuit historia, hinc inde effectus supernaturales reliquiis eius affingentibus credulis istorum temporum ingeniis.

De reliquiis euangelistae Lucae, summa veneratione a religiosa antiquitate exceptis, iam non dicemus, alia fortasse occasione id vna cum ceteris vitae ipsius circumstantiis vterius explicaturi. Saltem ea, quae a diuo Luca, tanquam medico, profecta venerata fuit superiorum temporum superstitio, paucis commemorabimus. *Αλατιον* aliquod finxerunt illi, quod auctorem agnoscat euangelistam. Mirandam tribuerunt huic efficaciam omnes curandi morbos, imprimis oculorum restituendi aciem, visumque ad senectutem vsque conservandi. Monachos inde Aegyptios vt illo ad satietatem vsque nugati sunt, quo lectionibus vacare semper queant. Praesertim autem calligraphis inseruire illud, diligenter ideo vtentibus isto, tradiderunt. Mentionem huius *αλατιου* fecerunt BERNHARDVS DE MONTFAVCON in *palaeo-*

laeographia graeca, pag. 37. et CAROLVS DV FRESNE in *appendice ad glossarium mediae et infimae graecitatis*, p. 90. qui in codice regio Parisino MMMCCCCXC VII. fol. 156. describi aiunt αλατιον του αγιου αποστολου και ευαγγελιστου Λουκα, δωδεκαθεον ονομαζομενον, ωφελουν εις παντα τα παθη, εξααιρετως την αμβλυωπιαν, ω και οι καλλιγραφωι χρωνται, i. e. *alatium* f. *medicamentum ex sale confectum* S. apostoli et euangelistae Lucae, *dodecatheon dictum*, omnibus morbis curandis utile, praesertim oculorum restituendae aciei, quo etiam calligraphi vtuntur. Notat ibidem MONTFAUCONVS, vocem δωδεκαθεον, *duodecim deorum*, qua medicamentum illud antiquitus insignitum fuerit, ex gentilium superstitione manasse, qui duodecim deos, aliorum primipilares, enumerabant, his duobus versibus enunciatis:

Iuno, Vesta, Minerva, Ceres, Diana,
Venus, Mars,
Mercurius, Iouis, Neptunus, Vulcanus,
Apollo.

Magnifico autem του δωδεκαθεου nomine remedii vis atque praestantia declaratur. Meminit etiam PETRVS LAMBECIVS *commentar. de bibliotheca Vindobonensi*, tom. VI. pag. 107. codicis manuscripti, in quo in-

ter alia anonymi cuiusdam auctoris opus tripartitum graeco-barbarum contineatur, cuius inprimis notabile sit *cap. XCVI. de compositione του αλατιου Λουκα του αγιου ευαγγελιστου*, h. e. embammatis falsi siue falsi intinctus (qualis ab Italis simpliciter vocatur *falsa*, et a Gallis *fausse*) S. Lucae euangelistae, professione medici; cuius quidem embammatis vtilitatem et efficaciam magnam ac multiplicem ibi praedicari ait ad conseruandam sanitatem et prolongandam vitam, si quis pie viuat et cibos in illud quotidie intingat. Effectibus his miraculosis, quos a credula antiquitate tributos esse falsi huic Lucae euangelistae, narrant laudati viri docti, alios adhuc addit NIC. MYREPSVS, Alexandrinus, in *libro de compositione medicamentorum, sect. II. quae de salibus agit, c. XVI.* vbi in describendo illo apprime diligens est. Praeter vim enim visum ad senectutem vsque conseruandi tribuit ipsi quoque virtutem hanc, quod non permittat tussim fieri et spirandi difficultatem, nec pituitam in thorace fieri sinat, neque lipitudinem, nec dentium dolorem, vellationem item sedet, et pedum dolorem fieri prohibeat. Hi sunt eximii isti effectus, quibus gaudere sal hocce siue *αλατιον*, a Luca euangelista compositum, tradiderunt veteres. Quis vero non videt, sua-

suavia haec esse somnia illorum temporum, quibus credulitate, cum superstitione plerumque iuncta, ducti homines, quibusuis statim fidem habuerunt narrationibus, easque in literas retulerunt sedulo, propagandas ita ad posteros et aliorum subinde mendaciorum accessione mirum in modum augendas. Quorum quidem commentorum uti nulla expers est pars historiae ecclesiasticae; ita in vitis sanctorum largissima cumprimis seges efflorescit. Hinc miracula ista, aut potius miraculorum monstra, ut ipsemet MELCHIOR CANVS vocat in opere *de locis theologicis*, lib. VI. cap. XI. pag. 231. ut labor fere herculeus fuerit illorum, qui in emendanda historia ecclesiastica fabulisque ac inanibus figmentis inde proscribendis laudabilem operam posuerunt, et ab iis Augiae hocce stabulum sumserunt sibi repurgandum. Quare mirum non est, tale quid diuo etiam Lucae accidisse, quem cum medicum fuisse, constaret inter veteres, commodam nanciscebantur occasionem fabularum istorum temporum promicondi noua comminiscendi miracula, ab eiusdem medicina arcessenda.

Nec satis his fabularum fuit, quod medicamenta fingerent a diuo Luca medico

profecta; necesse quoque erat, miracula excogitari, quae post mortem sancti huius viri omnes docerent religiosae antiquitatis cultores, quod medicus fuerit diuus hicc; euangelista. Eiusmodi fursuris sunt, quae de vnguento medicinali, in loco, vbi sepultus fuerit S. Lucas, reposito narrantur. Tradunt nimirum, diuum Lucam euangelistam sub imperio Neronis oleae frugiferae suffixum fuisse, cum ad parandam crucem nullum iis in locis lignum aridum fuerit repertum; corpus eius sublatum deinde a quodam et inter multa alia sepulchra reconditum, atque effectum ita esse, vt in obscuro eius sepulturae locus esset; cum vero postea discipuli eum requisierint ac propter sepulchrorum multitudinem deprehendere non potuerint, precibus a deo impetrasse illos, vt ea nocte collyria medica super eius tumulum depluerint, tanquam nota artis, quam exercuerit viuus euangelista, atque hoc quidem modo eius innotuisse sepulchrum. Ita rem narrant MICH. GLYCAS, Siculus, in *annalibus a mundi exordio usque ad obitum Alexii Commeni, imperatoris, part. III. pag. 237.* et GEORG. CEDRENVS in *compendio historiarum. p. 212.* Quemadmodum vero non magna est horum scriptorum inter historicos auctoritas, quippe quos fabulis subinde et com-

men-

mentis indulgisse constat, ita haec quoque eorum, quam recensuimus, narratio non maiorem fidem meretur, quam quae traditioni de *αλατιω* Lucae tribuitur. Vtrumque enim cum nimium redoleat illa, quibus sola fingendi relicta erat gloria, tempora, merito reiiicitur.

§ XVII.

Idem de commercio, quod cum medicorum illo principe, CLAUDIO GALENO, Pergameno, intercessisse diuo Lucae euangelistae aiunt, iudicandum est: nec enim meliori fundamento traditio ista nititur.

Insignem fuisse veterum in fingendis de medicina Lucae miraculis ac praeternaturalibus ipsi tribuendis effectibus diligentiam, ante indicauimus. Alia iam est eiusdem generis commemoranda nobis traditio. Ex CASTELLO refert IO. REISKIUS in *exercitationibus historicis de imaginibus Iesu Christi, exerc. V. cap. II. §. IV.* fuisse, qui GALENI Pergameni discipulum; alios, qui eiusdem necessarium habuerint Lucam eu-
an-

angelistam, huncque illo comite iter Hierosolymas fecisse, ut Christum medicum sine remediis vsurpatis celeberrimum cognosceret, socioque in via defuncto discipulis septuaginta nomen suum adscripsisse, voluerint. Commercium quoque literarium intercessisse euangelistae cum GALENO, nonnulli tradiderunt, vti in bibliotheca RENATI MOREAV fuit *epistola Lucae ad Claudium Galenum*, quemadmodum ex LABBEI *bibliotheca noua manuscriptorum*, pag. 217. refert beatus IO. ALB. FABRICIVS in *bibliotheca graeca*, lib. IV. cap. V. pag. 133. not. k) Statim vero, non minus confictam fuisse hanc epistolam, addit laudandus numquam satis FABRICIVS, quam imagines, quas a Luca pietas nonnulli commenti sunt. Nec maioris ponderis erit, quod de coniunctione vel affinitate Lucae cum GALENO, teste CASTELLO, alii tradiderunt. Caret enim illud quoque scriptorum fide dignorum testimoniis, quod, si verum fuisset, non sane racuissent isti, qui historiam diui Lucae diligenter satis concinnarunt.

§. XVIII.

Habent ergo, de quo gloriantur, in diuo Luca euangelista artis

tis medicae cultores. Quodsi vero patronum ideo adoptare eum vellent, aequè foret id superstitiosum, ac reliqua, quorum nonnulla commemorauimus, reprehendendae eiusmodi reuerentiae genera.

Solemne fere omnium esse solet artium cultoribus, vt magni faciant multumque arti suae accedere honoris existiment, si viros vel illustri loco natos, vel alia ratione praeter ceteris magnos illius amore flagrantés, eique operam nauantes ostentare queant. Sic eruditi insignem artium liberalium duxerunt esse gloriam, quando principes illis delectatos nec obiter in iisdem versatos producere in medium potuerunt. Natae hinc singulae virorum doctorum lucubrationes, quibus vel *principes graece et hebraice doctos*, vt GEORG. HENR. GOETZIVS; vel *concionatores et commentatores biblicos*, vt idem GOETZIVS; vel *oratores*, vt IVST. CHRISTOPHORVS BOEHMERVS ET HERM. BECKERVS; vel *historicos*, vt IO. CASP. LOESCHERVS; vel *musicos*, vt IO. HENR. A SEELEN; vel *scriptis claros*, vt summe venerandus VAL. ERN. LOESCHERVS ET

CHRI-

CHRISTOPH. SIGISM. GAMMERSFELDERVS praedica-
runt. Quidni ergo medici
quoque honori sibi ducerent, euangeli-
stam Lucam ex ipsorum ordine fuisse, ei-
demque arti nomen suum dedisse? Inte-
rim nimia tamen iudicanda eorum erga
dium Lucam reuerentia, quando patro-
num sibi adoptarunt, sicuti refert THOM.
BARTHOLINVS in *commentario de paraly-
ticis noui testamenti*, p. m. 57. Superstitio-
nem enim illud cum redolet, non possu-
mus non atro hunc ab ipsis tributum di-
uo euangelistae honorem notare lapillo.



MANTISSA POSTERIOR

EXHIBENS
DE

PHILOSOPHIAE PLATONICO-PYTHAGOREAE

FRAVDIBVS

SEV

PLACITIS ERRONEIS

A PAVLO ATQVE PETRO

1. TIM. I. 4. IV. 7. 2. TIM. IV. 1. 2. 3. 4.
TIT. I. 13. 14. 2. PETR. I. 16.

IMPROBATUS AC VITARI IVSSIS

DISSERTATIONEM THEOLOGICAM
INAUGVRALEM

PRO

OBTINENDIS SVMMIS IN THEOLOGIA
HONORIBVS IVRIBVS ET PRIVILEGIIS

DOCTORALIBVS

DIE XXV. NOVEMBRIS A. O. R. MDCCXLIV.

IN

ACADEMIA RINTELIENSI

PRAESIDE

IO. ENGELHARDO STEVBERO

2. THEOL. DOCT. EIVSDEMQUE PRIMAR. ET ANTIQVIT. HEBR.

ORDIN. PROF. AVGVSTISSIMO SVECORVM REGI ET HASSIAE

LANDGRAVIO A CONSILIIS ECCLESIASTICIS ET

COMITATVS SCHAVMBVRGICI

SVPERINTENDENTE

PVBlicae ERVDITORVM DISQVITIONI

EXPOSITAM

DENVO IAM RECOGNITAM.



§. I.

Licet, quod et rei conditio demonstrat, et ipsa experientia testatur, in addiscendis et diiudicandis aequae ac defendendis sanctioribus disciplinis usum prorsus egregium praestet philosophia sobria, nec nisi bene coelesti doctrinae esse possit, sane si colatur ista: dolendum tamen omniumque ferme seculorum exemplis comprobatum est, variis erroribus contaminari illam, si plurimum ferat plausus et ad forum sacrum applicetur philosophia grauiissimis erroribus redundans. Nolo hic repetere, quae de philosophiae in theologia abusu tam docte quam prudenter monuerunt theologi grauiissimi, quorum nonnulli allegantur in summe venerandi CHRISTOPHORI MATTHAEI PFAFFII *introductione in historiam theologiae literariam*, lib. III. §. I. not. XXIV. editionis secundae auctioris. Sufficiat his iungendos commendare duumuiros nostri aevi celeberrimos, CHRISTIANVM GOTTLIEB IOECHERVM in eruditissimo tractatu, quem *philosophia haeresium obex* inscriptum Lipsiae anno MDCCXXXII. in quadripartita forma edidit, pag. 23. seq. et CHRISTO-

(Winckleri Hypomn.) C C . STO-

STOPHORVM HENRICVM ZEIBICHIVM in doctissima dissertatione, qua Wittebergae anno huius seculi XLI. habita *per philosophiam συλαγωγουντας* omni tempore ob-
servandos exhibuit, *thes. I. seq.* ex quibus, quam variae haereses ex infausto philosophiae in foro theologico abusu seu incauta illius ad hoc applicatione ortum traxerint, cuilibet patebit.

§. II.

Interim si vlla fuit accusanda hocce nomine philosophorum secta, Platonico-Pythagorea sane prae ceteris in censum venit; primis coetus christiani doctoribus non solum isti operam inprimis, at inconsiderate, dantibus, sed haeresiarchis quoque variis multifaria hinc inde errorum monstra non minus ac portentosas loquendi formulas introducuntibus, placita illius cum doctrina christiana imprudenter coniungendo. Conferantur, qui id pluribus dederunt demonstratum, EHREGOTT DANIEL COLBERGIVS in *dem hermetisch-platonischen Christenthum*, part. I. cap. I. §. XI. *seqq.* p. 47. *seqq.* FRIDERICVS CHRISTIANVS BVCHERVS in *Platone mystico in pietista redi-
uino*, Gedani anno MDCXCIX. in quaduplicata forma euulgato, IO. FRANCI-

SCVS

SCVS BVDDEVS in *Isagoge historico-theologica*, lib. II. cap. III. §. V. p. m. 552. *seqq.*
 CHRISTIANVS KORTHOLTUS, Göttingensis hodie academiae theologus celeberrimus, in dissertatione *de philosophia orientali primis post Christum natum seculis ecclesiam christianam turbante*, Lipsiae olim anno MDCCXXXIII. ventilata, nec non laudatus IOECHERVS *loc. cit. pag. 5. seqq. et*
 reuerendus IACOBVS BRVCKERVS in *historia critica philosophiae*, tom. III. *pag. 328. seqq.*

§. III.

Haud leue ergo damnum cum ex philosophiae huius seu patronorum eius placitis erroneis contraxerit doctrina christiana, mirum non est, repetita vice contra illa quod praemunire suos studuerint ac ab istis cauere sibi eos iusserint in scriptis suis sancti Dei viri, Apostoli. Inter quae quidem monita saluberrima locum haud postremum tenent, quae a diuo Paulo pariter ac Petro leguntur inculcata 1. Timoth. I. 4. IV. 7. 2. Timoth. IV. 1. 2. 3. 4. Tit. I. 13. 14. 2. Petr. I. 16. emphatice satis, quam periculosae sine habendae dictae fraudes, docentia. Incidi autem in contemplanda haecce loca, cum superiori anno * in primo volumine *der*

C c 2]

Ham-

Hamburgischen vermischten Bibliothek, eiusdemque fascic. II. pag. 304. circa posteriorem locum eruditorum cogitata sciscitaretur celeberrimus istius editor, IO. PETRVS KOHLIVS; summe reuerendus autem ac meritissimus Tremoniensium theologus IO. DANIEL KLVGE singulari dissertatione, mense huius * anni Maio *de fabulis argutis* ibi habita, diui Petri verba curatius expendere. In quorum explicatione cum differant a se inuicem duumviri hi doctissimi, ceu tum ex citato *bibliothecae permixtae* loco, tum ex relationibus eruditis Kohlianis, *den Hamburgischen Berichten von gelehrten Sachen*, praesentis MDCCXLIV. anni, pag. 286. *seqq.* (vbi recensita legitur dissertationis Klugianae summa) apparet, vtrique vero sententiae nec ante viros istos celebratissimos defuerint patroni, in summi quondam IO. CHRISTOPHORI WOLFII *curis philologicis et criticis*, vol. IV. p. 189. *seqq.* indicati: optima mihi visa fuit rem diiudicandi ratio, si cum locis Pauli allegatis, tanquam vere parallelis, conferatur Petri diui effatum, mensque vtriusque apostoli sic eruatur facilius, altero alterum optime explicante, secum inuicem collato, loco.

§. IV.

§. IV.

In singulis istis locis quae improbantur et caueri iubentur a Paulo, quasque se minus sectatum esse Petrus fatetur, *fabulae* dicuntur; per quas quid intelligendum sit, prima merito cura interpretum fuit, varie circa determinandas istas sentientium, quorum diuersae opiniones legi possunt in citatis WOLFII beati *curis*, ad loca superiori paragrafo allegata. Quicquid vero eius sit, facile apparet, vbique eiusmodi innuitur traditiones atque dogmata, quae, tanquam media seu viam ad vnionem cum supremo Numine perueniendi, ex rationis lumine seu sublimiori philosophia petita, iactabant apostolis se opposcentes philosophi gentiles eorumque aliclae, hasque nugas suas mysticas excellentiores multo esse ac sapientia antecellere volebant verbo per apostolos praedicato. Tam infesta rei sacrae ac doctrinae christianae placita, seu somnia potius, merito fugienda Timotheo commendabat Paulus, vtque alios pariter ab iis cauere sibi iuberet, volebat. Haec Petrus quoque vt fuerit sectatus tantum abesse scribit, vt verbo potius prophetico, a paganorum sapientioribus contento, vnice adhaesisse sese significet.

§. V.

Asserti nostri veritas vt eo clarius pateat, singula Pauli Petrique loca breuibus considerabimus, et, de philosophiae Platonico-Pythagoreae fraudibus sermonem ibi esse, facileprehendemus. In primo illorum, circa quae versamur, loco 1. Timoth. l. 4. de fabulis istis ita Paulus loquitur, vt magnum Ephesiis metuendum fuisse periculum, ne decipiantur istis, significet. Nec praeter rationem sane affirmare id apostolum, fatebimur, considerare tantum si velimus, Ephesi inprimis magno in pretio fuisse habitam Pythagorae philosophiam, cui quippe vrbi suas natales Pythagoram aequae ac philosophiam debere contendebant Ephesii. Vid. CHRYSOSTOMI *praefatio in epistolam ad Ephesios*. Quare multas quoque curiosas artes exercuisse vrbis huius incolae, legimus Actor. XIX. 19. circa quas pariter occupata saepius erat philosophia ista. Nonne ergo, vt praemuniret contra nugae tales, doctrinae sacrae e diametro oppositas eandemque hostiliter infestantes, suos Timotheus, monere eum necesse apostolus habebat? Vtique.

§. VI.

Sed et *genealogiarum* mentionem facit, easque cum fabulis praedictis eodem loco col-

collocat; per quas quid intelligat Paulus, non consentire secum video interpretes. Meum iam non est, diuerfas hic commemorare veterum pariter ac recentiorum ecclesiae doctorum sententias, praecipue cum otium mihi fecerit IO. MICHAEL LANGIVS in commentario theologico *de genealogiis numquam finiendis et fabulis Iudaicis, quarum Paulus passim meminit*, Norimbergae anno MDCXCVI. in 4. edito, potiores quoque recensuerit beatus WOLFIVS in *curis suis ad h. l.* ipse genealogias a Iudaeis, quo tribuum familiarumque gentis suae nexum in promptu haberent, adamatis, cum ERASMO SCHMIDIO, IO. CONRADO DIETERICO, ABRAHAMO CALOVIO, IO. BRAVNIO, IO. LIGHTFOOTO, MELCH. LEIDEKKERO, RICHARDO SIMONE et auctore obseruationis Halensis ibi citatae, innui hic existimans, ad obiectionem etiam GVNDLINGII, explicationi isti oppositam, respondens. Quam tamen in sententiam vt pedibus ego eam, impetrare nondum a me potui, cum vtique videatur contextus edocere nos, diuum apostolum sequens illud: *μηδε προσεχειν μυθαις και γενεαλογiais απεραντοις*, eo adiecisse sensu, vt aliquid saniori doctrinae in et per se aduersum significetur. Cum enim cetera, ab ipso commemorata, tanquam aduersa puriori doctrinae adducantur et tanquam

cauenda Timotheo proponantur, cur non et eadem ratione hae genealogiae? Adeo abominandum quoque non fuisse illud genealogias scrutandi studium, censet reuerendus GEORGIUS LVDOV. OEDERVS in *der neuen vnd gründlichen Erleuterung schwerer Stellen heiliger Schrift, tom. I. pag. 255. seq.* Minus ergo, si fatendum quod res est, commode intelligi hic posse videntur genealogiae eiusmodi historicae, sed ipsam potius religionem ingredientes et magnorum instar mysteriorum celebratae. Hae vero quales? Haud iniuste forte cum TERTULLIANO *lib. de praescriptionibus aduersus haereticos, cap. XXXIII.* ad Valentinianorum haeresin applicare licebit apostoli efatum. De illis namque nemo nescit, quod varios in Deo esse et ex eo emanare infinitos aëones, tota quibus constet rerum vniuersitas, docuerint, diuersasque inde excitauerint omni usu destitutas quaestiones atque controuersias. Quae quidem somnia ex Gnosticorum et Simonis magi * discipulorum, Apostolorum tempore talia iam disseminantium, schola acceperant vani hi haeretici. Vid. EHREGOTT DAN. COLBER-

* Hunc spiritibus et angelis, quasi eorum naturam perspectam probe habuisset, certa adeo tribuere nomina conatum fuisse, EPIPHANIUS refert *haeref. XXXI. num. IV.*

BERGIVS *loco supra allegato, cap. IV. §. II.* et IOANNES FRANCISCVS BVDDEVS in *dissertatione de haeresi Valentiniana*, quae ad calcem *introductionis eius ad historiam philosophiae Hebraeorum* legitur, §. V. *seqq.* nec non venerandus IO. GEORGIUS WALCHIVS in *historia ecclesiastica noui testamenti, secul. II. cap. IV. §. X.* Vnde vero nugae hasce Valentinus, nisi ex Hesiodo atque Platone? cuius imprimis admirator erat, quare excellentem eum Platonicum nominavit MARTINVS CHEMNITIVS *part. I. locorum theologicorum, cap. IV. de creatione, pag. 109.* Conferatur RENATVS MASSVETVS in *dissertationibus praenii in Irenaeum, dissert. I. §. XXI.* Turgidos autem fuisse has ob nugae, quas singularem sapientiam inspirare autumabant, dictos haereticos, quis mirabitur? cum, si possunt pro argutis haberi, quae sunt abstrusa imo obscurissima vixque cuiquam cognitu facilia, utique hoc nomine laudari seu prudentiora saluari mereantur ista dogmata. Sed nec sanus ullus habebit eo loco ista. Causam ergo non vnam Paulo fuisse patet, nugae tales cur vitare iusserit Timotheum. Videatur, qui nostrae huic interpretationi adstipulatur, OEDERVS *loc. cit.*

§. VII.

Quas altero loco nimirum cap. IV. comm. 7. commemorat apostolus, *fabulas profanas ac aniles* dicit, id est, absurdissimas, illis simillimas, quas temporis fallendi ergo infantulis narrare forte solent vetulae, omni-que proinde fide destitutas. Haec namque vocis *γραιωδεις* est significatio, quam per *altvettelisch* expressit beatus LUTHERVS. *Βεβηλους* eas vocat, in quibus nihil nimirum deprehendatur veritatis euangelicae, sed figmenta tantum vana. Vid. FRID. CHRISTOPH. NEUBOV in *bibliotheca Bremen-ensi, class. I. fascic. III. p. m. 205. et class. II. fasc. I. pag. 87.* nec non IO. HENRICVS A SEELEN in *meditationibus exegeticis, part. III. pag. 781. seq.* Quare fidei et bonae doctrinae, quibus innutritus Timotheus erat, easdem opponit Paulus, tales-que significat, quae e diametro doctrinae suae sint oppositae. De Iudaicis fabulis cabbalisticis iterum cum BRAVNIO, VITRINGA atque SCHOETTGENIO haec accipit beatus WOLFIVS in *curis suis ad h. l.* Ad gentilium contra nugas respici- censent NEUBOV *loc. cit.* posteriori et PETRVS ZORNIVS in *bibliotheca antiquario-exegetica, tom. I. pag. 468.* Quando autem cum exercitatione corporali, qua pariter abstinere potiusque *προς ευσεβειαν γυμνα-*

γυμναζειν Timotheum iubet, coniungit istas
 fabulas apostolus, sequi exinde puto, quod
 circa eiusmodi exercitia corporalia occupa-
 tae fuerint hae fabulae, quibus capi facile
 Timotheus potuisset. At vero quaenam
 haec? Non sane indecora, quibus vacare in
 gymnasiis suis Graeci solebant. Ab his
 namque ut dehortaretur Timotheum, vi-
 rum entheum magnumque ecclesiae docto-
 rem, opus Paulus non habuit. Neque ath-
 letica; quamvis cum SCVL TETO, GRO-
 TIO, SVICERO, MAIO et NEVBOVRIO
 (dubio tamen) opinetur ita WOLFIVS *loc.*
cit. pag. 462. Videtur enim hocce monito
 nec eguisse Timotheus. Talia ergo exer-
 citia intellexisse apostolus censendus est,
 quae magnam valebant apud alios auctorita-
 tem conciliare iis, qui erant istis dediti,
 quaeque inde forte facile probare sese hoc
 respectu Timotheo potuissent; illa scilicet,
 de quibus et Coloss. II. 23. loquitur, certis
 quibusdam hominibus recepta, qui, sin-
 gularem prae se ferentes externam sanctita-
 tem, cibo aliisque vitae commodis neces-
 sariis abstinere solebant, mentemque rebus
 omnibus terrestribus subtrahere et sublimio-
 ra solum sectari videbantur, vniri se hac ra-
 tione cum summo Numine optime posse
 opinantes siue fabulantes.

§. VIII.

De iisdem agit in altera quoque ad Timotheum data epistola, cap. IV. comm. 1. 2. 3. 4. Paulus apostolus. Vbi commate imprimis primo singulari cum affectu eundem alloquitur monetque, nocivum quasi venenum aliquod, a quo cauere sibi eo cautius Timotheus debeat, in illis fabulis deprehendens. Vim ibidem illis tribuit, qua decipi facile possint, qui salutari doctrina verbique sacri praeconio gaudeant, licet vera alias a falsis discernere valeant, nec odio prorsus prosequantur doctores euangelii. Et triplici quidem ratione ab apostolo describitur deceptionis huius modus seu effectus, ut α) dicantur fabulis his capti *impatientes futuri sanae doctrinae*, quae de Christo scilicet, vnico salutis fonte, in scriptura sacra comprehensa, a verbi ministro, secundum comm. 2. acriter est inculcanda; quam vero aequo ac discendi cupido animo non sint excepturi homines eiusmodi, taedium potius futuri eius pleni fabulisque magis delectati. Addit β) de illis apostolus, quod *secundum proprias concupiscentias sint sibi ipsi coaceruaturi doctores auditu prurientes*, id est, quod doctores, aliam et a verbo apostolico diuersam doctrinam diuulgantes, sibi absque vilo ordine (vti coaceruatim iacent

cent inter se inuicem, ordinis haud ratione habita, grana) nec ad praescripti diuini normam, sed ad sensationum propriarum motum, ortum forte ex eiusmodi docentium proponendi modo, sint comparaturi, quodque sic γ) *a veritate auersuri et ad fabulas conuersuri sint auditum*, haecenus praedicatam a viris orthodoxis veritatem spernentes, et rixarum potius sectarumque amantes. Deceptionis talis quis non videt esse portentosam plane noxiamque vim? Qua quibus mediis sint gauisurae istae fabulae, simul commemorat apostolus, dum homines illis indulgentes

κηθομενους την ακοην, id est, ζητουντες τι ακουσαι καθ ηδονην fore ait, qui nimirum sanae doctrinae pertaesi, nouitatis studio, quasi pruritu quodam, incitati, doctores sint conquisituri iucunda et placentia loquentes, aures quibus titillent. Vid. 10.

CHRISTOPH. WOLFIVS in *curis philologicis et criticis*, vol. III. pag. 536. seq. et ab ipso allegati scriptores, inprimis SVICERVS et LIEBKNECHTIVS, quibus addi poterit LAMBERTVS BOS in *exercitationibus philologicis*, pag. 233. Iucunda haec atque

placentia Apostolus tanquam media commemorat, quibus capturi auditores sint fabularum primi condi, quaeque prae Apostolorum verbo conciliare quasi praerogati-
uam

uam nugis istis sint vitura. Aperte ergo, eiusmodi doctrinas per fabulas hic innuere Apostolum, patet, quae, diuino verbo et in isto inculatae de Christo doctrinae aduerfantes, nescio quem gratum secum habere videntur mentis motum atque sensum, quarumque in opposito simplicitatis rudis accusanda et tanquam taedii plena reiicienda esse videatur veritas diuina.

§. IX.

Timotheo quae Paulus locis breuiter explicatis commendauerat obseruanda, commendat Tito pariter in epistolae ad ipsum datae cap. I. comm. 13. 14. easdem fabulas sanitati in fide opponens, hocque ipso indicans, quod fidei illae aduersentur eamque tollant ex animo seu exstinguant. *Iudaicas* autem quando eas nuncupat, non, acsi inuectores earum Iudaeos indicare voluerit, censendum, sed ideo hoc nomen ab Apostolo tributum dictis fabulis credo, quod Iudaei inprimis seu conuersi Ex-Iudaei docuerint propagauerintque illas, diserte ante comm. 10. refractarii, vaniloqui et mentium deceptores nuncupati, qui scilicet vanas hominum traditiones, ad euerendam et corrumpendam veritatem quamplurimum facientes, introducere in ecclesia

sia allaborauerint. Quid ergo aliud fabulae hae, quam doctrinae coelesti veritati ac fidei diuinae aduersantes? a quibus, tunc temporis in primaeuo christianorum coetu affectas haud paucos nactis, cauere sibi tum Timotheus habuit necesse, tum, ni illis caperentur, praemunire auditores suos.

§. X

Eaedem etiam fuerunt fabulae, quas se cum ceteris Apostolis minus sectatum fuisse diuus Petrus testatur 2. Epist. I. 16. Nec enim, nisi tales intelligi ab eo possunt, quae, licet in se vanae, imo vanissimae, comparatae tamen ita fuerint, ut statim, ac proferebantur, a prudentioribus tanquam absurdissimae * rejicerentur, sed quae

* Ita vero comparatae erant Iudaeorum aequae ac gentilium nugae, quae tam in illorum Talmude occurrunt bene multae, quam ex horum de Diis Deabusque figmentis constant. Ad Iudaeos putidasque obuias eorum in Talmude fabulas quod attinet, conferri meretur beati IOANNIS CHRISTOPHORI WOLFII *bibliotheca hebraea*, vol. II. pag. 973. et vol. IV. pag. 455. ubi variae leguntur virorum doctissimorum iustae in illas inuestinae. Crassas vero ethnicitmi fabulas satis deridendas propinarunt, tum, qui ex instituto contra eos disputarunt et calamum strinxerunt, veteris ecclesiae doctores, tum qui de origine

quae sapientiae aliquam, imo singularem, prae se speciem tulerint. Vocat nimirum *αεροφισμενος* istos *μυθους*, id est, *argute excogitatas ac singularem quasi sapientiam spirantes fabulas*, quibus resecta esse videbantur mysteria abscondita et veritates abstrusissimae.* Patebit autem clarius, per illas

gine, progressu et natura idololatriae eorum fuere commentati, a IOANNE FRANCISCO BVDDEO in *Isagoge historico-theologica, lib. II. cap. VI. §. II. p. m. 879.* allegati. Addantur et, quae hoc de argumento ipse BVDDEVS in *institutionibus historiae ecclesiasticae veteris testamenti, period. I. sect. II. ad §. XII.* disseruit. Vtriusque inde fabularum generis prudentiores inter illos puduisse, nemo nescit. Neque dignum iudicandum est vel idoneum fabulis his praesidium, quando, sensum aliquem absconditum vel mysteria reserata subisse illis, earum auctores seu patroni garriebant. Vid. FRANCISCVS BACO DE VERVLAMIO in libro *de sapientia veterum*, qui in *operibus* eius pag. 1248. legitur, et IOANN. FRANC. BVDDEVS iam citatus in dissertatione *de philosopho fabularum amatore*, Ienae anno superioris seculi XCH. habita, et in ipsius *analectis historiae philosophiae*, pag. 43. seqq. recusa. Conferatur et eiusdem *praefatio* analectis his praemissa, pag. 14. sequ.

- Non quadrat autem hoc in figmenta vel Iudaeorum talmudica et cabbalistica, vel ethnicorum his non meliora, licet fuerint, qui conuenire illis additum istud Petri apostoli encomium putarunt. Vid.

illas quid indigitauerit Apostolus, circumstantiis loci huius si accuratius paulo expendere velimus. Opponit fabulas istas diuus Petrus α) in genere indicatae per Apostolorum verbum viae ad ingrediendum aeternum Seruatoris nostri regnum, fidei scilicet in huncce mundi Saluatorem, quae in virtutum exercitio segnem hominem non esse patitur, comm. 3 - - 11. ad quam etiam ore pariter ac calamo hortabatur ac hortaturus suos porro erat Apostolus. comm. 12 - - 15. Huic fidei quae opponuntur, (opponuntur vero illi comm. 16. disertis verbis argutae istae fabulae) venditari necessario debuerunt tunc temporis ab haeresiarchis et nugarum talium patronis, quibus se et collegas suos Petrus Apostolus opponit, pro via mediisque ingrediendi regnum Dei et ad vnionem cum summo Numine perueniendi. Sed et opponuntur fabulae illae ab Apostolo β) potentiae et praesentiae domini nostri Iesu Christi, quam notam auditoribus

Vid. beati WOLFII curae *philologicae et criticae*, vol. IV. pag. 190. Posterius nuper etiam voluit celeberrimus IOANNES PETRVS KOHLIVS in *den Hamburgischen Berichten von gelehrten Sachen*, (quarum ipse auctor est) *annubius* MDCCXLIV. pag. 289 seq.

(Winckleri Hypomn.)

D d

bus suis fecerant Apostoli. comm. 16. Huic quid opponitur vel aduersari dicitur, comparatum ita fuisse oportuit, ut potentiam ac praesentiam Iesu Christi eiusmodi sibi tribuerit, aëclisque suis fortiores motus rerumque diuinarum sensationes siue visiones promiserit. Opponit Petrus γ) fabulas, de quibus loquitur, eodem nostro 16. commate in specie visioni isti, quam in monte cum Ioanne et Iacobo ipsi contigisse ex Matth. XVII. 1. seqq. nouimus. Hac fane oppositione opus non fuisset, fabularum illarum vanitatem saltem si ostendere animus ipsi fuisset. Recte proinde ex eo concludimus, quod similes etiam visiones rerum diuinarum iactauerint fabulae istae, quas se minus sectatum fuisse Apostolus testatur. At imprimis deprehendimus δ) opponi ab eodem illas verbo prophetico, ab Apostolis inculcato atque praedicato, quod lucis seu diurnae stellae instar manu nos ad salutarem Christi cognitionem ducat, seu in animo illam producat. comm. 19. Ex hoc quid, quaeso, luculentius apparet, quam quod lumen aliquod internum ducis atque lucis instar iactauerint et commendauerint fabularum talium primi condi, cui prae verbo prophetico et apostolico singularem excellentioremque praerogatiuam vindicare nulli dubitauerint?

§. XI.

Sufficere haec puto ad intelligendum, quales fuerint *fabulae*, a Paulo atque Petro locis breuiter explicatis improbatæ ac caueri iussæ. Vnius namque generis vbiuis indicantur doctrinae, mediorum et viae ad Deum ac cum ipso vnionem perueniendi instar excogitatae et tunc temporis propalatae, scripturae vero sacrae et verbo ab Apostolis prædicato e diametro aduersantes, et ex solo rationis lumine petitæ, quarum ad præscriptum corpus exercere et ab illius fordibus squaloreque animum purgare, hacque ratione spiritualis mundi cognitionem sibi comparare, motusque ac sensationes singulares expectare et in diuina prorsus penetrare, summa fruiturus quiete ac lætitia, homo iubebatur. Iam quoquouerfus oculorum aciem conuertimus, omniaque philosophiæ gentilis aequæ ac Iudaicæ genera consideramus et cum hætenus illustrata fabularum, a Paulo atque Petro commemoratarum, descriptione illa conferimus, nullam saneprehendimus conuenientem huic magis philosophiam, quam notam illam Pythagorico - Platoniceam theologiam mysticam et sublimiorem philosophiam, quippe quæ tam inter Iudæos quam gentiles

D d 2

sum-

summum ferme tunc temporis affecuta
 culmen erat, et a Gnosticis aliisque pri-
 mitivam ecclesiam turbantibus haereticis
 introducebatur. Vid. quae hac de re dis-
 feruit venerandus WALCHIVS in *historia
 ecclesiastica novi testamenti, secul. I. cap. IV.
 §. XVIII. pag. 521. seqq.* Conspirant sane
 amicissime cum hac philosophia omnia,
 quae de fabulis istis Paulus atque Petrus
 monuerunt. Primarius nimirum scopus
 siue finis erat, viam ut monstraret, qua
 ad arcissimam et ineffabilem cum Deo
 unionem peruenire homo queat. Hunc
 ut is obtineret, iubebatur corporis in pri-
 mis vacare exercitio, ab istius contagione
 animum purgare et quadam humanorum
 fuga solis se inferere diuinis, mundum ve-
 ro, et quae in illo sunt, diuinorum con-
 templatione despicere, omnemque animae
 cogitationem in sola dirigere diuina. Cor-
 pus dicebant esse materiale quid, crassum
 atque faeculentum, quo prematur anima,
 et ad inferiora, mortalia ac vitiis malis-
 que plena trahatur, foedetur idcirco at-
 que inquinetur, haud secus, ac in squali-
 do et lutulento carcere. Huius ergo a
 vinculis et coecitate sensuum materialium
 liberari atque solui mens eorum ex sen-
 tentia debebat, cum Deo vnienda. Qui-
 bus corporis materiaeque vinculis ac for-
 dibus liberatus animus in se ipsum verti
 iube-

iubebatur, ceteris, quae extra sunt, obliuioni velut traditis et, vt ad se nil pertinentibus, memoria ciectis. Hac autem ratione, collectis quasi ex se viribus, deferere inferiora atque sursum ferri et coelestia diuinaque petere, imo ad ipsum principium suum, Deum scilicet, ex quo emanauerit, reuerti posse dicebatur animus, summa fruens nec turbanda vnuquam quiete. *Sursum ingentia spatia sunt*, (verba sunt SENECAE, lib. I. quæst. natural.) *in quorum possessionem animus admittitur, at ille, si minimum secum ex corpore tulit, si sordidum omne deterfit, et expeditus leuiusque ac contentus modico emicuit. Cum illa tetigit, alitur, crescit, ac velut vinculis liberatus in originem redit. Et hoc habet argumentum diuinitatis suae, quod illum diuina delectant, nec vt alienis interest, sed suis. Illic demum discit, quod diu quæsiuit. Illic incipit Deum nosse. Ita et HIEROCLES comm. in aur. Pythag. c. LXIX. Hic finis est Pythagoricae disciplinae, vt toti penitus alati fiamus ad bonorum diuinorum perceptionem, et cum mortis tempus instat, relicto in terra mortali corpore eiusque natura exuta, ad coeleste iter expeditiores fiam philosophicorum certaminum athletae, tum enim in primum statum ipsos restitutum iri et Deus fieri, quantum licet hominibus.*

Huiusmodi cum etiam conueniunt frequentia EVSTRATII ad Nicomachicorum X. c. VII. *Quia hoc compositum non est verus homo, sed id, quod in nobis est diuinissimum, mens videlicet, oportet conari sese reddere immortalem, hoc est, a mortalis animae contagione separare et immortalem facere, et similem reddere immortalibus, hoc est, intelligibilibus et intellectualibus accedere. Similis autem Deo redditur, cum et his corporeis abscedit, et in intelligibilibus versatur. Quare omnia oportet facere, quae spectant ad vitam secundum mentem degendam, quae est summum et optimum et diuinissimum omnium, quae in nobis sunt. Vinit autem secundum eam, sicut dictum est, qui diuino fulgore illustratus contemnit omnia externa, seque ipsum separat et liberum facit ab iniqua foedaque procliuitate omni in corpus. Eiusdem tenoris sunt, quae habet IAMBlichVS in proreptico: A quo (de purgatione loquitur) prima plane malorum, quae nobiscum nata sunt, ab exortu nostro, quies et immunitas erit. Deinde nobis aderit notitia felicitis et beatae vitae, quanta illa qualisque sit futura. Cum hac ascendentes princeps et diuinum genus hominum contemplabimur, et in hoc firmati propositae a Diis beatissimae vitae finem consequemur. Varia his similia leguntur etiam*

iam in PORPHYRII *lib. I. de non esu carn. cap. XXX. seq.* Videantur pluribus DIOGENES LAERTIVS in *historia philosoph. lib. III. §. LXXVIII.* CLEMENS Alexandrinus *lib. II. Stromatum, pag. 135.* IOANNES SCHEFFERVVS *de natura et constitutione philosophiae Italicae, cap. VII. pag. 41. seqq. et cap. IX. pag. 67. seqq.* IO. FRANC. BVDDEVS in *analectis historiae philosophicae, pag. 367.* et MICHAEL GOTTLIEB HANSCHIVS in *diatribe de entusiasmo Platonico, sect. VI. §. II. pag. 78.* De somniis vero his nugisque phaleratis quid iudicabis, lector? Nonne optime in illas quadrat Pauli diuini iudicium, habere eas praetextum sapientiae in voluntario cultu et humilitate, cum corpori non parcant, nec honorem dent aliquem ad sufficientiam carnis? Recte utique sic sentit Col. II. 23. ideoque comm. 18. monitum necessarium praemittit: *Nemo vos depraemiet placens sibi in humilitate et in cultu angelorum, in ea, quae non vidit, irruens, frustra inflatus mente carnis suae.*

§. XII.

Et habemus sane, cur nec nostris in diebus grauissima haec Apostolorum monita negligamus vel ad hodierna tempora minus pertinere autumemus. Licet enim

optandum fuisset, ut peruersa adeo noxiaque immiscendi profanas gentilium philosophorum nugas sanctioribus doctrinis consuetudo non plures nacta fuisset post Apostolorum aeuum patronos, horumque alata in contrarium argumenta retrahere ab impio ac imprudenti istiusmodi conatu mentes valuissent, vterius tamen faeuire malum hoc haud defuit. Nec tantum, prouti supra §. II. enarraui, ipsa in primitiua ecclesia mox infelici ausu Platonico-Pythagorea placita et petitae inde formulae loquendi coniungi cum theologia christiana coeperunt, ita, ut, quae solis ex scripturis sacris explicari debebant, aliunde arcessentes coetus christiani doctores varii, Graecorum dicta et plagia sacra corrupta, male etiam correctâ, doctrinae christianae accommodarent, variaque subinde partim erronea, partim a simplicitate diuinorum oraculorum nimis discedentia, introducerentur in ecclesiam; sed et recentioribus temporibus a fanaticis hominibus, quorum ferme quotidie et numerus et spiritualis fastus creuit, talia sunt ventilata, defensa atque propalata, ut mirari ferme sanum quemque oporteat, quanto cum delirio contemplationibus eiusmodi plus iusto ac deficiente scripturarum ductu indulgentes illi ipsum ad entusiasmum fue-

fuerint progressi. Conferantur, quae de DIONYSIO AREOPAGITA, siue pseudonymo potius auctore, quarto qui post natum Seruatorem seculo sub hoc nomine imponere orbi christiano voluit, aliisque sequiorum temporum scriptoribus pseudomythicis, e. g. IOANNE RVSBROCHIO, IAC. BOEHMIO, VALENTINO WEIGELIO, HOBVRGO, MOLINOS, MALAVELLO, FRANC. SALESIO, HARPHIO, aliisque pluribus solide satis commentati sunt IO. IOACH. ZENTGRAVIUS in dissertatione *de theologia mystica*, §. XI. seqq. IO. FRANC. BVDDEVS in *isagoge historico-theologica*, lib. II. cap. IV. §. VIII. seq. et GOTTLIEB WERNSDORFIVS in dissertatione, qua *candidam solidamque de mystica theologia sententiam* exposuit, cap. I. §. XVI. seqq. iustissime dolentes, quod cum PORPHYRIO, PLATONE et PYTHAGORA, quam sanctis Dei viris, loqui homunciones hi maluerint. Quod licet tam in genere, quam de primis ecclesiae doctoribus in specie, negare ausus fuerit doctus alias ille societatis Iesu theologus BALTVS in libro, *defense de saintes peres, accusez de Platonisme*, inscripto, et Lutetiae Parisiorum anno huius seculi vndecimo euulgato; eo ipso tamen, quem refutare voluit, auctori libri: *le Platonisme*

de voile non ita contradixit, vt non praevalerent huius asserta illius argumentis. Vid. THEOPH. RAYNAVDVS in theologia naturali, prolog. §. V. num. LXXIV. seqq. pag. 31. Fatetur ipse GODOFREDVS ARNOLDVS in der Kirchen-und Ketzer - Historie, tom. I. lib. I. cap. II. num. IX. p. 37. daß bald nach der Apostel Zeiten die meisten Lehrer von der rechten Weisheit Gottes abgegangen, und die Vernunft und Philosophie mit unter die Theologie gemenget haben. Quod inprimis de philosophia Platonico - Pythagorea asseri debere, ad confusionem vsque dissentienrium ostenderunt BVCHERVS et COLBERGIVS, locis supra §. II. allegatis. Conf. et IO. CLERICVS in arte critica, tom. I. pag. 356.

§. XIII.

Quemadmodum vero, commemoratos pseudo-mysticos scriptores atro dum lapillo notamus, totam neutiquam improbamus theologiam mysticam, per quam potius, si pura sit nullisque erroribus co inquinata, nihil aliud, quam ipsam theologiam moralem, stricte sic dictam, intelligi constat, cuiusque scopus hic est, vt homo regeneritus in illuminatione, qua intelle-

tellectum, et sanctitate, qua voluntatem, magis magisque proficiat, et arctius cum Deo vniatur: ita ab his quam longissime discedunt meritoque inde reiiciuntur, quae, cum philosophiae illius Platonico-Pythagorae fabulis prorsus consona, sacro vero codici e diametro aduersa, leguntur in Pseudomysticorum istorum recentiorum scriptis, quorum quidem, ut ipsis eorum verbis sententiam illorum exprimam, summa ferme haec est: *der Mensch müsse mit Gott vereinigt werden, so, daß er über alle Sinne und Wirkungen des Gemüths seinen Gott in einem tieffen Dunkel, Unwissenheit und Stille erkenne, admirire, schaue und in Gott verschlungen und verwandelt werde, und in solcher wesentlichen Vereinigung mit Gott seiner in einer unaussprechlichen vergnügenden Ruhe genieße.* Haec quis non ipsas istas argutas fabulas, quas a Paulo atque Petro tanquam abominabiles fuisse improbatas ante docuimus, quaeque nomine hoc diserte Paulo 2. Timoth. IV. 4. (ubi non de gentilibus, sed christianis loquitur) veniunt, esse deprehendit? Vnde sane, si in quibusdam forte, uti voluerunt BVDDÉVS in *isagoge* sua saepius iam allegata, lib. I. cap. IV. ad §. XXII. pag. 225. et lib. II. cap. III. ad §. V. pag. 557. editionis prioris, quam ego possideo, et in *appendice*,
pag.

pag. 38. *Jeqq.* atque MICHAEL LILIEN-
 THALIVS in *der fortgesetzten theologischen*
Bibliothek, pag. 253. *seq.* nec non beatus
 decessor meus IACOBVS FRIDERICVS
 REIMMANNVS in *catalogo bibliothecae*
suae theologiae systematico - critico, p. 60.
 modum excessisse cum BVCHERO visus
 fuit EHREGOTT DANIEL COL-
 BERGIUS, circa pleraque tamen mo-
 menta iniuriam non fecit his hominibus,
 pseudo - theologiae mysticae originem
 philosophiae Platonico - Pythagoreae nu-
 gis siue fabulis tribuens, et vtriusque
 arctissimam cognationem demonstrans.
 Idem certe factus et reiiciendi ordina-
 ria gratiae media insana arrogantia, eae-
 dem voces absonae et blasphemae fer-
 me in illius obuias sunt ac deprehen-
 duntur impurissimis lacunis, ac in hu-
 ius secretis. Conferatur praeter ceteros
 IOANNES ANGELVS in *dem cheru-*
binischen Wandersmann, a GODOFREDO
 ARNOLDO in praefatione adeo com-
 mendatus, vbi inter alia haec in verba
 erumpit: *Gott mag nichts ohne mich;*
Gott lebt nicht ohne mich; ich hab's von
Gott, vnd Gott von mir. Legantur, quae
 ad parallelismum hunc, non supra mo-
 dum auctum, demonstrandum attulit
 ZENTGRAVIUS, *loc. cit.* §. XII. *seqq.*
 monu-

monuit etiam WERNSDORFIVS in dissertatione, qua *veram solidamque de gustu spirituali sententiam* proposuit, Wittebergae anno MDCCXXVII. habita; eo magis vnumquemque condocentia, quam necesse sit, monitorum Paulinorum aequae ac Petrini haud dememinisse, et contra huius furfuris haereticos auditorum nostrorum praemunire animos.





INDEX I.

LOCORVM SCRIPTVRAE SACRAE

EXPLICATORVM ET ILLUSTRATORVM.

GENES.

Caput	II.	vers. 17.	pag. 193
	III.	1. 2.	319
	IV.	1.	I
	VI.	2.	82
	VI.	15.	58
	VII.	11.	314
	VII.	16.	59
	VIII.	7. 9. 11.	137
	XIX.	26.	108
	XXXVI.	24.	78
	XLI.	42.	115
	XLV.	22.	63

EXOD.

I.	7.	261
II.	10.	224
IV.	25.	258
IX.	15. 16.	93
XIV.	21. 22.	150
XXI.	21. 22. 23.	172
XXX.	12. 13. 14. 15.	245
XXXVIII.	8.	217

NV-

INDEX I.

NV MER.

Caput XXXVI. vers. 8. pag. 303

DEVTERON.

XXI.	12.	243
XXIV.	1.	183
XXVIII.	66.	60

IOSV.

XIV.	15	139
------	----	-----

RVTH.

IV.	5. 8.	191
-----	-------	-----

1. SAMVEL.

XVII.	7.	317
XXV.	18.	317

2. SAMVEL.

XIV.	26.	55
XVII.	28.	317

1. REGVM.

IV.	6.	329
VI.	7.	170
XIV.	24.	9

1. PARALIP.

XXIX.	29.	251
-------	-----	-----

2. PA-

INDEX I.

2. PARALIP.

Caput XXXV.	vers. 21. 22.	pag. 216
XXXVI.	8.	153

ESTHER.

VIII.	15.	115
-------	-----	-----

PSALM.

XXIV.	4.	200
XXXII.	9.	91

IESA.

I.	1.	280
VI.	3.	206
IX.	6. 7.	294
XIII.	21.	173

IEREM.

V.	5.	220
XVII.	9.	30
XX.	1.	276

EZECH.

XXXVIII. XXXIX.		151
-----------------	--	-----

HOSE.

VI.	2.	287
-----	----	-----

IOEL.

II.	23.	299
-----	-----	-----

IVDITH.

XVI.	31.	48
------	-----	----

SIRA.

INDEX I.

SIRACID.

Caput VII.	vers. 36. 37.	pag. 69
XXXIX.	31.	267

MATTH.

I.	19.	124
I.	20.	204
I.	25.	175
II.	2.	162
II.	13.	95
III.	4.	269
V.	37.	201
V.	39.	73
X.	10.	187
X.	14.	291
XI.	12.	226
XII.	43. 44. 45.	233
XIII.	52.	305
XIII.	55.	309
XIV.	6.	209
XIV.	13.	179
XVI.	17.	211
XVIII.	1. seqq.	129
XVIII.	6.	96. 249
XXI.	9.	221
XXIV.	14.	14

MARC.

I.	6.	269
I.	24.	324

(Winckleri Hypomn.)

E e

Caput

INDEX I.

Caput	V.	verf.	38.	pag.	156
	VI.		9.		189
	VI.		11.		291
	VI.		33.		179
	IX.		36.		135

LVC.

	II.		1.		25
	II.		7.		175
	IV.		29.		122
	X.		11.		291
	XX.		46.		63

IOANN.

	I.		14.	215.	316
	I.		16.		321
	II.		14. 15.		241
	III.		8.		195
	III.		13.		36
	XIV.		16.		164
	XVII.		9.		297

ACTOR.

	III.		26.		142
	V.		3.		145
	XI.		28.		181
	XII.		8.		207
	XIII.		13.		32
	XX.		13.		197
	XXIII.		8.		247

ROMAN.

	VII.		26.		185
				I. CO-	

INDEX I.

Caput III.	1. CORINTH.	verf. 2.	263
------------	-------------	----------	-----

COLOSS.

IV.	14.	331. 359
-----	-----	----------

2. THESSAL.

II.	4.	149
-----	----	-----

1. TIMOTH.

I.	4.	406
----	----	-----

IV.	2.	38
-----	----	----

IV.	7.	419
-----	----	-----

2. TIMOTH.

II.	22.	104
-----	-----	-----

IV.	1. 2. 3. 4.	412
-----	-------------	-----

TIT.

I.	13. 14.	414
----	---------	-----

1. PETR.

II.	2.	278
-----	----	-----

2. PETR.

I.	14.	284
----	-----	-----

I.	16.	415
----	-----	-----

HEBR.

V.	7.	321
----	----	-----

V.	12. 13.	263
----	---------	-----

XII.	1.	118
------	----	-----

APOCAL.

IX.	2.	85
-----	----	----

INDEX II.

INDEX II.

RERVM PRAECIPVARVM.

Absalomi comae quanti ponderis fuerint? pag. 55

Abyss propria et metaphorica significatio. 85. 314

Adiectiuum pro substantiuo in genitiuo adhibendo saepe ponunt scriptores graeci. 278

Adonirami epitaphium Valentiae repertum. 329

Aetas puerorum variis vocibus Graecis distincta. 95

ⲁⲣⲩⲩ quid significet? 30

Αλαλα, αλαλαζειν. 156

ALTINGII circa mortem, quam Protoplastis Deus minatur, sententia. 193

Americanis euangelium praedicatum. 19

Angelos lapsos cum mulieribus rem habuisse, erronea veterum sententia. 82

Anonymous vana τοῦ πνεύματος αἰγίου Matth. I. 20. explicatio. 204

Τοῦ αὐτοῦ diuersus significatus. 321

Ami-

INDEX II.

Antichristus in scriptura sacra per Gogum intelligitur. 151. potentiae eius abolitio praedicatur. 152

Articuli ο, η, το, vel omissi, vel nomini praepositi, nimis curiosa consideratio. 196. 247

עשה significatus et de eodem dissensus 243

אסון quid Ex. XXI. 22. f. significet? 172

ATHANASII criteria infirma, quando το πνευμα spiritum sanctum designet. 197

Βιάζεσθαι και βιάσαι Matth. XI. 12. varias experiuntur interpretationes. 226

Boas atque Ruth nuptiae ex iure redemptionis ortaе. 191

Ad BREITHAUPTVM epistola HVETII, ex Mf. 51

CAELII de natura maris rubri sententia. 150f.

Cauterium plerisque nota flagitii. 39. barbaris quibusdam gentibus signum nobilitatis. 41. discriminis ergo militibus inurebatur. 42. generalius, et medicis imprimis denotat omne id, quod vrit. 44. in quo sensu Paulus etiam 1 Tim. IV. 2. καθηρέσκειν adhibuisse videtur. 45

INDEX IL

Composita graeca ex praeterito medio duplici gaudent significato. 175

D*eserta* sedes daemonum credita. 173 f.
DIDYMI regula, quando το πνευμα de
 persona spiritus sancti et quando de donis
 ipsius intelligendum. 196

Differentia inter נבנא, רונה et חונה eius-
 que determinatio. 251

Diuortium apud Romanos pariter ac Iu-
 daeos vſitatum. 183

Dulciarii veterum vnde adpellati. 264

E*cclēſiae primitivae* ritus lac ac mel recens
 baptizatis porrigendi. 266. eiusdem
 doctores medicinae aliisque artibus ope-
 ram simul dederunt. 386

Εναγκαλιζεσθαι quid ſignificet? 135

Επιθυμια νεωτερικαι. 105

Επικληρος et lex επικληρων qualis *fuerit?* 303

ERICI etymologia nominumque derivatio
 inepta. 1. fl. 224

του Ευπεριζατος Ebr. XII. **L.** diuerſa explica-
 tio. 118. notio genuina. 120.

F*oecunditas* mulierum in Aegypto. 261. f.

INDEX II.

GERHARDI sententia de morte, quam
Deus Protoplastis comminatus est. 193

GROTH de situ urbis Hierosolymae sen-
tentia. 181. locorum Matth. X. 10.
Marc. VI. 9. Actor. XII. 8. conciliatio.
190

VON DER **H**ARDT explicatio difficiliorum
quatuor Euangelistarum lo-
corum Ms. 103. 187. 227. 234.

271. 291. 310. 323. 324

HELVIDIJ sententiae, quod post Christum
alios adhuc pepererit Maria liberos, funda-
mentum. 177

Helvidiani et Antidico-Marianitae a se non
differunt. 178

de *Hierosolymae* urbis in medietate terrae
situ sententia Patrum, eiusque ratio. 182

et *Hosanna* sensus. 221

HVETII de Iudithae libro epistola ad
BREITHAAPTVM, ex Ms. 51

— **ד** 78

Iesaiarum trifagium. 206

Iesiae prophetiae inscriptio generalis. 280
E c 4 ab

INDEX II.

ab ipso diuo vate, non a Leuitis praefixa. 283

IGNATIVS, cur Θεοφωγος dicatur. 129. 131.
numne sit puerulus, a feruatore Matth.
XVIII. 2. exempli loco commendatus?
129. num Christum viderit? 131

Infernus, cur abyssus denominetur. 87.
non est locus physicus. 88. dimetien-
di illum vanum CORN. A LAPIDE stu-
dium. ibid. est locus certus et realis.
89. a Deo creatus. 90. diuersus a τὸ
πρὸν beatorum. 91

Ioiakimi corpori num stigma impressum
fuerit. 153

R. IONATHANIS expositio vaticinii Iesai-
ni c. IX. 6. 7. 295

Iosephi vitae genus ex sententia HERM.
VON DER HÄRD T. 310 ff.

Judaei in mittendo dimidio siclo praescri-
pto obseruantissimi 245. sadducaeorum
causam agentes. 248. quae fabulantur
de R. IONATHANE. 296. litterarum
studio coniungunt opificia. 313

Judithae liber commentitius plerisque cen-
setur. 48

INDEX II.

𐤀𐤓𐤕 quid denotet. 317

Κερμα, κερματίζειν, κερματίζεται. 241

Lactarii veterum vnde adpellati. 264

Lacte cur infantes nutriantur. 263

Lactis melle mixti vsus. 268

Lothi vxoris mutatio metaphorice a BODINO explicatur. 108. modus huius mutationis ex sententia AUGUSTINI. 109. causæ eiusdem variae a variis adducuntur. 109. narrationes, huic historiae adiectæ, fabulosæ. 111

Lucæ Evangelistæ vitæ scriptores. 335. quæstionis: num medicus fuerit? affirmatio. 339. ob testimonium Patrum 341. defectus trium priorum post C. N. seculorum scriptorum huic assertioni minus nocet. 344. assentiuntur illi ex recentioribus plures **Lutherani**. 346. **Reformati**. 347. Pontificii. 348. probatur ex testimonio Paulino Col. IV. 14. 349. alium hic Lucam fingere vetat consensus antiquiorum scriptorum. 351. nec adest ratio, a faciliori recedendi interpretatione. 352. dissidentes producantur. 356. eorumque argumenta

INDEX II.

remouentur. [357.](#) titulus του αγαπη-
του, a Paulo additus, num sit epithe-
ton του ιατρου, an ad Lucam referen-
dus? [364.](#) corroboratur sententia de
Luca medico ex stylo [ipsius. 365.](#) quam
prae ceteris, licet non sine partium stu-
dio, [IO. FREINDIVS](#) demonstratam de-
dit. [367.](#) reiecerunt tamen illam SAM.
BASNAGE. [373.](#) IO. HENR. BOECLE-
RVS et GEORGIUS CALIXTVS, [374.](#)
nec non BALTH. CORDERIVS, qui
mystice saltem cum medicum dici cen-
set [376.](#) ab arte Lucae medica humi-
lis eius fortis erroneum argumentum
petierunt HVG. GROTIVS et GVIL-
CAVE. [378.](#) num Euangelistae mune-
re fungens illam exercuerit, nec ne?
[383.](#) traditio de αλατιω eius. [390.](#) de
vnguento medicinali in tumulo eius re-
perto, [394.](#) nec non de adfinitate et
commercio cum GALENO. [395.](#) gloria
a Luca medico ad artis huius cultores
redundans. 396

LVDOLFI ad MAIVM epistola, ex Mss. 32

Lycurgi de vestitu praeceptum [63](#) f. huius-
que scopus. 65

MAII epistola ad LVDOLFVM 31
Ex Mss. inserta varia, VON DER
HARDT

INDEX II.

HARDT, [103.](#) [187.](#) 227. [234.](#) [271.](#)
[291.](#) [310.](#) [323.](#) [324.](#) HVETII, 51. LV-
 DOLFI ET MAIL. [31.](#) [32.](#) STEVBERI
 253

Mel comestum a Ioanne quale [269.](#) num
 succus palmarum, [271.](#) et gustu in-
 gratum fuerit? [273.](#) inuenitur ama-
 rum in Sardinia et insula Corfica. [275](#)

Melliti globuli quid sint. [264](#)

מורה לצדק quid significet. [299](#)

Mosis nominis deriuatio. [3.](#) [224.](#) impo-
 litio a filia Pharaonis facta. [224](#)

שם נפש] quid significet. 200

Necho, Aegypti rex, ex ore Dei bellum
 gerens. [216](#)

de *Niohe* fabula ex historia vxoris Lothi
 confecta. [114](#)

Noachicae arcae cubitus numne fuere geo-
 metrici? [58.](#) quare Deus illam clau-
 ferit. [59](#)

A *Noacho* emissus coruus cur non redie-
 rit? [137.](#) ramus oliuae, a columba
 ipsi oblatus fuit symbolum pacis. [138.](#)
 vbi columba illum inuenerit? [139](#)

Noua

INDEX II.

Noua ac *vetera* e thesauro legisperiti proferenda quae sint. 305. cur nouo hic postponatur vetus. 307

Οικουμενη in scriptura sacra tam latiori sensu, quam synecdochico adcipitur. 14. 25

Ολοθυειν quid significet. 158

Παιδιον Matth. XII. 2. praecise infantem indicat. 132

Παις non seruum solum, sed quemlibet filium notat. 142

του Παρακλητου significatus. 164

Παραδειγμα et παραδειγματιζειν. 124

Paschur qualem inter sacerdotes principatum gesserit. 276

Petrus sandalia gestans Act. XII. 8. num neglexerit mandatum Christi Matth. X. 10. 189. tempus mortis suae ipsi diuinitus reuelatum. 284

Πεζη, πεξευειν. 179

Philosophiae in Theologia abusus, 401. praesertim Platonico-Pythagoreae, 402. improbatæ proinde a Paulo et Petro, 403.

INDEX II

403. placita eius, quibus philosophi gentiles se iactabant, fabulas adpellantibus. 405. contra illos eo magis Ephesios, quoniam vrbs eorum patria Pythagorae credebatur praemuniri cupit Paulus 1 Tim. L 4. 406. per genealogias L c. sine dubio ad haeresin Valentinianam spectans. 407. exercitia corporis, quibuscum coniungit istas fabulas Apostolus, Timotheo c. IV. 7f. quatenam interdicat? 410. modum et effectum deceptionis per philosophiam Platonico-Pythagoream 2 Timoth. IV. 1. 2. 3. 4. indicit. 412. Titum quoque C. L 13. 14. ab illa cauere sibi, iubet. 414. eius nugas se minime festatum esse Petrus etiam 1 ep. L 16. testatur. 415. philosophiae huius conditio cum fabulis a Paulo et Petro descriptis quam optime conuenit. 419. monita Apostolorum ad nostra quoque tempora referenda. 423. hominibus fanaticis quae minime carent. 427

Πονηρος in casibus obliquis ab aliis de diabolo, ab aliis de malo in genere intelligitur. 201

↓

INDEX II.

Ψευδομας casu adculpationis constructum quid significet. 145

Praecipitationis a rupe supplicium. 122

Priapi impurissimus cultus Isidi originem debet. 10. apud Romanos et Graecos erat frequentissimus. 13

του Πρωτοτοκου significatus duplex. 175

Pulueris absterfusio quid denotet. 291

Πεπιζειν quid significet 73 ff
REIMMANNI de mortis tempore Petro a seruatore reuelato sententia 285

Romani totius orbis dominium iactantes 25

Salomes, saltantis coram Herode, mors. 209

Salomon in aedificatione templi vermi usus fuisse creditur. 170

Sandalia num fuerint mulierum tantum calceamenta. 208

της Σαρκος significatus proprius et synecdochicus. 211

Scandalum reale et morale. 134

Σε-

INDEX II.

Σεβασμα non solum Numen summum, sed et magistratum denotat. 149

Serpentis Euam seducens nomen et species. 319

Seruator sanctissimus quid indigitet, filium hominis, qui sit in coelis 10. III. 13. se adpellans. 36. mortis eius genus num Moses Deut. XXIX. 66. praedixerit. 60. etiam secundum diuinam naturam *παῖς τοῦ Θεοῦ* adpellatur. 142. eius resurrectionis dies expresse ab Hosea c. VI. 2. determinatur. 287. dissensus quorundam circa h. l. 288. eius resurrectio et viuificatio ex quo fundamento nostra dicatur. 289. eius intercessio duplex. 298

Socinianorum loci Act. V. 3. interpretatio falsa. 146

Spiritus sancti intercessio quomodo adcienda. 185

Stella magis adparens num fuerit angelus? 162. qua ratione ex apparitione eius natiuitatem Christi collegerint magi. 162. de disparitione eius fabula. 163

STEVBERI de differentia inter *נכריא*, *רוחא* et *רוחא* ad WINCKLERVM epistola, ex Ms. 253

Submersio in aquam. 97. num Hebraeis cognita fuerit. 100

Vestes

INDEX II.

Vestes mutatoriae. 67. luxuria veterum
in vestibus. 67. albi coloris gestarunt
tantum principes ac optimates. 115.
vsurpatae sunt in sacris, 116. et in
lactis rebus. 117.

Veterum erga defunctos pietas. 70.

de Viperarum partu fabula. 99

Vitae celebriorum virorum iucunditate
gaudent ac vtilitate. 334.

Vulgata versio Ios. XIV. 15. rephensa.
139.



INDEX III.

INDEX III.

ERRATORVM PRELI POTISSIMORVM.

- Pag. 4. lin. 18. pro *καταφθιν* lege *καταφθινω*.
6. 10. pro *olfaciente* lege *olfaciente*.
7. 4. pro *protaplastis* lege *protoplastis*.
9. 20. post cap. XV. dele: *vestigia*.
12. 20. pro MDCCXXIV. lege MDCCXXXIV.
13. 11. pro pag. 240. lege pag. 248.
15. 6. a fine, pro κατ ημας l. καθ ημας.
16. 1. pro αικητον l. αικητων.
23. 7. pro cap. XXIV. 13. l. XXIV. 14.
— 18. pro απασιν l. απασαν.
26. 4. a fine, pro hoc l. hac.
29. 5. et 3. a fine, pro κατ ημας l. καθ ημας.
31. 17. pro *plenum* l. *planum*.
39. 20. deleatur comma post voc. *flagitiosis*.
49. 8. a fine, loco (:) prioris pone (i)
51. et 54. in nota pro BREITHAVPTIO l. BREITHAVPTO.
53. lin. 8. pro *vna* l. *unum*.
56. 16. loco (i) pone (,))
— 22. pro *tonfos* l. *tonfor*.
59. 7. pro cap. lill l. III.
62. 18. post num. 65. loco (,) pone ()
— 6. a fine, pro *manitura* l. *manjura*.
— 3. et 2. a fine, verba: *duritiem suam ostenta-*
re volunt, literis, quas *cursivas* vocant, fuif-
sent exprimenda.
67. 6. pro *coniunctarum edit* l. *coniunctim edita-*
rum.
— 9. pro *fil. sic*.
— 10. pro *εξημοιβα* l. *εξημοιβα*.
70. 15. pro *Heluctico* l. *Heluetica*.
71. 16. pro *summas* l. *summos*.
74. 14. pro *affirmari* l. *affirmare*.
— 17. pro *sunt* l. *est*.
75. 2. pro *translatum* l. *translata*.
(Winckleri Hypomn.) Ff Pag.

INDEX III.

Pag. 75. lin. 19.	pro <i>Hof. XI. 5. lege Matth. V. 39.</i>
77.	21. pro <i>calaphum</i> l. <i>colaphum.</i>
78.	4. a fine, pro <i>fratris</i> l. <i>patris.</i>
81.	1. pro <i>Horiis</i> l. <i>Horitis.</i>
—	2. post voc. <i>inponi</i> ponatur punctum.
—	16. pro <i>putat</i> l. <i>putant.</i>
82.	3. a fine, pro <i>male sua</i> l. <i>malesonam.</i>
86.	5. a fine, pro <i>αβυσσος</i> l. <i>αβυσσα.</i>
—	12. pro <i>inexhausti</i> l. <i>inexhaustae.</i>
—	6. a fine, pro <i>horribilem</i> l. <i>horribile.</i>
—	5. a fine, post voc. <i>adeo</i> supple voc. <i>est.</i>
90.	1. a fine, pro <i>determinare</i> l. <i>determinari.</i>
91.	6. a fine, pro <i>AKIVS</i> l. <i>ARIAS.</i>
98.	5. a fine, in nota, post voc. <i>ulciscantur</i> pro (,) ponendum (,)
103.	3. post voc. <i>euangelistarum</i> supple <i>locorum.</i>
—	16. pro <i>phraologia</i> l. <i>phraeologia.</i>
105.	7. pro <i>vestegon</i> l. <i>veutegon.</i>
106.	13. pro <i>propria</i> l. <i>proprium.</i>
107.	16. pro <i>cum</i> l. <i>enim.</i>
—	17. pro <i>illos</i> l. <i>illas.</i>
110.	3. post voc. <i>cupido</i> deleatur comma.
—	5. pro <i>feminis</i> l. <i>femineis.</i>
115.	13. a fine, pro <i>vsurpato</i> l. <i>vsurpatas.</i>
—	9. a fine, pro <i>honoraciones</i> l. <i>honoratiores.</i>
117.	4. pro <i>vsurpantur</i> l. <i>vsurpabantur.</i>
—	12. pro <i>observationibus</i> l. <i>observationibus.</i>
119.	6. a fine, pro <i>aduersus</i> l. <i>aduersos.</i>
121.	5. a fine, pro <i>accerrimus</i> l. <i>acerrimus.</i>
127.	6. post voc. <i>proinde</i> deleatur comma.
129.	3. a fine, pro <i>quam</i> l. <i>quem.</i>
130.	8. post voc. <i>eadem</i> adde: <i>sententia.</i>
—	9. deleatur voc. <i>supra.</i>
131.	5. a fine, pro <i>sonit</i> l. <i>fouent.</i>
133.	14. pro (;) collocandum comma.
136.	19. et 23. pro <i>μελετιος</i> l. <i>μελετητιος.</i>
138.	5. post voc. <i>symbolum</i> deleatur comma.
142.	12. a fine, pro <i>poterat</i> l. <i>posset.</i>
143.	5. pro <i>Dei</i> l. <i>Deo.</i>

INDEX III.

- Pag. 145. lin. 11. a fine, pro *Quamvis* l. *Quamvis*.
 — 7. a fine, post voc. *vero* deleatur comma,
 vlt. pro *retineant* l. *retinent*.
 147. 13. post voc. *solet* pro (:) pone (,)
 — 9. a fine, post voc. *esse* adde *volunt*,
 148. 9. pro *velle* l. *vellet*.
 149. 4. pro *abdixerat* l. *addixerat*.
 151. 9. a fine, post vocem *contulit* del. comma.
 152. 4. a fine, post voc. *magistratu* del. comma.
 153. 8. a fine, pro *quidem* l. *quidam*.
 154. 4. pro *slipio colorato* l. *stibio colorato*.
 — 12. pro *WOLFFII* l. *WOLFI*.
 — 2. a fine, post voc. *fuisse* pone comma.
 157. 8. pro *αλαλαζω* l. *αλαλαζειν*.
 — 4. a fine, pro *Iac. VI.* l. *Iac. V.*
 158. 3. tolle priora duo commata.
 — 2. a fine, post voc. *victimam* deleatur comma.
 159. 4. pro *quamvis clamorum* l. *quemvis clamorem*.
 — 5. a fine, pro numero latino *X. decem* notante,
 lege *X.* quae graecorum litera est.
 160. 13. post voc. *ipse* supple *in*.
 — 4. a fine, voc. *contrasentientes* non, tanquam
 duo vocabula, sed, vivum vocabulum,
 imprimi debebat.
 161. 5. pro *γ.* l. *ν.*
 162. 8. a fine, deleatur *XIII*.
 — 3. a fine, pro *HERM.* l. *IO. HERM.*
 163. 12. a fine, pro *morbis* l. *morbos*.
 165. 3. pro *AESCHINVM* l. *AESCHINEM*.
 — 8. post voc. *suggerit* pro (:) pone punctum.
 166. 5. a fine, pro *consuletur* l. *consoletur*.
 167. 11. post voc. *accepisse* supple *consent*.
 — 7. a fine, pro *Israelitici* l. *Israeliticae*.
 168. 6. pro *τον παρακλητον* l. *του παρακλητου*.
 169. vlt. pro *פרקליטא* l. *פרקליטא*.
 170. 3. pro *isti* l. *istos*.
 — 12. pro 364. l. 363.
 — 7. a fine, pro *malleum* et *securim* l. *malletm* et *se-*
curis. F f 2 Pag.

INDEX III.

Pag. 170. lin. ult. voc. *sunt* initium nouae periodi facit, ideoque scribendum: *Sunt*.

- | | |
|------|--|
| 171. | 1. pro <i>capites</i> l. <i>lapides</i> . |
| — | 4. pro <i>dierum</i> l. <i>dierum</i> . |
| 172. | 5. pro <i>petenssa</i> l. <i>percussa</i> . |
| — | 9. a fine, pro <i>cuius</i> l. <i>enim</i> . |
| 177. | 9. post voc. <i>suum</i> supple <i>Dem</i> . |
| 181. | 11. pro <i>fratremque</i> l. <i>fratresque</i> . |
| 183. | 10. pro (;) substituendum comma. |
| 184. | 6. a fine, pro <i>uxore</i> l. <i>uxores</i> . |
| 186. | 12. a fine, pro <i>willervs</i> l. <i>wellervs</i> . |
| 187. | 6. pro <i>spem</i> l. <i>spe</i> . |
| — | 10. pro <i>adde</i> l. <i>addatur</i> . |
| 189. | 11. pro <i>ac</i> l. <i>ne</i> . |
| — | 9. a fine, pro <i>prohibeatur</i> l. <i>prohibentur</i> . |
| 190. | 3. a fine, pro <i>υποδυνα</i> l. <i>υποδυνατα</i> . |
| 191. | 6. pro <i>MELDONATO</i> l. <i>MALDONATO</i> . |
| — | 11. a fine, post voc. <i>exsiliunt</i> supple: <i>interpretes</i> . |
| — | 7. a fine, pro <i>exeuendi</i> l. <i>exuendi</i> . |
| — | 4. a fine, post voc. <i>commendet</i> ponatur comma. |
| 192. | 7. pro <i>dicitur</i> l. <i>dicatur</i> . |
| 194. | 7. a fine, post voc. <i>denunciata</i> non (;) sed (,) locum habet. |
| 197. | 11. pro <i>Leguntur</i> l. <i>Legitur</i> . |
| — | 16. post voc. <i>percipitur</i> deleatur comma. |
| 198. | 16. pro <i>ital</i> l. <i>sic</i> . |
| — | 17. pro <i>operatur</i> l. <i>operetur</i> . |
| 200. | 11. pro <i>Davidis</i> l. <i>Dauidem</i> . |
| — | 7. a fine, post voc. <i>indicetur</i> collocetur comma, pro <i>purgati</i> l. <i>purgari</i> , deleatur <i>to abesse</i> et comma. |
| 201. | 4. pro <i>Danides</i> l. <i>David</i> . |
| — | 3. a fine, pro <i>deriuatur</i> l. <i>deriuata</i> . |
| 203. | 2. pro <i>labore</i> l. <i>labare</i> . |
| — | 16. post voc. 2 <i>Tbess. III. 3.</i> supple: <i>iudicandum est</i> . |
| 204. | 2. a fine, pro <i>factus</i> l. <i>foetus</i> . |

Pag.

INDEX III.

- Pag. 204. lin. I r. pro ALTSTEDIVS l. ALSTEDIVS.
205. 15. pro *refutatur* l. *refutatum*.
207. 5. pro *aera* l. *aerem*.
- 16. pro 681. l. 687.
208. 13. pro *Additur* l. *Addantur*.
209. 7. post voc. *simul* appone comma.
- 13. pro *Hypodexas* l. *Hypodias*.
210. 6. pro *glacie* l. *glaciei*.
213. 20. pro *commemoratur* l. *commemorantur*.
- 22. post voc. *carnis* pro (,) collocandum punctum.
- in nota, lin. I. pro *alios* l. *alia*.
214. 5. pro *academicae* l. *academiae*.
- 8. pro MELADIO l. MELODIO.
- 5. a fine, post voc. *illos* apponatur comma,
216. 7. pro *fuisse* l. *fecisse*.
217. 3. a fine, deleatur *et*.
- 11. post voc. *volenti* supple *exercitum*.
219. 5. a fine, pro *hic* l. *nec*.
221. 10. pro *Actor. VII.* l. *Actor. XV.*
222. 2. a fine, pro CHAITOMAEVS l. CHETOMAEVS.
223. 8. post voc. *haec* pro (:) substitue comma.
- 10. pro *iubet* l. *iubens*.
224. 12. post voc. *ducere* superfluum est comma.
- 17. pro LVDWORTHVM l. CVDWORTHVM.
228. 13. a fine, pro *indicia* l. *indicio*.
229. in nota, lin. I. a fine, pro *conseruenda* l. *conseruanda*.
230. 18. pro *Argumento* l. *Argumenta*.
- 6. a fine, post voc. *prolatum esse* omissum est comma.
232. 10. pro *praebendam* l. *praebendum*.
- 12. pro *vupaywv* l. *ovpaywv*.
235. 8. pro *vero* l. *vere*.
236. 6. a fine, pro *medicatione* l. *praedicatione*.
237. 3. a fine, pro *mundata ac ornata*, l. *mundatae ac ornatae*.
239. 4. et 3. a fine, pro *eandem chordam* l. *eadem chorda*.

INDEX III.

Pag. 240. lin.	6. a fine, pro <i>translati lege translatis</i> .
242.	2. pro <i>habentes</i> l. <i>habens</i> .
244.	5. a fine, pro <i>alendarum</i> l. <i>alendorum</i> .
246.	ult. pro <i>antiquario-egetica</i> l. <i>antiquario-exegetica</i> .
248.	14. a fine, deleatur <i>to thimen</i> .
—	7. a fine, pro <i>falsaque</i> l. <i>falsoque</i> .
—	4. a fine, post voc. <i>resurrectione</i> del. comma.
250.	11. a fine, pro <i>salutantes</i> l. <i>vertentes vocem</i> .
256.	11. pro <i>amicissimis</i> l. <i>amicissimi</i> .
—	16. pro <i>credeam</i> l. <i>credam</i> .
—	4. a fine, pro <i>Saul</i> l. <i>Samuel</i> .
258.	8. pro <i>alios, qui</i> l. <i>aliosque</i> .
259.	11. a fine, pro <i>noluerit</i> l. <i>voluerit</i> .
—	13. pro <i>Sam XXXIV</i> l. <i>XXIV</i> .
260.	13. a fine, post voc. <i>proiecisse</i> deleatur comma.
264.	2. a fine, pro <i>uti est</i> l. <i>uti videre est</i> .
265.	12. pro <i>altius</i> l. <i>aetius</i> .
268.	in nota, lin. 4. pro <i>laborissimo</i> l. <i>laboriosissimo</i> .
271. lin.	13. 14. deleatur <i>HARENBERGIVS</i> loc. cit. p. 19.
272.	ult. pro <i>interim</i> l. <i>hanc scribentem</i> .
274.	12. pro <i>reprehendimus</i> l. <i>deprehendimus</i> . Ibi- dem post voc. <i>deprehendimus</i> tollendum et- iam comma, superfluum, uti alibi saepius.
277.	3. post voc. <i>familis</i> pro (;) substitue (;)
279.	13. a fine, post voc. <i>illud</i> deleatur comma.
—	3. a fine, l. <i>corpus Agamemnonis</i> , id est <i>Agamem- nonis</i> .
281.	17. pro <i>sunt</i> l. <i>est</i> .
282.	2. pro <i>adhiberi</i> l. <i>adhibere</i> .
285.	10. post voc. <i>commemorat</i> omissum comma est.
—	3. a fine, { pro <i>Heyland</i> l. <i>Heiland</i> .
286.	10. }
287.	4. 5. pro <i>passionem et resurrectionem</i> l. <i>passio et resurrectio</i> .
—	11. a fine, pro <i>dicitur</i> l. <i>di atur</i> .
289.	9. a fine, pro <i>יִסְכְּנוּ</i> l. <i>יִסְכְּנוּ</i> .
290.	12. a fine, post voc. <i>circumstantia</i> pro (;) ad- esse oportet comma.

Pag.